


გერაბ ელიოზიშვილი

კურდღლის
სიზღარა



„ნაკადუმი“
თბილისი—1987

კერძოლის წელიწადია თურმე წლევეანდელი წელი ჩინური კალენდრის მიხედვით.

„ქილილა და დამანასაეით“ მეც ცხოველები და მათ შორის კერძოლელი წარმოუადგინე ამ მოთხრობებში, სანაშენე ბულაგუდოკა, სადედოფლო დეკეული, ზღარბი-ბუძგა, მერცხლები, თაგვიონ-ვირთაგვიონი...

„გულითა გაუტეხელით და მოუღალავი მკლავითა“ უნდა შევხედეთ ქართველები წლევეანდელი უღეთო ზამთრის გულსაკლავ შედეგებს... ადამიანთა და შინაურ ცხოველთა მსხვერპლისა და ზარალის გარდა ჩვენს მშობელ-შემნახველ ბუნებასაც საშინელი ლახვარი ჩასცა სტიქიამ. ცასა სწვდებოდა ჩვენი მთისა და ჩვენი ტყის ბინადართა მოთქმა-გოდება, მაგრამ არ შეისმინა ცამ მათი ჩივილი, ზუავსა და ზათქში გააქრო მათი საჩივრის უკანასკნელი ამონაკვნესი.

თუნდაც ამიტომ და სხეაც ბევრი რამის გამო მაინც დიდი მშვიდობისა და დიდი შრომის წელი უნდა შეიქმნას წლევეანდელი წელი თითოეული ჩვენგანისათვის!..


მხოლოდ ახალი აზროვნების მოწინავეთა რიგებშია ჩვენი ყოფნა აუცილებელი.

პირველი-მეორე გამოცემა

© „ნაკადული“, 1987

70303 — 172

ფ ————— ბრძ. № 160 — 87
M 603 (08) — 87



ძროხის ქურდი

შუა ქართლის სოფელ ქვაშავში დაბრუნდა ძროხის ქურდობაზე ორგზის ნასამართლევნი, ორმოცი წლის კაცი, ვაჟა ხრიოკაშვილი, ამნისტიამ უწია და ვადაზე ორი წლით ადრე დაუბრუნდა იგი გატიალეებულ სახლ-კარს, ქვრივ დედას. კრამიტის ქარხანაში მომუშავე ქმარგანაყარ დასა და თორმეტი წლის დისწულს. მეექვსეკლასელ გოგიას...

ბაქნის კიბესთან მიეყენებინა ავტობუსი ტყავკურტაკიან სიძეყოფილს და ხუმრობ-ხუმრობით ეპატიებოდა ბალგანაყიდს, შინდაბრუნებულ თანასოფლელებს. პატარა ავტობუსის გაღნიშვებულ კართან დამდგარიყო ვაჟას ყოფილი სიძე და მგზავრს არ ტოვებდა ულაპარაკოდ, გაუქილიკებლად. საკმაოდ თავხედური, უშიშარი იუმორით აჯილდოებდა ავტობუსში ამავეალ თანასოფლელებს შოფერი:

— მებლევებო, ჭირიმე თქვენნი!.. რა დრო იყო, ვანუა, ბალი ათი შაურიიო... თავის ქება კიტრადაო, კიტრი — არც კაპიკადაო! თქვენ რო არ დაბლიანობდეთ, თქვე სამდათშაურიანებო, ქალაქის დეზერტირებში. რა უბლოობა ჩამოვარდებოდა თბილისქალაქში, თქვე იღბლიანებო, თქვენა. ბლიყიდვით ოჯახაშენებულებო, თქვენა!.. ალია-ბალია აბაზი მოვიგო თითო მებლეზე და ისიც

გშურთ... აბა, აბა, კალათები ზევით, საბარგულ-სახურავზე შეჰყარეთ! თრთინებევით რომ დამიღრღენით ტყავის სავარძლები!.. ზევით, ზემოდ შეაგდე-მეთქი, ალექსა, ჯანდაბამ გაგლექსა შენცა და შენი ბლიკალათიც, ბლისკინელო, გაუყიდავი რომ მოგაქ ბალი შინა, შე ბლიაშვილო, შენა!.. სააკაძე, ჩვენი დიდი მამულიშვილიც ეგრე გაუყიდავი ბლითა ბრუნდებოდა, აჩხორილი კალათებით, დედასა! ჩალმიანი თავებით სავსე გოდორკიდებული ქარავნებით მობრძანდებოდა მამულიშვილი ნოსტეში, მამულის შემარცხვენლე-ბო, წუწურაქებო! ამოდით, ამოდით დროით!

— სამი კალათი გავყიდე, სასვლეები ბალი, აგე, კალათები, ზევით შევეყარე. ეს კიდე სამეფო ბალია. ვეძებე და ვერავნახეს ჯიშისაა, სათავადო, თავადები საყდარში წაუყვანიათ, ჭია-ლუა ხალხი კი ამის მუშტარი ვერ გახდა... მურაბას გავაკეთებ სულაცა, შაქარი ამას არ უნდა და მაქარი, თაფლი სდის, თაფლი! კილოზე ხო კილო შაქარი უნდათ, უჯიშო ბლიმურაბა რო მოხარ-შონ, ეს კი უშაქროდაც მურაბაა და ოთხ მანეთზე შემომწყრენ, დალოცვილიშვილები! არ უნდათ? — ნუ უნდათ!

მერე წაიხარა ალექსა, ყურთან ახლოს მიუტანა კუნწულასავით პაჭუა ცხვირი შოფერს და ციხემოვლილი მოყვრის ჩამობრძანება ახარა. თქმა და დანახვა ერთმანეთს დაემთხვა და შოფერი დაიბნა, აირია...

— მოყვარე ჩამოგივიდა, ბიჭო, ეგ სააკაძე და შენ — შადიმან ბარათაშვილი, ენდე!.. პატიმრობიდან დაგიბრუნდა ძროხისქურდი, გაიხარე!.. გეცა თუ არა პირკატი, შე სულძაღლო, პროგრამაში რო გიზივარ სულ ერთთავადა!.. მიდი, რაღა, დაასწარი, გადაკოც-ნე, მერე ნახე შენი ოქროს ბოლოსქნევაი! მოგაკეტინე?! — მია-როშა გლეხმა მოურიდებლად და ავტობუსში მოკალათდა...

ზეზეულა მგზავრი ბევრი იყო ჭერეხივით გადატენილ ავტობუსში, მაგრამ ერთი ადგილი შოფერის გვერდით თავისუფალი დახვდა ვაჟას. ბერკეტი ვაჟამ მოსწია და კარი ჩაიკეტა. ავტობუსი ნელ-ნელა დაიძრა. აღარც სიძეყოფილს უანგლია სადგურიდან სოფლამდე და გლეხებმაც სიჩუმით ამოპირეს გატენილი ავტობუსი...

მეტეხური აგურით მოსირმულ, შუბლგანიერ, რკინა-ბეტონ-ალაყაფიან, ხეივნებიან სახლებთან ჩერდებოდა ავტობუსი დრო-დადრო და თითო-ოროლა მგზავრი აკლდებოდა...

ვაჟას არყოფნის ექვსწლედში სოფელს ბარე ექვსჯერ ოცი ახალი სახლი მიმატებოდა, კრამიტის ქარხნის დიდი რეკონსტრუქციაც მომხდარიყო და ერთი ვეებერთელა თეთრი ფერმაც ალავერდივით წამოჭიმულიყო ვრცელ ველზე. სადგურიდან სოფლისკენ მიმავალ გზაქუჩაზე დღის სინათლეები დაეყენებინათ, მოეასფალტებინათ გზა და ავტობუსის რეისიც გამოეყო სადგურიდან სოფლის ბოლომდე, კრამიტის ქარხნამდე. თითქმის ყოველ სახლს თავისი გარაჟი ჰქონდა დატანებული. მსუბუქი მანქანებიც მრავლად დაჟივთივებდნენ დაბადქვეული სოფლის ქუჩა-ქუჩებში...

ავტობუსი თანდათან შეთხელდა და ნამოყვრალი და სიძეყოფილია შემორჩნენ საბოლოოდ მანქანას. სინესტეაწოვილ, ქვითკირშელახულ სახლთან გაუჩერა ცარიელი ავტობუსი სიძეყოფილმა ნამოყვრალ-ნაპატიმრალს და მგზავრის ჩასვლის მოლოდინში გატვრინდა.

ავტობუსის ფანჯრიდან გასცქეროდა ვაჟა გასაცოდავებულ თავის ეზო-ქარს, უფრინველოთა და უყუფრად რომ გამოლამებულებოდა და გარინდულიყო. საღამო ჟამს საკენკის ჩხარუნით გამოწიავდა თავსაფრიანი ვაჟას დედა და ბოლომოდღვნილ მამალსა და საპიოდ დედალს ნაკმაზი მიმოუყარა. მერე ცერად გახედა დედაკაცმა ცარიელ ავტობუსს, წვრილნაკადა ონკანს შეუშვირა შინიდანგამოყოლილი, მურიანი ქვაბი და ქვიშიანი ჩალა აუფანდურა...

— მოვედით! — დიდი სიფრთხილით შეახსენა სიძეყოფილმა გატვრენილ ვაჟას.

— მოვედით-მეთქი... — კვლავ გაუმეორა მძლოლმა მგზავრს.

— შენცა? — იკითხა ვაჟამ, სიძეყოფილს ახედა და წამოიწია. სიძეყოფილი დუმდა.

ვაჟას წამოდგომა ჩასვლად ენიშნა შოფერს და ძრავი ჩართო. ვაჟამ წინ გადაინაცვლა მხოლოდ და მგზავრის მოწინავე სკამიდან ტყავგადაკრულ, სახელოსნო, შოფრულ ყუთზე ჩამოუჯდა მძლოლს.

— შენცა-მეთქი? — აულელვებლად გაუმეორა კითხვა ნამოყვრალმა სიძეყოფილს და ანთებულ ასანთს დაადო ორგროშიანი სიგარეტის წვერი.

— მე, მე არა... მე რალათა?!

— დიდი ხანია? — ჰკითხა ვაჟამ და კიდევ მოქაჩა.

— ...ალიმენტს არ ვუგვიანებ, თვიდან თვემდე ვუხდი, ისე-

დაც მიჰიარავს თვალი: ბურთია, წიგნები, კედლები... უარს არც სხვა წვრილმან დახმარებაზე ვამბობ... — ოჯახთან ურთიერთობის თავი და ბოლო გამოუჩინა სიძეყოფილმა ნამოყვარალს...

— წავედით! — თქვა ვაჟამ მშვიდად.

— სადლა? აგე სახლი!..

— სოფელი დამათვალიერებინე!..

სიძეყოფილი აიჭინჭრა და უხალისოდ დაძრა მანქანა.

— თან ილაპარაკე, ეგენები შენ აკი არ გიჰიარდა?! — დააზუსტა სურვილი და კვლავ მოქაჩა ვაჟამ...

* * *

ერთმგზავრიანი, ცარიელი ავტობუსი ნელ-ნელა დაგორავს ქუჩა-ქუჩა. შუქები აენთო სოფლად და სანახაობა გამკაფიოვდა. თუმცა მზე ჭერ არ ჩასულა!..

— ეს მიტოს სახლია, რკინიგზელისა, დედა ხო მოუკვდა, მამა ცოცხალი ჰყავს... მეზუფეტედ დასდევს სოჩა-თბილისსა. ერთი ცოლი იქა ჰყავს, მეორე აქა. სახლი რაც არი, შენცა ხედავ... დაბლა სართული ერთიანი ზალაა, სამასი კაცი ეტევა ცალპირად, — სოფლის ამბავს უყვება შოფერი ნაპატიმრალს. — ისა, მიმინოს სახლია, მიხასი... მგონი შენსობას ჩადგა... მას აქეთ უმატებს და უმატებს, უმართლებს ზოგსა და! ის კიდეც კაკლუასია, ზაგოდერნოს ყარაულისა, მეორე მეტსახელი ბელურა შეარქვეს.. ჩვენზე უფროსი იყო, გეხსომება... უმცროსი უფროსს უფრო ადვილად იმახსოვრებს...

— შახსოვს... განა მაგდენი რა იშოვნა, რო?! ფეხზე დამდგარხართ უჩემოდ, წავიდე, რა ვქნა?! — გაიღიმა ვაჟამ და კვლავ ქუჩას გააბარა თვალი.

— ვინ გაკეთდა და ვინ კი ვერა... ჩემ აბაზიანზე უდგებათ თვალი ზოგიერთებსა და თვითონ კი გააქვთ და გამოაქვთ.. აბა, ამ ნაკრბალ დროში მაგადანს რომ ხილს წაიღებს, თანაც გაკეთებული გირებითა ქართველი კაცი, ჩემი უნდა გაუჰკვირდეს ვინმესა, მანქანის ქვეშა ვგორავ, ნაწილებსაც ჩემი ჭიბიდან ვყიდულობ...

— გავიხადო, ჩაგაცვა?! — აგდებულად ჰკითხა ვაჟამ სიძეყოფილს და გახუნებული სვიტრი გადმოიქაჩა კისერზე, ვითომც გასახდელად...

— არა, სამაგისო არ მჭირს, მაგრამ... აგერა, ყასაბ-კოლას სახლი... რაღა სახლი, სასახლეა... რა ავეჯი, საიდან-სად, რა ყველაფერი... ერთ პოლკს არა, მაგრამ ბატალიონს თავისუფლად დააძინებს სანაძლეოზე. უშვილოსავით კი არის და, რა თავში იხლის!..

— უშვილო? კოლას არ ამბობ, ნაკოლკოლას რომ ვეძახდით? გოგო აკი ჰყავდა!..

— ვინც სად დაფხანს, იქა წვება, ერთი პრიუტი გაიხსნება მაგის სახელობაზე, რამე რომ იყოს... მაგისი კვერცხის ნაჭუჭი ქვეყანას მოედო. ყასაბ-კოლამ ერთიც არ შეიკედლა შვილიშვილთაგან, ნაბუშარი გზამ მონათლოს, ქუჩამაო, ყველა გამოჰყარა...

— შენი სახლი რომელია?..

— ჩემი... ჩემი აბა რა მოსატანია აქა! შენ დას რომ არ აერია, სხვაზე ნაკლებ არ გავიმართებოდით, მაგრამ... აგერ ჩემი სახლი, გარედან მტერს უყენებს თვალს და შიგნიდან მოყვარესაო, ეგრეა ჩემი საქმე... აი, ესე კაპიკ-კაპიკ ვცდილობ და ვრაღაცაობ... ვეროს რომ არ აერია, შენ დასა, ბარემ იცოცხლე, მაგრამ... თავზე მიწა გვეყრება ჩორნაპოლიდანა, ლამფა რა არი, ის ველარ ავაკარი...

— არა, მართლა? — გაურკვეველად ჰკითხა ვაჟამ.

— მართლა, მაშა! ჩემზე უბედური სახლი ჩემზე უბედურსაც კი აღარავისა აქვს მთელ სოფელში. ერთ ორ შაურსა ვმოულობ და ეგ არი... ალიმენტსაც დროზე ვიხდი... სხვაფრევაც თვალი მიჰკირავს...

ვაჟამ საგზური აართვა ცხვირწინ სიძეეყოფილს, ჩაათვალიერა:

— მე ძროხის ქურდი უნდა მერქვას და შენ კი შოფერი?! მაშ, მანქანის ქურდი არ უნდა გერქვას შენა, ჰა?!

— მე ხომ არ შემირქმევია შენთვის ეგ სახელი და ჩემგან რა გინდა?

— არა, შენ რატომ არავინ შეგარქმევს-მეთქი მანქანის ქურდსა, შე, შე, აბა, ერთი ამოყარე დღის ნავაჭრი. ერთი... მიდი, ხო მართალი კაცი მიგდია შენი ლაყე თავი, ამოალაგე! — შენ მე რა ზღაპარს მიაშობ, გინდა დამაძინო?! ნახევარს ჯიბეში იღებ, შე ნეხვო, შენა!.. შენ ჩემ დაზე აღარ დაიჩივლო დღეიდან, თორემ ლაფშას ზეზეულად გავაკეთებ შენი კანის ტყავისაგან!.. ზეზეულად-მეთქი!.. წადი!..

— ბენზინი ნოლზე მაქ, ფარეხში უნდა დავბრუნდე...

— „კალონკაზე“ მიდი, ჩაუმატე!.. ღამის მატარებელს არ დახვდები?..

— არა... ორი ღერი მგზავრი ჩამოვა ხოლმე და იმათაც კერძოები იტაცებენ... ნახევარსოფელი ტაქსაობს... დამემდურებიან ბიჭები. თავად ისედაც არ მიყურებენ რიგიანი თვალით...

* * *

„ბენზოკალონკის“ მუშაკმა, ვაჟას ყოფილმა ძმობილმა, თვალი მოჰკრა თუ არა ავტობუსის ერთადერთ მგზავრს, ვაჟას, სასწრაფოდ ამოიჭრა მანქანაში და ძმაცაი გადაკოცნა:

— ჩამოხვალ, ძმაო! ბიჭო, ვაჟა, შენ გენაცვალე!.. დაკეცე, წავიდეთ, ტკბილი პური ვქამოთ... უარი არ გამაგონო, თუ ძმა ხარ!..

— არა, კაკოჯან, ჯერ შინ არც მივსულვარ!.. ხვალ იყოს, ზეგა, წამსვლელი არა ვარ... გნახავ... წავედით! — განკარგულებასავით თქვა ვაჟამ. ავტობუსი დაიძრა. კაკო მანქანიდან ჩამოხტა და ხელი დაუქნია მიმავალთ...

სოფლის კერძო ნახირმა მანქანის მოძრაობა შეაფერხა. საძოვრიდან შინ ბრუნდებოდნენ მომცრო, ხევსურული ჯიშის ძროხები. სიძეყოფილი საყვირითა და კარებზე ხელის ბარტყუნით ცდილობდა გზის გათავისუფლებას, ჯერჯერობით არა გამოსდიოდა რა და ტატიტ მიჰყავდა ავტობუსი. სასადილოს რომ გაუსწორდა ნახირი, ერთბაშად ოცი-ოცდაორი წლის ვაჟი გამოხტა სასადილოდან და ნახირში შევარდა. ტოლი ბიჭი დაედევნა ფეხდაფეხ. მდევარს სისხლი სდიოდა ცხვირიდან. გახელებული ცდილობდა დაწევას, ცხვირსახოცაფარებული იგინებოდა. სანახაობას ხალხი დაეხვია და ფარეხივით შეკრეს ნახირი. საქონლის ლაბირინთში დარბოდა ორი ტოლი თანასოფლელი ერთმანეთის გასასრესად. ძროხის მუცლებქვეშ გაუჩინარდებოდა ხოლმე დევნილი და მოულოდნელად სულ სხვა ადგილზე ამოჰყოფდა თავს. უშვერი სიტყვებით აგინებდნენ ერთმანეთს, მაგრამ საქონლის ბლავილში დანაწევრებულად ისმოდა ლანძღვა-გინების ხმები. მოსეირეთა სარტყელი აგუბებდა ნახირს, საქონლის სიმჭიდროვეში კი ჭირდა ჩარევა და მიახლოება. გაშმაგებული მდევარი მუშტსა და წიხლს ურახუნებდა პირუტყვს, ერეკებოდა, მიღწევას ლამობდა. დისწულის მოწოდებულ ბოლო კურტნებს.

ერთი ხანობა იმდენად მიუახლოვდა მღევარი დევნილს, რომ ორი ძროხის ზურგილა იდგა მათ შორის. დანამ იელვა მღევარის ხელში. ვერა და ვერ უწია მოწინააღმდეგეს, ვადითა სცემდა პირუტყვს გაშმაგებული, ზურგიდან ზურგზე მიცოცავდა, მიხტოდა, დევნილი ჩაიმალა. მღევარიც გაუჩინარდა. მანქანებზე შემდგარიყვნენ მოსეირენი და თვალს აცეცებდნენ, მთავარი მომენტის გაშვება არ უნდოდათ. აზარტით გათანგულმა სიძეყოფილმა ვაჟას მოხედა, აღარც მანქანაში იყო ვაჟა და არც სადმე ჩანდა ირგვლივ. უბნის რწმუნებული მილიციელი მანქანის კაპოტზე შემხტარი უსტვენდა და თან გადაძებული თვალით ეძებდა ნახირქვეშ გაუჩინარებულ მოჩხუბრებს... და ერთბაშად ვაჟას ზორბა ტანი აღიმართა ნახირის შუაგულში. ახალი ფიგურის გამოჩენამ უფრო დაძაბა სიტუაცია წამით. ვალარაფერი გაიგო ხალხმა, ვიდრე ვაჟას გვერდით ვაჟას მიერ განიარაღებული მღევარიც არ გამოჩინდა. მერე კი მესამე ფიგურაც შენიშნეს მოსეირეებმა. ნელ-ნელა შვებით ამოისუნთქა საქონელმაც და ხალხმაც, ნახირმა გზა იპოვა, მოძრაობა გაჩნდა. რაღაცას გაფაციცებით უხსნიდა სიძეყოფილი მანქანის საფეხურზე შემომდგარ რწმუნებულს და თან მანქანას მართავდა. მერე ჩამოხტა რწმუნებული და ჩქარი ნაბიჯით გაიკვლია გზა შემთხვევის ადგილისაკენ...

— ბიჭო, ვაჟა, გამარჯობა! — შორიდანვე ხელგაწვდილი გაემართა რწმუნებული ვაჟასაკენ. ვაჟამ კლერტის ლეჰვით გართულ ძროხის ზურგზე დადო მზარეულის ბრტყელი დანა და რწმუნებულს ხელი ჩამოართვა:

— გაგიმარჯოს, ბიძო!.. ბიჭები ესენი არიან, — გაიღიმა ვაჟამ და მოჩხუბრებს გადახედა. გასავათებული, არაქათგაცლილი ბიჭები ფუნამოძქძგვილ ასფალტზე ჩამსხდარიყვნენ და ფეხებშუა იყურებოდნენ.

— რაც საჭიდაო მოედნებმა იკლო სოფლად, ჩხუბმა და იარაღმა იმატა. მაინც რა ზღაპარივით გაჩნდი, ჰა?! — დანა აიღო რწმუნებულმა, ჩანთაში ჩაუშვა პირით.

— ჯერ სახლშიც არ მივსულვარ, დიდი ხანია წესრიგში ხარ?..

— არც ისე... ერთ ვარსკვლავს შევცქერი, ვერა ხედავ!.. უნდა გამოიარო ჩემთან! უსიკვდილოდ!.. საბჭოს წინა ვარ... წამოღით! — უბრძანა რწმუნებულმა დათეთქვილ ახალგაზრდებს, — უნივრო ხაშის სუნი გიღით, თქვე მამასულკეტიანებო!..

დედის შეკაზმულ მინდვრის ლობიოს შეექცეოდა ვაჟა საკუთარ სახლში. მარცხნივ და უჯდა, ვერო, მარჯვნივ დისწული, გოგია. დედა თავს ადგა და ცრემლებს იხოცავდა.

— იმოდენა ტელეატელიე გვიდგას და ნალბანდები ჰყავთ ხელოსნების მაგიერად, შენ ვინ გეტყვის უარს, ვინ არ მიგიღებს, ოქროხელავ. — ეთათლებოდა ვერო ძმას და თვალეში შესციინებდა.

— ახლა ატეკა აიღე, შვილო, ტოლიატიდანა ჰყავთ ორი რუსი ბიჭი ჩამოყვანილი, — ჩაერია დედაც...

— ტოლიატიდან კი არა და, გორკიდანა ჰყავთ ჩამოყვანილი, — თქვა გოგიამ საბუთიანად.

— ჩააღრჩვეს კია გაკეთებულ ღვინოშია და, გაქცევაზე არიან... შენ როგორ არ მიგიღებენ, — დაასრულა სათქმელი დედამ...

— ქვას წყალს გამოვადენ, დედი, დავტრიალდე რო!..

— შენი იმედი გვაქ, თავშემოგველე თორემა, აგე, ხო გვხედავ...

ვერომ დედას წაუშუჯლუგუნა ვაჟას დაუნახავად.

— განა ვჩივი, შვილო, მაგრამ უკაცო ოჯახი ჯერ ცეცხლში უნდა დასწვა და მერე კი წყალს გაატანო!.. — მაინც მოიფხანა გული დედამ.

— კერამიკულ კომბინატშიაც გაიგებენ შენს ჩამოსვლასა, ძმაო, იქაც დაფაცურდებიან, მოგიკითხავენ... ტრანსფორმატორი თუ რალაც ჯანდაბა დაგვეწვა იმ დღეს და სანამ თბილისიდან არ ჩამოიყვანეს ოსტატები, მანამ ვერას გახდნენ, ვინ მოგასვენებს! — ელუღუნებოდა და...

— ჟიგულის ძრავი ხომ იცი, ძია? — მოულოდნელად ჰკითხა დისწულმა გოგიამაც...

— ყველა შიდაწვის ძრავს ერთი პრინციპი აქვს, ვაჟკაც... რა იყო?

— სუ გორში და თბილისში დარბიან ჟიგულის პატრონები, — თვალეები უბრწყინავდა ბიქს.

— ჯერ სახლ-კარს მივხედავ. ცოტა რამ ჩამოვიტანე ხელისფულად, კრამიტს შევცვლი, ჭარხანა აქვე გვაქ, კავ-ბოძებსაც შე-

ვახლებ, სამუშაოსაც გავიკითხავ... რწმუნებულთანაც მისასვლელი ვარ. ბიძინა დაუყენებიათ, ჩემი სკოლის ამხანაგი...

— რამდენჯერმე მკითხა შენი ამბავი, დედა შემოგვევლოს, ჯერჯერობით კარგი სახელი აქვს, ცდილობს, მერე თუ არ მიჰქარა!

— მასალა ხომ არა ჭირს აქა? უჰ, რაც რომ შორეულ წყლებში ხე-ტყეა დაძირული!..

— მაგეებს ჯერჯერობით შეეშვი, შვილო! ჯერ გადაჰამენ ხეტყის საწყობებს, მერე ცეცხლს წაუკიდებენ. ორცეცხლშუა იწვის სახლის მშენებელი ჩვენში, დედაშვილობამ, შენ საქმეს მიხედ!

— მე მასალა ვიკითხე, დედი, შენ კუდი მიაბი. მეტ ფასს მე ეგენი ვერ გამიბედავენ...

— მაგათ გარჩევა არ იციან!.. ერთ ცალ კოქს ოთხ და ხუთ თუმნადა ჰყიდიან, ეგ მართლა დასაწველები!.. კავს, ბოძს, ისეთ ფასს დაადებენ — იტყვი, სპილოს ძვალაო... მე ყური დამიგდე შვილო: ჯერჯერობით ტოლი დავაფაროთ სახლსა, მერე, შენც რომ ჩადგები და გაიმართები, სახლიც ფეხზე დადგება და გაიმართება. ვეროც კარგა ჯამაგრობს, ორ ნორმაზე გამოდის. გამოიხრუკა კი საკრამიტეში ეს საცოდავი, აგრემც გამოეხრუკება, და უდნება ჯანი იმ ჩვენს სიძესა, ქონის გუდასავით რომ ჩამოიპოხა და ჩვენ კი შოფრიჯამაგირიდან გვიხდის ალიმენტსა, განა შემოსავლიდანა რო!..

— ყველაფერს მოეველება... ძმაკაცებიც მომხედავენ, — თქვა ვაქამ და ჯამი გაწია.

— ღმერთმა ჯნას!.. ისე კი ფეხძვირად იყვნენ შენს არყოფნაშია და...

• • •

შემდგომ, ღღეთა მსვლელობა ისე წაეწყო, რომ თავისი საქმით დაკავებულმა ვაჟას მეგობრებმა დიდი ვერაფრიშვილი დახმარება გაუწიეს. ვალის მოხდას უფრო ჰგავდა ერთ-ორ ოჯახში მისი მიპატიჟება. იქაც ისე დაათვრეს, რომ კედელ-კედელ დაბრუნდა შინ, ძმაკაცების თანხლებით. არც სამსახურში მოწყობის საკითხებზე დაფაცურებულან მაინცა და მაინც; შეპირდნენ,

შემობირდნენ და... ნასყიდობის გუჯრებივით ჰქონდათ თავ-თავი-
ანთი სატვლეპი ადგილები ჩაბლუჯული, კაპიკში — კამეჩს ხელავ-
დნენ. ყველას თავისი გეზი ეპოვნა ცხოვრებაში. ყველას თავისი
კავშირურთიერთობა დაემყარებინა გარემოსთან და საექვო წარ-
სულვაშოვლილი ვაჟა ხრიოკაშვილის დანაგვიანებულ-დაგვიანე-
ბული ცხოვრების გასაკვლევად დრო აღარავის ეყო. სახლის სა-
ხურავის აყრაში თუ მიეხმარა ორიოდ ძმაკაცი, დახურვაზე არა-
ვინ გამოჩენილა და ბიძა-დისწულმა იძრომიალეს კრამიტებზე...

ვაჟას თანაკლასელი, უბნის რწმუნებული ბიძინა შემოიღლიდა
ხოლმე სხვაზე უმეტესად. თანამდებობრივადაც ეხებოდა მას შინ-
დაბრუნებულის ამბავი და ბალობიდან თანშემოზრდილი ურ-
თიერთობის წვენიც არ დაშრობოდა სხვებსავეთ. ასე იყო თუ ისე,
ვერც მან მოახერხა შესაფერი სამსახურის პოვნა ვაჟასათვის; სა-
პირწამლედ შეგულებული რამდენიმე სამსახურის პოვნა ვაჟასათ-
ვის; საპირწამლედ შეგულებული რამდენიმე საქმე ვერც ხელფა-
სის გამო აკმაყოფილებდა ვაჟას და ვერც მორალურად...

ალალმართალს და სპეტაკ აღამიანსაც გასჭირვებია ხშირად
ნაბიჯის წინ გადადგმა და აბა, რა გასაკვირი უნდა ყოფილიყო, რომ
ძროხის ქურდობაზე ორგზის ნაყურყურებ კაცს, რა გინდ ოქრო-
ხელაც არ უნდა ყოფილიყო, ერთბაშად ვერ მომართოდა ხელი...

მერე იყო და, დიდი ძვრების პატარა ბიძგებს ამ მხარეშიაც
ჩამოელწია: ზოგი მოეხსნათ, ზოგიც დაენიშნათ, ზოგიც გაესტუმ-
რებინათ. ახალი კაცი ძველს თავს არიდებდა, თუ სადმე ძველი
კაცი შემორჩენილიყო, ისიც ახლობდა და სიმტკიცის ნიმუშად
ქცეულიყო.

ვაჟა კი ორჯერ გახლდათ ნასამართლენი ძროხის ქურდობაზე.
თუმცა სოფელში ტექნიკურ ჩხირკედელაობაში ბადალი არ ჰყავ-
და ამ კაცს იმთავიდან, გაცილებით სუსტ ხელოსნებს მიეტა-
ცათ საქმე და სახელი სახელოსნოებსა და ქარხნებში, მაგრამ აუტ-
კივარი თავის ატიკვება არავის ეწადა, არც კერამიკული ქარხნის
დირექტორს, არც „ატეკის“ გამგეს, არც ავტოპროფილაქტიკის
პატრონს. ჭარბი ფიზიკური ძალა, რომელიც ვაჟას ბუნებით მო-
მადლებული ჰქონდა, როგორღაც აკრთობდა და ანაპირებდა მის
მოკავშირეებსაც კი, უცხო ხელმძვანელებზე რომ აღარა ვთქვათ
რა. სააკაძის ნაფუძრელი ბიჭი იყო, მუშტის ერთი დარტყმით
ოთხივე ფეხში ადამბლავებდა, რაც უნდა მძლავრი საქონელი ყო-
ფილიყო. სოფლის ნახევარქათამა სკოლას სადა ჰქონდა თავი და

გაქანება, დიდ სარბიელზე რომ გაეშვა ეს უკალაპოტო ყმაწვილი თავის დროზე. ვაჟა ხან ღონეს აპყვა, ხანაც ტექნიკაში ივარგა; მსუბუქი მანქანის ძრავს მარტოკინა ერეოდა. თავადიანთ ნაქონი, სკოლის დიდი კედლის საათი ვაჟას ხელმარჯვეობის წყალობით რეკდა დღეში ოცდაოთხჯერ...

საბჭოთა მეურნეობა მსხვილფეხა საქონლის სარძევე კომპლექსად გადაეკეთებინათ და საქმე ისე აეწყოთ, რომ სარძევის შეშვერაც კი აღარ იყო საჭირო, პირდაპირ დაწნეხილი კარაქი და მრგვალ-მრგვალი ყველის თავები გამოჰქონდათ გაქათქათებულ სპეცმანქანებს, ტრანსპორტი ორ წელიწადში ერთხელ იცვლებოდა ახალთახალი მანქანით და ამრიგად აღარ საჭიროებდა ვაჟას-ნაირ ოქროხელა ხელოსანს, — დაახლოებით ასე გაურკვია უფროსმა სოფლის მეურნეობის მეცნიერების კანდიდატმა, საქმის ვითარება ვაჟას.

— ისედაც თოფიანი კაცი მიყენია წარმოების ალაყაფთან და ახლა ზარბაზნიანი გინდა რომ ჩავაყენო? — ასეთი პასუხით გამოისტუმრა ვაჟას მოწყობაზე თხოვნით მისული ბიძინა-რწმუნებული კომპლექსის დირექტორმა.

— არც აგრე გახლავთ საქმე, მორის, ვაჟას მე თქვენზე კარგად ვიცნობ; ასაკობრივმა ქარებმა გაუარა, კოლონიიდან საუკეთესო დახასიათება გამოატანეს. მე ვარ თავდები ბოლოს და ბოლოს!..

კერამიკულას დირექტორიც უარზე დადგა: — ცვლის ოსტატად მე მაგისი დამყენებელი არა ვარ, რომ ვიცოდე, გეგმას ორასი პროცენტით გადამაქარბებინებს... რიგით მუშად მივიღებ, თუ მაინცა და მაინც არ მომეშვებითო. — გასცა პასუხი.

— ხელოსანია, ოქროს ხელი აქვს, რკინას ცომივით ხმარობს, — შეაზვეწა ვაჟას თავი ბიძინამ „ატეკის“ უფროსს.

— გიშველა ღმერთმა, აგერ რუსთავი გვაქ, სანთლით ეძებენ მაგისთანებს...

— სამშობლოში დაბრუნდა, გამიგეთ, დედათან, დასთან, თავისიანებთან, სოფელთან... აქ უნდა ყოფნა...

— როცა გვინდა ჩვენ, ქართველებს, კასპიდან პონტოიამდე გვაქსო სამშობლო, რაღა მაინცა და მაინც ამყამად დამიკონკრეტეთ... ერთი პატარა ნაკადული ჩამოგვიდის და მაისის გასულს ისიცა შრება, რა ისეთი ბუნება ჩვენა გვაქვს, კაცი შეიშალოს და ამ ხრიოკში მოიკლას თავი, თანაც ყველამ იცის მაგისი ავან-ჩავა-

ნი... ჩამოწერის პირას მისული ერთი უანგიანი თვითმცლელი მე-
გულემა, ის გამირემონტოს და იმავე მანქანაზე დავსვამ მძლო-
ლად...

ისევ მერძევეობის კომპლექსის დირექტორს ეახლა ბიძინა.

— დამცინი, ბიძინა? დამცინი, ბიჭო?!

— როგორ თუ დავცინი?! რა შუაშია აქ დაცინვა?! რას კეკ-
ლუცობთ ბოლოს და ბოლოს! ვაჟა თუ ჩემი თანაკლასელი იყო,
შენი თანაკლასელიც გახლდათ, კარგად მოგეხსენება.

— მერე, მერე?..

— ტიკები ბერე! ეს ამოდენა კომბინირებული საკვების ქარ-
ხანა რომ გიფუქდება თვეში ერთხელ, ვაჟასთანა ხელოსანი ფეხზე
დაგიყენებს საქმეს!

— ნემსისა და აქლემის ქურდი ერთიანო, ბრძენმა წინაპარმა
რომ გვიანდერძა, იმ სიაში ძროხა განა გამოტოვებულა, თავის-
თავად იგულისხმება. ორგანოს მუშაკმა პირველ რიგში უნდა იცო-
დეს ეს! — წამოჭარხლდა მორისი.

— ორგანოს მუშაკმა ბევრი რამ იცის, თუ ცოდნაზე მიდგე-
ბა!.. — იწყინა ბიძინამ, — მე შენ უბრალოდ ადამიანური, ამხანა-
გური პირით მოგმართე, ჩვენივე ყოფილი თანაკლასელის თაობა-
ზე... დაჰკა უბედურსაო, ეგრე გამოდის.

— არა, ბიძო! მე რომ ვაჟა ძროხას არ მომპარავს, არ დამიკ-
ლავს. კარგად ვიცი, მაგრამ სოფელი ყბად აგვიღებს, თანაც ჩვენი
ენაკვიმატი ხალხი!.. სამმართველო, სამინისტრო, ამბავს ჩაიტა-
ნენ... ძროხის ქურდი მიიყვანა ფერმაშიო, მგელი ფარეხშიო!.. —
მეც გავამპულდები, ვაჟაც და შენც ყბად აგიღებენ..

— ცრუობ!..

— რა ვიცი...

— მაგაშია საქმე...

— არ არის გამორიცხული..

— ქურდობის შესაძლებლობა?

— თუნდაც! საიდან სადა გვყავს ჩამოყვანილი იცი, თითო
ძროხა? ორი ასეთი ძროხა უკვე მანქანას იყიდის, ჩვენებურ ჩაგ-
ველა ძროხას — ათსა, ბაზრის ფასობაზე რომ ავილოთ.

— ყველაფერს რომ ბაზრის სასწორზე ვღებთ, მაგაშია საქ-
მე!.. — მოტოციკლს გადაალაჯა რწმუნებულმა.

— ჰო, ჰო! ამ ერთი კვირის წინ ახალშობილი ხბო წაგვექცა,
ფეხი მოიტეხა ზღვეზე და ხუთი სპეციალისტის თანდასწრებით

შევადგინეთ აქტი, სამმართველოდანაც ჩამოვიდა წარმომადგენელი...

— მუქთ მოსაკითხს რომ დაატარებთ ზოგ-ზოგებთან, ამას რამდენი სპეციალისტი ამოწმებთ?! რომელი აფთიქის სასწორზე სწონით ამ ხარჯებს?!

მოტოციკლმა მტვერში გახვია კომბინირებული საკვების ქარხნის კარებწინ მღვარი მერძეეობის კომპლექსის დირექტორი...

* * *

როგორღაც აღარ ჩქარობდა ვაჟა თავისი საქმის ფეხზე წამოყენებას. პირველ ხანებში თუ უფრო შემართული ჰქონდა თავი და სარისტიანობდა, ბოლოს და ბოლოს, იმდენად გააუღიძვლა პირობა, რომ დედის მორიდებული შენიშვნაც დაიმსახურა სახურავში ატანილი არყის ბოთლების თაობაზე. შეუხიზრდა ამაზე ვაჟა დედას და უხეიროდ მიაყეფა...

ხშირად შეჩერდებოდა იგი კრამიტით ხელში, დაუმთავრებელი სახლის სახურავზე ჩამოჯდებოდა და უხეირო სიგარეტის ბოლვა-ბოლვით გასცქეროდა მიდამოს. ველს იქით მთები იწყებოდა, მთებს იქით კვლავ ველები. ამ მთების ვიწრო გადასასვლელზე ბევრჯერ უტარებია ორხიდიანი ავტომანქანა მრავალი წლის წინათ ვაჟას, საქონლის საქურდლად რომ დაიარებოდა. ოთხი ძროხის გატყავებასა და აქნას ახერხებდა ამხანაგთან ერთად, ნახევარლამეში მანქანის ფარების შუქზე. ღამის მეორე ნახევარში კი სარეალიზაციო ადგილებზე მიტანას და უკან გამობრუნებასაც ასწრებდა. გზებზე სოკოებივით ამოსულა სასადილოები და სახინკლე-სალვეზელეები ყელის წევით ყიდულობდნენ ნაქურდალს და იწყებოდა ღრეობა, მატარებლები, მანქანები, ზღვა, ზღვის არხეინი ქალები... და ისე მოადგა ორმოცი წელი, რომ თითზე დასახვევი ვერა შემატა ოჯახს. ჭიდაობდა ისე, რომ ქამარს ზემოთა ნაწილი ნახერხზე არ დაუდვია, ბევრი კბილიც ჩამოუბერტყავს ქოჩრიდან ჩხუბის შემდეგ და ბევრიც ყველაფერი. წაკითხულიც საყოფი ჰქონდა და გაგონილიც. ძმაკაცებთან ერთად რამდენჯერ ატრიალებინა ორსერიიანი ფილმი სააკაძეზე, კოჭლ კინო-მექანიკოსს, დილიდან საღამომდე და საღამოდან დილამდე...

— მაგას ჰკუთნოდა, ფული დაეგროვებინა და რესტორა-

ნი გაეხსნა, შიგ ჩავიხოცებოდით, მაგისი ქებით ავიკლებდით ქვე-
ყანა-სოფელს... არ ეყო და!.. ან, სულაც კერძო პროფილაქტიკის
პატრონი გამხდარიყო, ქურდიაო, ხომ ვერ იტყოდით... თქვენსა-
ვით ორპირ ტყავს მაინც არ გააძრობდა კლიენტებს, რაკი საკუ-
ლარი წარმოება ექნებოდა... სიტყვაზე ვამბობ ამას, არა-არას
რომ გაიძახით წარმოების ხელმძღვანელები, კარგით და მაგასა
ჰქონოდა-მეთქი წარმოება, ხომ ვერავინ იტყოდით, ქურდიაო?!

— რეებს მიედ-მოედები, თუ ვარაუდობ, ბიძინა? თუ აკვირ-
დები, რასა ჰქადაგებ შენი თანამდებობის პატრონი?! — შეუ-
ხირდა „ატეკის“ გამგე და თვალები საშიშად მოჭუტა, — შენ გეს-
მის. რაებს აყენებ ექვექვეშა?! თუ ძალიან გავიხურა მხარი ემაგ
პაწია ვარსკვლავმა, ბარემ ეგეცა თქვი...

— სიტყვაზე გეუბნები!.. ჯოხი შევაბრუნოთ, ის ბოლო, თქვენ
რომ გიჭირავთ, ვაჟას დავაჭერინოთ, სიტყვაზე გეუბნები...

— სიტყვაზე მეუბნები და სიტყვა წინ არ დაგხვდეს, გაფ-
რთხილდი! ნორმები დაიცავი!..

— ნორმები ჯერ შენ და შენმა შოფრებმა დაიცავით და მერე
სხვებსაც შესთავაზეთ!.. თქვენი ერთი ბორბალი რომ წალმა ბრუ-
ნავს, მეორე უკუღმა გაგირბით და აზირ ესა ვთქვათ!.. შენც,
კომპლექსის დირექტორსაც, კერამიკულსაც!.. — მიაყარა გაფიცე-
ბულმა ბიძინამ გამომწვევად თვალმიჭუტულ „ატეკის“ დირექ-
ტორს და მოტოციკლს მოაჯდა...

კვალიფიკაციის ასამალღებელ ერთთვიან კურსებზე გამოიძა-
ხეს ბიძინა. შვილი არ უტიროდა და ცოლი არ უკიოდა, ვაჟასა-
ვით ცალუღელი იყო ბიძოც. ვერო მოწონდა თავის დროზე. ეს
ჯარში წავიდა, ვერო პირობამიცემული არ იყო და გათხოვდა. ბი-
ძომ ქალი ნახა, ჩამოსული მასწავლებელი, ხელმოუწერლად და-
დიოდა მასთან, შვილი თუ გეყოლებოდა, შეგირთავო, — ჰპირდებო-
და ბიძო ქალს და არ აპირებდა სიტყვიდან გადასვლას, რაკი ქალი
მოსწონდა კიდევ და მაგრადაც იყო შეჩვეული...

* * *

სახლის სახურავის რემონტს ამთავრებს ვაჟა. მიუხედავად
დედის რჩევისა, რომ ტოლი დაეფარებინათ სახლისათვის, ვაჟამ
მაინც კრამიტი არჩია და აგერ უკვე სამერცხლურზე აწყობს

— როგორი გამოგვივიდა, ხალხო, კარგია?! — იკითხა ერთბაშად ვაჟამ და ჯერ ეზოს მოავლო თვალი, მერე მეზობლების ეზოებსა და სახლებს გახედა და მერე კი მთელ სოფელს...

— შენ მაინც ამოიღე ხმა, გოგია, სადა ხარ, ბიჭო?! — შეეხმაურა ღისწულს და ძებნა უწყო თვალით.

— აქედან არაფერი ჩანს, ძია, ჩაეალ და შორიდან შემოვხედავ, — თავი გამოპყო გოგიამ სამერცხლედან და ისევ შებრუნდა...

— უპ, დედა შემოგველოს, ახალივით არ დახატა ახალმა კრამიტმა მთელი სახლი!.. ჩამოდით, ივანშემეთ! — შემოუძახა ეზოდან დედამ...

— კრამიტმა კი არა და, მე დაეხატე, დედი, მე და გოგიამა! — იცინის ვაჟა, სიგარეტს უკიდებს და სამერცხლეზე ჯდება...

— სულ გაახლდა სახლი, ძია, სულა! — შორიდან მოთვალთვალე გოგიამაც შემოუფრინა აღტაცების ყიყინა ახალ სახურავზე გადამხარბეჭებულ ბიძას და ონკანქვეშ გაწვა წელზევით გაშიშვლებული...

— ხო კარგია, მეზობლებო! — კვლავ დაჰკივლა ზემოდან ვაჟამ.

— კარგია-მეთქი, შვილო, ჩემი არა გჯერავს? ჩამო, რაღასა ზიხარ, — შეეპასუხა დედა და თან გოგიას გაუსვ-გამოუსვა დაშაშრული ხელის გულები გასაპნულ მხარ-კისერზე.

— მე განა თქვენ გეკითხებით, მეზობლებო-მეთქი, მეზობლების აზრიც მინდა გავიგო ჩვენ ნამუშევარზე, კაცი — კაცითაო. არ გაგიგონია, დედი?!

— სამუშაოზე არიან გაკრეფილები, საშოვარზე, ვინ გინდა რომ ხმა გაგცეს?!

— ჰოდა, მაგაშია საქმე!..

— რაშია, ბიჭო?

— რაში და ვახშამში... ერთი ხელადა მოგვიხდებოდა სამალარიჩოდ მე და გოგიასა... ეგ რომ არა ყოფილიყო, მე ამ საქმისა არც დამწყები ვიყავ და არც დამამთავრებელი... გაიქე, გოგია, ერთი-ორი ბოთლი საერო მოარბენინე და ხელადაში ჩაასხი... შაქარწყლის ნამამაძალღევს ისევ საერო მიჩრევენია...

— მოტანილია, შვილო, ხელადაშია... ჩამო! — შვილიშვილი გააბანა დედამ და შინ შევიდა. გოგიამ ტანის გამშრალემა იწყო. ვაჟა არ ჩქარობდა სახურავიდან ჩამოსვლას, სოფელს გასცქეროდა.

და და აბოლებდა... კვლავ ჩაიარა სოფლის კერძო ნახირმა და მათი ჩლიქინი და ზმუილიც თანდათან გაშორეულდა. ისეთი საკვირველი სიჩუმე გამეფდა ირგვლივ, სასწაული! ბელურამ გადაუფრინა ვაჟას და მისმა მოკლე გადალანდებამ კიდევ უფრო გააჩუმა სოფელი...

— გამარჯობათ, მეზობლებო!.. როგორია, პა?! — თავისთვის ჩაილაპარაკა ვაჟამ და ნათქვამს მიაყურაო თითქოს, ისე გატვრინდა.

ალარც გოგია ჩანდა ეზოში, ალარც დედა. მატარებელმაც ჩაიარა, მაგრამ, თითქოს ნაბღიან ლიანდაგზე გარბისო, ხმა არ გაჩენილა მისგან და ერთბაშად, თითქოს მიწიდან ამოიზარდა ციდან სასწაულად დაეშვაო, ვაჟაანთ ეზოში თავი შემოპყო უზნარმაზარმა, რუხული ჭიშის სტეპის კრელ-შავმა ძროხამ და გაბმით დაიზმუვლა. ძროხა კარგი მოვლილი და ნაპატივები ჩანდა. ნახევარტონიან სასწორს ისე დაზნიქავდა, როგორც არაფერი.

— სოფლო-მეთქი! — გამოსცრა ვაჟამ ნელ-ნელა და მუშტრის თვალი დაასო ძროხას ზემოდან.

თითქოს რაღაც კვალს მოჰყვაო, ისე იმედიანად და ბეჯითად შემოაყოლა სიმეტრიულ რქათავს ვეება ტანი ძროხამ. მარტო მისი ცური აიწონიდა ორ ფუტს.

— აქ რა უნდა ამ ოხერს, ამასა! — შეიცხადა დედამ და გაძევება უწყო ეზოდან. ძროხა თითქოს განგებო, თავს არიდებდა მოქნეულ წკებლას და უფრო ღრმად და ღრმად მოიწევდა ეზოში. გაღნიოშებულ გარაჟშიაც კი შეიხედა და გაძარცვულ ძველ „შკოდას“ რამდენჯერმე დასუნა. რაღაცა ალოკა კიდევ დაქცეული...

და, ვერო ჯერ არ მოსულიყო საკრამიტედან, მეორე ცვლაში მუშაობდა. ბიჭმა გოგიამ ლექვას თავი ანება და ხელში შერჩენილი ლუკმა გაუწოდა საქონელს. სიამოვნებით შეკამა ძროხამ პურის ნატეხი და ხელის გულიც აულოკა ბიჭს. ვაჟა ნელ-ნელა დაეშვა სახურავიდან ეზოში. იდგა და ათვალეირებდა პირუტყვს. თავხეზე შედებული ქვამარილი ჩამოიღო და ძროხას აალოკინა. დიდი სიამოვნებით ალოკა ძროხამ მარილი, იქვე მიატრიალა თავი ონკანისაკენ და ჩამონადენი წყლის ხვრება იწყო.

— როგორ ჩემეულივით შინაურობს, ამას დამიხედეთ! — თქვა ვაჟამ, დედას სახრე გამოართვა, გატეხა და გადაყარა.

— რას სჩადი, შვილო? — შეკრთა დედა.

— შენ თვითონ რას სჩადი, ცემით რათა კლავ? იყოს, მიძოვ-
მიძოვოს ყორის ძირები, გაბალახებულია აქაურობა. ამასობაში
პატრონიც გამოუჩნდება, ალბათ...

— სოფელში ასეთი ძროხა რომ არავის ჰყავს?! — შეეკვე-
ბით თქვა გოგიამ და სახელდახელოდ გამობლუჯული ბალახი და-
უყარა საქონელს...

— კარი ღია იყოს, თუ უნდა წავა, ან პატრონი შემოიხედავს.
საქმელს კი ნუ მოვაკლებთ, ცოდოა! — თქვა ვაჟამ.

— ამისთანა ძროხა ფოფოლიანთა ჰყავდათ ჩემს ბავშვობა-
ში... ჩვენ მხარეში მას აქეთ თვალი არავისთან მომიკრავს. ვისია
ნეტავ? — ამოიკვნესა ვაჟას დეღამ.

— ვისიც უნდა იყოს, თუ ნებავე წავა, მანამ კი მოვლა უნდა
საქონელს, ცოდოა! — გადაჭრით თქვა ვაჟამ და ნამგალს პირი
აუწყო. მერე საკარმიდამოში გავიდა და ცოტა ხნის შემდეგ ახ-
ლად გამოთიბული ბალახის ზვინით დაბრუნდა ეზოში...

* * *

არ იქნა ოა არაუინ მოაკითხა ძროხას. არც საქონელმა შოინ-
დომა სადმე წასვლა; კარი დღედაღამ ღია იყო.

ვაი იმ ძილსა და ღამის თენებას, ვაჟას დედა რომ ათენ-ალა-
მებდა. ვეროც უგუნებო ფიქრებს იყო მიცემული. გოგია გუ-
ლისყურით ეკიდებოდა ძროხის მოვლა-პატრონობის საქმეს, არც
ვაჟა აკლებდა ხელს. ფიქრს არ იმჩნევდა სახეზე ვაჟა, არადა მთლი-
ანად ფიქრით იყო მოცული.

მივივლ-მოვივლიო, — დაიბარა ვაჟამ და ერთი-ორი დღით
სადღაც გაქრა. მესამე დღით გამოჩნდა მხიარული და სიტყვამო-
მატებული. ძროხა ისევ ეზოში იდგა და ახალთ-ახალ ბალახს შეეჭ-
ცოდა. გაბმული წვიმების შემდეგ მუხლზე მოყრილიყო ბალახი,
საქმელი არ აკლდა ძროხას.

— რა დაარქვით? — იკითხა ვაჟამ მხიარულად და ქედზე მო-
უთათუნა პირუტყვს.

— უბედურებას ემანდ არას გადამკიდო, შეილო, თუ ღმერთი
გწამს! აბა, რა უნდა დავარქვათ?! ვინ იცის, ვისია და რა ჰქვია?
რა გამწარებული დაეძებს პატრონი, ვინ იცის?! — შეიცხადა დე-
ღამ და ხელი გაასაყსავა.

— ორი დღე და ღამეა, სოფელი აღარ დამიტოვია ამ ხეობაში,

ძირი-კუთხე გადავქექე, ვის არა ვკითხე, არავინ გამოჩნდა მაგისი პატრონი. მე როგორცა ვხედავ, ღმერთისა უნდა იყოს, ეგ დალოცვილი. ის კეთილი გულთამხილავი ზემოდან დაგვცქერის და დღე-ღღეზე ან სახელს ჩამოგვძახებს, ან, ამომიყვანეთო, გვეტყვის, ან თვითონ ჩამოვა თეთრი წვერით, თეთრი სახრით. დაჰკრავს საქონელს თეთრ სახრეს — ადამიანად აქცევს, გადაჰკრავს ადამიანს და ნახირში გაუშვებს. ქვათახევის წმინდა მამებსაც შევეკითხე, იმათაც ესე ამიხსნეს: პატრონი თუ არ გამოუჩნდა. ღვთის ნებას დაელოდე, ღმერთმაც თუ არა გითხრა რა, სიტყვა შენზეაო...

— იცოდე, შვილო, მაგ ფიქრებს დაეხსენ, შემოგველე. დაეხსენ-მეთქი! სოფელია, ქვეყანაა!

— მე აქ, დედი, ვერც სოფელსა ვხედავ და ვერცარა ქვეყანას! შენ შენს პატარა საქმეებს მიხედე, სოფელმა თავისას და ჩემი საქმე კი მე დამანებეთ! დღეს-ხვალ თუ არ გამოჩნდა მაგისი პატრონი, მერე ვნახავ... რაიონის გაზეთში გამოვაცხადებ, რადიოთი შევუთვლი, რამეს ვიღონებ, დარდი ნუ გაქვთ. — მშვენიერი გუნებით წარმოსთქვა ვაჟამ, ჯიქანზე მოუთათუნა ხელი ძროხას და ერთი ძუძუც ჩამოწველა ანანდად. მღვრიე ხსენი ჩამოიხაზა მიწაზე..

შებინდებისას, როდესაც ერთხელ კიდევ და ეს მერამდენედ ჩაიარა სოფლის ნახირმა ხრიოკაანთ წინ და მიწყდა მათი ხმა, ვაჟაანთ ეზოში, უკან-უკან სვლით შემოგორდა დახურული სატვირთო მანქანა, კურდღელი ეხატა ზედ ესკიმოთი ხელში ალყაფი ბოლომდე გაულო ვაჟამ, მანქანა რომ თავისუფლად შემოტეულიყო. დამწყვდეული მიმინოსავით იხედებოდა მძღოლი კაბინიდან. ჩამოხტა თუ არა, ტყავის კურტაკის ჯიბიდან ორი დიდი ფილა შოკოლადი დააძრო და გოგონას მიართვა.

— ვაჟა, შორი რეისი მაქ და ამაღამე უნდა მოვრჩეთ რემონტს, სისხამ დილით გავდივარ, — განუცხადა შოფერმა ვაჟას ყველას გასაგონად და ვაჟას დედასაც მიართვა შოკოლადი.

ვაჟას დედამ ფილა ისე გამოართვა, რომ შოფრისათვის თვალი არ მოუჩრდიებია; ვერაფრით კი ვერ ამოიციწო მისი ვინაობა-სადა-ურობა.

— პური შევქამოთ და ხელდახელ, — თქვა ვაჟამ.

— ნაკმი ვარ, არა მინდა რა, აი, შენი ხელობის ფული, სათადარიგო ნაწილები კი შიგ მიწყვია. გამზადებული დამახვედრე მანქანა, დილაუთენია მოვალ. ბიძაშვილი მყავს უნახაობით მომ-

დურებული და წავალ, კარს შევეუღებ, თორემ, ვინ იცის როდის მოვხვდე აქეთ, — ფულის შეკვრა მისცა ვაჟას შოფერმა, დედას ხელი ჩამოართვა, დაემშვიდობა, ბიქს თმა აუქოჩრა და გარეთ გასწია.

— ვინ იყო, შვილო? რა უნდა, შვილო? რისა მოგცა მაგდენი? ჰა, შვილო?! — ჩააცივდა დედა ვაჟას.

— ეს ამოდენა ბეხლერწი მანქანა უნდა გავუჩემონტო და იმისი მომცა. დამშვიდდი, დედი, ჩემგან სისულელე შორს არი! — დაამშვიდა ვაჟამ დედა და მანქანას დაუტრიალდა.

• • •

ღამეა. ელექტრონით გაჩახჩახებულ მანქანას არემონტებს ვაჟა. გოგია-ბიჭი მის გვერდით ჩაცუცქულა და იარაღებს უმარჯვებს ბიძას. დროდადრო ჩაეყვინთება. დედა აივანზე სთვლემს, გოლიათი, ქრელი ძროხა კი დგას ღვთის წყალობასავით გასხივოსნებული და იცოხნის. ხანდახან ცოხნას შეწყვეტს, ვაჟას მოხედავს და ხმადაბლა დაიზმუვლებს...

— როგორღაც ურიგოდ ტოკავს და ზმუის ეგ ღვთისდაკარგული, ეგა, შვილო და არა დაემართოს რა! — გადმოსძახა დედამ რიკულგაიშვიათებული აივნიდან.

— გასწით ახლა, ალაგდით, რა ჰოტებად იქეცით!.. ემანდ, ბენზინში ამოიბანე ხელები, გოგია და გაიქე!

გოგია წამოდგა, ბენზინიან ვედროში ამოიბანა ხელები, ონკან-ქვეშაც გაიჩახჩახა სოდითა და საპნით, საყოველთაო სახოცით შემიშრალა და კიბეს აუყვა.

— გესმის, დედი?! — კვლავ შეუძახა ვაჟამ მთვლემარე დედას.

— სანამ ვერო არ მობრუნდება საკრამიტედან, ფეხს არ მოვიცვლი, — იუარა დედამ.

— აქ არა ვარ?! — დაბლა ჰინჰველი და მალლა ფრინველი... შედი-მეთქი! — მეტის დაჟინებით გაუმეორა ვაჟამ, დედისაგან უხილავი მხრიდან წამოწვა მანქანიდან სახელოსნოდ ამოყრილ რბილ სავარძლებზე, ძროხას გახედა და დიდხანს უყურა...

დაღლილი ნაბიჯებით აიარა ვერომ დაბრეცილი აივნის კიბე. ვაჟამ წამოიწია:

— მოხვედი, ვერო?! — ხმადაბლა მიადევნა დას და წამოჯდა.

— უი, როგორ ვერ წეგნიშნე! — შეიცხადა ვერომ და მარდად ჩამოიბრძინა კიბე, — რაღას უზიხარ, შუალამე გახდა!

— ცოტასაც მიუჟაკ-მოუჟაკუნებ და...

— ზოგიც დილისთვის გადასდე.

— საჩქაროა. უთენია გავდივარო, პატრონმა.

— მოადვილემ საქმე გინახა, მგონი მოგეწონოს, ახალი „ბელაზი“ მიიღეს. მაღალია, კოშკით არის. მაგრამ დირექტორი მივლინებაშია და უიმისოდ...

— მოვლინდება, სად ჯანდაბაში წავა... გოგია კი ძალიან ბიჭია! უჭრის თავიც, ხელიც მოსდევს... აქამდე არ მომშორებია.

— ბიძა ხარ მაგისი, ღმერთო! შეთამამდა შენი ჩამოსვლით, ტოლებში გაიმართა... პირველი დაიწყო, ზოგიც დილისათვის გადასდე. ვაჟიკო! — მიეფერა ვერო ძმას და კიბეს აჰყვა.

ერთხანს კიდევ იჯდა ვაჟა და ფიქრის სისწრაფით დაქროდა... ასტონიან „ბელაზზე“ მუშაობდა შოფრად ვაჟა კოლონიაში ბოლო პატიმრობისას; კირჩქვის კარიერიდან ცემენტის ქარხანაზე იყო მისი მარშრუტი. სახლივით მანქანა იყო და ვაჟასაც ოჯახივით შეუყვარდა ეს დოღი-ილა გიგანტი, ოთხი წელი გაატარა მასში. — კაცი-ადამიანის ხმა არ გესმოდა, ისეთი გამაყრუებელი გუგუნე იდგა კაბინაში. — უყვებოდა ბიძინას, თანაკლასელს, სოფლის რწმუნებულს. — საქმელიც შიგა მქონდა პატარა მაცივარში, სამოკაროც ჩამონტაჟებული მქონდა კოხტად, შესვენებაზე ცოლიც მჟავდა, ზინა, ჩვენი აღმრიცხველი. ვიყავით ჩვენთვის. თვალში რომ ჩავვარდნოდი კოლონიის უფროსს, ხელს არ მოისვამდა, სტალიანზე იყო შეყვარებული, სააკაძის ამბებიც იცოდა, პატივსაც მკემდა, სინოკ და სინოკო. — დარჩიო, მეხვეწებოდა, თავისუფალ მოქალაქედ იმსახურე, ავტოკოლონის უფროსად დაგნიშნავ, სამმაგი ჯამაგირი გექნება, ფულს დააგროვებ, წახვალ, ფეხზე დადებო. — ექვსი თვე ვიმსახურე თავისუფლად. განსხვავება არ იყო: მანქანა, მაცივარი, სამოვარი, ზინა — შესვენებაზე. დღე ისე დალამდებოდა, კაციშვილის ხმას ვერ გაიგონებდი; გუგუნებს ქარხანასავით, ხარ ამ გუგუნეში და ხარ. მე შენ გეტყვი, კაბინაში შემოგვეჭრება ვინმე, თავზეხელაღებული: ციხესიმაგრეა, დალოცვილი!.. ისედაც ვის ჰქონდა ორი თავი, მაგრამ, მაინც... სამი მეტრითაა კაბინა მიწას დაცილებული, ხარ ცაში მეციხოვნესავით, თანაც მოგზაურობ ამ შენი აულებელი კოშკით... ბუნებაა, ძმავო, გადაირევი!.. ზამთარი — განსაკუთრებით... ისე შევეჩვიე გულუნს,

დაბლაც აღარ მსიამოვნებდა ლაპარაკი. პორტში, ქალები თალი-
ეზივით ირევიან, გადათეთრებულია, განსაკუთრებით ზაფხულში.
იქაური გაზაფხული ჩვენი ზამთარივით არის, ზაფხული — ავე-
ნახევარი, ორი თვეა; ცხელა...

კაცი ქირს წამალივით! უნდა ქალს პატრონი, ხმის გაკეცი...
კაცი ისედაც ნაკლებს-ნაკლებია და რაც არის, ისიც წელიწადი-
თორმეტი თვე ზღვებსა და ოკეანეებშია.. ჩეჩქივით აქვთ ფული...
მე არა ვსვამდი: ისე, ხანდახან, აქაური ჭაჭა თუ ჩამომივიდოდა...
ეს ჩვენი კერამკომბინატის „ბელაზები“ იმათთან ჩიტის ბარტყე-
ბია. მაგრამ. ხმა ამათაც ნაკლები არა აქვთ, მაინც კარგია.

— ბიძინამ თვე დაიბარა, შვილო და მეორე დაიწყო! — კოტივით
ჩამოსტახა დედამ.

— შედი-მეთქი, თქვენცა და თქვენი ბიძინაც!.. დიდი ვინმეც
ეგა მყავს, შედი! — ბელაზური მქექქარე ხმით შეპყვირა ვაჟამ დე-
დას. ძაღლები აიყოლია მისმა შეყვირებამ: კარგა ხანს ყაყყავებ-
დნენ..

ერთხანს კიდევ იჯდა ვაჟა, როდესაც სახლში საბოლოოდ მი-
წყდა ყოველგვარი ჩქამი. წამოდგა. სავარძლები ადგილზე შეა-
წყო კაბინაში. ეზოში სინათლე ჩააქრო და სარდაფში ჩავიდა. სი-
ნათლე აანთო ჭერდაბალ სარდაფში ვაჟამ და სალეს ჩარხზე იწყო
უანგმოკიდებული დანის ლესვა. ორი დანა გალესა. ერთი გრძელ-
პირიანი და ვიწრო, მეორე თხელპირა და განიერი დანა ააფხავა.
მკლავზე მშრალად ჩაისხიბა ბეწვი, დანები ხარახურით გაჭედდით
თაროზე შეაწყო და ჯერ ეზოში. მერე კიშქარს გარეთაც გავიდა,
დღის სინათლის ნათურებით გაკაშკაშებულ ქუჩას გახედა, მერე
შემობრუნდა. ალაყაფი ჩაკეტა და ძროხასთან გაჩნდა..

გარემომო შემოუარა ფერმკრთალ შუქზე ზვინად აღმართულ
პირუტყვს. დაკვირვებული თვალთ მიაჩერდა ჩავარდნილ ფერდებ-
ზე. დაწეულ მუცელზე, დაცურებულ საშოზე. ადგილზე აღარ
ჩერდებოდა ძროხა, ხმადაბლა ზმუოდა, მიდი-მოდოდა, თითქოს
დაკარგულს დაეძებსო. ყნოსავდა ხან მიწას. ხან რკინას, ზან ლო-
ბეს...

სამსაფეხურიან სარდაფთან მიდენა ვაჟამ პირუტყვი და ქვამა-
რილის ლოკვით ფრთხილად ჩაიტყუა. ძლივს შეატია ორყბიან
კარში უიმისოდაც ვეება, მაკეობით გაორმაგებული საქონელი.
ერთხანს უმოძრაოდ იდგა ძროხა ნესტიან სარდაფში. აჯკილის

მონიშვნას ლამობდა. ერთბაშად წინ გაიწია და ლამის კედლამდე მივიდა რალაც გატყდა. რალაცაც აჩხარუნდა.

ვაჟა ჩქარობდა. დიდი, ხუთასვოლტიანი ნათურა ეზოდან სარდაფში ჩამოიტანა და სარდაფის მბუხუტაეი ნათურა შეცვალა. მცირე წყვდიადში რამდენჯერმე გაბმით დაიზმუვლა პირუტყვემა და კვლავ რალაც ძველი ნივთის ჩხარუნი და დაცემის ხმა გაისმა.

ხუთასვოლტიანმა ნათურამ სარდაფი გააკაშკაშა. ექვსთვიანი ლაქების კაშკაში გაახსენდა ანაზღად, კოშკივით „ბელაზი“, სახლივით კაბინა, მაცივრითა და სამოვარით. როგორ უყვარდა ზინას, ზედ აკვდებოდა! — ჯანდაბა იმას! — გიორგის ეძახდა ვაჟას რატომღაც. ერთი-ორჯერ მოკრა ზინას ხმას ყური გაგონებით. ჩამქრალი იყო ძრავი და ისიც მხოლოდ მაშინ. საერთოდ, ექვსი წლის განმავლობაში ექვსჯერ არ ჩაქრობია „ბელაზის“ ძრავი. ორივეს მოწონდა ეს უხმო ლაპარაკი... ლაპარაკობდნენ, ლაპარაკობდნენ, განსაკუთრებით ზინა კიკვიკებდა, აცმაცუნებდა პირს, ენამორთმეული კაჭკაჭივით დახტუნაობდა. კვდებოდნენ სიცილით, არც სიცილი ესმოდათ, სიცილიც ჩანდა, როგორც ხმაგამორთულ ფილმში...

ყველაფერი მიმოიძია ძროხამ სარდაფში მოურიდებელი ბორძიკ-ბოგინით, კიდევ ერთხელ დაიზმუვლა გაბმულად, თითქო შორს გადაკარგულს თავისიანს უხმობსო, და ვაჟასაკენ შემობრუნდა მთელი ტანით, პირისპირ.

მარცხენა ხელში აფხავებული გრძელი დანა ეკავა ვაჟას...

კვლავ გაბმით დაიბლაღლა ძროხამ, დაკიდული მუცელი ტალღასავით მიარწ-მოარწია და ვიდრე ვაჟა მომაკვდინებელი დარტყვისათვის მოიქნედა მარჯვენას, დამბლადაცემულივით დაეშვა ძროხა მიწაზე, კვლავ დაიზმუვლა, თავი უკან გაიქნია კისერწაგრძელებულმა და დრუნჩი სხეულის სასრულამდე მიიტანა. იმ სასრულამდე, საიდანაც წამდამ ახალი ცხოვრების სათავე იწყებოდა: ახალი სულდგმული მოიწედა წინგაწვდილი წყვილი ჩლიქითა და ზედ დანდობილი, ლამაზი ქრელი თავით.

ზეაწეული მკლავით ტომარას მიწვდა, რალაცეები ეყარა ზედ, გამოაძვრინა ტომარა, დანით ჩახია, ცალფად, ფართედ და დედის საშოდან დაძრულ სულდგმულს საფენად შეაგება. დანა თაროზე შეაგდო, მკლავები დაიკაპიწა, კიდევ ერთი ფალასი მოძებნა თაროზე და ხელსაფრიანი ხელებით მისწვდა ხბოს წინა ფეხებში.

ახალ, უჩვეულო გარემოს შემგუებლური ფრუტუნ-ფრუტუნ-

ნითა და ცხვირცემინებით მოიწვედა ქრელი, ლამაზი, დიდი, შაქარჩლიქება არსება გარეთ, სამყაროდან — სამყაროში.

უკანა ფეხებიც ფრთხილად გამოუყრება ვაჟამ ხბოს და ფეხგართხმით დაეგდო გრილ თიხაზე. ერთხანს ასე იჯდა ვაჟა და მერე, ძროხის, ხბოსა და საკუთარი ნათალავნარი სხეულით დავიწროებულ სარდაფის კედელს მიეყრდნო ნოსტეური მხარბეჭით. ძროხამ წყნარად დაიხმუვლა და რამდენჯერმე აუსვა ენა ქრელ ერთეულს.

წამშესვენების შემდეგ წამოდგა ვაჟა, ჯვალზე წამოჩოქილი ხბო დედას მარჯვედ, ფრთხილად მიუცურა ტომრიანად, სალოკად უმარჯვა. იქვე, კოფიოდან მარილი გადმოიყარა ხელისგულზე და სველ სხეულზე მიმოუბნია ხბოს. მეტის გამალებით დაუწყა დედამ შვილს ლოკვა.

უფანჯრო, კარებდაგმანულ სარდაფში ჰაერი მოხრჩობილიყო. კარი გააღნიოშა: მაისის ღამის საამო ჰავლი მეკვლესავით შემოვიდა და შემოველო იქაურობას.

მესამე მამლიყვილზე აიღო მკერდზე დაგორებული თავი ნესტიან კედელზე მიყუდებულმა ვაჟამ. გალოკილ-დავარცხნილი, ქრელი, ლამაზი, დიდი ხბო ბზინავდა ხუთასვოლტიანი გადაკაშკაშებულ პატარა, ნოტიო სარდაფში.

ნელნელა აიმაღლა მზერა ვაჟამ და მიმინოსთვალება, შავკურტაკიანი ახსანავი დალანდა ზღურბლზე. მიმინოსთვალებამ დიდხანს არ შეატოვა მზერა ვაჟას, ჯერ შორიდან დაათვალიერა სასწაული, მერე ახლოსაც მოდგა. მის მიახლოებაზე ერთბაშად წამოიხლართა უნდო ფეხებზე ხბო, დედაც წამოდგა, ვაჟაც ნელ-ნელა ადგა. მიმინოსთვალებამ ხბოს ჯერ ხელი გადაუსვა ზურგზე, მერე მუშტრულად ამოსდო ორივე ხელი მუცელქვეშ, რამდენჯერმე დააცილა ჭილოფს ოთხივე ფეხით და კვლავ დაუშვა ძირს. ხბომ ცოტა ხანს იტოკა და უხეიროდ, მაგრამ ლამაზად გაწვა ტომარაზე.

შეკითხვის ნიშნად დაუქნია თავი მიმინოსთვალებამ ვაჟას. პასუხის ნაცვლად გააქნია თავი ვაჟამ, წამოდგა და დაღლილი ნაბიჯით გავიდა გარეთ. ზღურბლს გადაცილებულმა ვაჟამ პაპიროსი გამართა და ასანთი გაჰკრა. გვერდით აუარა მანქანი, პატრონმა და ეზოში გავიდა. ნელა, აუჩქარებლად ჩაქდა იგი კაბინაში, ფანჯრის მინა ჩამოწია ვაჟას მხარამდე და მანქანა დაქოქა. ვაჟა ისევ ისე

იღვა და აბოლებდა. შიგადაშიგ უსიტყვოდ გამიხედავდა ხოლმე იგი ვაჟას. ჩამოწეულ ფანჯარას მიადგა ვაჟა, ჭიბიდან ფულის შეკვრა ამოიღო და კაბინაში ჩააწოდა შოფერს. მანქანა უხზოდ დაიძრა. მთელი ამ ხნის მანძილზე როგორც „ბელაზის“ კაბინაში, ისეთი გუგუნი ედგა ვაჟას ყურებში, არაფერი ხმა არსაიდან არ გაუგია გარდა გამაყრუებელი გრუხუნისა.

ქიშკარი აღარ მიუხურავს ვაჟას. ღია დააგდო...

* * *

ბოლომობდღვნილმა მამალმა ისეთი ძალით იყივლა, რომ შეაკროთო სახლის ქვედა კიბეზე ჩამოქინდრული ვაჟა.

თენდებოდა. ხმა და მოძრაობა ჩნდებოდა ირგვლივ. დედაზე აღრე ვერო გამოვიდა შინიდან ლამისპერანგიანი, პირის დასაბანად. შეკრთა კიბეზე მჭდარი ძმის დანახვაზე, შედგა, შეყოვნდა ნაცვლად იმისა რომ კიბეზე ჩასულიყო, მოაჯირს ეცა და ძროხის სადგომს მოავლო თვალი. ძროხა იქ აღარ ება. ვერო აღვილს მოწყდა და ფეხშიშველი ჩარიხინდა კიბეზე. გზად ერთი კი შეყოვნდა ძმის სიახლოვეს, გაიჭრა ეზოში, მიმოიხედა, შემობრუნდა ხუთასსანთლიანიით გაკაშკაშებული სარდაფისაკენ და თითქოს სული მოიოქვაო, ღრმად შეისუნთქა დილის მაგრილებელ ნიავში განზავებული დედისა და ახალშობილის, კრელი, საფურე ხბოს უჩვეულო სურნელი... ვერო სარდაფში ჩაქანდა და მუხლმოყრით მიეხუტა დიდ. კრელ ძროხასა და დედისფერ ხბოს...

რამდენიმე ხნის შემდეგ დედა და ჩანთააკიდებული გოგიაც შეემატა მნახველთა რიცხვს. აღარც სკოლა, აღარც სამსახური, აღარც არაფერი! ყველა საქმე და ყველა საკითხი ერთბაშად გაუფერულდა და გაქრა ხბოსა და ძროხის გარშემო გარინდული სამი თაობისათვის. თანაბრად ბედნიერი ხუთი არსების სუნთქვით ივსებოდა და იტენებოდა ლატაკი სახლის დაობებულ-დანესტიანებული სარდაფის მთელი სივრცე. ეს ბედნიერი ამონასუნთქი უხმო ჭავლად მოედინებოდა ორყბიან სარდაფის ღია კარში და იმედით ავსებდა ეზოს, სახლ-კარს, ღია ალაყაფში მიედინებოდა და ორგულა სოფლის დამდგარ ჰაერს ბუნებრივ გემოს აძლევდა...

ამ სუნთქვას, ამ ეზოსათვის ეგებ არც უჩვეულოს, მაგრამ, მაინც უჩვეულოს, ჰაერის ამ საკვირველ ნაზავს გაჰყვა ვაჟა ორმოცი წლის კაცის დაღლილი ნაბიჯებით. მიდიოდა...

სოფელში დღის სინათლის ნათურები ქრებოდნენ და მზის ნათელი ჰკვალავდა გზას. „ბენზოკალონკასთან“ დარაჯი ბორიალობდა, ვაჟას ძმაცაი ჯერ არ მოსულიყო. სასოფლო საბჭოს წინ, რწმუნებულის პატარა ფინურ სახლთან, გერმანული ნაგაზი დაცქვეტილიყო ჯაჭვით მიბმული. ბიძინა ჯერ არ ჩამოსულიყო სოფელში, მის ნაცვალს არ იცნობდა ვაჟა.

თითქოს პირველად გამოვიდაო უცხო კაცი სოფლის დასათვალიერებლად, ისე გულმოდგინედ აკვირებოდა ვაჟა ყოველ წვრილმანს.

შემხვედრი მეტი ჩანდა თანამგზავრზე. რამდენიმეს საპასუხო დილამშვიდობისა შეაგება ვაჟამ. თუმცა ცნობით ვერ იცნო...

* * *

ვაჟაანთ ეზო ხალხით ივსებოდა, ივსებოდა და ისევ იცლებოდა. ერბო აიკრიფებო. ნათქვამი რომაა, ისე დაეკრიალებინათ ეზო ვაჟას დედასა და დას. ხასხასა ბალახის მთელი გორა ეხვავა ქრელი ძროხის წინაშე. მოსაკითხი ბალახით დილითაივებული მოდიოდა ხალხი სანახაობაზე. მსუყედ შეეჭკეოდა მოვლილი, ხბონაყოლობით მადამომატებული პირუტყვი ნაირ-ნაირ ბალახს. ჭამდა და თითქოს ლუქმა — ფუთსა მატებსო. მნახველთა თვალწინ იზრდებოდა. იზრდებოდა და იზრდებოდა. ქრელი ხბო გაკეტებით უჯლიქინებდა ლამაზ თავს დედის ვეებერთელა ჯიქანს, ისიც მატულობდა. ისიც იზრდებოდა და იზრდებოდა. ვიდრე ხბო ერთ ძუძუს წოვდა, დანარჩენი ძუძუებიდან თათლისფერ-მოთეთრო მსუყე რძე ნაკად-ნაკად მოედინებოდა, ჩხრიალ-ჩხრიალია ჩამოედინებოდა დახეპილ მიწაზე. ძროხისაგან მოშორებით ნაკადები ერთ ნაკადულად ერთდებოდა და ლამის დღელედ მეუფინებოდა პირდაღებული. სახტადდარჩენილი ხალხის თვალწინ. ეზოში ჩუმად მდგარი მნახველები გარეთ გამოსვლისას ერთ ბუტბუტსა და „პაი და ჭუის“ იწყებდნენ და სასადილოსთან ისეთი ჯარ-ჯამათული გაუდ-გამოუდიოდათ, კაცი იტყოდა, ქვეყნის გადასარჩენად ისხამენ ფარ-ხმალსაო. „საიდან? ვინ? როგორ? არ ვაცი! ტუზი! კოზირი! ეშმაკი! გამჩენი! კომპლექსიდან!.. არა, რას ამბობთ! ბედი! ილბალი! საფურე და ეგეთი! ოცდაათი-ორმოცი ლიტრიო! ლიტრა — მანეთი! რატო — ორიც არა! დღეში — ასი! თვეში სა-მიათასი! პაი, დედასა! ტუზი! კოზირი!..“

— გამოჩნდით, დაიძახეთ, ვისიც არის, თქვენი ჰერამეთ! — სათითაოდ ეკითხ-ეგებებოდა ვაჟას დედა მომსვლელს, --- არაფერი არ დაგვიკლია, ღვთის მოგზავნილივით მივიღეთ და კუპატრონეთ... აბა მე იმდენი რა გამეგება ძროხისა და ხბოსი, თბაც არა გვეოლია მეწველი, აი, ამ წყვილი ძუძუთი მყავს დაზრდილი ორივე, თუ დაგვიჭერებთ, თავსშემოგვევლეთ!.. გავიდა, აქ იყო... გოგია, ბიძაშენი, ბიჭო!.. აქა ტრიალებდა, ბიძო, დედა შემოველს! ხალხში გავიდოდა, ადამიანებში.. მაგან იმარჯვა, დედა შემოველს, თორემ მე მაგისთანა საქმისა არა ვიცი რა და იქნება კიდევ დამხრჩვალყო, ხბოცა და დედაც გადაჰყოლოდა, რა იცის პირველდედამ... ვაჟა რომ არ ყოფილიყო, დედა ენაცვალოს... გავიდოდა სადმე, ბიძინა, თავსშემოგველე. ლუკმა გატეხე, განა თუ რამე მოვასწარი, ანგელოზობაა დღესა. ქადობაა და „თავგო, თავგო, გამოდი, ანგელოზო, შემოდი!“ — ქადა მაინც გატეხე, დაილოცე. ლიმონათი, გოგია!.. მანქანით არის ბიძინა, გესმის, გოგია?!. უწინ, ანგელოზობას, ასკილის ეკლიანი სახრეებით დავდევდით თავგებს, ვერეკებოდით: „თავგო, თავგო, გამოდი, ანგელოზო, შემოდი!“ — ისე კოხტად ჩამოუარა დედამ, ისე თამამად, ცეკვით, სახრის თამაში მირტყმამორტყმით... აჰყვა ზოგი, გადაედოთ უბრალო, გულღია ქალის მსუბუქი შეთამაშება, ფერხულივით ჩაებნენ, ვინ ეკლიანი ჯოსოთ, ვინ წკებლით, ვინ კიდევ თავშლის ფრიალით. ვინ სიმღერა თქვა ხელდახელ, ვინ — ფანდურიც გააჩინა... ყველა ხომ ბოროტი და გულძალი არ არის ქვეყნად, კეთილი მეტია, მაგრამ გულძალღების შიშითა და რიღით ფერხდებიან, კავდებიან, იკეტებიან, სწუხან, მაგრამ, ველარ ხალვათდებიან, ველარ უბრუნდებიან საწყის სილაღესა და უბრალოებას. გულძალღებსაც უხარიათ დახუთული გარემო, ხალხის გაუშლელიობა და მოდარდიანება... არა და, სილაღეა თავი და თავი ყოველი სიკეთისა ქვეყანაზე...


* * *

გრიალით მიჰქროდა ვარსკვლავმიმატებული ბიძინა-რწმუნებულის მრავალცხენისძალიანი მოტოციკლი ჯერ სოფლის მთავარ ქუჩაზე, მოედნებსაც შემოურბინეს ბიძინამ და გოგია-ბიჭმა, ზოგსა ჰკითხეს, ზოგს არა, რკინიგზის სადგურზეც შეირბინეს... კუდილა მოჩანდა კლდოვან მოსახვევში...

რკინიგზის პარალელურ შარაზე მიჰქრის სოფლის რწმუნებულის მოტოციკლი. გოგია-ბიჭს თავი მუხლებში ჩაურგაა ცრემლენ-

ბის დასაფარავად, ის კი არ იცის, ქარზე რომ უფრო ვალე შრება
წვეთი...

კუშტად და ჭიუტად ჩაპფრენია ბიძინა მრავალცხენისძალაანი
მოტოციკლის საჭეს, ლამის არის გადაწვას ძრავი, ისეთი გამწარე-
ბით მიაგრიალებს. — ფრთა გამოეხასო, — ამასაც თუ ნატრობს...
ზოგ-ზოგი მუქთად ხელმომართული, გულძაღლი კაცის კარებწინ
გალია უნდა იდგეს, დღისით შიგ უნდა ემწყვდიოს გამვლელ-გა-
მომვლელის გულის მოსაოხებლად, ღამით უნდა უშვებდნენ შინ,
ბოდმის საჭმელადო, გუნებაში ფიქრობდა ბიძინა და გამწარებით
მიერეკებოდა მოტოციკლს. მოტოციკლი ხან ეწეოდა მატარებელს,
ხანაც უკან რჩებოდა...



გულოკა და თითქმის დედოფალი-დედო

მძლავრი, მაგრამ ფუჭი, გულმავიწყი სიყვარულით უყვარს ქარხნის ბუღას ქარხანაში მასთან სატრფიალოდ მოყვანილი დეკეულები და ძროხები. სადა სცალია ცხვირში რგოლგაყრილსა და დაზვასთან მიყენებულს საამისოდ, არც სახელს ეუბნებოდნენ წამიერი სატრფოსი, არც მაინცდამაინც ათვალეერებდნენ, რა არის, სახის მიხედვით არ დაეხსომებიანა რომელიმე საუკეთესო ფური. გულში არ ჩავარდნოდა მისი ხიბლი, ტრფობად არ ქცეოდა წამიერება და ამრიგად, არ აელო ხელი ხეობის ძროხების სანაშენო მომსახურებაზე. საერთო-ქარხნული გულისყური უფრო მთავარი იყო მის ყოველდღიურობაში: ხბო და ხბო, ხბო და ხბო, ხბო და ხბო. ხბოთა მწკრივები უწყვეტ ქარავნებად მიიწელებოდნენ ხეობის შემწვანებულ ფერდობებზე, ფურდებოდნენ, ძროხდებოდნენ, ხარდებოდნენ, მრავლდებოდნენ, ბერწდებოდნენ, ბერდებოდნენ, ბარდებოდნენ ხორცად — სასადილოებს, ძვლად — ძვალსაფქვავეებს, ტყავად — ქარხნებს; იკერებოდნენ, დაჭრაჭუნებდნენ, ცვდებოდნენ, ილეოდნენ და ქრებოდნენ.

და ყველაფერი კვლავ თავიდან იწყებოდა: მძლავრი, მაგრამ ფუჭი, გულმავიწყი სიყვარულით უყვარდა ქარხნული ჯიშის „გულოკა“ — ბუღას მასთან სანაშენო-სატრფიალოდ მიყვანილი

დეკეულებისა და ძროხების უსახელო რიგები. სად ეცალა ცხვირ-
ში რგოლგაყრილს საარშიყო-სატრფიალოდ.

ასე, წლიდან-წლამდე იდგა ქარხნის ერთადერთ დაზგასთან გუ-
დოკა-ბულა, თავაუღებელივ დგარიდგურობდა მოუცლელ საქმეში,
უკანმოუხედავად, ნაჩქარევად გაყვანილ ფურებსა და ძროხებს
ხბოთა უსახელო და უსასრულო სახელს გაბმულად მიაყვირებდა
ყველას ერთად და შუადღეული, საათიანი შესვენებაც მისი საყ-
ვირით იწყებოდა. დღეში სამჯერ ასე გაბმულად და მძლავრად
გაპყვიროდა ცხვირში რგოლგაყრილი, თუჯის დანადგარივით უშ-
ველებელი, რუხი, მძიმე, ულამაზესი აღნაგობის ქარხანა-ბულა,
დილით, შუადღისას და საღამოს, სამსახურის დამთავრების ეამს.

ზანზარი გაუდის სანაშენო-ქარხნის შენობასაც, ეზოსაც, ხე-
ობასაც გუდოკა-ბულის ფოლადივით ძახილზე. სამკითხაოდ გად-
მობრუნებული ფაიფურის პატარა ფინჯნები ლამბაქებზე ხტიან,
კბილს — კბილზე აკაპუნებენ, შიგ ჩატოვებულ ყავის ნალექზე
გუდოკა-ბულის მრისხანე სხეული იხატება ამაყ დგომში.

სამსახურის ოთახის კედლებზე დაკიდებული გრძელქანქარია-
ნი საათები სვლას ასწრაფებენ; გულის ფრიალით, დროის გაუთ-
ვალისწინებლად დაურბით ყურცქვიტა ისრები გადაფითრებულ
ციფერბლატზე.

ქარხნის მეცნიერი მამრი და მდედრი თანამშრომლები, რო-
მელთა რიცხვიც ორმოცდაათიდან — სამოცამდე მერყეობს შვე-
ბულებებისა და მივლინებების პერიოდში, თითქმის თავაუღებ-
ელივ ჩაპკირკიტებენ თავიანთ საქსოვ დანადგარს, ყაისნალსა და
საქარგს, მამრები — ქადრაკს დაპყურებდნენ, დაფებზე დააცოცებენ
ნიკოტინით შეყავისფერებული ხელების ისრებს. შეჩვეული ჭი-
რივით უხმოდ ჩაესმით მათ გულსა და ყურს გუდოკა-ბულის
ბზარგარეული ფოლადიანი ხმა.

სავარძელში ჩაყვინთული მთავარი ვეტერინარი გუმანით
გრძნობს შუადღის შესვენების წამდაწამ მოახლოებას, ტელეფო-
ნის ყურმილს ღია ფანჯარას მიუშარჯვებს, საუწყებო გარაჟის ნო-
მერს კრეფს და გუდოკას ხმას გზავნის ტელეფონის ხაზით მძლო-
ლის გამოსაძახებლად.

მთავარი ვეტერინარის მოადგილე — ვეტერინარი, როქელიც
უშუალოდ ბულასთან ტრიალებს პრაქტიკულ-სამეცნიერო საქმიან-
ობის ფერხულში, შესვენებაზე არ მისდევს მთავარ ვეტერინარს,
საქმეებს მიზეზობს შეწუხებული სახით, დაზგაზე მიკუნჭული,

პირსახოცი იწმენდს ოფლს და დავთრების ქექვით ქარხანაში რჩება. სამრავლის მამრავლს ამოწმებს. ლაბორანტი ქალიშვილების აკყვანის. აჩხაბაჩხა ფორმულებს ებუზღუნება, ზეზეულა ზმურზლავს უმცროსი თანამშრომლების შემოთავაზებულ საუზმეს და ქარხნის კარის დარაჯს თვალს უშვება, ანიშნებს, კერძო ხალხის ძროხებისა და ფურების შემოშვების დრო დადგაო.

როშით სავსე ვედრო სანახევროდაც არ ჩაუთავებია გუდოკას, შესვენებაზე რომ უფაქტურო საქონლის მისაღებად ამზადებენ. საქმელი მაინც შემაჭამეთო, — ზმუის მოკლე-მოკლედ გუდოკა და ცხვირში რგოლგაყრილი ჭამა-ჭამით მისდევს მთავარი ვეტერინარის მოადგილეს კერძო გლახაკთა გულის გასამხნეველად, მათი აბურძგნულ-დაბურძგნული, შეუხედავი, ნაბოსლარი ძროხებისაკენ.

თითო ძროხის მიღება-გასტუმრებაში ორ თუმანს იჯიბავს ვეტერინარი. კარის დარაჯი შემოშვებაში მანეთს იღებს გასაჩრჯელოდ. გახარებული გლახი ზურგს უთელავს, ეალერსება ნამსახურებ ძროხას და დაღმართში მიარბენინებს ბაზრისაკენ წინასწარგამჭოლი, სარფიანი მზერით: ხუმრობა საქმე ხომ არ არის, სამი გუდოკასეული ხბო რომ ხარბად აქციოს და ფულად გადაადნოს — ერთი მსუბუქი ავტომანქანა გამოსდის.

ლაბორანტი ქალიშვილები თავის საქსოვ დაზგა-დანადგარებზე გადაფაფრულ-გაფაციცებულნი, უცხო ჟურნალიდან ამოღებულ ორნამენტს ეცმაცუნებიან და წამითაც არ ფიქრობენ, თუ რა აზრისა არიან მათზე ვაჟი-კოვბოები, მაღალი ცხენებიდან რომ ყელყელაობენ მათი ფანჯრებისაკენ. ჭადრაკის დაფებზე თითებდაყვითლებული ზოოწუნმდებელი ვაჟებისთვისაც სულერთია, თუ რას ფიქრობენ მათი გაუთხოვარი გოგონები, სვამენ შემოთავაზებულ ყავას, აბრუნებენ ფინჯნებს და ნამკითხავებს აღარ ელოდებიან, გუდოკა-ბუღის საღამოსყამის მაუწყებელ საყვირზე დატიშულები ჩარბიან თავქვე, ასფალტისაკენ, მათ მოლოდინში გატვრენილი სამარშრუტო ავტობუსისაკენ.

დაახლოებით ასევე ფიქრობენ და ასევე ირჯებიან ბიოლოგი თანამშრომელი გოგონებიც; თან ამშრალევენ სინჯარებს ჩაისათვის, ფინჯნებს — ყავისათვის, თანაბარი გატაცებით ჭრიან და კერავენ, ძახავენ და გრეხენ, ართავენ, არღვევენ, ჩეჩავენ, ქსოვენ, პენტავენ! ქსოვენ, ხან თვლემამორეულნიც კი ქსოვენ და ჩეჩავენ, სინჯარები და ფინჯნები გაკრიალებული უწყვიათ. როგორც კი შესვენებას გამოაცხადებს გუდოკა, ათუხთუხდება ჩაი ცეცხლგამძლე

სინჯარებში; ყავას ნაყავენ ან ფქვავენ საფქვავეში. მერე აღუღებენ ქაფქაფით დუღილის წერტილამდე ქეიშაში, სვამენ მოსპით. მოწრუპვით, განაბვით და მკითხაობენ გადმობრუნებულ მომავალზე და აწყდებთ ნერვები: საძაგელი გუდოკა ზის ყოველი ყავის ფინჯნის შემღვრეულ კედელზე ჩიქურად რქებდალესილი. დაბეჭდავს ხბორებს, რატომაც არა?! თუჯის სხმულივით ბულა-ქარხანაა, არც ეწევა, არც სვამს, სხვა რა მოვალეობა აქვს! ან — ყვირის გაბმული საყვირივით, მიაქვს ყურთასმენა, შესვენებას აცხადებს. მიირთმევს ძვირფას კობტონს, პალვაზე უკეთესსა და უტკბესს, საღომე ღერღილზე გაცილებით უკეთეს ღერღილს გეახლებათ, ანუ რომს, დაკეპილ იონჯას აყოლებს ზედ, რალაც გამაძლიერებლებით გაყუათიანებულს, ახრამუნებს აბრეშუმით ნაზ თივას, პირდაპირ მზის დისკოზე მოთიბულს. საცოდავი ბულბულები კი თითო ღერ ასეთ აბრეშუმზე უნახე! თივაში თითო სიმღერას მისცემდნენ: ოქროპკედივით თივაა, ნაზამთრალი ბუდეების შესაკეთებლად უკეთესს ვერც ინატრებ, ნაზი და ექსტრავაგანტური თივის უნახესი სამოსიც შესანიშნავად მოიქსოვება ამ აბრეშუმისაგან. პირველყოფილი სასწაულმოქმედი.

ჭამას რომ მორჩება გიგანტი-გუდოკა, წყლით სავსე ორფუთიანი კაუხას ამოხაპავს, გაბმული გულგრილობით დაიყვირებს დრუწჩაპრეხილი და თავიდან ხელახლა იწყებს ყველა ხმას, ყველა ჩქაშს თავის დაზგასთან, რგოლგაყრილი ტომის ბელადივით, მეფურ პატიკში შენახული, ყველა ჩაცმული და ეს კი შიშველი, შემქმნელ ბუნებასავით ..

არცა ჭრის, არც კერავს, არც ქარგავს, არც ართავს. წაბლისფერია. ყავისფერი და რა ეყავება. არც რა ეჭადრავება. დგას და ბეჭდავს საქონლის სიმრავლეს ამწვანებული ხეობის გაღმა-გამოღმა ფერდობებისათვის.

არც ახსოვს ფურები, დეკეულები, უშობლები, ძროხები, სად უღაიხსომოს — დღეში ოცი, თვეში ექვსასამდე, წელიწადში ექვსიტათასზე მეტი. ეს ოფიციალურ-საბუთობრივი, გადმორიცხვით ჩარიცხული. შუადღის შესვენებაზე ჩუმ-ჩუმად შემოყვანილი კიდევ ჯანდაბას, ღამითაა ძნელი და შემაწუხებელი, სამუშაოს შემდეგ, როცა ყველა თავ-თავის ბუდეში შეფრინდება და შეფრთხილდება. გატვრენილი როა სამყარო ჭოტის სიმშვიდით, როცა ნამდვილად ენატრება დასვენება ცხვირში რგოლგაყრილ გუდოკას, რბილ,

აბრეშუმით ნაზ თივაზე მუხლმოყრით როცა უნდა დაეშვას სა-
კუთარ ფერდზე წამოსაწოლად ფიქრსა და რაღაც უშორესის
გახსენების მოლოდინში, თუნდაც ერთი წამით ენატრება გაფიქ-
რება მინდვრისა, მოწყურება წყაროებისა, მარტოხელა ხეზე ფიქ-
რით მიყრდნობა ენატრება, მარტო მდგარი მუხის ან პანტის, პან-
ტა არა. სხვა რაღაც ერქვა იმ ხეს, მის ჩრდილქვეშ დგომა და შო-
რიდან მოდენილი დასიცხული ტომის მოლოდინი ენატრება.

„ქარხანაც“ კაცია, ბოლოს და ბოლოს, კაცი თუ არა, სულიე-
რი ნამდვილად არის.

საიდან სად ჩამოიყვანეს გუდოკა. ჯერ კიდევ ხბო იყო, შორე-
ული სტეპის დიდი ჯიშთსაშენიდან რომ გამოამწესეს აქეთ, საჯი-
შე ქარხანა ააშენეს მის გარშემო, სათავსოებით, ლაბორატორიე-
ბით, საანგარიშოებით. შტატებით — შტატებით — შტატებით —
შტატებით: ოჯახები. გვარები, ნათესავეები. მიდი-მოდის, დიდი შე-
ნობა აიგო, მცირე შენობებიც: შედიოდნენ, გამოდიოდნენ და ამა-
სობაში პატარა ხბო გუდოკა-ქარხნად იქცა. მთელი ჯიშის. მთელი
გენის ვეებერთელობით აიყარა ტანი, აისხა რქა და, როგორც კი
პირველად უხმო მონატრებულს თავისი მჭექარე ხმით, ვილაც
შავტყირპა ტიპმა გუდოკა შეარქვა, მოასწრო, თქვა და მორჩა,
შერჩა სამუდამოდ მას ეს სახელი...

ლამით მაინც მოასვენოს ამ შავტყირპა დარაჯმა, ერემ-ქერემ-
ლიმ, ათასი ოხერი კერძო საქონელი რომ შემოუდის ლამით. გაივ-
სო ჯიბეები, უბეები: ფული და ფულ, ფულ და ფულ. ხან შვილე-
ბი ენაცვლებიან მორიგეობით. დაასაქმა შვილები, ფესვებიდან
ამოიბერტყა, ყველა გამართა და დააფულდაფულა. შეიკლა გუ-
დოკა ამასობაში ერემ-ქერემამ, დღე ღამეს დაუმგვანა, ღამე —
დღეს, შემოჰყავდა კერძო ფურები, ძროხები, დეკეულები. ფულ
და ფულ, ფულ და ფულ. ღამეში რამდენიმე, თვეში — ბევრი, წე-
ლიწადში — უთვალავი!..

ფულ და ფულ, ფულ და ფულ, შვილთათვის, იმათი ბადიშე-
ბისათვის.

მერე და როგორ უთაკილო ბიჭები ჰყავს ერემ-ქერემას: ჰგვიან
ქარხნის ეზოს, ნაგავი გააქვთ, ლებავენ რკინის მესერს, ხეებსაც
ლებავენ, რკინას ქვაზე აღულებენ, სანტექნიკას მართავენ. თან
ყასბობენ, ვაჭრობენ, თან დაბალობენ, ჩეხავენ, წონიან. ჩეხავენ.
ლონე აქვთ, რომ ჰა! იმხელა ნაჯახს მოქნევა უნდა ასჯერ, ათასჯერ,
ათიათასჯერ. არშინი ხმალივით უელვარებთ ხელში...

ხასხასებს მოურეველი ბალახი და ბალბა ეზოში, მწვანედ ხასხასებს და ენატრება გუდოკას, რომ ერთხელ მაინც როგორმე მოახერხოს, ენის ერთი ხაოიანი ასმა მაინც, გემო რომ ჩაატანოს!..

ლამის ცვლაში საერთოდ წყვილია. ჩუმად შემოჰყავს ერემ-ქერემას უფაქტურო ფურები და უსაბუთო ძროხები.

— ქარხნის ბულა ხარ, ბულის ქარხანა, — ეტლიკინება თან, — გუდოკა გქვია, მე დაგარქვი, ნათლია ვარ, მორჩა და გათავდა, მოდექი აქეთ და მიდექი იქით. თორემ იგარ, ცხვირში რომ რგოლი გაქვს, ძგარ. ! ე მოდი, მოდი! — ნესტოში გაყრილ რგოლს ქაჩავს ლამის დარაჯი.

ისევ დილა, ისევ საყვირი...

ვეტერინარები, ზოოლოგები, ბიოლოგები, ლაბორანტი ქალები — საქსოვი დაზგებით, სართავით, საძახით.

ტრიკო-ტაე, ტრიკო-ტაე, ტრიკო-ტაე, იწყება დღე...

იყოს ქარხანაში ქარხნის ფილიალი, თუკი არის საამისო საშუალება, მოგება მიიღონ ერთგვარი ეგებ. იყოს სანაშენო ქარხანაც და შიგ შეთავსებით ტრიკოტაეის ფილიალიც, იყოს!

მიიწლანებიან სამსახურიდან დღის დასასრულს გუდოკას საყვირის შემდეგ საქსოვ-სართავ-საჩეჩ-საწინდიჩხირო-საყაისნალო ხელსაქმეზე შეტრფიალებული, გაუთხოვ-გადადებრებული ლაბორანტი ქალიშვილები, ბიოლოგი ქალიშვილები, ზოოლოგი ქალიშვილები. დაბლა, ავტობუსისაკენ მიიჩქარ-ჰერი-ჰერიან. ზრდილობის მანძილის დაცვით მათ ცხვირაპრეხილი ბოლვა-ბოლვით მიჰყვებიან წუნმდებელი ვეტერინარი ვაჟები. ვაჟი-ზოოტექნიკოსები, მექადრაკე-მეშაშეები, მეწუნე-მეწეწუნეები, მესინჯარენი, წაგებულ პარტიაზე მოჩივივენი, მოყაამენი და სხვანი და სხვანი. მიისწრაფიან შინ — ტელევიზორის კვადრატულ ჩარჩო-ბინაში შესასახლებლად, ჩვეული სიმშვიდის საამბოროდ, გუდოკას სახვალ-დილისო საყვირამდე...

დგას რგოლგაყრილი, ბრინჯაოს სხმულივით ნაქანდაკარი სტეპის ქარხნული ჯიშის გოლიათი გუდოკა, ღვარად იღვრება და ეს ამოდენა ჯარჯამათი, უქმი-მოქმედნი ლებულობენ ჯამაგირს. ლებულობენ შვებულებებს და იქაც ქსოვენ, ართავენ, ძახავენ და გრეხენ, მიემართებიან მივლინებებში, იქაც გრეხენ და ქსოვენ, ართავენ და ძახავენ, წერენ შრომებს სისპეტაკის ხარისხში და რჩებიან უქმრონი, უცოლონი, უშვილონი, უძირონი, საქსოვი

დაზგებით იღლიაში დაწუნებული, გაქყან-გამოქყანული გახედვ-
გამოხედვით მირბი-მორბიან, ურეკავენ და ფიქრობენ დარეკვაზე.

მთელი ღამე ამუშავებს ქარხანას ერემ-ქერემა, მტკივნეული
რგოლის ძგარუნით, უშვერი თრევით, ყვედრებით უფრთხობს
ძილს და ღამის ცვლაში სამუშაოდ გაჰყავს, ტანჯავს განთიადამდე:
რგოლის მიწევ-მოწევით მართავს ტონიან გოლიათს, უფრთხობს
სტეპის მოსაგონებლად ჩაფიქრებულ გატვრინულ მოლოდინს, გა-
მოათაყვანა, აურია ტვინი. შუალამისას ყვირის გუდოკა, შესვენე-
ბაზე აღარ იძახის, დუმს. ქამის დროს ფიქრობს, ფიქრის დროს
ქამს... საქონელს ზიზლით ექცევა.

ღამით აღებული ფულით ამრავლებს ბარაქას ერემო, ამრავ-
ლებს მოდგმას. უთაკილო შრომით შრომობენ, უზიზლარი მეყ-
ველფარეობით: ჰგვიან, ღებავენ, ხვეტავენ, თხრიან, აგებენ, აჰ-
ყავთ კედლები, შედიან და გამოდიან, ადიან და აღდუღებენ რკინას
ქვაზე და ქვას — რკინაზე...

უწყინარი ზმუილი, მოხავერდო ტემბრი თუჯის გაბმულ ხმად
ექცა გუდოკას; ძველი ქარხნის საყვირის ცივი ხრიწინი ამოსდევს
რა ხანია.

გასასრესად გამეტებული თვალებით მიაცილებს ღამის დარაჯს
ერემ-ქერემას. „რას მიბღვერ, რო მიბღვერ, შე სახაშლამეც! მოვი-
დეს ღამე, მერე ნახე შენი დღე! ესეც დოვლათია, ხალხია, ცხოვ-
რებაა, შულეზია. შულიშულეზია, შენ რა იცი, შე საქონელო! ჯერ
დაწაცადე. მოვიდეს ღამე, ჩემი ღამე. ჩუმი ღამე. ნახე შენი დღე
მერე!“ — ემუქრება.



საცოდავი შეყვარებულია ძროხა! ერთხელ შეხვდება წლის
დასაწყისში და მორჩა! წელიწადი უნდა ლოკოს ხბო მამაცის მო-
საგონებლად, უნდა მოუთმინოს ძუძუების გაუთავებელი წელვა
მწველაკებს, ნაზად უნდა მიაზმუელოს თანაც, „მადლობელი ვა-
რო“, შესციცინოს, ასვას და აჭამოს, ჯანმრთელად შეინახოს. რო-
შელმა — რომელი? პატრონმა — ძროხა და ძროხამ — პატრონი.
უნდა ილოცოს ჩუმად, პატრონის თავი რომ არ მოუშალოს ღმერ-
თმა, არა დაემართოს რა პატრონს, თორემ, თუკი გაუჭირდა, პატ-
რონი თუ გამოეცალა, დანას მიაყუდებენ კისერზე, ზვარაკად შეს-
36

წირავენ, თითქოს ამ საცოდავი მარჩენალის ბრალი ყოფილიყოს იმ მარჩენალის მოულოდნელი წასვლა-წაბრძანება...

როგორც იქნა, გავიდა მეწველი წელიწადი. ძლივს აიკოხტავა ძროხამ მაკივარ-მაწყევარი პატრონის ძალადობით ჩამოგრძელებული ძუძუები; ჯიქანიც აიწოვა და შეიმკვრივა, რაღაც-რაღაც გაიხსენა, საურველი გადაისვა, მიკოხტავ-მოკოხტავდა.

მდინარეზე დაწაფებული ძროხები დიდხანს სვამენ წყალს, წყალმოტანილ ამბებს უგდებენ ყურს, თანაც როგორც სარკეში, ისე ჩასცქერიან თავის თავს: უხარიათ ამოდენა წამწამები რომ ჰქონიათ, ჩამუჭებული უპეები, მოვარდისფრო ტუჩები... ნეტა თუ მართლა უყვარდა? თუ მოატყუა და თავი დაანება?!. მერე რა, აგერ, კვერციხვით ხბო გამოაზამთრა და გამოზარდა: მიგოგმანებს აღმართში ბოროტა და მეშურნეთა თვალის ასახვევად. მითამაშებს საკოკრე-საყვავილეს!..

ის საცოდავი მეზობელი ბოსლიდან აღარა ჩანს: იბერწა შარ-შანწინ, შარშანაც არ გაუმართლა, ბერწად დარჩა. აღარ დაიტოვეს პატრონებმა ალბათ...

თან წყალს სვამენ ძროხები, თან ფერდობზე ძოვა-ძოვით მიმავალ ხბორებს გასცქერიან, ყველა თავისას ამჯობინებს სხვისას: შეხეთ, ამაზე ლამაზი გინახავთ რაიმე და ვინმე? ვისაც კი შეხედავს, დააბრმავებს, მუხლში მოშლის. ქარხნის გარდა, რა თქმა უნდა! ქარხანა მუხლმაგარი თუჯია, ჩამოსხმული, აპრეხილი დრუნჩით, ვითომც ვეზიზღებოდეთ, მაგ უქმურს, მაგასა! ერთხელ რომ წესიერად არ მოგეფერება, ზამთრის ამბებს რომ არა გკითხავს, ბოსლის ნაწუნწუნხარს: შენ თვითონვე რომ ათბობ უშეშოდ და უცეცხლოდ იმოდენა კედლებს, ხბოს რომ არ შესცივდეს, ქუში არ დასჩემდეს და იოლად არ გაიმეტოს პატრონმა. ერთი სული გვაქვს, როგორმე გამოაზამთრო საიდან-სად ჩამოზიდულ უხეშ ბზეზე. მე შენ გეტყვი, და გემრიელ რამეს შეურევენ პატრონები პირის ხილად. ფიტულელებით ტენიან ბზით. რომ არ წაიქცნენ გაზაფხულამდე. ბალახის ამოსვლამდე, სითბოს გაჩენამდე; ბზე და ბზე, ბზე და ბზე გაზაფხულამდე. გემოდაკარგულნი ელიან მწვანე გაზაფხულს, სიზმარშიაც. ცხადშიაც ელიან. ელიან...

მოვიდა, როგორც იქნა, მობრძანდა, მომწვანდა, მოყვავილდა გაზაფხული. მთელი ფერდობის მალაზიების მწვანე ვიტრინები თეთრი, საპატარძლო-სადედოფლო კუნელის, შვინდის, კვრინჩხის, ქანკეტოს, ტყემლის აფეთქებული თავსაბურავებითაა მოფენილ-

გაჰოფენილი. ნამდვილი საგზაფხულოა ყოველი, უქმად და მუქ-
თად გეძლევა გაზაფხულის მობრძანების ჯილდოდ, იმის ნიშნად,
რომ კარგად ხარ და გულითადად რომ შეხვდი გაზაფხულს, რომ
გაიხარე... და რომ გაეპრანჭე ნაზი გაპრანჭვით, თითქოს თვითონ
გაზაფხული აგიტაცებდა ხელში გუდოკას ნაცვლად, მოგეფერე-
ბოდა და ჩაგიკრავდა ყველას დასანახავად.

წყლის სმას რომ მოათავებ. აჰყვები ფერდობს გაოგნებული,
შებრუებული. ნახეთ, როგორ დავაჟკაცებულან, დადუღებულან
და დაბუღებულან, რა სწრაფები არიან საქციელში, როგორი გა-
დაუღებელი მოტრფიალე და მოსიყვარულენი. შარშანწინდელი
მოზვრები ხომ არიან და არიან, სრული სიშწიფის ატესტატები
დაურეგა გაზაფხულმა მათ და თავდაპირველი ფშვინვით მიუყვებ-
იან თეთრ-მწვანედ შეფეთქებულ ფერდობს. მაგათ უკვე ძრო-
ხებთანაც ეთქმით გაბედული.

რა ნაზი ზმული და ბზულია ირგვლივ. გაუმარჯოს გაზაფ-
ხულს, მის მობრძანებას! ღმერთო, შენითა! გაუმარჯოს, სიყვა-
რულს, გამრავლებას! ვაშა! ვაშა! მუუუ!

კიდევ კარგი, რომ გაზაფხული ყოველ წელიწადს მობრძანდე-
ბა, კიდევ კარგი, მუუ! ვაშა, ვაშა გაზაფხულს!..

* * *

მთვრალი ფუტკრები სკებში აღარ შედიოდნენ, პაერში ხვლან-
ჯადნენ ბზულის თოკებს. ვერ გაივლიდი, ბზული იყო ყველგან
გაბმული. დენივით, დენივით უხილავად დაჰქროდა სიყვარული
ზუზუნის ხაზებში. ჩაიარა ვერაგმა მეფუტკრემ ტაშტზე ჯოხის
ჯახუნითა და სანაყარე ტომრით. ფუტკრის ნაყარი ვერ იპოვა ან
განგებ აარიდა თავი გაზაფხულის, სითბოსი და სიყვარულის პა-
ტივისაცემად. მარტოკინა მუსიკოსივით ჩაიარა; თან ღიღინებდა.
ყვავილად აფეთქებულ რამდენიმე ბუჩქს ჩახედა, გატვრინდა,
გაბრუვდა და გაქრა სადღაც უხილავში.

ბალახი ოდნავ იყო ჩამოწეული ფერდაზე. ფერდა ერთი კალ-
თით ხევში ჩადიოდა მეღიებისა და კურდღლების სიყვარულის
დასათვალისწინებლად, მეორე კალთით კი ველს უერთდებოდა. ველ-
ზე ზამთარგადანახადი შემოდგომის ყანა ჯეჯილობდა ქალაქის სა-
ზღვრებამდე. თითქოს ყურის ნიყარაში ბუდობსო, ისე მკაფიოდ
ისმოდა მწყერის „ქვითკირო“.

ქალაქის საზღვრებამდე ატანდა ველითა და ყანით დარბილებული ეს თავბრუსხვევა სიყვარულისა. იქ, ქალაქად, ოთახებში, იყო ჩაკეტილი, ან პატარ-პატარა საკარმიდამო ეზოებში კვლებს ავლებდა, თესავდა და ბუნდიდა თავბრუდახვეული ქალივით. მამრი-მამაცი ჩრდილივით ელოდებოდა ლობესთან შეხამებული, ბარვით და ჩერკნით მოღლილი. მაგრამ მაინც მხნე და უტყუარი...

მწყემსი ბიჭები მზეზე ეყარნენ, ისედაც ბიჭები და ახლა მთლად გარეტიანებულნი სურნელოვანი ბზუილითა და სითბოთი, ერთბაშად რომ მოვიდა ყინვის შემდეგ. ზოგიერთს უფოთლო, მხოლოდ ყვავილთა გამჟვრვალედ ნაქსოვ ჩრდილში ჰქონდა თავი წატყუებული, ვითომ ჩრდილში ვართო, ეგ იყო და ეგ...

ძროხები მხოლოდ ტუჩებს იღებავდნენ სიმწვანით, თავს იტყუებდნენ: ბალახი ციცქნაა, მოსაწყვეტად ენანებათ. მიატარ-მოატარებდნენ დრუნჩს ნაზად ბალახის ხახხასა ლიფსიტებზე, დასუნავდნენ, შეიხვეტავდნენ კამკამა სურნელით გაპენტილ ჰაერს ნაბოსლარ ფილტვებში, დაიბერავდნენ ფერდებს, ვითომც, მაძღრები და გასუქებულები ვართო, სიყვარულისა და სიხარულის ველზე ვქშინავთ, ნატვრის ბილიკებს გავცქერით, მეტი არც არაფერი გვინდაო...

ქამრებმოსხნილი პატიმრებივით გათანგულები ეყარნენ ბიჭები. რომელიმე მათგანი თუ წამოსწევდა თავს, მთვრალი თვალების ძოვა-ძოვით გადაუვლიდა ზმუილში უძრავად გახლართულ ყველაფერს და ცოტათი დაბლა ჩაგორდებოდა, სადაც დაუტკეპნავი და უწოლი იყო ბალახი, ეგ იყო და ეგ: გორვით იცვლიდნენ ადგილებს...

ყველაზე გრილში აბგები ჰქონდათ მიწყობილი. შიგ იყო სიცარიელე, ან მაგრად მოხარშული კვერცხი, ნივრის კბილი, თავი ზახვი ან თითო-ოროლა მუჭი საქუმელე ფქვილი, ფერდაკრული ლორის ნაჭერი და კუტის ნატეხი; ვისაც რა მოეპოვებოდა და გამოემეტებოდა ხიხრიკა გაზაფხულზე.

ბიჭები ცამეტ-თოთხმეტისანები იყვნენ, შვიდი-რვა სული. შიგა და შიგ უმცროსიც ერია. ძალა უმცროსებს ადგათ, ნახირის მოსაბრუნებლად მათ საქმავდნენ ვნების კვერით ტვინშელაყებულ უფროსები.

იქვე, იებიანში, ნათოვლარიდან შეუმჩნევლად, თვალწინ გამოვიდა ბორკილაშვებული პაწია წყარო. გამოვიდა, მიიფათურ-

მოიფათურა ახლოებში და შედგა, ქვევით, ჯეჯილებისაკენ აღარ დაეშვა. გადაიფიქრა: აქ შირჩევიანო. იმოდენა ქვეყანა მინდვრებზე მე რას ვეყოფიო. აგერ, მღვრიე, დიდი ბატონივით მობუტბუტე, ჯერ დაუვარცხნელი, გაზაფხულის ნარიყმოდებული მდინარე, იმან მიხედოს დაბლობ ველ-მინდვრებსო. ცოდო კია ეგეც, ჩვენი ბატონი, რამდენი უპატრონო ლეში და ნაქოთი უნდა მიაღაგ-მოალაგოს, მაგრამ მაინც მაგან უნდა გწმინდოს ნაზამთრალი, ხეობის ნაგროვი ნაგავი და ცოდო-ბრალი, ჩვენ სად შეგვიძლია მაგისოდენიო, — ეკისკისებოდა წყარო ყვავილებს, ყველას თავ-თავის ენაზე შესციცინებდა, ეფოფინებოდა, მოწითალო ფესუკებზე ელიკლიკებოდა, აცინებდა. აკისკისებოდა...

და ერთბაშად თითქოს მიწა წამოდგაო, ბალახქვეშიდან, ნოტიო, მწვანე ჩოხა გადაიხია მხრებზე, დაიქეკა და დაიქუხა რალაც სიტყვები ზათქი-ზანზარის ენაზე, ისე გადმოდგა და ფერდობს მოეცა დაუოკებელი რამ. გოლიათი გუდოკა მოდგრიალებდა საყვირითა და ცხვირში გაყრილი რგოლით, საბელი ჯაჭვის ნაწყვეტით, ქერიმას წითელი ხალათის ნახევით. ბრმა ორთქლმავალივით, აყრილ ლიანდაგს რომ მიღეკ-მოღეკავს წითელნაჭრიანი მორიგინად, ისე მოთქლიშინებდა გუდოკა, რალაც მილსაც მოათრევდა თან, ცხვირიდან სისხლი სდიოდა დადრეკილ მწვანეზე. ცეცხლებს კვესავდა მილი აქა-იქ ქვებზე. შემოვარდა ამ დაყრილ სიჩუმეში, ხევსურულწოხიანი, მომცრო ბულიტები, გაბუტული მოზვრები, მიიდგრ-მოიდგრიალა ზამთრის ზღაპრებით თავგაბერილ, ჯერ ნაკლებად მოვლილ-მოწესრიგებულ ფურძროხეულში, მაკეებს კუდი მიუთათქუნა გზა-გზა, ყოჩაღ, გოგოებოო! — შეამხნევა. ერთს, მშვენივრად მოვლილ, წაბლის ნაჭიდან გამოკროლილ ორწლიან უშობელს გახედა შორიდან, შეუჩერებლივ და გადამეტებულად დაქანდა მისკენ.

ისეთი ლამაზი იყო, ისეთი მოკალმული ეს დეკეული, ბიჭებს ნახირის დედოფლად ჰყავდათ დათქმული და ნაირნაირ, ლამაზ-ლამაზ სახელებს უგონებდნენ, ეფერებოდნენ, თავაზობდნენ მარილიან ლუკმას.

იმ სანაქებო, წაბლა დეკეულისაკენ ეჭირა გეზი აწყვეტილსა და გადარეულს, სისხლადმონადეარ გუდოკას და, როგორცა ჩანდა, ველარავინ გადააცდენდა საწადელს.

მელიებისა და კურდღლების ხევისპირს მიმდგარი წაბლა სადღაც ცხრამთას იქით იხედებოდა, ფიქრში გატვრენილი. ვინ იცის

და ვინ იტყვის, რაზე ფიქრობდა ფუტკრიონის საქორწილო ზურ-
ნის ზუზუნში თვალმილულული სადედოფლო დეკეული. კარზე
მომდგარი ქორწილის გვირგვინს თუ ირჩევდა სხვადასხვა ფერად,
სხვადასხვა ზომით აყვავებულ გაზაფხულის ვიტრინებზე. თეთრად
აფეთქებულ ხან ერთ ბუჩქს მიაღებდა დრუნჩსა და საგირგვინედ,
უზადოდ მორკალულ რქებს, დასუნავდა, გააქნევდა თავს: ამას
მძაფრი სურნელი აქვს, მე უფრო ნაზი მომიხდებაო, — ფიქრობდა
ფრუტუნ-ფრუტუნით და ახლა სხვა ბუჩქს წამოიცმევდა რქებზე
თავისი მათრობელა ყვავილებიანად...

წაბლა დეკეულმა უკვე საბოლოოდ არჩეული თეთრი ბუჩქი-
დან გამოხედა ბულა-ქარხანას და ისე გულლიად მიაზმუვლა: —
მოდო, ეს მიყიდეო, — თითქო დიდი ხნის დათქმული ჰქონდაო
ყოველივე.

გუდოკა-ბულა, შვიცური ჯიშის სტეპის გოლიათი დამრეც, სა-
შიშ ფერდობზე დაბარებულებით მიდგლიცინებდა თავგვირგვინი-
ნი წაბლა ფურისაკენ, გზა-გზა სიჩქარეს უმატებდა: შეჩერება შე-
უძლებელი იყო და აღარც აპირებდა...

ბიჭებს გული ასტივდათ, მუხლებზე წამოჩოქჩოქდნენ, გაქცე-
ვა რაკი ველარ მოასწრეს. საძირკვლიდან მომზღვრეულივით ჩა-
უქროლა ქარ-ქარხანამ, მიაფეთ-მოაფეთა ყველა: რის კრაზანა, რა
ფუტკარი, რა მუმლის ბრუალი და რა ზღაპარიო! — შეაფეთ-შე-
მოაფეთა სულიერიც, უსულოც, სურნელოვანიც, ბუჩქიც, ნახი-
რიც, ბიჭებიც, ბაჭიებიც, მელებიც, ყველა და ყველაფერი, დაი-
ტანა ზვავივით, მიაწვ-მოაწვინა გაბმული საყვირითა და ჰაერის
ცივ-ცხელი ტალღით. მაკედონელის მუზარადივით დიდი, ორრქი-
ანი თავი ხევგალმა ლურჯ ცაზე გამოეხატა, იმოდენაზე აიქნია ზე-
ვით, ერთბაშად ჩამოახურა იმ წაბლისფერ სადედოფლო დეკე-
ულს თავიც, ტანიცა და ყველა უძრავ-მოძრავი, რასაც იმ წამად
ფლობდა, რაც კი ებადა, წინ გაიგდო ტალღის დაკვრით, ველარც
თვითონ შეიკავა თავი, გადაეშვა კურდღლებისა და მელების
ქორწილების ხევში პატარძლიანად, წყაროც რომ იყო და იებიც
რომ ჰყვოდნენ...

— თავს უშველეთ, ბიჭებო და ბაჭიებო, კურდღლებო და მე-
ლებო, იებო და ფურისულებო! — ამისი დაძახება ვერ მოასწრო
დედაბუნებამ, ისე მოულოდნელად დაეშვა ხევისაკენ სიყვარულის
ზვავად შერწყმული სტეპის ქარხნული, ველური ხმა და ხევსურუ-
ლი უშობელის ფუტკარივით გაბმული ზუილი.

სიციცხლის სიშმაგით დატენილი ქვემეხი თეთრად აფეთქებულ კუნელის ბუჩქს დაეტაკა, აწია, აიტაცა ფურიცა და ბუჩქიც და შიშისაგან გათავებულ და გამქრალ იების ნაკადულში ჩაიხერგა...

პატარა მენახირის სასოწარკვეთილმა ყვირილმა შესძრა ერთბაშად იქაურობა. „მამა-დედა-მამაა!“ — ღრიალებდა ბიჭი გაბმულად, დატიშული მიქროდა თავქვე მშობლების მოსახმობად, ხევში ჩაჩეხილი დეკეულის გადასარჩენად...

მუხლებაკანკალებული იდგნენ გადაფითრებული ბიჭები პატარა, მაგრამ ღრმა ხევის გადასახედთან და სიყვარულის სიკვდილს გადასცქეროდნენ. დასანახად არაფერი არა ჩანდა, ყველაფერი ნანახი იყო და დანარჩენის დასასრულიც თავზარდამცემად მოცოცავდა ხევიდან მაღლა, ბიჭების შებრუნებული ტვინებისაკენ...

შიშისაგან გამქრალი დრო ნელ-ნელა ბრუნდებოდა ადგილზე:

წაბლა დეკეულის მწყემსი ბიჭის მთელი ოჯახი მოქროდა აღმართში: დანებით, ხანჯლებით, ტაშტებით, ვარცლებით, ჩანგლებით. თოკებით, ნაჯახებით, ქალაღებით ისე მოშლივინებდა შვიდი-რვა სული აყუდებული კევრივით აღმართზე, თითქოს აღმა კი არა, დაღმა გარბიანო.

ყურშია მოსდევდა ოჯახს ჩუმი წკმულით. ძალღი მშვენივრად იცნობდა ამ ადგილებს, მაგრამ წინ გასწრებას მაინც თავს არიდებდა, გვერდ-გვერდ მისდევდა პატრონებს მათსავით შელონებული.

ხევის პირს შექუჩებული ბიჭები დაინახა თუ არა, ყეფა აუტეხა ისეთი, თითქოს მომხდარი უბედურება მათი ბრალი ყოფილიყოს.

— საით არის?! — დაიძახა კაცმა და პასუხს აღარ დაელოდა, ჩანადარევის მიხედვით დაქანდა ხევში დანა-საღესის ხაფა-ხუფით.

ყველა შეიარაღებული იყო: ვინ დანით, ვინ ნაჯახით, ვინ ხანჯლით, ქალიც და კაციც, დედაბუდიანად. მარტო პატარა მენახირეს არაფერი ეპყრა ხელთ, სახრეც დაჰკარგოდა. ორივე მუშტით ისრესდა ნაკვერჩხლებივით ანთებულ თვალებს...



თავიონი და ვირთავიონი

შაქარი მადნება ტუჩზე პაპიდას მონათხრობ საახალწლო ზღაპართან ერთად.

— ქვეყანა ერთი შემორბენაა, შეილო, ჩენი კი — ერთი პატარა ზღაპარია. დახუჭე თვალი!

— რა ჩხარიჩხური ისმის ჭერიდან, პაპიდა? — ვეკითხები ხმაურით გაფხიზლებული.

ჩემს თავით მთვლემარე პაპიდა თავის კანტურს წყვეტს, ზღაპრად იბადრება. დამეულ მზედ ჩამომნათის და ახალ ზღაპარს ჩამჩურჩულებს.

— მშვიერი თავგები ფხაკუნობენ სხვენზე. ბარაქიან დროებაში დაწუნებულ ჭიან კაკალს შეეჭყევინ. ნაჭუჭებით კი ფაეტონს მართავენ, ყოყოლოს წისქვილში მიიჩქარიან „თავიონის“ სანახაობაზე.

— რა თავიონი, პაპიდა? — ჩიტვიტ გამიფრთხა ძილი...

— ჩვენს პატარა რუხე შესკუპებულ წისქვილებში ორი წარმოდგენა იმართებოდა: ერთს „თავიონი“ ერქვა და მეორეს კი „ვირთავიონი“. ზემოურ წისქვილს, რომელშიაც თავიონი იმართებოდა, გაუჭირდა ერთი ხანობა, გაჩერდა ყოყოლოს წისქვი-

ლი, დაიშალა უნაფქვო თეატრის თავვიონი. ზარმაცი, უქნარა და სასმელზე თავგაკლული ლენტოს ვირთავვიონის საქმემ და სანახაობამ აჯობა ალალკატური ყოყოლოსეული წისქვილის საქმესა და „თავვიონის“ სანახაობას...

ამბავი ასე დაიწყო: ვაჟა-ფშაველას „სათავურიდან“ გამოშვებული, ნაპატიები ფიცხელა და მისი ხალხი აღარ დადგა ესტატეს განჯინაში. ესტატეს და ეფემიას ოჯახში მათგან ატეხილი საშობაო ფათერაკისა და ხათაბალის მერე, სტუმრები რომ გაუწბილეს და ლამის მთლიანად ჩაუშალეს პურ-მარილი სოფლის თვალისჩინივით სათაყვანებელ ადამიანს, სინდისმა ისე ძლიერ შეაწუხა ფიცხელა და მისი მოძმენი, რომ ფშავეში ველარ გაჩერდნენ და ცოდვის მოსანანიებლად იმ სუსხიან, ტალახიან ამინდში ბარიბარ დაეშვნენ, ჩარგალი მიატოვეს.

ბევრი იარეს თუ ცოტა იარეს, მოადგნენ ერთ ტკბილზმოვან წისქვილს. შეხედეს და მოეწონათ: ცალკე წისქვილი ღირღიტებს და სიკეთესა ფქვავეს, ცალკე კიდევე მეწისქვილე ყოყოლო ჭაფობს და საფქვავეს სიმღერით დასტრიალებს. დროს რომ მოიცემს, კედლიდან ფანდურს ჩამოიღებს, მოიმარჯვებს და აახმიანებს:

ვენახს წისქვილი სჯობიან,
რა, უნდა ძლიერ როხავდეს,
წუწკი ცოლ-შვილის პატრონი
ესდა იჯდეს და ოხრავდეს.

მოეწონათ და მოეწონათ ფიცხელაურებს მეწისქვილეც და მისი თქმულიც, ცალკე კიდევე მშვივრები იყვნენ და მიტკალივით ქათქათა პურის ფქვილმა კეთილი ცხოვრების ფრთები შეასხა თავვეებს. ადგნენ და წმინდად აღიარეს თავიანთი დანაშაული და თავსგადანახადი. სიტყვა-გასარიგებელი ფიცხელამ ასე დაიწყო:

— ერთი ალალი და ჩვენი სოფლის თვალი ადამიანის, დალაქი ესტატეს განჯინიდან გახლავართ. თავგურად ვცხოვრობდით, ესტატეს და ეფემიას განჯინა და თხილ-კაკლეულის კოდი თუ გოდორი აკლებული გვქონდა. კატასაც არაფრად ვაგდებდით; აქაოდა დაბერდა და ლუმელთან იხუხებოდა, ისეთებს ჩავდიოდით, ვარცხვენდით პატრონთან, გვინდოდა მოეშორებინა ამდენი ხნის ერთგული ხატურა. ესტატეს ხათრი და რიდი სოფელში ყველას პირზე ეკერა, ხალხი ერთმანეთს სიამტკბილობდა, რა არის, ესტა-

ტეს გული არ დაეწყვიტოთო. აი, ასეთ კაცს იმდენი დავმართეთ, სათაგური შევაძენინეთ. არც ეს ვიკმარეთ, ჩვენი უვიცობისა და თავხედობის წყალობით საშობაო დღესასწაული ჩავუმწარეთ, სტუმრები დავუფეთეთ, ტაბლა წავუბილწეთ, — ალაღად აღიარა ფიცხელამ.

— ღვინით საესე ჭიქა დავუღვარე პატიოსან მღვდელს ესტატეს სუფრაზე, — აწუწუნდა ცელქაც.

— ჩვენი სოფლის ერთ ხელმოკლე, წვრილშვილ მასწავლებელს, ესტატეს სტუმარს, უსინდისოდ გადავახტი თავზე, გული გავუხეთქე კინალამ, ჩემი ფერი გადავკარ, — აღიარა კუდამაც თავისი ჩადენილი საშობაო ცოდვა.

— რუსეთ-თურქეთის ომის გმირს, ესტატეს საპატიო სტუმარს, კაპიტან მიხეილს ზედ გულზე ვეცი, წმინდა ელენეს ორდენი წავუბილწე ჩემი მოსვრილი თათებით, გული ისე გავუხეთქე ვაჟკაც კაცს, რომ ხმაღზე ვატაცინე ხელი, ლუკმა ყელში გავუჩხირე. იმ ხმლით რომ ავეკუწე. ბარემ ღირსი ვიყავი, — ცოდვა მონანია ბეცამაც მეწისქვილე ყოყოლოს წინაშე.

— ხაშლამის ცხელ, წვნიან ჯამში ოთხივე ფეხით ჩავუვარდი მღვდელ მაქსიმეს, კუდიც დავიფუფქე და ქონიანი წვნით ანაფორაც შევეწუწუე, — ფხორამაც დაფქვა თავისი ცოდო-ბრალი.

— ერთი ჩვენა ვმსხდარიყავით ეგეთ გემრიელ სუფრაზე და ჩვენს მაგივრად ეგენი ჩაგვეცენოდნენ ჯამ-ჭურჭელში, ღვინო წაებილწათ, წვნიანიც, როგორ გუნებაზე შევიქნებოდით, — დაიჩვილა ისევ კუდამ და განაგრძო, — თანაც რა ხალხი უსხდა ჩვენი ტებილი პატრონის, ესტატეს კეთილ სუფრას: რამდენიმე უებრო მშრომელი გლეხკაცი, ხელმოკლე და წვრილშვილი მასწავლებელი, ომებში ნაცადი კაპიტანი, მღვდელი, გზირი და რა გუნებაზე დადგები, ხაფანგში კუდმოკვეცილი კულა-თავი რომ წმინდა ელენეს ორდენზე დაგეკიდება, სხვა რომ ჭიქას წაგიქცევს, შესახვრეპად გამზადებულ წვნიანს რომ ჩაგიწუწუავს, პურ-მარილზე ფეხით გადაგიბრბენს, რომელ შეწყალებაზე უნდა ილაპარაკო და გადარჩენის რა იმედი უნდა გქონდეს! სწორედ რომ კაპიტანი მიხეილის გრძელი ხმლით ვიყავით ყველა ერთად ასაკები.

— ერთი სიკვდილი გავათავე, ამ წმინდა წისქვილის მადლსა ვფიცავ, — განაგრძო მოსანანიებელი საბოლოო სიტყვა ფიცხელამ, — სირცხვილი ხომ სიკვდილზე არანაკლებ მწვავედა და მდა-

გავდა. სწორეც გახლდათ სტუმრებისა და დიასახლისის ჩემზე. ნაბრძანები განაჩენი. „სადგისით დავჩხვლიტოთ!“

— არა, ბატონებო, — ბრძანა ესტატემ მაშინ, როდესაც მე აღარაფრის იმედი აღარა მქონდა, — დღეს საუფლო დღეა და ეგ. თავგიც ალბათ რითიმე შესანიშნავია, რომ თავის თანამომძეთა თანაგრძნობა მოუპოვებია. უნდა გავათავისუფლოთ! ზოგი ხეთის გულისათვის, ზოგიც მე მიხათრეთ! — გაასრულა ჩემი შემწყალე-ბელი სიტყვა ესტატემ და თავისუფლება მაჩუქა ნაცვლად იმისა, რომ ნემსებით დავეჩხვლიტე, რისი ღირსიც ნამდვილად გახლდით... გვიმსახურე, მეწისქვილე კაცო, მოგვეცი ნება და გასაქანი, რომ ჩვენი დღელამეური ოფლითა და შრომით ჩვენი ცოდვები მოვინანიოთ, — დაასრულა საყოველთაო სათქმელი ფიცხელამ.

— შრომის საზღაურს რას მოითხოვთ? — ჰკითხა ამბის მოსმენის შემდეგ მეწისქვილემ, — შრომის ყადრს როგორს გამიწევთ. ხენაში გარიგება ჯობია მკაში გარიგებას, მოგეხსენებათ, როგორ გაირჩებით და ჩემგან რას ირგუნებთ?

— გლეხკაცის მოტანილ საფქვეს წონით მივიღებთ, ხვიშირაში ჩავცლით, დავუფქვავთ, მინდს წესისამებრ ავიღებთ, ჩაგაბარებთ, მისხალ-მისხალ მივუწონით გლეხებს ყველას თავისას, არც ფქვილს დავეკარებთ და არცალა მარცვალს. შრომის საზღაურად, ფქვილის მტვერს, ხრილს ვიკმარებთ, მოვასუფთავებთ — ხრილის მეტი ჩვენ თქვენგან არა გვინდა რა ქვებსაც მოვკოდავთ, როცა საქმეს მოვიხელთებთ. უცხო თავგს არ გავაჭაჭანებთ. ციცაურს კი ნუ დავგიყენებთ ზედამხედველად, თუ ნდობაა, ნდობა იყოს, იმისი ცრუ ღნავილით ტყუილად ნუ წავახდენთ ჩვენ ფიცს, — ყველას მაგივრად მიუგო ფიცხელამ და წინსაფარი აიკრა.

— ყაბულსა ვარ, კეთილი და პატიოსანი, სიტყვას არ გადავალ! — ხელი-ხელს დაუკრა ყოყოლომ. ის-ის იყო, რომ დედაკაცმაც მოაკითხა ბედობა დღის გემრიელი, მცირე ტაბლით. — ასე ტკბილად დამიბერდი, ჩემო ყოყოლო! — ცოლმა ქმარი გადაკოცნა ტკბილიანი პირით და ახლალა შენიშნა წინსაფარაკრული ფიცხელაურები, — ეს ვაჟბატონები საიდან მობრძანებულან ბედობადღეს, რა გვინდაო? — ჰკითხა ცოლმა ქმარს მხიარულად და ვიდრე მისგან პასუხს მიიღებდა დახალული თხილი, გოზინაყი და სხვა ტკბილეული ისე გულლიად შესთავაზა დამორცხვებულ თავგებს, რომ იმედის თბილმა ურუანტელმა დაუარა ფიცხელაურ ბიჭებს.

ყოყოლომ ცოლს თავეების ამბავი და მათთან გარიგებული საქმე გაანდო. — თქვენ იცით და თქვენმა ბიჭობამ! ბედნიერ დღეს გვეახელით და ღმერთი სიკეთეს არ მოგაკლებთ. ხელი მოგმართოდეთ, სიტყვა პირნათლად შეგესრულებინოთ! — დალოცა ყოყოლოს დედააკცმა თავვიონი და კვლავ შეთავაზა ტბილეული.

— არა, თქვენი ჭირიმეთ, ფიცის გატეხვით ვერ დავიწყებთ ამ წმინდა წისქვილში ჩვენს საქმიანობას, თქვენ — თქვენი, ჩვენც — ჩვენი, მორიდებული უარი გაუბედა ფიცხელამ ყოყოლოს მეუღლეს, კიდევ ერთხელ მოუბოდიშა ცოლ-ქმარს და წისქვილის დათვალეირებისა და გაცნობის ნებართვა სთხოვა.

ეს დღე იყო და ეს, ბედობა დღე. ამ დღიდან მოყოლებული, პირშეუქცევად შეუდგნენ პირობის მიხედვით ნაკისრ საქმიანობას ფიცხელა და მასზე არანაკლებ მოწადინებული სხვა დანარჩენი თავეები: ლებანა, ნემსა, ნუშა, ცელქა, ცქმუნა, კულა, ეცა, ბეცა. საფქვავს უფქვავდნენ გლეხკაცებს, წმინდა ფქვილით ტომარებს უვსებდნენ, კმაყოფილებს ისტუმრებდნენ. თვითონ თავეები ხრილის მეტს პირს არაფერს აკარებდნენ, სიტყვას არ გადადიოდნენ. ხშირად იყო, მეწისქვილე თავის კერძს შეექცეოდა, თავეებსაც პპატიყებდა მცირედ ლუკმაზე: წერეთლის მწვადზე და შებრაწულ ნიგოზზე, მაგრამ თავეები სიტყვას ვაჟკაცურად ინახავდნენ, პატიყზე უარს ამბობდნენ.

კაცის სამსახურში თავეების მოსვლამ ბევრი გლეხკაცი მუშტარი მოზიდა ყოყოლოს წისქვილში. მოჰქონდათ საფქვავე გლეხებს, იდგნენ და თვალს ადევნებდნენ ამ პატიოსან, მშრომელ თავეებს. აღარ იცოდნენ, რითი გადაეხადათ მადლობა ყოყოლოსათვის. დაწესებული მინდის მეტს ყოყოლო გლეხებისაგან ნამცეცს არაფერს ლებულობდა და გლეხებიც მადლიერნი მიდიოდნენ და ქვეყანაზე ყოყოლოს წისქვილის პატიოსანი და შეხმატკბილებული თავგურ-კაცური სამსახურის ამბებს ჰყვებოდნენ.

დღითი დღე ემატებოდა ყოყოლოს მუშტარი. სანახაობაც ართობდა და პატიოსანი, საქმიანი მიღება-გასტუმრებაც.

ზარმაცსა და სასმელის მოყვარულ მეორე მეწისქვილეს — ლენტოს მანამდეც ემღურებოდნენ გლეხები: მოუკოდავი დოლაბებით გვიფქვავს მარცვალს, ფქვილი და ქვის ნაშალი ქვიშა პირში გვიკაწუნებს პურის ჰამისასო. ყოყოლოს წისქვილის წარმატებამ მთლად დასცა ლენტო. გაალოთა და დააძაბუნა, ათასში ერთი მასავით მოზარმაცო გლეხი თუ მიუტანდა ნაკმაზანარევე, ურიგო

პარცვალს, მაშინაც უფრო არყის ეშხით თორემ, პატიოსანი, მშრომელი გლეხკაცობა ზარმაც ლენტოს წისქვილში ფეხს აღარ ადგამდა. ბოლოს, ის თითო-ოროლა მუშტარიც რომ გადაუშენდა ლენტო-მეწისქვილეს, მთლად წახდა. ძველი ალაოსაგან არაყი გამოხდა, ჩაიკეტა თავის წისქვილში. ცხარე წიწაკის მწნილს — ცხარე არაყს აყოლებდა, ცხარე არაყს კიდევ ცხარე წიწაკის მწნილს. ცხარე წიწაკის მწნილს კვლავ ცხარე არაყს და სულ გაი-
ლურჯა ცხვირ-პირი ბოლმისა და ლოთობისაგან. შინაც აღარ მიესვ-
ლებოდა და იქვე, წისქვილში ნაბდის ძველაზე ეგდო, იქ ეძინა და იქ ეღვიძა.

ოჯახმაც მიატოვა უქნარა და გამოუსწორებელი. ვითომც წყალს წაუღიხარო, — მიაწყევლა მეუღლემ და ქვა მიაგორა წისქვილის კარებს.

ერთ მშვენიერ ღამესაც თვალს ახელს ნაბდის ძველაზე მიგდებ-
ული მთვრალი ლენტო და რას ხედავს: მის ნაწუწ ჭიქაში ვირ-
თაგვა ჩაყუდებულა და არყის ნარჩენს წრუპავს. ჭყიტა თვალი
ლენტომ, უყურებს საკვირველს, გაფრთხობით კი არ გაუფრთხია
ვირთაგვა. არაყი რომ ამოხვრიბა და ამოათავა დაუპატიებელმა
სტუმარმა. კვლავ პურის ნახორხალს მიუბრუნდა, შეკამა, მოანამ-
ცეცა ღარიბი ტაბლა და კაი მთვრალი კაცის ბარბაცით, დაყრუ-
ებულ დოლაბს იქით, ხვრელში გაუჩინარდა.

ლენტომ გუმანი მოიხმო. გუმანმა უთხრა: შეავსე ჭიქები, ნა-
ხორხალიც მიუმატე, რაღაც სასწაული გეწვევაო...

წამოხტა ლენტო, არყით შეავსო დანარჩენი ჭიქებიც, ცეცხლს
ძალა მისცა, ზედ წერეთლის მწვადი შეხანხლა, ათიოდე ლებანიც
არ დაიშურა, ისიც დახალა ნაკვერჩხალზე, პურიც გახუხა და თი-
თო სავსე ჭიქას ეს მადის აღმძვრელი სასუსნაიც სათითაოდ შე-
მოუწყო. ტაბლა რომ გამართა. კვლავ ნაბდის ძველზე მიწვა და
თავი მოიმძინარა.

გემრიელმა სუნმა საღერღელი აუშალა ვირთაგვების ჯილაგს.
მთელი ჯოგი შემოძრუწუნდა წელანდელი არამკითხე ვირთაგვა
ჯაგარას მეთაურობით. ჯაგარა ნაბახუსევი გახლდათ და მწვად-
ნიგვზეულს როდი ეცა სხვებსავით, კვლავ ჭიქაზე აიჩაჩხა წინა
თათებით. დაეწათა და ლამის ნახევარზე დაიყვანა არაყი ჭიქაში.
ვირთაგვები სახრავს ჭამენ, თანაც გაკვირვებული ცალი თვალი ჯა-
გარასაკენ მიუბრუნებენ. ნაყლაპმა და იშტაზე მოსულმა ჯაგარამ დინ-
გი ჭიქიდან ამოიღო და ზარხოსიანი ჭყივილით შებრაწულ საუზ-

მეს მოუთაროვა. „ურიგო რამე არ იქნებოდა ეგ რაღაცაო“, — გაიფიქრეს დანარჩენმა ვირთაგვებმა და მათაც გასინჯეს ჭიქებში ნადგომი სითხე. ერთი ხანობა ემწარათ, ჩამოხტნენ და კვლავ სახრავი აახრამუნეს. ის კია, რომ სიმხიარულე და მადის მომატება იგრძნეს, ჯაგარას ყაიდაზე მათაც წამოიჭყვირეს და სახრავიდან კვლავ სასმელს გადაესივნენ. ამასობაში კარგა მაგრად მირეტ-მორეტიანდნენ და ჭყვილითა და ჟრიაპულით თავის ხვრელებს მიაკითხეს. გზა-გზა ერთმანეთს ეხლებოდნენ, მხიარულ, ძმაბიჭურ ქისტაურებს თავაზობდნენ კისერსა და ფერდებში, ცას ეწეოდნენ...

ასეთი ყოველდღიური მასპინძლობით შეიჩვია, გააწუწკა და შეითამამა ლენტომ დაუპატიჟებელი სტუმრები. შარი ხეირად მექცაო! — თქვა და გააღო აქამდე დახშული წისქვილის კარი, კარებწინ გადაა მუყაითად და გამვლელის გასაგონად ძახილს მოჰყვა: აბა, კარგად მოკოდილ დოლაბზე დაფქული ვისაც გნებაეთ, მოზიდეთ მარცვალიო!

ჯერ თითო-ოროლა უხეირო, სეირის მოყვარული გლეხკაცი გაჩნდა. იცოდნენ, რა ბედოვლათიც ბრძანდებოდა, ცალყბად შემოიხედეს ლენტოს წისქვილში და პირი ღია დარჩათ: აქეთ წისქვილი ბრუნავს და საფქვავე იფქვის, იქით სანახაობა თვალს იტაცებს — კაცურ ტაბლას ვირთაგვების ხროვა წყობისად შემოსხდომია ვირთაგვჯაგარას მეთაურობით. იბრუებებიან არყით, დახალულ ნიგოზს, წერეთლის მწვადსა და სხვა გემრიელ-გემრიელ საუზმეს ატანენ, ილოცებიან, ლენტოს მზესა ფიცავენ, ხვევნაკოცნასა და გამართულ ვახტანგურში არიან გადაკუდაბმულები.

— მობრძანდით, ძმებო! ჩვენ — ჩვენი, მაგათ — თავისი! მობრძანდით, ხილი იხილეთ, ფქვილი იფქვილეთ, თვალიც გავახაროთ. ერთთავად შრომა როდილა ვარგა, გული ლხენითა სძლებს! — უხმობდა სანახაობით გაკვირვებულ და პირდაღებულ გლეხკაცებს ლენტო და მწვადიან ტაბლას სთავაზობდა. თვითონაც გემოზე შეექცეოდა ამ ძახილში და უფრო ამითაც იზიდავდა და აგულიანებდა...

ერთ პირდაღებულს მეორე ამოუღდა ზურგში, მეორეს — სამე... ხედავენ წისქვილიც — წისქვილია. რაღა ზევითა ვზიდოთ, აქ ამისთანა ამბავი ტრიალებსო. ასე, ნელ-ნელა იმატა და იმატა მესაფქვავემ ლენტოს წისქვილში. სასმელი და სადღეგრძელოც თავისას სჩადიოდა და დატრიალდა წაღმა ჩარხი.

უმეტეს არაყსა და პურ-მარილს ლენტომ და მისმა დედაკაცმა ხურანჯუხტმა. გატენეს წისქვილი საფქვეავითა და სახრავით. კარგად გამაძღარ, მთვრალ გლეხებს დიდად აღარ ედარდებოდათ, ქვიშიანი ფქვილი რომ მიჰქონდათ შინ. საცერი და მაგის ჯანიო! — იძახდნენ მთვრალი ყანყალით შინ მიმავალნი...

დღითიღლე აღმა და აღმა წავიდა ლენტოს საქმე. წისქვილი გაათართოვა. პურისსაქმელი დარბაზი მოადგა, თვით წისქვილიც დენზე გადაიყვანა. ზამთარში ყინულების ჩამტვრევა აღარ მოგვიწევს, შეუფერხებლად, გაუწვალებლად გავირჩებითო, დოლაბი მაინც ბრუნავს, ესეც რამეა, გრამაფონადაც გაეწყობაო, — თქვა და გადაყრილი გრამფირფიტების ნამტვრევები დააქანრაკა — დააკრა წისქვილის ბორბლებს, სარეკელას წვერი წაუმახვილა — ნემსად აქცია და საყვირ-მაყვირა, მოჰყვიტინო-ხრიწინა მუსიკის ჰანგიც გაუჩინა მოქეიფე ვირთაგვიონს. რომ ნახა, ჩემს იქით აღარსად წავლენო, საქმე გააძვირა ლენტომ. ბოქაული-ციცაური საქმის ზედამხედველად დაიყენა. ბოქაულმა-ციცაურმა თავისი კლანქიც გამოსდო ამ საქმეს და ვირთაგვებს ხარჯი დააკისრა: ამდენი ხანი რაც მუქთად ჰამეთ და სვით, იმისი მადლობლებიც იყავით მისამარას, თორემ ვაი თქვენს ტყავსო... სადღა წავიდოდნენ, სხვა ვინ გაუმართავდა ასე წუწკმუტელებს ხელსა. მოითმინეს, ხარჯი გაიღეს, სმა-ჰამას კი არ მოეშენენ. მინდვრის თავეები შეიტყუეს ვირთაგვებმა, შეიჩვიეს, მინდი შეაწერეს — და ასე დაიძვრინეს თავი გადასახადის ნაწილიდან.

ბარე ორი თუ სამი კარგი დამშვენებული სადედოფლო წრუწუნაც შეაცდინეს და სახეთქელაში თავი მოაკვლევნიეს ვირთაგვებმა, სარჩიელი ციცაურს მოასპობინეს.

შესაფქვავეებმა და ვირთაგვებმა სუფრებიც გააერთიანეს და ერთმანეთში გადად-გადმოდიოდნენ...

* * *

გაუჭირდა ყოყოლოს წისქვილს. იკლო მის წისქვილზე დაყრილმა მარცვალმა. ბოლოს იმდენად გაიშვიათდა მუშტარი, რომ იძულებული შეიქნა წისქვილი დაეყენებინა.

ყოყოლო ფქვს მიეცა, სცადა გაერკვია საქმის მოშლის მიზეზი. ფიცხელაურებიც ჩაფიქრდნენ. ისხდნენ დღედაღამ საკუთარ

კუდებზე და ფიქრობდნენ, რა ელონათ, წისქვილი რომ არ გასჩერებოდათ. ალალი: ლუკმა-პური ხელიდან არ გამოსცლოდათ მე-წისქვილესა და მასთან შეფიცულ თავვიონს.

ბევრი იფიქრა ყოყოლომაც, ფიცხელაურებმაც ბევრი იფიქრეს, დღე და ღამე გაასწორეს ფიქრში: ალალ წისქვილს რად უნდა აჯობოს არამმა და მოუკოდავმა წისქვილმაო? წამოაქციეს დოლაბები, ხელახლა მოკოდეს, თუ სადმე წუნი ეგულებოდათ, ყველა შეასწორეს და განაახლეს, მაგრამ მათი გარჯა ამოა გამოდგა, წისქვილს სულ გაუქრა მუშტარი.

— ან მადლი დაგვაკლდა, ანდა ყისმათი აღარ გვიჭრის, — განუცხადა ყოყოლომ ერთ მშვენიერ დღესაც ფიქრითა და ლუკმის ნაკლებობით დაჩიავებულ თავვიონს. ზედაც ფანდურს ჩამოჰყრა და მწარედ დაამღერა:

აქამდე ტყბილი ცხოვრება.
ახლა გვემწარვის შგონია,
ლხენა-სილალის გამჩენსა,
დარდი რად მოუგონია?!

ფიცხელას ცრემლი მოერიდა, ყოყოლოს ალალმა აღსარებამ ლამის აატირა. შეეცადა, დარდი გაექარებინა. ფანდური სთხოვა პატრონს და დაამღერა:

რას ჩააცივდით ჩვენს შიმშილს,
მუცლის და კუჭის ჰყრიალსა?
ლორი მინახავს მაძღარი,
ლაფში რომ შეიქმს ტრიალსა:
ღრუტუნებს, ოხრავს სიმსუქნით,
აღარ ეტევა ტყავშია.
ისიც ვიკითხოთ, რა უყრავ
ოხერს იმ ოხრულ თავშია.

— ფიცი მწამს, ბოლო მაკვირვებს. — თქვა ყოყოლომ დარდიანად, — ამ ქარაგმებით საქმეს წინ ვერა ვწევთ. ჩემს ცოდვას თქვენი რალაზე მივუმატო?! წადით, ძმებო! — ფანდური გამოართვა ფიცხელას, ჩამორეკა თვალწყლიანმა გამოსათხოვარი სიმღერა:

თქვენ ცოდვას მე ვერ დავიღებ,
გასწით, იმტვრიეთ თავია,
თვითონ მოსძებნეთ სახსარი,

იცნეთ კარგი და ავია,
იკლიეთ, გამოიძიეთ,
თეთრი რაა და შავია.

ამ სიმღერის მერე საგზალი გაუწყო ყოყოლომ თავვიონს. გამოეთხოვა, გადაეხვია სათითაოდ. გამოიკეტა წისქვილი და გასწია თავისი ცალთვალა სახლისაკენ.

დაძმარებულმა თავვიონმა ლოთი ლენტოს წისქვილის ჭუჭრუტანიდან შეხედა. ნახეს ბუქნი და ჩარბუხანა, დასწყდათ გულები, მაგრამ რას გააწყობდნენ. გავიდნენ ბოგირზე და ის-ის იყო დიდ ქალაქში უნდა შეედგათ ფეხი, რომ ბუქნა-ჭოტი დაუფრინდათ წინ. გაისვეს ხანჯლებზე ხელი ფიცხელაურებმა. ჭოტმა შეაჩერა და უთხრა:

— ტყუილად ნუ გაირჯებით, მწიგნობარი ჭოტი ვარ, მინდვრის თავგებში მონადირე ჭოტებში, ნუ ამრევთ, ბუქნა-ჭოტი ვარ, ბუქინისტური მალაზიის გამგე. მთელი ქვეყნის საუკუნოვანი სიბრძნე ასაქინძი მიყრია ოთახებში. სიბრძნე მე არ მაკლია, ყველა წვრილად ვიცი, ათაბაბიდან რაღა თქმულა და დაწერილა, თქვენთვის და თქვენისთანებისათვის მინდა ცოდნა გავილო, თქვენს გასაჭირს მინდა რომ ვუშველო. თუ მომყვებით, წიგნის აკინძვის საქმეს შეგასწავლით, ახალ შრომას გაზიარებთ, ანბანსა და წერა-კითხვას დაგაუფლებთ. სარჩო-სახრავად ქალაქის ნაკუწებს მოგცემთ. გონების გასახსნელად და ცოდნის შესახვრეპად მუცლის აღორება არ გარგებთ. „სადაც არ იყოს — ცოტა კმაყიროს“, მოგესხენებათ, ცოდნის ნარეკლიან გზაზე ჰპოვებთ თქვენი ფიქრის და დარდის გასაღებს და იმ ოქროს გასაღებით ჭირი ღებნად შეგეცვლებათ.

ამ ვრცელ სიტყვას კარგად მოუსმინეს ფიცხელაურებმა. დაეთანხმნენ ბუქინისტ ბუქნა-ჭოტს, გაჰყენენ და წიგნის კინძვა-ბეჭდვის საქმეს მიჰყვეს ხელი. ააწყვეს იაკობ გოგებაშვილის „დედაენა“. ანით დაიწყეს და ჰაეთი დაამთავრეს.

ჰაუ-ჰაუ, ქორო, ნუ ფრენ,
ჩვენს ეზოში დილ-დილასო,
ვერ მოგვტაცებ, არ გაგატანთ
ჩვენს პატარა წიწილასო.

ბევრი სასიკეთო ზღაპარი, მოთხრობა და ლექსი წაიკითხეს და დაისწავლეს ფიცხელაურებმა. ცოდნისა და შრომის ბევრი ოფლი მოიწურის. ცრემლიც ბევრი დასცვივდათ მშვენიერი ქარ-

თული ზღაპრებისა და მოთხრობების კითხვისას. სულ ცრემლებით დააღბეს და დაპოხეს თავისი ლამაზი კუთხის დიდი შვილის, ვაჟა-ფშაველას „შვლის ნუკრი“, „მთის წყარო“, „ხმელი წიფელი“, „მთანი მაღალნი“, „წიფლის ჩიტა“, „ფესვები“, „ჩხიკეთა ქორწილი“. „ტყის კომედიაში“ — თავისი გარებიძაშვილების დუხჭირი ცხოვრების ამბებმა, ზამთრის სარჩოდ ორმოში შენახული თხილის ბაცაცობამ, გული დასწყვიტა: „ცოდნა-განათლების მაღლი არ სცოდნიათ, იმიტომაც უბაცაცნიათ და ალალი, რიგიანი ცხოვრების მაღლიან-უსაყვედურო გზისათვის ვერ მიუკვლევიათო საწყლებს“. — შეიცოდეს ფიცხელაურებმა თანამოძმენი. დაფურცლული „სათაგური“ რომ ნახეს და თავისი თავგადასავალი წვრილად წაიკითხეს, სირცხვილისაგან დაიწვნენ. ბევრი კეთილიც მოაგონა მოთხრობამ. ჩარგალი და ვაჟას ტკბილ-ღარიბი ქონი თვალწინ დაუდგათ, გულზე მწუხრი გადაეკრათ. საშობაოდ ესტატეს შინ მოტანილ გემრიელ ნობათზე პირწყალი წასკდათ. ხან ტიროდნენ, ხანაც იცინოდნენ, გულში იხუტებდნენ ახლად აკინძულ ვაჟა-ფშაველას წიგნებს, ჰკოცნიდნენ, ერთმანეთს უკითხავდნენ, ხარობდნენ და განათლებული გონების თვალით შორს იხედებოდნენ, დიდ, სასიკეთო გეგმებს აწყობდნენ უწიგნურ თანამოძმეთა გასანათლებლად...

ლოთმა, სახელგატეხილმა ლენტოს წისქვილმა, ვირთაგვიონის საძაგლობამ, ალალი, მშრომელი გლეხკაცობის გადაბირებამ და უქმი ცხოვრების გახსენებამ საბოლოოდ გადააწყვეტინა თავვიონს, რომ სიბრძნის მარცვლი ეთესათ, ემრავლებინათ და ყოყოლოს წმინდა წყლის წისქვილზე დაფქული სიტყვის მარცვლის სპეტაკი ფქვილით გაეძღოთ დამშეულ მოძმეთა გონება.

თავისი თხოვნა და სურვილი ბუკნა-ჰოტს მოახსენეს ფიცხელაურებმა. ერიდებოდათ კია წლების მანძილზე შეხმატკბილებული გონიერი პატრონისაგან წასვლა და განშორება, მაგრამ სათქმელი მაინც გაანდვეს მწიგნობარ მფარველს და ბუკნა-ჰოტმაც ფრთა ფრთას შემოჰკრა სიხარულისაგან, თვალები ააფახულა, წამოიცრემლა და მშვენივრადაც გამოისტუმრა: თითოეულს სანუკვარი წიგნით აუესო ახალთახალი ხურჯინი, საკუთარი ფრთის ღერი ჩაუდო ჩონის ქილებში კალმად, ხელის მოსამართი ჯამაგირიც ჩაუთვალა, ბოგირამდე გამოაცილა და გზა დაულოცა..

ამ ყოფით მოადგნენ ფიცხელაურები ყოყოლოს წისქვილს, პატრონი რომ იქ არ დაუხვდათ, შინ მიაკითხეს და დააგუგუნეს:

ვერავინ იტყვის იმასა,
რომ ხმლითა ქვეყნობს ქვეყანა;
ხმალი რას იზამს სალესვლად
თუ სწავლა არ დაეტანა?!
სწავლა ციხეა მაგარი,
ნაგები მტრისა შიშადა,
სწავლით გავეიქრის ფრანგული,
რიხი ექნება მტრისადა.

მაშინვე გამოეგება ძველი ხრილით გაქალაქავებული, მაგრამ ჯერ კიდევ ჰარმაგი მეწისქვილე. სიხარულით ცას დაეწია, თავისი ერთგული, ალალი სიტყვის ბიჭების ომახიანი სიმღერა რომ გაიგონა. ვადაისვა თმაზე ხელი, გაიყრევინა თეთრი, გაჭიელდა და დაუქმებული წისქვილისაქენ გაუძღვა ფიცხელაურებს.

იმედად გადანახული ერთი ტომარა „დოლის პური“ ჩაცალა ხეიმირაში, ღარს წყალი მისცა. წისქვილი ძველებურად აახმიანა და ვიდრე დედაკაცი ცხელ შოთებს ამოყრიდა, საქმის ასავალ-დასავალი გამოიძია. ყველა წვრილად უამბო ფიცხელამ და გემამაც გადაუშალა კეთილ მეწისქვილეს:

— ცოდნის ლავაში ფურცელ-ფურცელ უნდა დავურიგოთ ჯიბეგავარდნილ ვირთავგიონებს. სხვა ჩარა არა აქვთ, გამოგვართმევენ. ლენტოსა და ბოქაულ-ციცაურებისაგან გაფრცქვნილებსა და შემოქერქილებს ისლა დარჩენიათ, ნისიად მიწოდებული ცოდნის ლავაში იგემონ, დამშეული გონების ხნულში ჩაითესონ, აზრი გაილოჯონ და სიბრძნის ყანის მოსავალი მოიმკან და სიკეთისაქენ მოიღონ პირი.

თავები გემრიელად აცნაწუნებდნენ შოთის ყუის დაბრაწულ ქიმებს. ყოყოლო კი ხურჯინიდან ამოლაგებულ წიგნებს ჩაჰკირკიტებდა. ანიდან დაიწყო და ჰაეთი ჩაამთავრა. გარიყრაჟზე გატეხა მხოლოდ ლუკმა ყოყოლომ.

ვიდრე თავგიონის ფიცხელაური ბიჭები ბუქნა-ჭოტის ბუკინისტურ მაღაზიაში სიბრძნის წიგნის ფურცლებით გონებას იკინძავდნენ, ამასობაში „ვირთავგიონის“ მუშტრებმა უქმი სმა-ჰამითა და თავყირაობით გამოიცალეს ჯიბის ბარაქა. ველარც დათესეს, ველარც მოიმკეს, რაც ებადათ, გაანიავეს, მთხლეზე დავიდნენ და აზრისეულიც თუკი რამ ეშავათ, ჰარს გაატანეს. ლენტოსი და მისი მარჯვენა ხელის, ბოქაულ-ციცაურის კლანჭებში მოქცეულებს თავის დასაღწევი აღარც გონი და აღარც ღონე აღარ შერჩათ. მალე „ვირთავგიონის“ კარიც დაეხურათ. აღარც მარცვალი, აღარც

სახსარი, აღარც გონი. დაუანგებული გუთნები მიწამ შეუქამათ... არც გამდიდრებულ ლენტო-მეწისქვილეს წაუვიდა უკეთ საქმე: ფულის გაყოფისას ბოქაულ-ციცაურთან დიდი შეხლა მოუვიდა. სულ თავ-პირი ჩამოაფხრიწეს ერთმანეთს მანამდე შეხმატკბილებულმა მეინახე დოსტებმა.

„ვირთაგვიონის“ წევრებმა გაბედეს და სულ თითო-თითოდ აიტუზნენ „თაგვიონის“ განახლებული წისქვილის კარებთან... წისქვილის ღია კართან ფანდურს აწკრიალებდა ყოყოლო; ძველ-მეწისქვილურს კაფთიაობდა:

წისქვილის ამბავს თუ მკითხავ,
მე მოგახსენებ, რა უნდა:
სათავე აშენებული,
ლარსა პირამდე თლა უნდა,
ქვეშ სახეთქელა ბორბალი,
შიგნით ლამაზი ქვა უნდა,
ხეიშირა სარეკელი,
საკონწიალო სხვა უნდა...

ვიდრე ყოყოლო მღეროდა, ამასობაში ფიცხელა, ლებანა, ნემსა, ფხორა და მთელი გოგო-ბიჭები გონიერი სიტყვის მარცვლის ნაფქვის ლავაშს ნისიად ურიგებდნენ დამშეულ-დაძაბუნებულ „ვირთაგვიონებს“. ამ გზითა და ამ ცდით მათაც გაუჭრა გონებამ, კარგი ავისაგან განასხვავეს, შრომასა და ზენა-თესვას მიჰყენენ, წიგნს ხელიდან აღარ უშვებდნენ ვირთაგვიონელები, გუთანს მართავდნენ, ფარცხავდნენ, მკიდნენ, ლეწავდნენ, თაგვიონელთა სესხსა და ვალს ისტუმრებდნენ, თანდათან ფეხზე დგებოდნენ..

შრომამ და სწავლამ ხელი-ხელს დაკარეს და წაქცეული ბურჯი მტკიცედ დააყენეს ფეხზე. ამუშავდა მეორე წისქვილიც. ახალი წისქვილები აიგო წყალზე.

* * *

გამონახული დიდი გოგრის ფაეტონით დავყავდი პაპიდას თაგვიონის წარმოდგენებზე. ვაშლის ჩირის რბილი ბორბლები რბილად მიგვარწევდნენ წისქვილისაკენ. ჩვენი ვენახის ერთგული ზღარბი — ბუძგა გვება ცალცხენეულად ფაეტონში... ბუძგამაც ბევრი ზღაპარი იცოდა ვენახეული. გვიამბობდა და გვართობდა გზა-გზა...

„თავვიონის“ ბოლო სანახაობად საპალნის ქვეშ დაბერებული უდაბნოს ხომალდის, აქლემისა და მისი ლეშის შესაჭმელად, აქლემის ფეხდაფეხ მადევარი მაწანწალა მელიის ამბავი თამაშდებოდა ყოყოლოს განახლებულ წისქვილში.

ერთმანეთზე შემსხდარი თავგები ფქვილის ტომარას ჩამოიციმევდნენ, ზემოთ ამოღებული ტომრის ყელიდან თავვი-ფიცხელა იხედებოდა და აქლემის სათქმელს ჰყვებოდა. თავვი-ფხორა კი, წინა სანახაობაში რომ ბოქაული-ციცაურის როლს ასახიერებდა, ამჯერად მელად გადაიქცეოდა და მელას ჰბაძავდა. აქლემი და მელა სიმღერით ეპაექრებოდნენ ერთმანეთს. შესავალ ამბავს ყოყოლო მღეროდა:

აქლემი გახდა ავადა,
გაპირებული კვდებოდა:
სულის დაღევას ლამობდა,
სიცოცხლის ძაფი წყდებოდა;
სნეულს ვით ჰირისუფალი,
მელია გვერდსა ხლებოდა.

ავადმყოფი, მწოლიარე აქლემი უდაბნოში თავისი ცხოვრებისა და მძიმე შრომის თავგადასავალს ჰყვებოდა: „რამდენი დიდი მგოსანი მიტარებია ზურგით, რამდენი დიდი მხედარი საღსალამათი გამომიყვანია ბრძოლის ველიდან, რა თვალმარგალიტი და ზინათი მიზიდია ბაღდადისა და ისპაჰანის საქარავნო-საეაქრო ბაზრებზე. უდაბნოს მხურვალე ქვიშის მტვერი მივსებდა და მწვავედა თვალებს. ეკალი გახლდათ ჩემი საკვები. სახედრის გარდა ყველასაგან დაწუნებული ნარეკალა, ახალ მთვარემდე ვძლებდი მწყურვალი“.

მელას შენიშნავს აქლემი და შეეკითხება:

მითხარი, გამაგებინე,
რისთვის დამყვები, მელაო,
ავად რად მიცქერ, ჩემგანა
განა რა გახსოვს წყენაო?!

მელა ურცხვად მიუგებს:

შენ სიკვდილს ვუციდი, აქლემო,
კანკმარუდო, კისერგრძელაო:
მალე შევესწრო, შენთვისა

ღმერთს რომ დღე დაებნელო;
მივუჭდე შენ ლეშს უშიშრად,
შევექცე ნელა-ნელაო.

აქლემი მიუგებს:

ვაი, რომ მოტყუებულხარ,
შე ბრიყვო, კკუათხელო:
მანამდე გრძელი კისრიდან
მე სული ამოხდებო,
ათასჯერ მოგკლავს შიმშილი,
შე უბედურო, შენაო!

თავისი სიტყვის დასტურად აქლემი ფეხზე დგებოდა და იძახდა: — მშრომელი კაცი თავისი ცხოვრების ფეხდგომელა ძეგლია! ავდგეთ ფეხზე, მელეებს რომ თავი არ შევაკუმევიოთ! — ამ სიტყვებთან ერთად აქლემი ფეხზე დგებოდა და მნახველნიც ფეხზე ამდგარნი უკრავდნენ ტაშს.



მერცხლები

სათაური კი დავაწერე, „მერცხლები“, მაგრამ, მაინც ვეძებ უკეთესს... მერცხალი... მერცხლები... რამდენი მერცხალიც დაფრინავს დედამიწის ზურგზე, ალბათ იმდენჯერ არის ეს სათაური ნახმარი. მერცხალი... მერცხლები... კაცი-მერცხალი.. კაცი-მერცხალი თუ შეიძლება, ქალი-მერცხალიც შესაძლოა... შარიანი სათაურია. ყველა ცას აეკვრება, ქალიც, კაციც... არა, მთლად არ ესადაგება სათაური „მერცხლები“ ან „მერცხალი“ წინამდებარე მოთხრობების მასალას, რომლის თავმოყრასაც ვაპირებ ამ ფურცლებზე... ადამიანური, ყოფითი მოტივებია და რა შუაშია მერცხალი?! საჭირობოროტო მოტივებია, თანაც გადასაწყვეტი. რა ადვილი იყო მდინარის ტოტის გადაწყვეტა, დაწყვეტა... როგორ უმწეოდ ეყარნენ ხოლმე კალმახები ხრეშიან ფსკერზე ან მცირე გუბებში. ლოდებქვეშ!.. რა ადვილად კარგავს ფხას გუბეში წყალი. დუბელად გადაიქცევა და ხელაობით თუ ვერ მიაგენ ქვის ქვეშ შეყუჟულ კალმახს, მოგვიანებით თვითონ ამობრუნდება გულალმა დამყაყებული წყლიდან...

„მეზარმაცება“ რომ დამერქმია სათაურად, გამართლებული იქნებოდა, ამართლებს ჩემს განწყობილებას. რამდენი ასეთი მო-

თხრობის მერცხალი მოფრენილა ჩემი თვალის ფანჯარასთან, წარბზე ბუდე გაუკეთებია... გიკვირს განა?! სად „მერცხალი“, სად „თვალის ფანჯარა“ და სად კიდევ „წარბზე გაკეთებული ბუდე“... სათვალეს კი აქვს ქარქაში, ბუდე, მაგრამ, „თვალი-ფანჯარა“, „წარბი-ჩარჩო“, გაგონილა და თქმულა?! ანდა, „წარბზე ბუდე!..“ რამდენი საჭიდაო, უარმყოფელი აზრი ჩნდება მოთხრობის წერისას?!

რამდენი მერცხალი მოფრენილა ჩემი თვალის ფანჯარასთან, წარბზე...

არაესთეტიკურად ელერს... „წარბზე ბუდე გაუკეთებია“. ბუდეში ბარტყები იჩეკებიან... სანიტარული ნორმების დაცვა საჭირო... ბარტყებმა კი იციან ეს და შიგ, ბუდეში არასოდეს არ წიტავენ, მაგრამ, მოთხრობას რომ იმაგრებ ბუდესავით და ქვეყნის ჯარ-ჯამაათი გნებავს ააჟივევიო შიგ, სად გინდა წავიდნენ... მაშინ, ფრენის უფლებაც უნდა მისცე და მიანიჭო...

ფრენა ყველას არ შეუძლია!.. ხედავთ, როგორ გართულდა ერთი მოთხრობის დაწერა?! ეს კიდევ არაფერი... რედაქციის ფანჯარასთან რომ მიიტან შენს მერცხლის ბუდეს და რედაქტორი ორივე წარბს ასწევს, კოპად შეიკრავს, ანუ აიკაპიწებს შარვლის ტოტებს, წყალში რომ მშრალად გავიდეს და გაღმა ნაპირიდან გითვალთვალოს, თუ რა წყალს მიეცემა შენი ბუდეებიანად?! არა და ცხოვრება სასწაულად იცვლება შენს თვალწინ. ასი წლის წინათ აწეული და შეკრული წარბის ქვეშიდან უმართებლოა გაღმური ქვრეტა გამოლმისაკენ. ცხოვრება პასუხს მოითხოვს ყოველწუთიერად, მტკიცე და გადამწყვეტ პასუხს იმის თაობაზე, თუნდაც რომ კარგი მერუე, კარგი მრწყველი ერთ სოფლად ღირს. დღე-ღამე რომ წყალში დგას დაქარიანებული და წელკავიანი, უდიერი ბრიგადირი კი მასაც იმდენსავე შრომადღეს უწერს, რასაც, თუ რამდენსაც, მაგალითად, მთიბავს, ან, მეთოხურს, ან... არგებს განა, დღევანდელ გადაუდებელ, ინტენსიური სოფლის მეურნეობის სასწრაფოდ გადასაჭრელს, თანაც შეუმცდარად გადასაჭრელ პრობლემებს, გაღმიდან კოპებშეკვრით გამოღმა მაცქერალი ბრიგადირის შორიდან თაყაობა?!

* * *

რამდენი ასეთი მერცხალი მოფრენილა ჩემი თვალის ფანჯარასთან, ბუდე გაუკეთებია, უქლურტულ-უქუპრავია, ბარტყები დაუჩეკავს, დაუფრთიანებია, მელნად დაუქარავს დასიცხული აგ-

ვისტო, ყვითლად გადაჭანგული ველები. მერე, ამდგარა და გაფრენილა მთელი თავისი ლურჯად დაწინწკლული სანოტო სისტემით — ბარტყებით, გაფრენილა და დარჩენილა ქართლის ველებზე, სოფლის თავებზე გარდამავალი სველი ხაზები გაუშიფრავად მოზუზუნე კავშირგაბმულობისა; ბოძიდან ბოძამდე წვიმით დამძიმებული, როგორც ნაღვლიანი კაცის ქუთუთოები... გამოქანდება ბელურა, ეს შინაურივით ერთთავად ერთგულების მოყიფევი ფრთოსანი თავვი, გამოქანდება და, როგორც ქართლში იტყვიან, ტყაპანს გაიღებს, შეძვრება მერცხლის ბუდეში, დაისადგურებს და აგიცენცავს სულის ყოველ მარცვალს, ყოველ ნამცეცს. უფრო დაგინაღვლებს ზამთარს თავისი აბუზული ჩრიპინით. შეგიწუხებს სულს, გადაგიწურავს იმედის წყაროს...

რამდენი მერცხალი გამიფრენია ასე. გამიყოლებია დამძიმებული თვალი გაუშიფრავად მოზუზუნე კავშირგაბმულობის მავთულ-ხაზებიდან. მერე, მთელი შემოდგომა, მთელი ზამთარი და ნაწილიც გაზაფხულისა მიცქერია ცარიელი ბუდისათვის, როგორც მოკირული, ცარიელი ქვევრისათვის, რომელშიაც საუკუნეთა უწინ, წინაპარი მევენახე პაპა ჩადგმული კიბით ჩაუყვებოდა, როცა მრეცხავი-მერცხალი ვაყები მოკლე სარცხებით ამოილალებოდნენ უშველებელი ქვევრიდან. ამოილალებოდნენ ოდნავ დაბანგულნი, მუშაკაცის ოფლით შუბლდაცვარულნი... ჩავიდოდა ის ჩემი პაპა თუ პეპერა უსმელ-უქმელი, ფხიზელზე უფხიზლესი, შეისუნთქავდა, მრეცხავი მერცხალი ვაყების გარეცხილი ქვევრის ამონასუნთქს, შეამოწმებდა ქვევრის სიწმინდეს, ხელის გემო რომ არ შერჩენილიყო და არ შეჰყოლოდა ლეჩაქიან დიდედათა უებრო ხელით მონაკრეფი მტევნების უმანკო წვენს...

ყამთა სიავით, მამაკაცთა სიმცირით, იდგა მარანი ქონგურმორღვეულ სათვალთვალო კოშკზე მიყრდნობილი და მიყურსული ჩემი ბალღობის ყამს. უსტვენდა ქარი გაღნიოშებულ კარ-ფანჯარაში, აჟღარუნებდა მოტეხილი მტევანივით დაკიდულ რაზას...

ათეულწლობით წვენმიუწვდომელ, უბადაგო, პირამოხახულ თვალუწიერ ქვევრებს ჩავცქეროდი, კენჭებს ვყრიდი შიგ სათითაოდ და ყურს ვუგდებდი ქვევრებიდან ამომავალ ჩქამს...

ლობეშემოდარცულ ვენახში, შემოდგომობით, ფენმძიმე დედაკაცის ბოლო, მეცხრე, სართვლო თვის სიმძიმით ძუძუდამძიმებულ ვენახს უტიფარ მეჯოხეთა ღორების დინგწვრილი, წვრილთვალა

კოლტი შეესეოდა, შეუდგებოდა და დღენიადაგ უზანგში ნატარები მხედრული ტერფის ნაცვლად, მშიერი ქოსმენის დინგში შეყრილი ეშვები თქვლეფით წურავდნენ დამკრახული შავკაპიტოსა და თავკვერის, ბუდეშურისა და მუხამწვანეს, თითასა და ხარისთვალას მტევენებს.

დამშეული, მაწანწალა, ყურძენზე გაწუწკებული, საშიშად ამძებული ძაღლების ქარავანი მოიმცვრევედა ბოლოს ღვთითყურთხეული ვენახის წლის მოსავალს და...

ვყრიდი გამჭვირვალე მარცვლებივით ლამაზ კენჭებს ყელამოხახულ, ტუჩებდამსკდარ ვეებერთელა ქვევრებში დამძიმებული ქუთუთოებით, ყურს ვუგდებდი ჩქამს ქვევრიდან, როგორც საუკუნეთა სიღრმეებიდან აღმომავალს, „ქართლის ცხოვრების“ ვაზური ფოთლების ამონათქვამს...

მთავარი, თავი და თავი სათქმელი ფრთამოტეხილ, მორბენალ მერცხალზე, გვერდით ჩამომრჩა. ცარიელ ქვევრებში აღმოვჩნდი მერცხლის ბუდის ნაცვლად, თავებზე რომაა მიღუღებული ჭიკჭიკითა და იმედებით საჯსე...

ქვევრში მრეცხავები ჩაილალებოდნენ და ამოილალებოდნენ. მე კენჭებით ამოვპირე და წამოველ... განათლების ბუდეების ჩხრეკვით...

ჩვენი ოდინდელი მარბევალის ისლამის მოპირულ ყურს რომ ესმას ეს სიტყვები, „ჩაილალა და ამოილალა“, — იტყვის, ალლაჰის სადიდებელ ფორმულას შემოკლებით ბრძანებსო „მერცხლის“ ამბის მთხრობელი: „ლა-ილლაჰ ილ-ლალაჰ ვალ მუჰამმად...“ და ასე შემდეგ...

არა! ლალი კეთილშობილი თვალთა! მის ჩათვლას, ჩალაღვას, სამკაულის კოლოფში ჩამარცვლა-ჩაწყობას უნდა ნიშნავდეს ეს სიტყვა, „ამოლაღვა“ კი ამოკრეფას, სამკაულის სათითაოდ ამოცანცვლას ესადაგება და არა „ილლა-ლლაჰს“, ანუ, „ალაჰის“ სადიდებელ მოკლე, მუსლიმურ ფორმულას.

გამორიცხული არ არის. რომ ქართველმა ენაკვიმატმა კაცმა მუსლიმთა თარეშისა და პროტექტორატის დროს იხუმრა მოლას ქადაგების მოსმენისას: „შეხეთ, რა ამბით ჩალალა და ამოლალა ამ ოხერმა!“ — ლალივით ჩამარცვლა და ამომარცვლა ლოცვანიო...

გადავუხვიე სათქმელს კვლავ, გადავიპარე მოუკრეფავში. განზრახ როდი მომდის, სიტყვა გამიტყუებს ხოლმე: „აქეთ მო!“ —

ჩამჩურჩულებს და გზიდან გადამიყვანს. აი, ახლაც მთავარი დამავიწყა — მერცხალი...

თურქების მიერ მიტაცებულ ქართულ მიწაზე მცხოვრები ქართველობა, არდაკარგული ქართველები, მერცხალს საქართველოს მაცნედ თვლიან და პატრონობენ როგორც ბარათის მომტანს, სამშობლოს — დიდი საქართველოს მაცნეს. შეჭხარიან: „...სტამბოლსა და იზმირში არ იცის, ჩვენს სოფელში კი ბევრი ბუდობს. ხალხი ძრიელ პატრონობს. საქართველოს მახარობელია მერცხალი“, — უთქვამს იქაურ დამდულრულ ქართველს...

„ძრიელს“ ქართლში დღესაც ზუსტად ისეთი კუთხური ცთომილი სახით წარმოთქვამენ, როგორც 400 წლის წინათ. „ძრიელს“ ამბობენ ქართლში დღესაც ძველები, რომელთაც სკოლაში არ უვლიათ და ზეპირი, დედის უბნობით, დედის ძუძუს თამაშ-თამაშით შეუისხსლბორცებიან მშობლიური ქართული.

კვლავ გადავუხვიე სათქმელს. გამიფრინდა მერცხალი... თორტიზაში ვარ. დამკრახ-დაშაქრულ თორტიზაში. ვემუსაიფები ახლად, მაგრამ გულწრფელად შემეგობრებულ ექიმს. გორის მთავარ დასტაქარს. საქმითა და საქციელით დამშვენებულს, საშუალო ასაკის გემრიელსა და საყვარელ კაცს... დასტაქრობისა და კაცური გამჭრიახობის ისეთი ფართო დიაპაზონი აქვს გივი-ექიმს, რომ საქართველოს ნებისმიერ საავადმყოფოში, უფრო შორსაც, უფრო მეტი მასშტაბებითაც ალაღად შეძლებს მთავარი ქირურგის სახელის ტარებას...

გაჭირვებამ შეგვახვედრა, შეგვაყვარა ურთიერთი და ან იქითობას, ან აქეთობას რომ არ შეგუბრინო, არ გადავხვიო და არ ჩავიხუტო, გული ვერ მითმენს. თვალში რომ ჩაუვარდეს, არა კაცი ხელს არ მოისვამს, ისე ჩაპქრით გულში გორელებს ჩემი მასპინძელი. არადა, ისიც სტუმრადაა თორტიზაში. ახალი სიძე-ბატონია. კვირა დილით, საავადმყოფოს მონახულების შემდეგ აურბენია გორიდან თორტიზაში სიდედრიანთ მამულში. ნებიერობს, რალაცას ფათურობს, როგორც ტალ-კვესიდან აბედზე გადმონთებული. ისე გადავხვიეთ და გადავედ-გადმოვედით ერთიმეორეში.

რა იტყვის იმ დღის სიკეთეს, რა ენა ჩათაფლავს იმ ქარვისფერ კრიალოსანს, თორტიზაში რომ იყო გაბმული ვენახ-ვენახ. ბალ-ბალ, ზვარ-ზვარ, ალვა-ალვა!.. თითქოს გამძაფრებული ქვეყნელება ლაპარაკით მოიღალა, დადუმდა, გაიტვრინა და დუმილის საკვირველებით მოხიბლულმა ყველამ და ყველაფერმა პირი უსი-

ტყვოდ დაალო მყუდროების სიდიადით გაოცებულმა და სახტად დარჩენილმა... ხეები უხმოდ ათამაშებდნენ მწვანე უბეზე აკინძულ ლოყაწითელ ნაყოფს, ჩუმად ეფოთლავებოდნენ, არ ბზუოდა ბუ-ზი, კრაზანაც ყრუდ დაბობლავდა საპირიწამლედ მორთმეულ დამ-ტკბარ ჭანჭურზე, განაპობ ატამზე, მარილმოყრილ სიმინდის ტა-როზე...

კაკანაში ეძინა ჩვილს და სუნთქვაც არ ისმოდა მისი... მზე სა-დლაც იყო და იქიდან ჩამოყვითლებული უხმო ნეტარებით გვით-ვალთვალეზდა ჩრდილქვეშ, გრილად გატვრენილ მოკეთეებს, შე-მოფარება ეწადა...

ჩიტები ხეთა ფოთლებს შეფარებოდნენ ზროსთან ახლოს, შუ-აგულის სიგრილეში...

იღუმალ ხმად ჩამესმოდა ჩიტისფილის მანანური:

მიწას,

ასჯერ გადაბუგულს,

თაზე ადგას სვეტი ნათლის,

პირჯერის წერით სათქმელია:

ზემო,

ქვემო,

შუა ქართლი.

ქართლო, საქართველოს ძირო,

ქართლო, საქართველოს ფარო...

სიყვარულით დაბანგულები ვისხედით და ერთმანეთს ვათვა-ლიერებდით ქართლის ცისქვეშ...

გაბუტული იდგა ლალისფერი კამკამა დოქი და იშვიათობა:ს ჰკვირობდა... თავშეკავეების კანონისა არა იცოდა რა ხელადამ და ჰკვირობდა.

არც უსმელობა იქნება, მოგეხსენებათ და ნუნუაც თავის ად-გილზე ჩადიოდა. ჩადიოდა და ფესვებიდან უხმოდ ამოჰქონდა უსიტყვა სიკეთე ნათესავთა ქართლოსიანთა:

ავაგე ესე კოშკები, დაედგი ლაგამად მტერთათვის,

ყოველგან დასახედავად, ყოველთა — მრავალფერთათვის;

შუებამ, შაქვამ და საწუთრომ — ღხინმა მამისა ერთათვის,

და გოლიათად...

და მეტი აღარ იკითხებოდა ზემო ქართლის კოშკისეულ ლოდ-ზე, სახლის კუთხის ქვად რომ ეხმარა ვილაცას შემთხვევით და

ზეგოლიათი ლოდით უნებლიეთ შეემტკიცებინა გარდასული სიდი-
ადეც. ყოფად და მხოლოდ სამყოფად ანაგები ბოსლური ოდისათ-
ვის...

კაში ჩაკიდებული ლალისფერი დროგამოშვებით ჩააკითხავდა
მამა-პაპურ ხეთა უძველეს ფესვებს და მერქან-მერქან, ძარღვ-
ძარღვ ამოჰქონდა აზრი ჩვენის არსობისა...

ჩემი სისხლი და ხორცი, ჩემი უხმო და გემრიელი, ახალგაზ-
რდა ბიძაშვილის შვილი მახლდა თან. ცხრაასი კილომეტრი გავი-
არეთ მისი მანქანით წინა, შაბათ დღეს. მოვქანცე, დილაუთენიი-
დან კვირის ძირამდე ვარბენინე საბიძაშვილო, გადაუდებელ საქ-
მეზე. საქართველოს უცილდურეს საზღვრამდე ზღვა-ზღვა და უმალ —
უკან. ხმა არ ამოუღია, თავს მეველებოდა ჩუმი ფუტკარივით,
ახალგაზრდა, ჩემი სისხლის წვეთი, ჩემი ბიძაშვილის შვილი ჩუ-
მად გვივსებდა გვიან-გვიან დაცლილ ჭიქებს.

მთელი შაბათი მე დამითმო, საიდან სად ჩამიყვანა და ამომიყ-
ვანა ხმის ამოუღებლად. კვირადღეც ჩემს სამსახურში ჩააყენა;
ქართლის ველი ხელისგულზე დამიდო.

სიკეთეს ჩამოთვლა არ უყვარს. ახლა ვამბობ, თორემ იმ და-
თაფლულ სიჩუმეში ხმას როგორ ამოვიღებდი!..

— მძივივით შეგვება სიჩუმე. ასეც არ ვარგა, ხმა ამოვიღოთ.
კაცი გვაკლია, ვატყობ. გურამ, მობრძანდი! — კარის მეზობელი
შემოიბატყა ჩემმა მასპინძელმა. მერცხლისფერი პერანგი ეცვა
მეზობელს. მერცხლის სიმარდით შემოფრთხილდა. იშვიათი,
ზღაპრული სილურჯის თვალები შემოასხივა: „სოსანზე უფრო
სოსანი“. ჭიდან დანახული სექტემბრის კრიალა ცისფერი...

იშვიათია ქართლში ცისფერი თვალები. ასეთი მუქი, სილურ-
ჯის მიტანებული კი უიშვიათესი...

.ოჯახის უფროს სიძესაც ცისფერი თვალები ჰქონდა, მაგრამ
ასეთი ლურჯი არა და არა. „ეზოში ჰა ამომყავსო“, — მოგვიბო-
დიშა ძველმა სიძეურმა და დროდადრო შემოგვირბენდა. საქმეს
თავს არ ანებებდა. შორიახლოს ედგა ბინა, მეუღლე და წყვილი
ჩვილი აკვნებით მოებარებინა სიდედრიანთა. კაკანაში ჩაკრულ-გა-
სუსულ ბალღებსაც მამისეული ცისფერი უკრთოდათ თვალებში.
„ალბათ ჭიდან ამოსდევთ-მეთქი“, — გავიფიქრე. გახუნებული
ცისფერი თვალები ჰქონდა დიდედასაც. მის სამ ქალიშვილს, გი-
ვის მეუღლეს და ჭისმთხრელისას, ბაცი ყავისფერი, თითქმის ჩვე-
ულებრივი ფერის თვალები ჰქონდათ. მათი უფროსი და მუქ ყავის-

ფერს რჩეულობდა. ყორნის ფრთით წარბები მოეხატა, ყინწვისის ანგელოზი ჩამოფრინდაო თითქოს, გაგაქცევდა და დაგაოკებდა ოცდაათს მიტანებული ან გადამეტებული ეს ღვთის ჩანახატი ქალიშვილი გაუთხოვარი ფრთხილებდა დედის უბეში...

ზღვიდან ამოყვანილივით ლურჯთვალა, მერცხლის ფრთამოსმული მეზობლის ვაჟიც უცოლო გახლდათ. „ოცდარვისა ვარო“, დამნაშავის სიმორცხვით გამოგვიტყდა, თავისი პირით ბრძანა. არა და, სახლ-კარი გამართული, საკარმიდამო დახუნძლული და მზე-ჩამდგარი. სამოცი წლის ქარმაგი და მხიარული დედ-მამა, ორი და... ამ სიმდიდრის, დოვლათის პატრონი, მოწოდებითაც და უმაღლესი განათლებითაც სპორტსმენი კაცი, გამოირკვა, რომ თბილისში ქირითა დგას, მცხეთის რაიონის რომელიღაცა ქარხანაში შრომობს. ერთი ახალგაზრდა კაციც შემოგვესწრო, ისიც მეზობელი, ისიც ოცდარვა წლის, ისიც გამართული და ისიც უცოლო. იჭდა თვალეზრათაფლული და მოთმინებითა და ღიმილით უძლებდა ჩემს მართებულ-დაშტამპულ ტატანს:

— ოცდაოთხისამ შევირთე-მეთქი, — ვლაქლაქებდი.

მითმენდნენ...

მერე მოვიდალე და გავჩუმდი...

გივიც წასასვლელი იყო, ჩვენც ვეშურებოდით. წამოვიშალეთ. გივი-ეჭიმი ცოტა ხანს შეყოვნდა. მისაბრუნ-მოსაბრუნნი ჰქონდა ახალ ფუძეზე: მეზობლები შემოდრიოდნენ. მცირე, სამეურნეო ტრაქტების შესახებ ემასლაათებოდნენ, რჩევებს ეკითხებოდნენ.

მე და მერცხალა-ბიქს თბილისის გზა გვქონდა და დაეწყვილდით. ბიძაშვილმა გორის ყელთან მიგვიყვანა გამვლელი მანქანის სალოდინოდ.

ვიდექით გაგანია სიციხეში. გორის გოლიათი ვერხვი შორიდან გვიჩრდილავდა. ახლოს მისვლა და მისი ნამდვილი ჩრდილის ქვეშ დგომა შეუძლებელი იყო რიარიათ მიმავალ-მომავალი მანქანების ნიაღვრისაგან. გზის გამყოფად, მოძრაობის ბუნებრივ მომწესრიგებლად აყუდებულიყო ეს ძველისძველი ვერხვი შუაგულ ტრასაზე. ოთხი-ხუთი კაცი ვერ შემოუწვდენდა მკლავებს, იმოდენა რამ იყო.

ვიდექით ასფალტის მტკერსა და მანქანების გამონაბოლქვის სულთამხუთავში, მგზავრად გაყოლის მოლოდინში მე და ეს ჩემი თორტიზელი მერცხალი. ვინ ეშმაკს უნდოდა ჩვენი დამგზავ-

რება ამ ბუღსა და სიცხეში!.. ხალხით გადაქედნილმა ავტობუსმაც ჩაგვიარა...

ვიდექით...

ერთი გაქცევა კი იყო თორტიზამდე. განა მართონული გაქცევა, არა, საკუთარი ჯანმრთელობის მოსაწესრიგებლად რომ დაძუნძულებენ, აი, ასეთი მარშრუტი ეყოფოდა ამ ბოლოდან — იმ ბოლომდე, თორტიზას ბოლომდე...

არა და ვიდექით მე და ჩემი თორტიზელი მერცხალა-თანამგზავრი გორისთავის დიდ ჭადართან, მტვერსა და ბოლში გახვეულები...

ნუთუ აქ მთავრდება მოთხრობისათვის შეგროვილი მასალები? ბოლოს და ბოლოს, გარდა გარეგნობისა, სწრაფი მიხრა-მოხრისა განა ისეთი რა იყო საინტერესო და მეტად გასაავრცობი, რომ აგერ აქ. გორის თავით მდგარ გოლიათ ვერხვთან არ დამთავრდეს სათქმელი: „მერე ჩავსხედით თბილისს მიმავალ რომელიღაცა მანქანაში, ჩავედით და ჩვენ-ჩვენ გზაზე გავსწიეთ...“

არა, ასე არ ივარგებს. ბრიგადირი პასუხს აგებს დღეს თავის მრწყველზე, მერუე-კაცზე, ტბორში რომ დგას და ურუხრუხებს მამულს მაცოცხლებელ წყალს წარღვებში... არ უნდა გაგექცეს პატიოსანი, ტრადიციული, მრწყველად დაბადებული კაცი სოფლიდან იმის გამო, რომ ვერ შეაფასე, ბრიგადირო, იმისი მადლი-შრომადღებების მადეგარ და მოწუწუნე, ცალფეხად სოფელში და ცალფეხად კი ქალაქს მაჭყეტარ თანასოფელს გაუიგივე ეს ტლაპოიანი, წელკავიანი, მეტბორე-მრწყველი და ამ შენი უგულობით იმდენი ჰქმენი, რომ...

ძველად. გვალვიან ქართლში მრწყველებს ერთმანეთი დაუხოციათ ბარებით: უსამართლოდ რატომ გადაუყელე წყალსო. რად დამსვი მშრალზე, რად ამიტირე ცოლ-შვილიო! — იყო ბრძოლა, სიკვდილამდე ბრძოლა წყლისათვის აი, აქ, ქართლში, აღმოსავლეთ საქართველოში, ძალიან ბევრგან...

არხი-არხზე გადად-გადმოუღის დღეს ჩვენს მამულებს, რწყვის სურვილი და, რაც არანაკლებ მთავარია, რწყვის კულტურა სოფრომ მგალობლიშვილისა და ნიკო ლომოურის დროინდელზე გაცილებით დაბალია.

აქაოდა, არხები გვაქვს თავისი ჩამკეტებითა და ერთი ამბები-თო, ზოგი მეურნე მიუშვებს თავიდან ბოლოსაკენ მჩქეფარე ნაკადს. რიგთაშუა მიურუებს და მიუტოტებს, მიაქვს თქიშინ-თქი-

შინით გაქცეულ წყალს მიწის წიაღი თავიდან ბოლოსაკენ, რეცხავს სასარგებლო მარილებისაგან მიწას, აქაოდა, სასუქი ვაგონებით მოგვიდისო..

ცელინოგრაფელთა წინაშე გამოსვლისას მიხეილ სერგის ძე გორბაჩოვმა ისეთ მეურნეებზე გაამახვილა სწორედ გულისყური, ისეთ ხელმძღვანელებზე, რომლებიც ადვილად ჰკრიან და იმითი არხეინობენ: მელიორირებული მიწები მქონდეს და მოსავალს მოსავლა არ გაუჭირდებაო, — ასე ფიქრობს მეურნეობის ზოგიერთი გულარხიანი ხელმძღვანელი...

ეს კრიტიკული შენიშვნა გულარხეინ, თვითდაჯერებულ მეურნე-ხელმძღვანელთა მიმართ, ცხადია, მარტოოდენ სოფლის მეურნეობის თვალსაწიერზე როდი ზოგადდება. ზეპირად ვერ მოვიყვან ციტატებს, მაგრამ არსში არ მეშლება, არსი კი ისიც გახლავთ, რომ სოფლად წარმოებული დიდი ძვრები, კულტურულ-მშენებარე საქმიანობა, ბევრ არასოფელს იზიდავს და ხვალ უფრო მეტსაც მიიზიდავს, რაკი მიწა, ტყე, მდინარე და ბუნება ადამიანის ჭანმრთელობის, მისი სულის თავი და თავი აკვანია. აკვანია განა მარტო ჩვილთათვის, განა მარტო მოზარდთათვის, ეს სწორედ ის პერცხლის ბუდეც გახლავთ, რომელსაც ჩვენს მატერიალურ დოვლათზე არანაკლებ ძვირფასი ჩვენი სულის სიმშვიდის გაზაფხულიც მოჰყავს...

— სტარტს ისეთი ძალით ვიღებდი საწყისი მდგომარეობიდან, რომ სატერფულებს ჰაერში ვისროდი უკუცემის ძალით, — მიამბობს ჩემი პერცხალი-თანამგზავრი.

— იუგოსლავიაში, ჩეხოსლოვაკიაში, გერმანიაში... სასტარტო სატერფულები, უჰ, რომ მოვწყდებოდი და რომ აცვივდებოდნენ უკუცემის ძალით ჰაერში!..

— მძლეოსნობისა ცოტა გამეგება, ასეთი ძალით არეკლილ მორბენალს შედეგი რა გქონდა?..

— იცით მძლეოსნობა? გიყვართ? — ლურჯი ცეცხლი დაინთო ჩემი მოსაუბრე თორტიზელი ვაჟაკის თვალებში.

— ბადროს ვტყუორცნიდი, ბირთვის, უროსაც, მოყვარულის დონეზე. სასკოლო რესპუბლიკურ ოლიმპიადებზე ვმონაწილეობდი, 1952 წელს შიდა-საუნივერსიტეტო სპარტაკიადის ჩემპიონი გახლდი...

— შედეგი? შედეგი?! — კვესავს და ბრწყინავს ჩემი მოსაუბრე

და გვავიწყდება მტვერიც, ბოლიც, ქარვად დამკრახული და დაბრაწული თორტიზას მიტოვებული მამულებიც...

— შედეგი დიდი არაფერი დღევანდელი თვალთახედვით... ოცდაათხუთმეტი, ოცდათექვსმეტი მეტრი, ხან ნაკლებიც...

— აუჰ, რა პატარაა!.. დღეს სამოცდაათები აქვთ...

— მაშინ საქართველოს რეკორდი ბადროს ტყორცნაში ორმოცდაორი. ორმოცდასამი მეტრი იყო, ჩემო ფიცხო და ახალგაზრდა ძმობილო..

— მეექვსე კლასში ვიყავი. აი აქ, თორტიზაში, ას მეტრზე თერთმეტი და ექვსი მეათედი წამი რომ ვაჩვენე. ლადა-ლუდა ბილიკზე თანაც... ბოლო კლასში თერთმეტი და სამი, თერთმეტი და ორი მეათედი წამი.. აღრევე უნდოდათ ჩემი წაყვანა თბილისში. რაიონის სპარტაკიანაზე თვალი დამადგეს იქაურმა მწვრთნელებმა. ხუთჟიღში გამოვდიოდით... ფიზკულტურის ინსტიტუტში მისაღებ გამოცდაზე თერთმეტი და ორი მეათედი წამი ვუჩვენე. გაკვირდნენ... მოხრეშილ გზაზე გავბოდი მაშინაც... სად იყო ასეთი დახვეწილი სარბენი ბილიკები!.. ათი და რვა მეათედი წამი, ათი და შვიდი ვუჩვენე ცხრამეტისამ...

ანთებული ვუსმენ... კრთის, თრთის, გადაძაბულია... დაღვეით არ დაუღვეია, სამი-ოთხი ყლურწა-ჭიქა ამ ძალის ვაეკაცისათვის რა უნდა იყოს, არაფერი...

— მამაჩემს რა ვუთხრა, მამაჩემს!.. ოჰ, მე!.. როგორ ვვარჯიშობდი, იცით!.. სტარტზე ვარჯიშისას მწვრთნელი, წინ, მეტრნახევარზე დაბალი სიმაღლის რკინის თამასას მიყენებდა. სატერფულიდან არეკლილი, მთელი ტანით წინ გატყორცნილი ამ რკინის ქვეშ ჰაეროვანი ცურვით, ჰაერ-ჰაერ მკლაურითა და მთელი სისწრაფით ამ რკინის თამასას ქვეშ უნდა გავცურებულიყავი... რამდენჯერ დავტაკებდითარ შუბლით, თავი გამიხეთქია. ნაწიბურებიანი თავით კვლავ და კვლავ განვაგრძობდი ვარჯიშს მწვრთნელის მთვალყურეობის ქვეშ... „მიდი, ეგ არაფერი... თავი ჯანდაბას. ფეხები აქ მთავარი!“ — ღიმილით მამხნეებდა მწვრთნელი ახლად თავმეხვეულს... მგელივით ვვარჯიშობდი. ყოველ წელიწადს წამის მეათედს ვაკლებდი, საცაა დიდებისათვის უნდა შემეტიო, ათ წამსა და ხუთ მეათედს ვუმიზნებდი.. .განა შურდათ, უხაროდათ ჩემს მომავალ მოწინააღმდეგე სპრინტერებს, ბუნებრივ სისხარტესთან ერთად ჩემს დიდ მონდომებასაც ხედავდნენ... ოჰ, ღმერთო, რატომ ის დღე არ დაიწვა, მამაჩემმა რომ მანქანა მიყიდა!.. რა ჯან-

დაბად მინდოდა მანქანა ამ სისწრაფის ფეხების პატრონს!.. ერთადერთი ვაჟი ვყავდი, თანაც ნახევარი ევროპა მოვლილი მქონდა... ოცი წლისაც არ ვიყავი.

— ცხონებულმა მამაჩემმა ჰადრაკი ღუმელში ჩაგვიყარა, დაგვიწვა... მერვე კლასში ყოველდღიურად ოცდახუთ პარტიას ვთამაშობდით მე და ჩემი მეგობარი. სწავლა ვილას ახსოვდა. ჰადრაკის ჯადოქრული სამყაროს ტყვეობაში გახლდით... ადგა და ცეცხლში ჩაუძახა მშვენიერი ფიგურები... რისხვამ ისე შემაშინა, საერთოდ დავკარგე ჰადრაკის თამაშის ყოველგვარი სურვილი..

— ეგ არაფერი... რა მოსატანია ჩემს შემთხვევასთან... დამღუპა და დამანელა იმ მანქანამ!.. — ცრემლები ერევა თანამოსაუბრეს, თვალცრემლიანი თხრობას განაგრძობს:

— მოვდივარ ჩემთვის. მშვენივრად ვფლობდი მანქანას. წვეთს როგორ დავლევდი, ამისთანა შედეგების პატრონი. ერთი დიდი, ვილაც ბობოლა მშენებელი დამეჭახა ძეგვის ხიდთან. კარგი მაგარი გამაძღრები იყვნენ ღვინითა და პურმარილით უფროსიცა და მძლოლიც. გაქანებული „ოცდაოთხით“ შემომელეწნენ. ძალა მეყო წამიერი. თეძოს ღია მოტეხილობით გამწარებული გადმოვედი დაქუქილი მანქანიდან, ხუთჭიდელის ძალით დავცხე ორი მუშტი მთვრალ მძლოს, ტლაპოში ჩავაგდე და გათიშული მეც ზედ დავენარცხე ლაფში გართხმულს, დავაკვდი ზედ. დარტყმის ძალამ რომ გადაუარა ქვეშმოყოლილს, გამოძვრა და ერთი სიკვდილი გაათავა, გრძნობადაკარგული რომ მიხილა. გულწასული მიმატოვეს ლაფში და გაიქცნენ...

კრიმინალიაო, მოთხრობაში ამაზე დავა წავა რედაქტორთან. არა და, ცოცხალი კაცი მიყვება თავისი მომავალი დიდი სპორტული კარიერის მოულოდნელი მსხვერვეის რეალურ ამბავს, თვალცრემლიანი მიყვება. ძალიან რომ გვაკლია, ისეთი კაცი, ას მეტრზე შორბენალი, მძლეოსანი, ხუთჭიდელი... თავის თავსაც აკლია ის, ცხადია. იმიტომაა შეფეთებული, რომ დაეძებს დაკარგულს.

ათ წამსა და შვიდ-რვა მეთაედში შორბენალი, ოცი წელი არ შესრულებია, ბრმა შემთხვევის გამო ტოვებს დიდ სპრინტს. თორტიზელი, გორელი ბიჭი!.. ამ ასაკში ასეთი შედეგი ტელევიზიის საშუალებით თუ უხილავთ მის თანამემამულეებს!..

თუ არ ვცდები ოურენი. ან რალაც მსგავსი გვარი იყო მსოფლიოს ჩემპიონი ბირთვის კვრაში, ჩემი ყმაწვილური გატაცების პერიოდზე უფრო ადრინდელი. მძლეოსნობის სახელმძღვანელოში

გულდასმით ვსწავლობდი კადრებად ასახულ მის ყოველ მოძრაობას ბირთვის კვრის დროს. დევეური აღნაგობის ვეაქაცს მუხუდოს მარცვალევით ჰქონდა მუქში ჩამალული ბირთვი. იარაღიანი ხელის მტევანი ყვრიმალს უკან მიებრჯინა, მარჯვენა ფეხზე ჰქონდა სიმძიმის ცენტრი გადატანილი, თავიც მარჯვენა მხარეზე გადაექინდრა. თორმეტ თუ თოთხმეტ კადრში სრულად იყო ასახული ბირთვის კვრის დროს მთელი მისი სხეულის მოძრაობა. ორი წელი მწვრთნელის გარეშე, დამოუკიდებლად ვსწავლობდი ბირთვის კვრის ამ დეტალურ პროცედურას. სადღაც ნაგდები უანგით ამოკენკილი ბირთვი მაჩუქა ვიღაც უფროსმა ამხანაგმა, ფიზკულტურის დაშტამპულმა მასწავლებელმა და ხელიდან არ ვუშვებდი. აქიქყნილი მქონდა ეზო მისი ნაბარტყუნევისაგან. სკოლის ფიზკულტურის მასწავლებლები ასეთ საკითხებში ვერ ერკვეოდნენ: „განმკლავი, მიმკლავი, წინმკლავი, უკუმკლავი...“ — აი, ეს და თხილამურებად გათლილი ღობის ფიცრები იყო ჩვენი სპორტული ენაც და ფრენაც... ომამდე არსებული „დოსაათის“ საფრენოსნო კლუბი სანატრელ მოგონებად იყო დარჩენილი.

სიმკაცრის ნიღბით იფარებოდა ჩვენსობას ფიზკულტურისა თუ სხვა მასწავლებლის დაბალი, უინტერესო მექანიზმი, ვინც მაგრად წაგქოჩრავდა, მაგარიც ის იყო...

აი, ესეც წუწუნი და ჩივილიაო, — შევიშმუშნა რედაქტორი, — რას გვაძლევს ამაზე ლაპარაკი დღეს ჩვენო...

მე უბედნიერეს ხალხად მიმაჩნია ჩვენი შვილების თაობის ყველა გოგო თუ ბიჭი, ვინც გარკვეული ფიქრისა და აწონ-დაწონის შემდეგ ხელ-ფეხს დაიკაპიწებს, ცალ ხელში აგროტექნიკურ სამეცნიერო-პოპულარულ წიგნს დაიკავებს, მეორეში სპორტულ სახელმძღვანელოს გამაჯანსაღებელი სირბილიდან — მარათონამდე, დაახლოებით ამგვარ სახელმძღვანელოს, და ვისაც მონაცემებიც ხელს შეუწყობს, იზოვის ბადროს მტყორცნელის, უროს ან ბირთვის მტყორცნელის შესახებ ვიდეოფილმს და ნიადაგის მორწყვასა და მორწყვას შუა თავს შეიქცევს თავდაპირველად. ხოლო შემდეგ, როდესაც მნიშვნელოვანი სპორტული შედეგის მიღწევის სურვილი გაუჩნდება, მე, მე, დიახ, მე ჩავდგები მის მაგივრად მერუედ, მრწყველად, მთიბავად, ოლონდაც ჩემი თაობის ოცნება — საქართველოში საზოგადოდ სპორტის და კერძოდ მძლეოსნობის — სპორტის საფუძველთა-საფუძვლის დიდი, ნებაყოფლობითი

აღორძინება მოხდეს თანამედროვე საერთაშორისო დონეს მიახლოვებულნი...

მოთხრობაში ამ მასალის გამოყენებისას, შესაძლოა შენიშვნა მიიღოს მწერალმა: „სპორტული პუბლიცისტიკა არ არის ჩვენი პროფილი, სოფლის მეურნეობის საჭირობო პრობლემებსა და ირიგაციას რომ თავი გავანებოთო...“

„საფერფლები ცაში აცვივდა, მოეწყდი თუ არა, წახრილი ცურვით გავაპე ჰაერი თხუთმეტ-ოც მეტრზე...“ ზეპირ საუბარში არ არის მოსაბეზრებელი, ნაბეჭდმა შესაძლოა ვერ აიტანოს... პირისპირ მოსმენილს მძაფრად განვიცდი. ბეჭდვისას სიმძაფრე კლებულობს.

მონაყოლს ჩქით მოტეხილს რომ ხედავ. მობანილი სიხლი მთხრობელისა — მამენელის თვალს რომ ხელახლა გესახება და გაყრუოლებს. როცა გინდა, ეს სიტუაცია კადრივით განმეორდეს, მაგრამ მთავარი არ მოხდეს, გადაეფარო, შეუძახო იმ „ბობოლას“, თავის მძლოლთან ერთად ნაბახუსევ-გამაძლარი რომ ბრუნდება ობიექტის მიღება-ჩაბარების აქტზე ხელმოწერილი და დაბინდული თვალებით სიკვდილ-სიცოცხლის საწორზე დებს დიდი ასპარეზისათვის გამოკვეთილ რაინდს...

— საქმე ლამის ისე წარმართეს, ჩემს „სიმთვრალეს“ აბრალელებდნენ მომხდარ ფათერაკს, — მიყვება თორტიზელი თანამგზავრი დიდი ხნის ამბავს, — მთელი ფიზკულტურის ინსტიტუტი, მწვრთნელი, ყველა, ყველა და ყველა თავდებად დამიდგა. მოჩმახული ამბავიო, ამ მხრივ საქმე მოგვარდა, უფრო სწორად გავარდა, გარიგდა. მეც წყალი ჩავიგუბე: აღარ გამოვდევნებივარ მათი სიმთვრალის ამბავს ან რანაირად გამოვდგომოდი. მე ლაფში ჩამტოვეს ბარძაყადანატეხი და სისხლისაგან დაცლილი, თვითონ მიდგენენ-მოდგენენ, საქმე მოაგვარეს და ლამის ჩემს წინააღმდეგაც კი შემოატრიალეს, ცოტა გაწყდა... ყოველდღე მოდიოდა ჩემი მწვრთნელი საავადმყოფოში და ტიროდა, ცრემლით ტიროდა.. ყველა შემთხვევაში ხელიდან გამოვეცალე... ათი წამი და შვიდი მეათედი მქონდა იმხანად. ყოველ წელს თითო მეათედი უნდა ჩამომეკლო. ასე გექონდა პირობა და მივდიოდი. მაგრამ...

მოთხრობის წერის დროს ხაზი უნდა გაესვას იმ გარემოებას, რომ სპრინტში, თანამედროვე ხუთკიდეში ოც წლამდე ასაკის ყმაწვილი ვერამც და ვერამც ვერ გავიდოდა ესოდენ დიდ ასპარეზზე,

ღვინოსთან და საზოგადოდ სასმელთან რომ უმძიხად არ ყოფილიყო. ამის თავდებად მისი შედეგიც იკმარებდა და მწვრთნელთა და მასწავლებელთა ზედმეტი ქომაგობა საჭიროც აღარ გახდებოდა, თუ რომ ამ შემთხვევის ირგვლივ გაჩენილი სამართლის შესეუტრები თავის ადგილას მდგარიყვნენ, მოწოდების, დანიშნულების სიმალლეზე და მერყეობის ტბორში არ ეყვინთათ დამნაშავის გადაყრილი უზალთუნების საპოვნელად...

— ოჰ. მე! მოვწყდებოდი და რომ აცვივდებოდნენ ცაში სასტარტო-სატერფულები უკუცემის ძალისაგან!..

ლურჯი თვალები, ლურჯი, მუქი ლურჯი! ხანდახან ფართლელის მაღაზიაშიც გაგიკირდება ასეთი ფერის ქსოვილის პოვნა. კალმახივით სხარტი ბიჭი, მუქ-წაბლისფერი გრუზა თმა, ოცდარვა წლისა. უცოლო, უღამაზეს ქართლის სოფელთან ზურგშექცევით დგას და თბილისს მიმავალ ტრანსპორტს ხელს უქნევს. მეც მასთან ერთად ვდგავარ. ვილაცამ გააჩერა, ძველი „ოცდაერთია“, ორნი ჩაესხედით, მგზავრები იკმარა, მეტი აღარ უძებნია. დავიძარით. მომალლოდან გავხედეთ:

აგერ გორი, აგერ გორს შემოჯარული, ალვებატყორცნილი. ხეხილდამძიმებული, დამკრახული, ტირიფონის — იგივე ლიახვის არხით ჩაბუებუებული საარწყავი მიწებით უბებარაქიანი გზაკეთილი, სახელდამშვენებული სოფლები, სამსართულიანი, დიდ ეზო-კარიანი სკოლები, არა უშავს რა მომცრო სპორტული მოედნებით, მეტნაკლებად რიგიანი ბაზებით, მეტის მოსურნე, მაგრამ მაინც საკმაოდ ხალხმრავალი, განსაკუთრებით ზაფხულ-შემოდგომის შაბათ-კვირაობით ხალხმრავალი, როცა ყველაფერი დამტებარ-დაშაქრულია და დღითიღლე კიდევ უფრო მეტადა ტკებება, მშვენიერი ორსართულიანი სახლებით შუბლგახსნილი სოფლები, კვირა დღე, და ბურთი გაქანებული არ მინახავს, არავინ თამასაზე გადავლილი არ მინახავს არც გავლისას, არც გამოვლისას, ფრენბურთის ბადის ზემოთ წელამდე ასული ყმაწვილის მოქნეული დარტყმა არ მინახავს. შუბოსან და ფარ-ხმალოსან მამა-პაპათა შთამომავალი შუბის მტყორცნელი ახალგაზრდა არსად მინახავს. ძალიან რომ მოინდომებ კაცი, კი, სადღაც რაღაცას გიჩვენებენ. ბადრო, ბირთვი, ურო! ეს ხომ ძალების შერკინება-გამოცდის დიდად მაცდუნებელი და საკმაოდ ხელმისაწვდომი იარაღებია. სად, რომელ დარღუბლის კიდობანში აქვთ ჩაკეტილი, თუკი საერთოდ აქვთ და გააჩნიათ!.. ასობით მეტრი რკინის მილები,

კუთხურები, წვეტუნები და სხვა ეშმაკის ფეხუნები შეუდუღებიათ ხეივნებისათვის, ლობეებისათვის, ალუმინის თუ თუთიის გაღათეთრ-გადაკაშქაშებული სახურავები მდიდრულ (ღმერთმა კეთილად მოახმაროთ) შენობებს საშვილიშვილოდ აკვრიათ და ამშვენებს, მერედა, რა გახდა ერთი უუანგავი სპორტული შუბი, რა გახდა ნახევარფუთიანი ბირთვი, ურო, ბადრო, გროშები და კაპიკები ღირს სპორტულ მაღაზიებში. ამ მამულების პატრონებმა შვილების სპორტულ აღზრდასაც ხომ მხარი უნდა დაუჭირონ, ინიციატივასთან ერთად, ორიოდ გროშიც შეაქუჩონ და გაიღონ, ჯვარი აქაობას და ქელეხსა და ქორწილ-ნათლობებში შექუჩებულ იფულები ერის ხერხემალს — მომავალ თაობას ვერ აღზრდის და ვერ განამტკიცებს...

სიტყვის გონიერი ოსტატია საჭირო აგრო-სამრეწველო გაერთიანებებში. მე როგორც ვატყობ, აზრი-გამჭირახი მწერალს მართო კალმის წვერიდან არ უნდა გამოსტყუო, ადგილის მდევრად უნდა გაუშვა და აბა მაშინ ნახე სატკივრების სატკივრებზე ამოყრა და საჯაროობა...

ქელეხსაც დავსწრებივარ სოფლად და დამკოდვია გული იმი-თი, რომ ძირფესვიანი, გულმკვდარი და სისხლდაწურული, უებრო მამულიშვილის თამადობაც იშვიათად მინახავს. შვიდი ან ცხრა საექვო ქიქის მერე ხუთასი კაცი აქეთ-იქით დატორტმანდება თავ-თავის ორლობეებში, შენაწევართ კმაყოფილი და ამაყი, ჩათავდება ფეხის ხმა და ხმამაღალი: „ბიჯო, აბა, ჰა!. კარგად იყავით!.. ჰო, მართლა, რაღაც უნდა მეთქვა და... ხვალა, კაცო, ხვალაც ამ თვისაა... ჰო, ჰო, კარგი.. სოჩაში ვითომ ვერა?!.. მპირდებიან და მგონი რომ ვერა. აი, იქა, მაგადანში... ოცდახუთად გასულა... ერთი, კაცო, შენცა და!.. მაგადანი და საიქიო მინდა?.. ვერა ხედავ, რა ამბებია!.. ორად და სამად აქაც კაა გადის... მამულის შეკვეცა და პანჩური მინდა!.. ჰო, კარგი, ზოგიც ხვალა...“

ქრელ, სუპერბურთს დიდის ამბით დააგორებენ „ჯიგულის“ უკანა მინასთან. ეგ არის და ეგ. ბოტასებსა და აღიდასის სვიტრებს განა სავარჯიშოდ იცვამენ, — ისე, ხილად, საქრაქუნოდ. ერთი ჰიდაობა იყო ქართლში საყოველთაო და აქა-იქ, თითო-ოროლა ამგადარი და საქმეზე გულმკვდარი მამულიშვილი რომ არ ირჯებოდეს, აქამდე ბეჭზე დაწვებოდა ეს სახეობაც...

მოვდივართ გზაში, მეც ვეწევი და ჩემი თორტიზელი თანამგზავრიც კარგა გემოზე ახრჩოლებს. განა წევამ, დანებების ფიც-

მა მომკლა, შვილებისთვის თვალი ვერ გამისწორებია... მძლოლი არ ეწევა. უზარმაზარი, პირდაპირ გოლიათი აღნაგობის ჩემი ხნის კაცია... ჩვენ საუბარში მანაც წვლილი შემოიტანა: „ბადროს მტყორცნელი, საქართველოს ჩემპიონი ჩადუნელი ჩვენ სოფლელი იყო. ამოდონა სიამაყე, ამოდონა ამბავი და ტყუილად კი გაიფუჭა და წააგო თავი...“

ჩადუნელის ნატყორცნი ბადრო მახსოვს, დინამოს სტადიონზე, უმაღლესი სასწავლებლების პირველობა ტარდებოდა, მეც ვმონაწილეობდი. ჩადუნელი ფიზკულტურის ინსტიტუტის ბიჭი იყო. ვეფხვივით ბიჭი!.. მარჯვენა თეძომდე მიღრეცავდა ბულა-თურქის თავყბას, კისერს, ზამბარასავით ჩაიგრინებოდა ბადრომომარჯვებული, მერე ღურღუმივით დაბზრიალდებოდა, გაიშლებოდა და მიაპობდა ბადრო ჰაერს სტენით...

კილაძე იყო მისი მწრთენელი. უ, რა ტკბილი და შაქარივით კაცი, საქმეც მშვენივრად იცოდა, იმ დროისათვის, რაღა თქმა უნდა... დღეს ყველაფერია სპორტის ამ სახეობებში, მწვრთნელიც მაღალი კვალიფიკაციის, მოედანიც, იარაღიც, კოსტიუმებიც, მაგრამ, სურვილია მკვდარი დიდი, მსოფლიო შედეგების მიღწევისა, მიდი და უბერე სული, თუ ბიჭი ხარ...

დღეს თუ სოფელი რაღაცამ არ აიტაცა, მატერიალურზე უპირატესად თუ გაასკეცებული გონებით არ იზრუნეს რაიონის პარტიულ-სამეურნეო და სპორტულმა, კულტურულმა მესვეურებმა, თუ რაღაც ზედმეტად ეროვნული ილეთით არ დააზღერტეს გემრიელი პურიჭამის ყოვლისმომცველი გველეშაპი, დიდ, სამეურნეო საქმეს დიდი, საშვილიშვილო სული ვერ ჩაედგმება და ვერ ჩაებერება, ფიზიკური ძალა და გამძლეობა არ ეყოფა.

რესპუბლიკის იდეოლოგიის მუშაკთა აქტივის შეკრებაზე, საქართველოს სამხატვრო კავშირის პირველმა მდივანმა, ცნობილმა მოქანდაკემ, საბუთიანად დაასკვნა და ბრძანა, რომ დღეს საერთო ესთეტიკური ნორმების. მუშათა გემოვნების ასამაღლებლად თითო დიდ ქარხანაში თითო მხატვარი უნდა იღვწოდესო.

საქმიანი და ყურადსაღები წინადადებაა, გადაუდებელ მხარდაჭერას მოითხოვს პარტიისა და სახელმწიფო-სამეურნეო ორგანოებისაგან...

ხომ იყო სოფლად მოსე-მწერალი, წერა-კითხვის მცოდნე და სოფლის სულიერი გაჭირვების საშველად მოწოდებული კალმო-

სანი. ავად თუ ირჩებოდა, ხელმრუდი და სულმრუდი მოხელე თუ იყო, ეს სხვა საკითხია...

დღეს ყველა წერს და კითხვით თუ არ კითხულობს, წიგნის შესაძენად ყველა ხერხს ხმარობს. სოფლის მცხოვრებთა თაროებიც სავსეა წიგნებით, ქალაქელებისაც... ნამდვილი ერისკაცი მწერლის სული კი დღესაც ისევე აკლია სოფელს, როგორც უწინ.

არა და სოფელი თითქმის ჰყვავის...

დედაქალაქის მწერალთა რაზმი ხუთასამდე კავშირის წევრისაგან შედგება. შედგენილია რიგი წიგნის ბეჭდვისა. ჭოკით ხტომის რეკორდსმენი უნდა იყო, რომ ასეთ რიგს გადაევიღო, და პირველი შევარდნე გამომცემლობაში ან რედაქტორის კაბინეტში. შედეგის დაფიქსირება, ნაწარმოების ურიგოდ დასტამბვა-გამოცემა მთლად შენს რეკორდზე აღარაა დამოკიდებული, ანუ, შენი ნაწარმოების ხარისხზე. საშუალო ხარისხის შედეგს დაახლოებით ყველა აღწევს, ამიტომაც რიგის დაცვა თითქმის გარდუვალია. საერთო-გუნდური ჩათვლა ჰქვია სპორტში ამას...

ასი თუ ორასი მძლეოსანი, მორბენალი, მხტომელი, მტყორცნელი ერთი შეჯიბრის ორი-სამი დღის განმავლობაში ერთად იბრძვის საერთო გუნდური შედეგებისათვის. ქულები იკრიბება და მთლიანი ჯამის მიხედვით გუნდი რომელიღაცა ადგილს იკავებს. ზოგი სპორტსმენი დიდ შედეგს აღწევს, ზოგი საშუალოს, ზოგიც მცირეს, მაგრამ საერთო საქმე ჯამდება და წინ მიდის. რამდენიმე მსაჯი ზუსტი საზომებით ერთდროულად აფიქსირებს თითოეული მონაწილის შედეგს. მედალს აქ ისე ვერ აიღებ, თამასას თუ არ გადაევიღე, პირველმა თუ არ გაჰყვეთ ფინიშის ხაზი. სხვის ნატყორცნს თუ შენი არ გადააცილე. ამას ათასობით მაყურებელიც ესწრება და ხედავს. ეს ხდება რამდენიმე დღის განმავლობაში. თუ ფეხბურთს ავიღებთ სამაგალითოდ, რამდენიმე თვეში, ანუ ერთ საფეხბურთო-საკავშირო სეზონში აქაც ირკვევა, რომელი გუნდი უნდა გავიდეს პირველ ადგილზე და რომელი მეტვრამეტზე. თერთმეტი ფეხბურთელის ცალკეულ უკეთეს თუ უარეს შედეგს სეზონის განმავლობაში გონებით ან უბის წიგნაკით აფიქსირებს ასიათასი მაყურებელი.

მსაჯის გადაწყვეტილება კანონია და განსჯას არ ექვემდებარებაო, — იტყვის ხოლმე კომენტატორი დროდადრო, როდესაც მსაჯის ესა თუ ის მკაცრი გადაწყვეტილება მაყურებელს აშკარად

არ მოსწონს და მღელვარე შეძახილებს. ხშირად უწმაწურობის მტრედებს აფრენს ტრიბუნებიდან მსაჯის მისამართით. ასეთი შემთხვევები მაინც ხილული და გამონაკლისია სპორტში. ამ დარგშიაც ხდებაო ჩაწყობა. საზღვარგარეთ, ყური მომიკრავს. მაგრამ ყურმოკრული თვალმაც თუ არ დააფიქსირა, სარწმუნო ვერ გახდება... გამართლებულია, საუკეთესო სპორტსმენები რომ დედაქალაქში არიან თავმოყრილნი, დიდი მწვრთნელების ხელმძღვანელობით იწვრთნებიან და იგეშებიან. სპორტული ბაზებიც საუკეთესოა აქ, მილონიანი მაყურებელიც აქა ტრიალებს, სანახაობას კი მნახველი ესაჭიროება და ერთი შეხედვით, ძირითადადაც ასეა, სხვაგვარად საქმეს ამ დარგში ვერ გააქანებ...

გაწვრთნილსა და თავისთავად შექმნილ მწერალს ქალაქში ცხოვრება და ხუთასკაციან მწერლურ რაზმთან ერთად სადღელამისო დგომა და ყურყური არ უნდა ჰქირდებოდეს, არ უნდა აინტერესებდეს. წიგნი-მტრედი იქაც მოფრინდება, შენი იქნება თუ სხვისი, თუ რიგია და რიგი იქაც მოგიწევს; მიიღე განათლება? ძირეულს ეზიარე? მწერლის საერთომნიშვნელოვანი წიგნაკი გიძევს უბეში? წადი, ძმაო, და გაჭირვებას იქ მიხედე, უმწერლე და უხელმძღვანელე, სადაც მართლა ჰქირს...

არა! დგას ხუთასკაციანი რაზმის წევრი მწერალი უანგბადნაკლულ ქალაქში და ჯიუტად და მოთმინებით გასცქერის სარკმელს მაღაზიისა, საიდანაც ნოქარს თავი აქვს გამოყოფილი და — შემდეგო! — იძახის სასწორის თეფშიდან პროდუქციის მიწოდებისას...

რაიონში, პერიფერიაში მწერლის აღიარება ძნელად ხდება, მაგრამ, უკვე აღიარებულ მწერალს, ქალაქიდან მამულში მიბრუნება, დასახლება და იქ წერა არ უნდა უჭირდეს. ქალაქურ რიგში ყურყუტი და ფეხი-ფეხმონაცვლეობა არ უნდა ეჭირვებოდეს. თუკი ის მართლა მწერალია, არავითარი პრივილეგიები და რიგთა ჩატეხვები არ უნდა აფიქრებდეს მას.

დედაქალაქის თეატრების რეჟისორები ჩივიან, მაყურებელი არა გვყავსო, პერიფერიაში თეატრების რეჟისორებიც ჩივიან. მაყურებელი არა გვყავსო. არ ვიცი, უჩივის თუ არა მაყურებლის სიმცირეს ვილნიუსიდან საკმაოდ შორს მდებარე ლიტვის პანევეჟის თეატრის მთავარი რეჟისორი... ადრე არ ჩიოდა. არ ვიცი, ახლა როგორაა საქმე...

და, თორტიზაშიც საჭიროა თუნდაც ჩვენი თორტიზელი ფრთა-მოტეხილი მერცხალი... საჭიროა მწვრთნელად თორტიზელი, გორის რაიონის ახალგაზრდობის მწვრთნელად მძლეოსნობაში. ევროპაში ნაფრენი, ფიზკულტურის ინსტიტუტის ყოფილი წარჩინებული, მებრძოლი ხუთკიდელი, სხაპასხუპით რომ მიყვება თავისი ვარჯიშებისა და წვრთნის დეტალებს, შედეგებს, ვინ? რა? როდის? რამდენი?.. საჭიროზე უფრო საჭიროა დღეს!.. მუშაობს ქარხანაში სადღაც, მუშაობს ყოჩაღად, უწუნოდ... თბილისში ბინის მიღების მოლოდინში... მამა სამოცი წლის, ქარმაგი კოლმეურნეა, სახლსაც ასდის და სოფელსაც ჯერჯერობით. დედა, ორი დაია...

საინტერესოა, ჩემს თანამგზავრს ჰქონდა თუ არა რაიმე ცდა, ემუშავა მწვრთნელად თავის რაიონში?..

ასეთი მაღალკვალიფიცირებული, სულანთებული მძლეოსნობის მწვრთნელის მოლოდინში დავამთავრე საშუალო სკოლა, სპორტული სკოლის სექციებში ვიბორიალე... „ბავშვებო, აი, ეს იქნება თქვენი მწვრთნელი“, — გამოგვიცხადებდა სპორტსკოლის დირექტორი. ავხედავდით იმედიანი თვალით და მალე ჩამოვყრიდით ყურებს, ლუდის კათხამომარჯვებულს რომ მოვკრავდით თვალს ბავშვები ლუდხანის მომქაეო სარკმელთან მოყანყალეს...

ვიცნობდი ერთ მამაპაპეულ მერუეს, მრწყევლს, მელიორატორს — დღევანდელი მეცნიერული ტერმინოლოგიით. ხორუმა ერქვა მეტსახელად. ნამდვილი სახელი თანასოფლელებსაც დავიწყებული ჰქონდათ... მერუედ, მრწყევლად იყო დაბადებული ეს კაცი, ამ საქმის ცოდნა და სიყვარული მამისეული მოსდგამდა. ღამე უყვარდა, მთვარიანში რწყვა... პირადი მოხერხებულობის თვალსაზრისით არ გახლდათ რწყვის მისეული მეთოდი გასაზიარებელი. სამაგიეროდ, ღამით მორწყული, განსაკუთრებით ბოსტნეული, გვიან მოიკიდებდა სიყვითლეს, თითქმის არა ჰქნებოდა მისი მოვლილი კიტრის ბუდნა და პამიდვრის ნერგი. ისეთი მასშტაბების, დღეს რომ სოფლის მეურნეობა გვაქვს, არც ხვნა იყო მაშინ და არც თესვა, მაღაზიაში ტომრობით გაყიდული ხახვი, ნიორი, კარტოფილი და სხვა ბოსტნეული იშვიათობაზე იშვიათობა იყო. ხილბოსტნეულის სახელწოდებისა მაღაზია დღეს რომ ასე ხშირია, მაშინ ბაიბურშიაც არ გახლდათ. ასე იყო თუ ისე, ქართველი კაცი უმწვანაილოდ და უბოსტნეულოდ არც მაშინ მიირთმევდა პურს და არც ახლა.

ხორუმას მორწყული ბოსტნეული არ ისიცხებოდა მზეზე, ტენს ღამიან ლებულობდა და ღღის სიცხისაგან აღმავალ ოხშივარში არ იქცნობდა ფოთოლს.

მერე იყო და, მარჯვენა რომ მოგეპკრათ, სისწრაფის საზომით არ იმუშავებდა. ტრასიდანაც კი ადვილად მოჩანს ახლა, არხიდან თავქვე რიხინ-რიხინით მიშვებული წყლის ნაკადები, ზევიდან ქვემოთ რომ ეზიდებიან მიწის უხილავ ბარაქას — სასარგებლო მარჩლებს. ამის გარდა, ბევრგან, ზედ ჩემს თვალწინ, (ბავშვობის თვალს ვგულისხმობ, ცხადია) ისეთი ღრმა ხრამები გაჩნდა ველ-მინდვრებზე წინდაუხედავი რწყვისაგან, რომ ხიდებისა და ბოგირების გადება გახდა საჭირო...

ნიადაგის მორწყვის მამაპაპეული, ხორუმანთეული მეთოდი მაშინაც ერთადერთი გახლდათ და დღესაც უცვლელია, მაგრამ, სწრაფი და იოლი მრწყელები მაშინაც საკმარისად იყვნენ, დღევანდელზე რომ აღარა ვთქვათ რა.

ძირითად ნაკადს ვერტიკალად ჩაიყვანდა მალლობიდან დაბლობისაკენ, სარწყავის ბოლოზე დააგუბებდა და დონის მატების-და მიხედვით ვერტიკალიდან ჰორიზონტალში ნელა და გემრიელად მიაბუებუებდა. ნიადაგი არ ირეცხებოდა თავქვე, ასწრაფებული რწყვისათვის გაქცეული ნაკადებით, არ ხდებოდა ჩახრამვა და მიწის გაღარიბება...

არც ერთ მთვარიან ღამეს არ გააცდენდა ხორუმა. თოხმო-მარჯვებული დატოპავდა დადღლეზილი რეზინის ჩექმებით მამულში. ისიც რომ დაეხეოდა, სულაც ფეხშიშველი დატბორიტბორობდა კოლმეურნეობის სარწყავში. ღღისითაც რწყავდა, ცხადია, მაგრამ მთვარიანში განსაკუთრებით მუდმივი და ერთგული გახლდათ საქმისა. იღუმალი მშრომელი გლეხკაცი იყო. კარგი ხელაობაც იცოდა. მდინარეს მიაკითხავდა რიყრაყამდე. ერთ საათს წახილავებდა და ოჯახის ღღის სამყოფი ცომივით მურწა და კაპუეტი მოჰქონდა დაფხავებული ბრეზენტის აბავით... სხვაგვარი მუშაობა ხორუმას არ შეეძლო. ხშირად წელკავი გააკავებდა და ვიდრე მთლიანად სალოგინე შეიქმნებოდა, თავისებური წახრილი სვლით დაიარებოდა სოფლად. ამართლებდა მეტსახელს, ხორუმის საცეკვაოდ გამოსულსა ჰგავდა, ისე მიიტ-მოიტანდა გახრიოკებული კეხივით მოხრუკულ კურტუმს.

— ხორუმ, შე სახე-მახე, შე თავკომბალების მტერო!..

— ხორუმ, მართალია, მენშევიკებთან მზევრავად რომ მუშაობდი?..

არ ასვენებდნენ სოფლის ენაკვიმატები თოხის ტარზე კაკვად მიყრდნობილ მრწყველს.

— მამაშენი უფრო მაგარი იყო, თუ შენა? — უწყალებდნენ წამდაუწუმ გულს.

კვირადღობით ხორუმას დედაკაცს ისეთი დაზოლილი, ხას-ხასა კიტრი ჩამოჰქონდა ბაზარზე ბორხვენის ფოთოლჩაფენილი, რომ კბილის დანახვაზე იკბიხებოდა.

ხანდახან გორიჯერის აბანოებს მიაკითხავდა ხორუმა. ათ-თორმეტ დღეს დაჰყოფდა. კებს დაიღობდა და კვლავ სარწყავში ჩადგებოდა...

რიგიანი თავმჯდომარე სანამ იყო და მამულის ავ-კარგი გაეგებოდა, ერთიორად მეთ შრომა-დღეზე გამოდიოდნენ სხვებთან შედარებით ხორუმანანი. მაგრამ წყალწყალა კაცი თუ მოექცეოდა სოფლის სათავეში, მაშინ კი მაგრად იჩაგრებოდნენ. მათაც და ბეგრ მათ სოფლელ ლაღუნდარასაც ტოლად ეწერებოდათ შრომა-იღიები.

ის დრო გახლდათ, სოფლელი ქალაქის ბაზარზე ან ისე, საქალაქო საქმეზე ქალამნით ან სულაც ფეხშიშველი რომ მოდიოდა. ილღიაში ამოდებული მოჰქონდა ერთი ხელი სამკვდრო-სასიცოცხლო ფეხსაცმელი. წყაროსთან ან ისე ნაკადთან გაიხდიდა ძველმანს, შიშველ ფეხს დაიბანდა, ჭრაქუნებს ჩაიკმევდა და ისე შემოდიოდა ქალაქში... სად იყო ამოდენა „ეიგულების“ მიდი-მორდი და ჩაცმა, სად იყო ეს გასაქანი, ამ სიტყვის სრული მნიშვნელობით. გასაქანი გაჩნდა და გაქანდა სოფელიც, გაქანდა და რუსთავსა და თბილისში ამოჰყო მაძიებელი თავი.

ხორუმას ჩამომავლობა რომ სოფლად აღარა დგას, ვიცი, დაცლილია ხორუმას სახლი მერცხლის ბუდესავით. ძალიან გვიან შემხვდა მისი ერთი ვაჟი, გამწვანებაში ვმუშაობ, ამა და ამ პარკში, მრწყველადო. ვაკე-საბურთალოს გზის გადასახედიდან რომ ნაძალადევი დასახლება მოსჩანს ვერეს ხეობაში, ხვართქალა ბალახივით რომაა სახლი-სახლზე ჩახორუმებული, იქ მიმანიშნა, მეც იქა ვცხოვრობ და ჩემი ორი ძმაცო. მთელი სამერცხლეთია იქ. ჩასვლა და მიკვლევაც დავაპირე ოდესღაც...

— ჩემი ძმებიო, ორ-ორგან მუშაობენ ღამის ყარაულებად. კარგად არიან. დღისით შინ ფუსფუსებენ, ღამით სადარაჯოზე თვლემენ. „ვრემია“ რომ ჩათავდება — საყარაულოდ მიდიან, მთელი დღე თავისუფალი აქვთ. შიგადაშიგ ღამეცო...

სოფელსა თავსა ეესახლე,
არა სოფელი ჩემ თავსა,
სოფელი კარგად მთავსობდა.
მე რომ სოფელი მეთავსაო.

უბრწყინვალესი ლექსია! უღრმესი, ორღესული აზრი ორტოტა. ღრმა ხეობასავით ჩაუდის ამ ლექსს. ვინ იყო ნეტავ ამ სიბრძნის მთქმელი?. პიროვნება და სოფელი, სოფელი და პიროვნება. მთელი ფილოსოფიური დინების პროგრამაა მასში გატკერნილი...

— ორი და ათი შაურიო, — პეწენიკა საჩხერელმა სიმინდის ფქვილი დამიფასა, — პეწენიკა, კობტა, სამოცს გადაცილებული მეუღლის თავი დაიფიცა თანაც, იქვე გვერდით რომ უდგა, — ეს მომიკვდეს, ბატონო, გუშლამინდელი დაფქული თუ არ გახლდეთ, წყლის წისქვილზეო.

— რას ერჩი, რადა კლავ? — ფასის დაკლება ვთხოვე.

— არ მკლავს, ბატონო, არ მკლავს, სრულ სიმართლეს მოგახსენებთ, გუშლამინდელი დაფქულია, წყლის წისქვილზე. გასინჯეთ, ბატონო, აქავე. ჩვენს ლოცვაში იქნებით, მკადს რომ გამოაცხოვბთ! — მანეთ-ნახევრად დამითმეს, — თოხს ერიდება ხალხი, ბატონო, პურის ქბილზე ძვირი იმიტომ გახლავთ სიმინდის ქბილი. სიმინდს თოხი უნდა, თოხი კი აღარავის...

— მძლეოსნობაში ველარ გამოდექი, ალბათ, — კვლავ გავუბი საუბარი.

— ვცადე, განა არა. ვალერი ბრუმელის მაგალითით მეც გავიკალი თავი, მაგრამ, არა. ბარძაყის ძვლის მოტეხილობა, ღია, რთული, თეძო, შერყევა. ლაფში უგონოდ მიტოვებული ვინ ამომიყვანა, არც მახსოვს... ექიმები. ამბავი... ბიძაჩემი თავს მევლებოდა. ერთხელ, მისი თანხლებით მობრძანდა ჩემი გამბედნიერებელი სააუადმყოფოში ჩემს მოსანახულებლად. სოლიდური კაცი, დარბაისელი გარეგნობის. პირის სანახავიც მომართვა, დაყვავებით შემოვიდა პალატაში. ჩონჩხოვან დაქიმვაზე ვეკიდე, ფეხში რკინებგაყრილი, გირებდაკიდებული... შუაზე გავხევედი, რომ შემძლებოდა. გავაწბილე ბიძაჩემი, ნაცნობი იყო მისი... — გაეთრიეთქი! — ისეთი ძალით ვიყვირე, მეორედ წამივიდა გული...

— მერე, ინსტიტუტის შემდეგ, გორში ვმუშაობდი მძლეოსნობის მწვრთნელად... შევაგროვე ბავშვები ახლო-მახლოებიდან, ქალაქიდან, მეხუთე-მეექვსე ადგილზე გამოვიყვანე სკოლების რეს-

პუბლიკურ სპარტაკიადაზე. გეგმები მქონდა, მთებს მოვგლეჯდი, მეგონა. ბადალი მინდოდა გამეჩინა, აღმეზარდა. სად რა პირობები იყო! ბავშვებს უხაროდათ ლამაზი სპორტული ფორმის ტარება. შემოეხეოდათ ვადაზე ადრე და მე უნდა მეზლო ჩემი ხელფასით... ერთს უყიდი, ორს უყიდი... რამდენს უყიდი? რამდენჯერ უყიდი?.. მე ოჯახი მინახავდა, ხელფასით კი ასე ვბარაქობდი. განა ხელფასი იყო მთავარი, არა, გულისყური იყო გაყინული. არავის არ აინტერესებდა დიდი მასშტაბებისათვის რაიმე დაპროგრამებული, გაზრებული, თავგადადებული ბრძოლა. მე კი უბრძოლველად ყოფნა არ შემეძლო. დაკარგული დიდი იმედების ანაზღაურება მეწადა. რომ ჩამოსხდებიან პურის საქმელად, ხეობას დააგუბებენ... ზოგს ისეთი მოსავალი მოსდის, მთელ გორს ჩააცმევს სპორტულ ფორმას, თუ მოინდომებს. გონიერი თაოსნობის გაგონებაც არ უნდოდათ... ამ სიტყვას საერთოდ აღარ ახსენებდნენ სპორტის ძირეული განვითარების კონტექსტში... ერთი კვილაობა ბოგინობს. ეგ არის... — დრო იყო, როცა ქართლი დამოუკიდებლად იცავდა თავს თურქთა და სპარსელთ თარეშისაგან!..

— მე თქვენი არ ვიცი, მაგრამ, იქამდე გათავხედდა ზოგი, მაგიდას რომ არ ეკორიკნა, ფულის შეკვრას შეუდებდა რესტორანში მაგიდის ფეხს, გასათარაზოვებლად... უბრალო ნაფოტივით ან აგურის ნატეხივით, ხურდას რომ ეძახიან კალატოზები, ისე შეუდგამდა მაგიდას ფულის შეკვრას და მიდიოდა გრიალ-გრიალი, — წამოიწყო შელახული „გაზ-21“-ის პატრონმა, — აზრის მაგივრად ფული გადი-გამოდიოდა...

— ამ საუკუნის დასაწყისის ღია ბარათი მახსოვს, ვაჟა-ფშაველა ეხატა და ეწერა: „მეც ვსწირავ ერთსა აგურის ფასსა ქართველ მოღვაწეთა აგარაკისათვის...“ — გავიხსენე მე და აზრის გასაღრმავებლად დაუმატე: — ქართლის მცხოვრებთაგან, სადაც კი პირის გასველება შეიძლება, თითო კილოგრამი ან ვაშლი, ან მსხალი, ატამი, გარგარი, ბალი ანუ ალუბალი რომ შეიტანოს თითო ოჯახმა სპორტის ასაღორძინებლად, ანუ ერთი აგურის ფასი, რამდენიმე წელიწადში ისეთი სპორტული ტაძრები და მოედნები აღიმართება და გაიმართება, ისე დაეკოდებათ გული ჩვენს უძველეს მტაცებლებს, რომ თქვენი მოწონებული! ფულის შეკვრით მაგიდის ფეხის გასწორება-გათარაზოვება რომ გაეგო სოლომონ ისაიჩის, მისი სასოწარკვეთილი ღრიალი ცის გუმბათს დაბლა ჩამოაგდებდა... მეფე ერეკლეს თხოვნით საქართველოსთან ურთი-

ერთობის მოსასინჯად ჩამოსული და ერთი ხნის განმავლობაში თბილისსა და ქუთაისში მცხოვრები პოლკოვნიკი ბურნაშოვი ნაღვლიანად შენიშნავდა თავის დღიურებში: გასართობი ძალიან სჭირსო, ერთადერთი, რითაც ახალგაზრდობა აქ თავს იქცევს, ფარიკაობაა, „Палашные бои...“ გაუღით დილიდან საღამომდე ჩახა-ჩუხი მოფარიკავეებს...

იმ დროის ქართველ ახალგაზრდათა დამახასიათებელმა ამ ნეტარმა სპორტულმა დეტალმა ისე ამაღელვა და ისე შთამბეჭდავად შემოინახა ადგილი ჩემს მეხსიერებაში, რომ დედანშიაც არ ექნება ბურნაშოვს ტექსტი ასეთი სიზუსტით დაცული და შენახული. ზედმეტად მოწყურებულს შეუძლია მოძებნოს საჯარო ან მეცნიერებათა აკადემიის ბიბლიოთეკაში წიგნი: «Картина Грузии или описание политического состояния царства Карталинского и Кахетинского, ТФЛ. 1896».

მტრის შემოსევის მაუწყებელი სათვალთვალო კოშკები რომ იგებოდა უწინ ერთი-მეორის თვალსაწიერზე, იმ ყაიდითაა ახლა საქართველოს გზატკეცილებზე რესტორნები და დუქნები განლაგებული. ფარ-ხმალის ნაცვლად შამფური ბრუნავს მაყალზე, ბევრიც რომ არიდო თავი, სადღაც მაინც წამოეგები. მცხეთასა და თბილისს შუა ხანდახან თუ გალანდავს მგზავრის მოღლილი თვალი რამდენიმე ველომრბოლელს, ან მენიჩბეს, ეგ არის და ეგ, მორჩა და გათავდა!..

* * *

ქართულ ხალხურ ზღაპარში ფეხდოლაბიანი გოლიათი კურდღელს რომ დაეწევა, დაიჭერს, გაუშვებს, გამოუდგება, დაეწევა, დაიჭერს, მერე კვლავ გაუშვებს, ამ ძალასა ვხედავ ქართლში ასაღორძინებელს.

ბელტიყლაპია რომ მისდევდა გუთანს, რამდენ ბელტსაც ამოაგდებდა სახნის-საკვეთი, იმდენივეს სტაცებდა ხელს და პირში გაიქანებდა. ყლაპი ექნა — ყლუპი აღარაო, — ამ ძალასა ვხედავ ქართლის მიწაზე, დიდი სპორტის ასპარეზი ლუკმად რომ არ ეყოფა, ოღონდ გულისყურით, გონების უტყუარი სასწორით შეაყენე, მიჰყევ და წააქეზე..

ეს გეზი უპირატესობს დღეს, ჩვენდა საბედნიეროდ, ეს არის ჩვენი ერთადერთი მხსნელი და გადამრჩენელი და დიდიცა და პატარაც ამ გეზზე უნდა შევდგეთ, თუ ჩანმრთელობა, გამრავლება და გონების გაფაქიზება გვწადია. გვწადია კი არა, მეტიც გახლავთ. როგორც მშრალზე დაცემულ კალმასს ვაუას წყალი, ისე ეჭირვება დღეს ჩვენს ერს სპორტის ნამდვილი, სახალხო აღორძინება...

მესამე ზღაპრული გმირის სახელი ვერ მოვიგონე, მიწაზე რომ იწვა, ყური მიწაზე ედო, ქვესკნელის ამბებს რომ უსმენდა, ცალი თვალით ზეცას ასცქეროდა, მეორეთი კი ბალახებში მოფუსფუსე ჭინჭველის მოძრაობას უთვალთვალებდა, მწერალი იყო უთუოდ, დიდი ხალხური პოეზიის ქვესკნელიდან ამომყვანი...

სამი მინისტრი გამოდიოდა არც ისე დიდი ხნის წინათ ტელევიზიით. ბაზართან გლეხის ახალ ურთიერთობათა პრობლემებს განიხილავდნენ. მეოთხე ტელევიზიისა და რადიომაუწყებლობის სახელმწიფო კომიტეტის თავმჯდომარის მოადგილე გახლდათ, ერთდროულად ბჭობდნენ, ახალ გზებს სახაზდნენ ახალი, მეტად საჭირბოროტო პრობლემის საჯაროდ გამოსატანად, გადასაწყვეტად...

თავიდან ბოლომდე ვუსმინე საუბარს, გონივრულსა და საჭირო!, მათ საზრიან წინადადებებს, მაგრამ რაკი უკმარისობის გრძნობა ერთი და ერთი აშეკვიატა, ისე ჩათავდა ეს პრობლემატური გამოსვლა, რომ გულნაკლულობა ვერ გავიქრე ვერაფრის დიდებით. ოთხივე მინისტრი თავისი საქმის სახელმოხვეჭილი ავტორიტეტია. უკმარისობის გრძნობა კი ვერ გავიქრე. განა მარტო ამ შემთხვევაშია გაჩენილი მწერლის უკმარისობის გრძნობა, ბევრი საერო მსჯელობის უამსაც ტელე-რადიოს საშუალებით იქნება ეს თუ პრესის მეშვეობით, ერის საჭირბოროტო პრობლემებზე მინისტრთან ერთად ერთ სიტყვას მწერალიც უნდა ამბობდეს. ფაქტია. მწერლის საზოგადო-მოღვაწეობრივი გენეტიკური მრუდი თუ არ ახლავს ასეთ საჯაროობას ხერხემლად, ამ სიბრძნის ხეს, როგორც წესი, სიმართლის ისეთი დეტალი, ისეთი ნაყოფი აკლია, ურომლისობაც მსხმოიარე ლიმონარიუმის უფოთლობასა ჰგავს და შთაბეჭდილება მნახველს ისეთი ექმნება, თითქოს ყვითელი ნაყოფი მწვანე ტოტებისათვის ძაფით შეუბავთ და აუყინძიათო...

ერთი დუშელი ყოფილი კალატოზი, ცთუნების მოლიპულ გზაზე გადასული, გამდიდრების ნაცვლად საშვილიშვილოდ გაკოტრებულ-გადატაკებული, ნარკოტიკებით მოვაჭრე, ყოფილი ადამიანი გვიჩვენებს საამისოდ მოწყობილ სატელევიზიო-დოკუმენტურ

გადაცემაში. გვიჩვენებს მისი არაკაცობის წყალობით დაჩაგრულ-გაჩანაგებული მთიელი კაცის ოჯახი, მეუღლე, ვაჟი — მოჭიდავე და კეთილი, რაინდული სახის ახალგაზრდა სპორტის ოსტატი, მამისა და მეუღლის, ქართველი მთიელი კაცის ამ წარმოუდგენელი გადაგვარებით ჩრდილჩამდგარი და დამტვერილი მათი თვალები სიკვდილსა ნატრულობდნენ, სიცოცხლეს კი არა.

საკმაოდ რიგიანი ეურნალისტის მომზადებული გახლდათ ეს გადაცემა-გადაღება, და ამ გადაცემისავე ავტორის ხმის წინამძღვრობით, მისი კომენტარებით მიმდინარეობდა.

ამ შემთხვევაშიაც, სრულიად გულწრფელად. ისეთი შთაბეჭდილება შემექმნა, თითქოს ბალღი ვარ და მამაპაპურ სკივრში ჩამწყვდეულ ჯადოს, რაღაც საინტერესო, უხილავ საგანს მიძაგებენ. ხილვით ვერ ვხედავ ჯადოს, რაკილა ჩვილი ზედ ამ სკივრზე ვარ დაგორებული. „ქიხ!“ — მესმის დედის ამკრძალავი შეძახილი, — „ქიხ!..“ ცნობის წადილმა გამქვალა თავიდან ბოლომდე. ბალღი რაღაც ისეთს ვეპოტინები, რომლის ბაიბურშიაც არა ვარ. „ქიხიო!“ — მიშლის დედა, ორივე ხელი ცომიანი აქვს, მე კი ჩემთვის ვპოტინობ და ვგორავ საკმაოდ მაღალ სკივრზე. ერთი სული მაქვს მივწვდე ბრჭყვიალას და ამასობაში ლამის არის გადმოვარდე...

გაგონილა ასეთი ტანჯვა მოუბარისა, მაშინ, როდესაც ყველა ქარაგმა აუხსნია ქართულს!..

მიუხედავად ჩვენი რაზმის ესოდენ გაზრდა-გამრავლებისა, ერისკაცის ბუნებრივი, სიგელგუჯრიანი ტიტული გენიალური რუსთველის, დიდი ილიას, აკაკის, ვაჟას და გალაკტიონის წყალობით, ავად თუ კარგად, მწერალთა იმ რაზმეულს გადმოგველოცა, „შაგრენის ტყავივით“ ჩვენს კედელზე ჰკიდია ჭერჭერობით, და ამდენად, ასეთ საკითხთა საჯაროობისას მწერლის დასწრება-მონაწილეობა სავალდებულოა, აუცილებელია! ამბიციის ნატამალი არ გახლავთ ამ სიტყვებში...

„გაზ-21“ იგოეთს გამოსცდა, მუხრანის ველს გადმოვხედეთ ამ ფიქრებსა და საუბრებში...

კაკლის ხეთა ქარსაცავი ზოლი ორწყებად გასდევს გზატყეილის ამ მონაკვეთს. კაკალი შემოსულია და მთელ ჩაყოლებზე. კაბიანი თუ შარვლიანი, დიდი თუ პატარა, ხელთ არსებული ყველა საშუალებით კაკლის ბერტყვა-შეგროვებას შესდგომია. „პაპას არ დაურგავს ეს კაკლის ხეები და მამათქვენს. გინდაც მათი დარ-

გულეებიც გახლდეთ, რა ამბავია ქვის, კეტის სროლა და ხალას ხატვა-ხუთქი!“ — ის იყო გავიფიქრე და რომელიდაცა შემგროვებლის ნასროლი ქვა ჩვენი მანქანის საქარე მინას ეკვეთა, მინა ჩაიშუშა. მძღოლმა მოხერხებულად გადააყენა მანქანა უხიფათო ადგილზე, გადმოხტა და დამნაშავის საპოვნელად დააბრიალა კაკლები...

მე და ჩემი თანამგზავრი-მერცხალი, ჯიბე-უბეთა ქექვას შევუდექით. ფრთხილად ვიბრუნებდით სარჩულს, მინის ნამსხვრევები-საგან ვითავისუფლებდით სამოსს.

თავი მოვიწესრიგეთ, მანქანიდანაც ამოვხვეტეთ მინის ნატეხები და საბრძოლო ყიყინით გაქცეული ჩვენი მძღოლის მობრუნებას დაველოდეთ. მოლოდინში უბის წიგნაკის თვალღერება დავიწყეთ. ღარები ჩანაწერები მაქვს. ნანახი, გავონილი, მონაფიქრი და წარმოსახული ძალზე იშვიათად გადამაქვს ქაღალდზე. გაელევაბულის სიკაშკაშე, მისი ქუხილი მსიამოვნებს, ქაღალდზე გადატანა კი ძალზე ნაკლებად. არ ვიცი, რითია გამოწვეული, მაგრამ ქაღალდთან ჭიდილი მიძნელდება ამ ბოლო ხანებში. ზეპირმეტყველებაში იმდენად დავოსტატდი, რომ ვახუშტისა და ალექსის ხალხოსანთა გუნდისაკენ მიმიწევს გული...

„შემომეყარა ყივჩალი, ბილიკსა მუხრანისასა!...“

რად უნდოდა ამ ცეცხლისმფრქვეველ გენიოსს კრიტიკოსი?!. განა ჩვენი თანამედროვე სმენისათვის ამ ლექსის გარეშე უღიმღამო არ იქნებოდა მუხრანის სახსენებელი?!. რაგინდ დიდი მოსავალიც ვნებავთ არ მოჰყავდეს სოფლის მეურნეობის აქ დასაქმებულ მუშაკებს, ეს ბრწყინვალე ლექსი მუხრანელთა შუბლის ქინძისთავია...

ყივჩალზე ამ დიდებული ლექსის მთქმელი უპირველესად ქართველ მწერალთა წინაპარი გახლდათ და შემდეგ უკვე ყველა დანარჩენისა!..

ათკეცი და ასკეცია დღეს, სოციალურ-ეკონომიკურ გადაუდებელ პრობლემების გადაჭრისათვის უშეღავათო და უკომპრომისო ბრძოლაში საერთოდ საბჭოთა მწერლის და კერძოდ ჩვენთვის ქართველი საბჭოთა მწერლის როლი. სულიერი გაღება იმდენადვეა საჭირო, როგორც მუხრანის ველზე წარმოთქმული, დღემდე ჩაუქრალ ვარსკვლავად მოკაშკაშე, ერისათვის ნამდვილი დიდი, სულიერი ხარისხის ნიშნის მიმნიჭებელი ლექსი — „შემომეყარა ყივჩალი“.

მინას სად იშოვიდა ჩვენი მძლოლი. კაკლები კი ჩამოერთმია მინის საბადლოდ. ტომრები საბარგულში შეყარა და აღელვებულმა, მანქანა დაძრა.

ცხელი ქარი გრიგალივით შემოიჭრა უმინო მანქანაში და კუდიანივით დაგვირბინა... ლამის ხელიდან წამართვას უბის წიგნაკი... ვკითხულობ ჩანაწერს:

„საქადრაკო დაფიდან ხნულში გადაყრილი ფიგურები ჭადრაკს ვერ ითამაშებენ... საქადრაკო ამოცანის ან ეტიუდის დროსაც კი, ამოცანის შემდგენელი ყველა ფიგურის გათვალისწინებით ადგენს ამოცანას, თუნდაც რომ მის მოცემულობაში მხოლოდ კუ, მხედარი და პაიკი იყოს გამოყენებული...“

ჭადრაკის თამაში ფიგურების გარეშე მხოლოდ დიდ გროსმაისტერებს შეუძლიათ. უდაფოდაც შეუძლიათ მათ ჭადრაკის თამაში, მაგრამ მათ წარმოსახვაში უდაოდ იხაზება დაფა, ლაგდება წარმოსახვითი ფიგურები, რომლებიც სინამდვილის ტოლფარდია. ფიგურების, ასევე პაიკების აბსოლუტური უარყოფა შეუძლებელია...

ჭადრაკის დაფაზე სათამაშო წესის მიხედვით მხოლოდ ოცდათორმეტი ფიგურა ეტევა...“

* * *

პატარა ქალაქის მკერავი, თერძი ფუტკარაძე მეტრაბახება: სულ დიდი ხალხის შეკვეთები მაქვს, რა ვქნა, ვერ ვიცილი შენი შარელისათვისო.

ასე გადამიდო უბრალო საქმე რამდენჯერმე. მიმიყვანს. მომიყვანს, შესაძლოა იმდენი არავინ უტალახიანებს კარს, რამდენსაც იგონებს ჩემს თვალში თავისი ოსტატობის ასამაღლებლად. წაკითხული არაფერი არა აქვს ჩემი, ალლოთი ხედება, რომ რაღაცას წარმოვადგენ და მაგარი უჭირავს.

— კარგი, რა! შესანახად ხომ არ მოგაბარე ის ნაჭერი თვე-ნახევრის წინ. ბეც დაგიტოვე... შაბათი მითხარი, შაბათს გეახელ, შინ არც შემვივლია, პირდაპირ ხიდიდან შენსკენ გამოვწიე. სამი იყო, ოთხის დასაწყისი. ვიდექი, ვიყურყუტე. დარაბები დაშვებულნი არა გქონდა. უბრალო გასაღებით იყო დაკეტილი დუქნის კარი...

— „ატელიესი“, ძმაო, რაღა დროს დუქნებია. დიდ-დიდი ხალ-

ხი მოსვენებას არ მაძლევს, შემიყერე, შემიყერეო, შენ კი ღუქანო...

— ჰო, კარგი... გუშინაც მოველ და არ იყავი... ავე ახლოს ძველი და ახალი უბნის კუთხეში პაწაწა ქელები იყო ჩარდახქვეშ. იქ თუა-მეთქი, ვიფიქრე და გავბრუნდი...

— აქ ვიყავი, მეზობელთან. დენი არ იყო მთელი დღის განმავლობაში და მეზობლიანთა შევიქციე თავი. მოვკვდი ნარდის თამაშით. ორი წელიწადია აღარ მითამაშია, ამოდენა კლიენტები მახვევია და, გუშინ სწორად შევისრულე დანაკლისი... ცოცხალი ჰქონდა მშვენიერი, ორი-სამი ჭიქა თეთრი ღვინოც ვხუხე...

— რატო ორი-სამი ბოთლი არა. შენ ხუხავდი, მე კი აქ მაყურყუტებდი ამ ჭვალოს გულისათვის.

— შემოსულიყავი და გენახე... შენც გიცნობენ. ცოცხალს მიირთმევდი... ორი-სამი ბოთლი რომ ბრძანე, შეცდი... მოსულიყავი და გენახა. ორი-სამი ჭიქა დავაყოლე. სხვა დროა, ძმაო. ამოდენი კლიენტურა თავს მახვევია, დალევ და ორ დღეს თავი აღარა მუშაობს. ამოდენა საქმე, ხალხი, ანგარიში... უთავოდ რას შეკერავ?... ისე დაეხვეწა ხალხს გემოვნება, ბეწო რომ იქით გადაგიცდეს ნაკერი, ერთ ამბავს ატეხავენ... შვილები მყავს, შვილი-შვილები. პურის ფულს შოვნა უნდა...

დავიჭერე ფუტკარაძის ნათქვამი, განა არა, მესიამოვნა... კარგი სამი თვეც იქნება, მეც აღარ დამილევია. ფუტკარაძე თერძია და ნაკერის სიზუსტისათვის სჭირდება სალი ტვინი. მე მწერალი ვარ. მთელი ეს დაძაბული სამყარო ციდან ქვესკნელამდე ჩვენი თვალსაწიერია, ჩემ ხალხს უნდა დავუღიანდაგო, ჩავაცვა, დავახურო, მოვარგო... იშვიათად, აქა-იქა, ავი ფიქრის გასაფრთხობად თუ დალევ კაცი ორი-სამ ჭიქას...

— მომაზომებ, მზადა გაქვს? — ვეკითხები.

— გამოჭრილი მაქვს, ა, ძმაო... დენი არც გუშინ იყო, — დღესაცა ტყუის...

— ელექტრონიკაზე რომ გადახვედი ერთბაშად, ფეხის საყვარავი მანქანაც უნდა შეგენახა...

— ა, ძმაო, ფეხისაცა მაქვს და დენისაც. ნაკერს თუ ცხელი უთო არ მიადევნე ფეხდაფეხ, არაფერი გამოვა, მოდური ნაჭრებია, უთოს გარეშე ვერა დგება. ფეხდაფეხ თუ არ მიაყოლე უთო ნაკერს. ვშოულობ, განა არა ვშოულობ... მოვა დენი და შენც მოდი...

— როგორ კერავ შარვალს?

— თხუთმეტ მანეთად, ოცად. ამ ბრეზენტს, შენ რომ მომიტანე, არც ორმოცი ეყოფა, მაგრამ შენ ხომ არ გამოგართმევ. მარტო რაც ეგ მე ნემსებს დამილეწავს და მაკრატელს დამიბლაგვებს, იმისი გადამიხადე და დანარჩენი ალალი იყოს...

— კარგი, დამიბრუნე, მომეცი, აგერ შენ მეზობელს, მეთუნე ავთოს მივუტან, რკინის საჭრელ-საკერი იარაღი აქვს, სახურავებსა ხურავს კაცი და ტყეში საგლეჯ შარვალ-ხალათზე როგორ მეტყვის უარს.

ვიცინი და მივდივარ...

* * *

...ჩამოვიდოდა მეცნიერი-მელიორატორი დედაქალაქიდან, შემოწმებდა დახრამულ, ეროზირებულ მიწებს, შეაყენებდა სასტიკ აქტს, კანონიერს, მეცნიერულს. როგორ ილუპება მიწის ნაკვეთი არასწორი რწყვით, როგორ იხრამება, როგორ ფუჭდება საშვილიშვილო საქმე, მომადგებოდნენ ნაცნობი აგრონომები, ჩემი მეგობრები, მთხოვდნენ მეშუამდგომლა რევიზორ-მელიორატორთან, სასტიკი აქტი რომ არ შეედგინა.

წარსულის ამბებია, არც ისე შორეული წარსულის, მაგრამ მაინც წარსულის... დათვური სამსახური ჰქვია ამას, მეტი არაფერი... სალიტერატურო ფრაზად იქცა ეს სიტყვა. „დათვური სამსახური“. თითქოს საიმისო არაფერი მომხდარაო, მობოდიშებასავით არის ეს ფრაზა. ისეთი რა დამიშავებია, ერთი „დათვური სამსახური“ გავუწიე. შემეცოდნენ. თანშეზრდილები ვართ. გეგმები აქვთ შესასრულებელი, ფართობები იზრდება, საქმის მცოდნე ერთგული და მუყაითი მრწყველები არა ჰყავთ... „დათვური სამსახური!..“ რა დააშავა ნეტავი იმ საცოდავმა დათვმა, მარტოდ შერკინებულმა ათას თოფოსანთან, ხაფანგოსანთან, საწამლავსა და უბედურობასთან! რამდენჯერ ვმჯდარვართ მონადირულ საფარში კოლექტიური ნადირობისას, ლიცენზიით ან საგანგაშო გამოძახებით: დათვმა სიმინდის ყანები აიკლო, დათვმა საქონელი დაგლიჯა, გაიტაცა, წაიღო. გვიშველეთ, ჩაუსაფრდით, მოგვაშორეთო!..

ასე ერთგულად რომ იწერებოდეს კოლექტიური განცხადებები: აგვიკლო რევიზორმა ან მავან და მავანმა თავმჯდომარემ, ან

მავან და მავან „ჩარჩოიანმა“ ძველებიკმა, ან მავან და მავან მექ-
რთამემ, ან მავან და მავან ჩუმჩუმელა ლოთმა, ან ტყავის მაძრო-
ბელა სპეკულანტმა, — ბედნიერი იქნებოდა გაიშვიათებული ტყის
ბინადარიც და მისი ცოდვით სავსე ადამიანთა მოდგმაც...

მასალები მოთხრობებისათვის... ზოგი ძველია, ზოგიც ახალი.
ჩანაწერთა უმეტესობა უჯრებში მიძევს დამტვერილი...

პიესების სიუჟეტები, თანამედროვე, საჭირბოროტო პიესები-
სა. კინოსცენარების ფაბულები და ვრცელი განაცხადები, სამი
დაწყებულ-მივიწყებული ვრცელი მოთხრობა, ლამის რომანელა,
ანუ მომცრო რომანი, დამიწყია და მიმეტოვებია...

პიესები არა გვაქვსო, თეატრის რეჟისორები აცხადებენ დრო-
დადრო, კინოსცენარები არა გვაქვსო, კინორეჟისორებიც წუწუ-
ნებენ... განა თუ დრამატურგს მოიკითხავენ და პირისპირ გააკრვე-
ვენ. არ ჰქირდებათ. წუწუნს ყველა შეეჩვია, წერასაც, რეჟისო-
რებმა ისწავლეს წერა, დრამატურგები გადაეჩვივნენ. ესეც მარ-
თალია, მაგრამ, თუკი სამეურნეო საქმიანობაში ექსპერიმენტების
დიდი ძვრებია, ტერიტორიულ-დარგობრივი ცხოველყოფელი,
სადღეისო, სახვალის და სამერმისო დიდი მიღწევების თავი და
საწინდარი გაჩნდა, რატომ უნდა იყოს გაუთავებელი წუწუნი
დრამატურგებისა თეატრების პატრონების მიმართ და პირიქით.
რეჟისორებსა და კინოსცენარისტების შორის ერთ დროს ცხო-
ველყოფელი ურთიერთობა რატომ გაცვდა და გახუნდა? რამ
დააუანგა ეს კონტაქტები, ხომ არ ჩამოვრჩით მოვლენებს? ხომ
არ ჩამოვრჩით დროს?.. გავხეხოთ კონტაქტები, გადავაცალოთ
მავნე, მომაკვდინებელი ჟანგი. წერა დაგვავიწყდა თუ რაშია საქმე?
ჩავატაროთ შემოქმედებითი კავშირების გაერთიანებული ექსპერი-
მენტული პლენუმი. ვილაპარაკოთ სრული გულახდილობით, რო-
გორც სჩვევიათ ნამდვილ შემოქმედებს.

ვერ გავეთდება დიდი საქმე უერთმანეთოდ...

ეს არ არის ძველი ჩანაწერი, ეს ცხელ-ცხელი, პირდაპირი რე-
პორტაჟია გულის სიღრმეიდან...

• • •

გადატყეცილია ვარაზის ხევი, უნივერსიტეტის აღმართი. ოცი-
ოცდაორი წლის ახალგაზრდა თბილისელი მოსრიალებს ახალი
„ეიგულითა“ და მინდობილობის ფურცლით უბეში, ბაიბურშიაც არ

არის, რომ ჩვენი სტუდენტობის უამს უშველებელი, გაუვალი, ღრმა და განიერი ხევი იყო აქ. უფრო ადრე, ჩვენი მშობლების სტუდენტობისას კი კურდღელი და მელა გარბოდა ამ ხევში, კაკაბი კაკანებდა ვერეს ხეობის ფერდობებზე. მშვენიერი ცოცხალი დამიჭერია სტუდენტობისას მდინარე ვერეში...

ამ ხევში ჩავდიოდით ბადროს ტყორცნაში სავარჯიშოდ მე და ჩემი მწვრთნელი, მიწლეოსნობის მშვენიერი მცოდნე დათაშვილი, სახელს ვეღარ ვიხსენებ, ოცდაათზე მეტი წელი გავიდა მას აქეთ...

რა გაახურა და გააჭირა თავისი ბადროს ტყორცნით! — შეიცხადებს ამოვსებული ხევის მიტკალივით გატყეცილ გზატყეცილზე გამოქენებულ „ეიგულში“ მჭდარი სტუდენტი და გაზის სატერფულს დააწვება, სიჩქარეს მოუმატებს, ლექციაზე არ დამავიანდესო...

ძლივს ჩავდიოდით ფრიალო კლდის საცალფეხო ბილიკებით ვარაზის ხევში. ჯერ მოსათელი ვარჯიშები, სირბილი, დამამშვიდებელი სირბილი და ბოლოს ჩხირით შემოწრევებულ მეტრნახევრიან წრეში ბრუნვა ბადროთი ხელში.

ვარჯიშს რომ მოვრჩებოდი, ტრამეაის ძეხვში ჩაჭირხნული მივდიოდი სტუდენტობაში ან ნაჭირავებ ოთახში. ვწვავდი ტაფაზე გადამარილიანებულ შაშხს, ვახლიდი უმაცვივროდ შენახულ საეპკო კვერცხს და კედელზე ჩემი ხელით შპალერებად აკრულ არაბული ზმნის ფორმათა პარადიგმებს ვიზეპირებდი... კვირის გასულს ფუნჯითა და მუქი საღებავით, მსხვილი ასოებით, ახალ პარადიგმებს ვწერდი ხატვითი წერით და ახალ სიტყვებს ვიზეპირებდი გიორგი წერეთლისა და ლექსო ლექიაშვილის, ამ ორი ბრწყინვალე მეცნიერისა და პედაგოგის არაბული ლიმილის მოლოდინში.

სალამოს უნივერსიტეტის სიმფონიური ორკესტრის მეცადინეობაზე მოვრბოდი ილიაში ამოდებული „ამატის“ ვიოლინოთი, თურმე უძველესი და უიშვიათესი ინსტრუმენტი მქონოდა, ბიზნესის გაკეთება შეიძლებოდა. ინსტრუმენტის ქვედა დეკაზე ამოვიკითხე, როცა შემთხვევით, დიდი ყინვის უამს, ზამთრის არდადეგებზე, კიევში გასტროლებისას ყინულზე უცაბედი წაქცევით ნაჭუჭ-ნაჭუჭ დამემსხვრა ეს ძველი და ნაღვლიანი საკრავი. ქვედა, დიდი დეკას ნატეხზე ეწერა: „ამატი“, 176., თარიღის ბოლო ციფრი აღარ მახსოვს...

ჩანაწერი:

„შენც ხომ იცი ბროლის ციხე,
ზევის როგორ თაღებშია..“

ჩანაწერი გრძელდება: „ბროლის კოშკის შესახებ უნდა ჰკითხო 12-დან 18 წლამდე ახალგაზრდას, მეორე დაკითხვა 18-დან 25 წლისას უნდა ჩაუტარო და თუ სხვისაგან განსხვავებული. საკუთარი ოცნების ბროლის კოშკი არ გააჩნია, სერიოზული იმედი აღარ უნდა იქონიო მისი, „ინტურისტის“ დარბაზები შეიქნება მისი ცის ქული, დედამიწის ქალამანი...“

* * *

სკოლის სიმღერის გუნდი. ვმღეროდი და ვცხოვრობდით მასში. მერვე კლასში ხმა საგრძნობლად გამიბოხდა და მეორე ხმებიდან ბანებში გადამიყვანა გუნდის ხელმძღვანელმა, იგივე ჩვენი სკოლის უმკაცრესმა დირექტორმა, ბუზი რომ ვერ გაიფრენდა მისი შიშით სკოლაში კი არა, ეზოშიაც კი... მეათე კლასში ბანებიდანაც გამომიყვანა. საქმე ის გახლდათ, რომ, ჩემს წინ ოთხ რიგად მდგარ პირველ და მეორე ხმათაგან ოთხმა ყმაწვილმა შესჩივლა გუნდის ხელმძღვანელს, არ გვესმის ჩვენი საკუთარი ნამღერი, დაგვაყრუაო... — გამომიყვანა. ცალკე გამსინჯა. სიხარულის ფრთები შეესხა. „აღარ იარო, შვილო, გუნდში, ეგ შენი საქმე აღარ არის, შენ სოლისტი ვოკალისტი ყოფილხარ. მომილოცავს! — გადამკოცნა, — დიდი მომღერალი იცი რა არის, ჩემო შვილო? აი, რომ გახდები, გაიგებ. ხვალიდან ცალკე ხმის დამუშავებას ვიწყებთ. ფა-დიეზე გაქვს მაღალი, დაბალი — აუჰ!“

დავალემა მომცა:

— აბესალომის და მურმანის დუეტიდან მურმანის ტექსტი ისწავლე... ორივე ისწავლე. მურმანისა განსაკუთრებით...

ვსწავლობ...

გაკვეთილები, ვიოლინო, მძლეოსნობა, ვარჯიში ვოკალში... გამოვიწერე ლენინგრადიდან ნოტები ბანისა და ბარიტონისათვის... ერთ ამბავში ვარ! ლამის დამახრჩოს მომავალ გამარჯვებათა სიხარულმა...

გამოვდივარ ქალაქის დიდ სცენაზე. აქეთ მე — მურმანი, იქით — ჩემზე ერთი წლით უმცროსი ლირიული ტენორი — აბესალომის პარტიას მღერის. სკოლათა ოლიმპიადის დასკვნითი

კონცერტია. რომელიდაცა ფილმით ქუანასწავლმა ვყლაპე და ვყლაპე უმი კვერცხები... ლამის ალი ამომვარდეს დაღებული პირიდან...

„შენც ხომ იცი ბროლის ციხე

ზეცის როგორ თაღებშია!“ — იმისთანა მოულოდნელი და მრისხანე ხმით დავექექე და შევეუძახე ჩემს პარტნიორს, ლირიულ აბესალომს, რომ შეფრთხა და პატარა ხანს პასუხი ვეღარ მომამლერა... დარბაზში ტაში და სიცილი ატყდა... მაინც დავამთავრეთ დუეტი... ხვალ-ზეგ ლა-სკალაში მგონია თავი. ცვხოვრობ სიმღერის ბროლის კოშკში. ვიზუთხავ რუსული რომანსების ტექსტებს. ვვარჯიშობ მძლეოსნობაში... დავდივარ ვიოლინოზე...

ერთი საგაზაფხულო, ათკილომეტრიანი რთული კროსის დროს გაოფლილმა და გამარჯვებით წახალსებულმა ცივი ვაშლი გეახელით ჩემი თანასკოლელის ცივ სარდაფში დახორავებული... გამიჩნდა ყელის მძაფრი კატარი. წამერთვა ხმა. წავიდა „ლა-სკალა“ გაღმა, დავრჩი ლიახვგამოდმა, ყურებჩამომქკნარი.

თადარიგში ორი კოშკი კიდევ მქონდა: ვიოლინო და მძლეოსნობა...

* * *

უფროსი თანასკოლელი ამხანაგის მონაყოლი, ძველი ჩანაწერი. ახლახან დავასათაურე:

„ვარდის ეკალზე დასობილი, მკედარი ბულბული“ — ჰამლეტ გონაშვილი. ჩვენი თანასკოლელი. უფროსი. ცა ჰქონდა თვალეზად, დედამიწა — ქალამნად. მამა ინსტიტუტში ასწავლიდა. არასოდეს არ ერეოდა ჩვენს თამაშებში. დასვენებაზე არ ღლაბუცობდა. არ ზედახორობდა, არ კაკლაობდა, არ ლახტაობდა, არც მრგვალი ჯორი, არც გრძელი. კახეთიდან კი იყო, ანაგიდან. დაც ლამაზი გოგო ჰყავდა. ომი ახალი დამთავრებული იყო. ჯერ კიდევ ჭირდა პური. ყველას გვმოდდა. ჰამლეტის დედას მზესუმზირა ჩამოჰქონდა კახეთიდან. ოჯახში ხალავდნენ. შიმშილობას მზესუმზირის კნაწა-კნუწით ებრძოდნენ. ჰამლეტს მუდამ სავსე ჰქონდა ჯიბეები მზესუმზირით. გვინაწილებდა, მაგრამ, მაინც ვავიწროვებდით. რალაცნაირი იყო. ჩუმი. თავისთავადი. მზესუმზირის დიდ ნაწილს გვაძლევდა, დანარჩენსაც ვართმევდით, გვმოდდა და ვართმევდით. შენ სახლშიცა გაქვსო, — ვეუბნებოდით. იღგა თ-

ვისთვის, „ლუ-ლუ-ლუ-ლუ“ — ერთთავად ღუღუნებდა ჩუმი ხმით... არაფერი მას არ აინტერესებდა ამ ღუღუნის გარდა... განმარტოვდებოდა, აიტუზებოდა კედელთან და ჩვენ რომ ვყირამალაობდით და ერთ ამბავში ვიყავით, ის თავისთვის ღუღუნებდა. „ლუ-ლუ, ღი-ღი“ — რაღაც ამნაირად. მე ვერც კი გავიმეორებ... რომ ღი-ღინებდა სულ, გამუღმებით, ყველა მოწმეა... ყველას შესაძლოა არც ახსოვდეს მისი ასეთობა, თავისებურება, უმეტესობას გვახსოვს... ბევრნი კი აღარ დავრჩით, მაგრამ, ვინც დავრჩით, აი, ასეთი გვახსოვს,, იშვიათი, სკოლის სიმღერის გუნდში მღეროდა თუ არა, არ მახსოვს. რა საკვირველია?! მომკალი და არ მახსოვს... დასვენებებზე მახსოვს, სწავლის დაწყების წინ, ღუღუნებდა და ღუღუნებდა ქედანივით... თავის გასაგონად... შინაც რომ მოდიოდა სკოლიდან, ჩუმადა ავედევნებოდით, ფეხაკრეფით, რაკი ვიცოდით მისი ეს უცნაური წყურვილი. მოდიოდა და „ლუ-ლუ, ღი-ღი“ — ღუღუნებდა თავისთვის. მაინც რა ვაქვაცი დადგა, ჰა?! აი, სარაჯიშვილიო, რომ იტყვიან, რადიოთი რომ გადმოსცემენ. ჩანაწერები არ ვარგოდაო. ესო, ისო... მჯერა. არ ვარგოდა მაშინ ჩაწერის ტექნიკა, მაგრამ, მე, ჰამლეტ გონაშვილი, სარაჯიშვილი მგონია. ბავშვობიდან რომ ასე, სულ ერთთავად ღუღუნ-ღიღინებდეს თავის ცისფერ ფიქრებში წასული ადამიანი, მეორე ალბათ, დედამიწაზეც არ მოიძებნება...

ვარდის ეკალზე დასობილი და მკვდარი ბუღბუღი...

* * *

— შევიდეთ ინტურისტში. პური ვჭამოთ... მე მშია და თქვენი არ ვიცი...

— აღარ შემიძლია ამ ინტურისტში და მომკალი თუნდა.

— ჰო, კარგი. შევიდეთ. კალმახი, საფირმო კატლეტები, ცოცხალი, შინაური დედლები, ხიზილალა, ნადული, მჭადები, კიტრი, პამიდორი, ტარხუნა, შოთები, მუყუყი..

— გავარდა ჯიბეს ძირი, ამოვიდა სასულეში ერთი და იგივე, ერთი და იგივე!..

მაღალთაღოვანი დიდი და მცირე დარბაზები აქვს ქართლის გულში ინტურისტის რესტორანს. მუქი ყავისფერი ხით გაწყობილი კედლები. სვეტები, ფანჯრები...

გუმბათიდა აკლია და ეკლესიაა!. დრაიტი „ინტურისტო!“

— დრაიტი ტიკლიკო! მარტო ხართ?

— არა, ჩამოსულები არიან... გავწყალდი...

— შენი წყალი სხვის ღვინოსა ჯობია...

ინტურისტში უნდა შეხვიდე, რაკილა ეძებ ან რაკილა გეძებენ. ან ის გიპოვნის ან შენ ჰპოვებ... მაშინაც იპოვნი, თუ არავის ეძებ და თუ გეძებენ — ვერ გიპოვნიან, ან გიპოვნიან...

გოგოლი რომ შემოვიდეს თავისი რევიზორის საძებნელად, არავის გაუკვირდება... აპოვინებენ, ჩაახუტებენ ერთი-მეორეს, შეარიგებენ...

— ინტურისტო, ინტურისტო, შენი ჭირიმე...

— რა იყო, ვალიკო? — შუბლთეთრა, დედოფალივით ბადრი ოფიციაინტი.

— ტაკლი-ტუკლიკო, დუშკიკო, ვანიკო, იკოკო? — ეხობმარკება მამალი ხობობი.

— კო-კო და ცავიდა.

— „ტანგო“ ან „ზაპაროეცა“?

— იკენენ და მოვალთო...

— ბუებუყა?

— პატარაშია, სტუმრები ყავს... დავუძახო?

— ჯერ მოიტა რამე და მერე...

ეზოს მხრიდან სახაშეა. იქ ჩუმი, სწრაფი და ცხელ-ცხელი დილოგები მიდის:

— კარგი ორიანია, ბიჭო!

— პირი — პურისათვის არის გაჩენილი და პური — პირისათვის...

— მაშ, მაშ..

— წაველით!..

მძიმე, შემოდგომის პეპლებივით დაფარფატებენ გადაშფიფებული ოფიციაინტი დედაკაცები. ხან აქ ჩამოჯდებიან, ხან იქ, როგორც საკუთარ ოჯახში, ისე... ცოტა მარილის მოყრა და აჰა, დედალი, ცივად და ცხლად..

— სვიმონი ვარო, ბიჭები იკითხა, არ დაბრუნებულანო?

— ვინ სვიმონა, სვანეთის მწონავი? — მუხლზე ჩამოისევამს.

— არა, მეფე ვარო, სვიმონ, მწვანილი მინდაო... ბიჭები იკითხა.

— მწვანილი? ვინ გიყი იყო ნეტავი? გაატანე? მეფე? მეფე. —

ფიქრობს, თანაც დედალს მუხლზე ანანაევებს...

— მაშ, მეპე ვარო, სვიმონ — მეპე, დოსპეხები ეცვა ჯაჭვი — მაჩვი, ჩაჩქანი...

გულით რომ სდომოდა, ვერ იფიქრებდა, თუ რომ სვიმონ-მეფე შემოვიდოდა „ინტურისტის“ რესტორანში, ბიჭებს იკითხავდა, ვერავის ნახავდა, ბუმბერაზია აქ ყველა. ის ბიჭები კი ბიჭები იყვნენ. წავიდოდა ერთი მუჭი მწვანელით ხელში. ესპანეთის მეფესთან გაგზავნილი დიპლომატიური წერილების პასუხის მოლოდინით აღესრულა სვიმონ...

* * *

არადა ცენტრია, გემრიელი პური იქმება, მარჯვია. ყველამ ყველაფერი იცის, სწავლა და გაწყრომა „არ ვარგა-ვარგას“ საკითხებზე არ დაგვირდება აქ კაცს: ბლალოჩინებივით მზარეულები ბრუნავენ ამ საყდარივით შენობაში...

ერთი გრძელი და ჭრელი სუფრა გახლდათ გაშლილი დიდ დარბაზში, ჩვენ რომ შევედით... თურმე სამი სხვადასხვა ასაკის ჯიელები: ოცდაშვიდის, ოცდაცამეტის და ორმოცის ერთად იხდიდა დაბადების დღეს... ასი წელი გამოსდიოდათ ერთად. ცხელი ხარჩო და საფირმო კატლეტი მოვითხოვეთ ტრაპეზიდან მოშორებულ ოთხკუთხა მაგიდის სიმყუდროვეში.

სამი სხვადასხვა ასაკის, სხვადასხვა სამსახურის, სხვადასხვა რჩულის ახალგაზრდა ერთად იხდიდა თავის დაბადების დღის აღსანიშნავ ზეიმს... ერთი მილიციელი იყო, მეორე და მესამეც ისე მუშაკი... ყველას თავისი სტუმარი ახლდა, ყველა სტუმარი ერთმანეთს კარგად იცნობდა და მშვენივრად დასამეულდა სამი სხვადასხვა რაზმი ერთ ჯარ-ჯამათად... სარდალიც საერთო ჰყავდათ, ყველა რაზმიდან თითო მოადგილე თამაღისეულ სიბრძნეს თავისებურად ავითარებდა და საწურავში ატარებდა.

ამ დიდი დარბაზის ცალკე შორეულ, მყუდრო მაგიდას ვუსხედით მე და ორი მეგობარი. ერთიც იყო შედარებით უცხო, ცოცხალ-ცოცხალი ბიჭი, ჩვენზე უმცროსი, კალმახივით სხარტი... კურკას ეძახდნენ მეტსახელს. როგორც იტყვიან, ვარიანტი არ იყო ცნობისა და მიპატივებისა...

„სადაც არის ბედი შენი — იქ მიგიყვანს ფეხი შენი...“

საოცარი შეხვედრა მოხდა სწორედ აქ. ბავშვობისას, ღორების კოლტი რომ ჰკაფავდა ღობეშემოძარცვული ჩვენი ვენახის ბარაქას, იმ კოლტის უმცროსი პატრონთაგანი, გუგულა-ბიჭი გამოდგა სწორედ ერთ-ერთი ამ დაბადების დღის დამნაშავე. ის არა ხარო! — სიხარულით იფეთქა, ჩამეჭიდა და თავის სუფრასთან ვაცივით მიმაოთხა. ესო, იცით ვინ არისო! ბავშვობის დროს ასე და ისეო... — ღიმილით იგონებდა, აგურის ნატეხით როგორ მოტეხა ჩემმა ძმამ მათ ონავარ მთავარ-ეშვას წინა, მებრძოლი ფეხი, მტევანს რითიც ჩამოიტოტებდა ხოლმე... დიდი მორი ეპოვნა, როგორც ჩანდა, ეპო — ეპო და ჯერ ვერ დაეპო. დასაპობი ჯერაც ბევრი ჰქონდა. დიდი მარნის გამგედ ვმუშაობო...

მოგონებები ისე ხალას-ხალას გადამეშალნენ, მართლა გულით ვისიამოვნე. ჩვენი პაწია სადილის სუფრა ლამის გადამავიწყა ამ სიხარულმა. ვხუხუთ და ვპროშტნეთ, ვპროშტნეთ და ვხუხუთ...


ამ გულითადობაში რომ ვართ, მე და ეს ჩემი ძველი მოწინააღმდეგე, კოლტის უფროსი, თაფლივით რომ ვდნები მოგონებათა ფიქაზე, ერთბაშად საშინელი, დაბოღმილი ღრენა მომესმა: მაშ, მტყუანის ასე და ისე, რაც შენ აქა თქვი, გულით ნათქვამი არ იყო, გძულვარ, გეჯავრები, ტყუილებს კი რომავ, შენი ასე და ისეო! მაგას როგორ დავიჯერებ, მე შენო! „ვაი, შენ ჩემო, თეთრო ბატო!“ — წავიღიღინე, ვითომც აინუნშიაც არ ჩამეგდოს ჩემი მთვრალი ძალადმაცხონე, თან ვიღიმები და თან ჩვენი მაგიდისაკენ მოვიწევ... წამომეწია ორმოცი წლის წინათ ჩემზე დაბოღმილი ეს ჩემი გულტკბილი მოპატიე. ასპარეზზე გამოსული და გარანდებული, თავაშვებული ტახის ფეხის მოტეხვა ვერ მოენელებინა. ძველი, შხამად შენახული გესლით იგესლებოდა გზა-გზა, ფეხ და ფეხ... თითქოს ჩემი ქართული ვენახის დაუსჯელი რბევამოხრება დანაშაული არ ყოფილიყოს არც მაშინ და არც ახლა...

მოვარღვევდი მაგიდებისა და ზურგმალალი, საპატრიარქო სკამების ტევრს. მომდევდა ქაფის მარაქაში გამოსული გუგულა — ბიჭი წანკლიანი გესლით.

თურმე თვალყური ეჭირა კურკა-ბიჭს ჩვენს უსიამო ბაასზე. ერთი დარტყმით ერთბაშად გადააფრინა ეს ჩემი უმადური მღევარი სამსახოვან მაგიდებს, მკერდული სრიალით გასრიალდა გაქონილ მუხის პარკეტზე და გაქრა. სულ ძურწა ბალახივით ბღუჯა-ბღუჯად გამომარგლა სამი გაერთიანებული დაბადების დღის

სუფრიონი კურკა ბიჭმა. ზოგი თვალით მოძოვა, ზოგიც მკლავით
გამოახშირა და მძიმე ქოშინით ჩამოჭდა კუთხეში მიყუყულ ჩვენს
მცირე სუფრაზე. დიდხანს ჩვენც აღარ დაგვიყოვნებია, ჩვენც გა-
მოვედით... ნელი ნაბიჯით, უხმოდ მოვდიოდით გორის თავში მდგა-
რი გზათა გამყოფი გოლიათი ჭადრისაკენ, საიდანაც გზა თბილისს
გამოსცქერის...

გზები იყრებიან და კვლავ ერთდებიან...



კურღლის სიმღერა

(სათავგადასავლო-სახუმარო მოთხრობა)

ორი აზრი ზღვის თაობაზე

როგორ გიზიდავს ზღვა ჩუმი ფშვინვით, ზღაპრული ჩურჩულით, ათასგვარად შეზავებული ჰაეროვანი სუნთქვით...

მთვარეს გამოპარული, ძილის წინ დავარცხნილი ტალღა გამოირბენს ვარდნარით შემოკაეებულ სარბენ ბილიკს, შემოტლავუნდება სასტუმროს ფოიეში, ამოცქრიალდება ნომერში, მოგეფერება, მოგიალერსებს, ხელს აგაღებინებს ღამეულ საკითხავზე, ჩაგიხუტებს, მოგელამუნება, გაგწურავს, ცოტაოდენს წაიწუწუნებს ქალურ უიღბლობაზე, მარგალიტს ცრემლად აიკიაფებს ნიჟარებში და ნელნელა დაცხრება, მოგიშინაურდება, გაგიტყუებს დაბუღული ოთახიდან თითქმის შიშველს, ჩაგასრიალებს ბილიკზე და ერთბაშად დაგძირავს ღამეული ზღვის ჯადოსნურ სამყაროში.

ბოლოთევზა ფერიები დაცქრიალებენ ირგვლივ, მეღუზის გამ-

ქვირვალე კაბები ასხიათ მათაც და შენს მოპატივე, თმავარცხნილ ფერიასაც.

ყველა მათგანს როდი უღიმის ბედი, ყველას როდი მისდევს ხმელი ზღვაურ-ღამეულ თავგადასავალში. აქა-იქ თუ შეხვდები შენსავით მამაცს, ფერიასთან ერთად რომ შეუბედავს ნუბტუნის სამფლობელოში უკუნეთ ღამით.

ზღვა ზედაპირზე სჩანს ბნელი, თორემ სიღრმეში ათასგვარ ბინადართა სახეიმო შუქითაა გასხივებული.

ყველა დასრიალებს შენს ირგვლივ უხნო ძრავლით, შექსა ჰფენს, თვითონაც ნათდება და სხვასაც გადასცემს სინათლის ნაწილს.

თამბაქოთი გაჰკვარტლულ ღამის ბარში რომაა ინტერიერი გამკვრივებული და „ახოს“ ნომრიანი ლურსნით ადგილზე დაჭედებული, ასეთ ქვის ხანას ზღვაში ვერ ნახავ; ჭავლი-ჭავლსა ცვლის, ფერი — ფერსა, ფერია — ფერიას, თევზი — თევზს, მარგალიტით დატენილი პირღია ნიჟარებითაა მოფენილი ფსკერი და სწორედ ის ანათებს, რასაც ანათებს!..

ხმელელმა კაცმა მხოლოდ საჭმელი თევზების სახელები იცის, ისიც აქა-იქ და ხამუშ-ხამუშ: კალმახი, წვერა, ნაფოტა, ქაშაყი, ქაბალა, სკუმბრია, და რამდენიმეც სხვა, კონსერვის ქილებზე ამოკოთხული.

ზღვის ბინადართა უდიდესი ნაწილი ისევე არ იქმევა როგორც ადამიანი, მგელს თუ არ ჩაუვარდი სადმე, სოფლის განაპირა ხევხეში, ზამთარგამოვლილსა და ნაშიმშილებს, ძუძუზე დაკიდული ლეკვებით რომ გადაგიღობავს გზას.

მარი-ლენდის უზარმაზარი აქვარიუმი არაფერია იმასთან შედარებით, რასაც ზღვის სიღრმეში ნახავ. ყველაფერი დაფარულია, დასრიალებს შენს ირგვლივ, ცეკვავს, თამამობს, ღელავს, მღერის, ვნებიანობს. ცალი ცალთან შეხვედრისას ლაღობს, ფარფლებს უნაზესი მოსმით ფერაობს, იტვრინება, ნეტარებს. შეწყვილებული მიჯნურები ერთბაშად მოწყდებიან ადგილს, გაიჭრებიან ბოსფორ-დარდანელისაყენ საქორწილო მოგზაურობაში, მერე მობრუნდებიან, ჩვენი გრილი და სპეტაკი მდინარეების შენაკადებს აუყვებიან, იქვირითებენ და კვლავ ზღვას მიეცემიან...

ზღვის საოცარი მცენარეებით მორთულ პარკებში დაგაფრიალებს ფერია, ფარფლებიანი უთვლო ფაეტონით. ფერთა საოცარი გამა, ფორმათა უსაკვირლესი ცვალებადობა, სიწყნარე, სიმ-

შვიდე, სრული ჰარმონია, არსი არსობისა! გამქრალია ყველა გრძნობა გარდა ურთიერთპატივისა, სიყვარულისა. ვის სცალია შიმშილზე ფიქრისათვის. დეზად თუ წააციცქნი რომელიმე კორდს სატაცურივით უნაზეს ყლორტს, საკმარისია.

ფერია ფერიას სცვლის, ფაეტონი — ფაეტონს, მაგრამ, არც ერთი წუთით არ გავიწყდება შენი უნეტარესი მოპატიჟე, ღამის ბარის შესასვლელთან რომ გელოდება — შენი თმავარცხნილი ბოლოთევზა!

უნაზესი მიფერებაა თავი და თავი ყოველივე სიკეთისა, ყველა კეთილი გრძნობისა, სიყვარულისაც! მომფერებელთა მთელი ქარავანი ამიტომაც დაგტრიალებს და თავს ამიტომ გევლება. მართლა ზღვა ყოფილა პირველი საყუდარი სიცოცხლის გაჩენისა, შენი გაჩენისა. ხედები ამ დედურ, უნაზეს საწყისს და ცრემლი გერევა იმ შეცდომის გამო, რაც წინაპარმა ჩაიდინა მყვირალა და მტერიან ხმელეთზე ამოსახლებით! ცრემლი იქვე ქრება, წყალში ნელდება, ცრემლიანს აქ ვერავის ნახავ... ნეპტუნის სამყაროს ღამის ბარში მიჰყავხარ სრიალ-სრიალით შენს ბოლოთევზა ფერიას. ბებერი ვეშაპის ხახაშია ბარი მოთავსებული. დელფინები მსახურობენ თარჯიმნებად, მეყავეებად, მიმტან-მომტანებად. ძველი, ვეშაპის გადაყლაპული გემების ბაკებდაფანჩული მეპატრონენიც სჩანან აქ-იქ საპატიო წევრებივით, უსაშველოდ გაზრდიათ წვერი, მარჯნის ნიჟარების საბუღრებად გადაქცევიათ. სპილოს ძვლის ყალიონებს ვერ შეშვებთან, აჭყლამპალებენ ჩიბუხებში მარილიან წყალს მყრალი თამბაქოს ბოლის მაგივრად, არიან ჯანმრთელნი, ბედნიერნი, საუკუნეთა ნეტარ მოგონებებს მიცემულნი...

ღია ესტრადა ვეშაპის შუბლზეა მოთავსებული, ორტოტა შადრევანთან. მნათობელი თევზები ემსახურებიან ესტრადას. კრიალი გაუდის ფინჯნებს, თეფშებს, დანა-ჩანგალს. ვეშაპის შადრევანზე აჩახჩახებენ რვაფეხა ბინადარნი ჭურჭელს, ამშრალეებენ. თითოეული ოთხი ქალის საქმეს ასდის; ტყუილად როდი აქვთ რვა ფეხი. არც ჭურჭლის ლაწალუწი და ქონიანი წყლის ოხშივარი, არც მეჭურჭლეთა გაუთავებელი ყიყინი და ყაყანი საშოვარ-უშოვარზე. ყველაფერი ბუნებრივ ჰარმონიულ წესრიგშია, არაფერ შუაშია აქ ნეპტუნის შიში. წყალიც უწყვეტ ნაკადად მოჩხრიალებს ვეშაპის შადრევანში. ვეშაპი რისი ვეშაპია, ნესტოებს თუ უწყლობით ჩაიჟანგებს...

ზღვის დამეულ ბარში რკინეულ-ელექტრონული მუსიკა როდი

გიხეთქავს უიმისოდაც ათასი ღრიანცელით გადაღლილ ყურის ნიჟარებს. აქ ჩამოსულ ხმელელს დელფინები წინასწარ უმაგრებენ ყურზე საგანგებო, ბებერი მოლუსკების ნიჟარებს, საოცარი ოკეანური მუსიკის მოსასმენად:

„აქ ყველაფერი ირეცხება სინდისის გარდა“, — იწყებს სიმღერას ვეშაპის შადრეუნის წვერზე მოცქრიალე პატარა დელფინი.

აქაურ ბარში იქაური სასმელი არსასმელობს. ახალბედა ხმელელი თუ შეცდა და თან ჩაიყოლა უბეში დამალული მკავე ღვინო, ან ცეცხლივით მანათობელი კარბიტის არაყი, ტყუილად გიარჯება: სასმელი უმალ იხსნება წყალში, მოყუდებასაც ვერ მოასწრებს, ისე გაქარწყლდება, შეირცხვენ თავსაც და სამშობლოსაც ჩრდილს მიაყენებ.

ვნებათა ნამდვილი ღელვით თვრები აქ, ხმელეთისათვის უცხო მუსიკის ხმებით, თვალის უზომო სიხარულით, ათასგვარი საამო ლამუნითა და მიფარფლ-მოფარფლებით.

ალარა და აღარ გინდა ზღვიდან ამოსვლა. განუწყვეტლივ თავს-გველება ფერია და განშორებას სწუხს. მაგრამ, საცაა გათენდება, დროით უნდა ამოხვიდე, ვიდრე შენი სამმანეთიანით ნაბახუსარი ლურჯცხვირა დარაჯი ისევ დგას კარებთან მთვლემარე მღვომარეობაში, ვიდრე იგი ცხვირწითელა დღის შვეიცარს არ შეუცვლია. ზღვიდან ამოყოლილი ვერცხლი აქ არ ვერცხლობს, აქ ქალღმერთი სჭრის მხოლოდ. დაგაჯაგურებს ეს მეორე, ან სულაც არ გაგიღებს კარს; არც შენი ფერია იცის და არც არაფერია. საკუთარი მშობელის სიტყვასაც არ შეისმენს, ვიდრე ესეც ისე არ გალურჯდება, როგორც პირველი. ამიტომ უნდა იჩქარო!..

ემშვიდობები თმავარცხნია, ბოლოთევზა ტალღას და ნახულით, განცდილით გაოგნებული უკაკუნებ კარისკაცს, უჩყოლვით შერბიხარ მომტვერო ოთახში, ხურავ ფარდას და ამთავრებ უნეტარეს წარმოდგენას...

• • •

ჯერ ისევ ჩხრიალებენ გამკვირვალე, ფერადი კენჭები ქალაქური გუგუნით დახშულ ნიჟარებში. საბეჭდი მანქანის კოდალაური ქერქიდან გულამდე ატანს, მაღლა და მაღლა მიცოცავს, მოგონებათა ბუდეებს ქარგავს მესამეულის ფიჭვების უხსოვარ კენწეროებზე.

ბიჭვინთა — ფიჭვის მთა, ფიჭვინთა — ასე ჩაესმის ხმელელი კაცის ყურს ადგილის სიტყვა.

მრავალსაუკუნოვანი, ცადაბჯენილი ფიჭვების ვეებერთელა კორომი მთასავით მოჩანს ზღვიდანაც, ხმელეთიდანაც. ფიჭვის მთა — მწვანე პირამიდა კრიჭაში ჩადგომია უძღვებ ზღვას, აფერხებს, აოკებს.

უკანასკნელი, ხელშუბიანი რაინდებივით დგანან გოლიათი ფიჭვები ბობოქარი ზღვის პირისპირ, მარტონი უმკლავდებიან საიდან-სად მორეკილ თავაშვებულ ტალღათა უნდო ხეთქებას, აყუჩებენ ზღვაურ ღრიანცელს: „უპ, შენა! ოპ, შენი! უფ, შენი! ვაპ, შენი!“ — შხუის მომსკდარი ტალღა და მეწინავე გოლიათს, ნელნელა, დლითილდე აცლის საუკუნოვან საყრდენს.

მაინც დგანან, ბიჭვინთის ფიჭვები მუხანათი ზღვის პირისპირ, არსიდან ელიან საშველს. მრავალსაუკუნოვან უძველესობად დგანან ზღვის უძღვებ კრიჭასთან, სიმშვიდის მომნიჭებელი, წინაპართა ერთგული, გამტანი, ტკივილთა გამყუჩებელი ბიჭვინთის ფიჭვები.

დროგამოშვებით, სიბრძნით აღსავსე სიცოცხლის ფასად თმობს ფესვმორეცხილი როქელიმე ბერფიჭვი სადგომი მიწის ნაკვეთს. ცბიერი ზღვის ლოკვით, ქარიშხლის კვეთებით მოღლილი ბერი მეციხოვნე შეტორტმანდება ძმათა თვალწინ, საბოლოოდ მოიქნევს უშველებელ წიწვოვან ტოტებს, ბარჯივით ჩასცემს შორეთ-მოუსავლეთიდან შემოჭრილ აფოფრილ ტალღებს, ხახას გაუბობს, დაშლის, გატერენავს, გაამტანარებს, გააყუჩებს ერთი ხნით, ვნებას გაუქრობს ავხორცს, ყველას მლოკველს, ურცხვს, ყველასეულს და უარავისოს...

აქ თუ დამცხრალი და გამტანარებული წევს მიღეთის ხალხი მეორე ბოლოზე ვინმეს ულოკავს და ეპირფერება, ან, სულაც უპირფეროდ ესხმის, სტაცებს, ართმევს, იხეთქავს საყოველთაო ფაშვს გაღმამხრის ბინადართა ლუკმით, თან შივის და ყველას გასაგონად მისძახის: „აკი გშვი, რაკი გშვი, აკი გშვი, რაკი გშვი!“

ღამითაც არა ცხრება, როცა უძღვები სჭირს, როცა საკბილოს ეძებს, ედავება ერთ მუჭა ხმელეთს ჩაბლაუჭებულ, ხელებდაკოყრილ, ნაიარევსა და ყოველის მხრივ დაკოდილ მიწის პატრონს, კიდიდან კიდემდე გაჰკივის საშარ-სადაოს ეს მრუში და უთვისტომო, ბრმა, უნდო და პირცოფიანი აშარქალი: „ჩემსას ვთხოვ, არ მაძღვეს, შევსანსლავ, შევყლაპავ!“

ბოლოს მაინც გამოსტაცებს უძღების სახეთქს, აითრევს ყურედან-ყურემდე, ათრევს ნაპირ-ნაპირ, ძარცვავს გზა-გზა, ცქვლეთავს, აშიშვლებს, აშავებს სიმწვანით მოსილს, გასაცოდავებულს, გაუღენთილსა და გადაპრიალებულს გაუკითხავად ატივტივებს ქვეყნიდან ქვეყანაში, გულებს უხეთქავს უიმისოდაც გულებდახეთქილ, საცოდავ ადამიანებს: „ყველა ურჩს, შფოთისთავს, ყველა თეთრს, ყველა შავს, შევსანსლავ, შევეყლაპავ!“ — იმუქრება და მარბიელს უსევს საცოდავ ხმელელებს.

საიდან სადაა გადათხლეშილი მარადმწოლიარე, ცრუდ ფეხმძიმე, მრუში ოკეანისა, ურჩხული სანაპიროთა, არც — არა მშობელი, არც მშობლის ნაცვალი, არც უშობელი, ძუძუმლაშე და მოძალადე, ლუქმის მაყვედრებელი, მარტოდენ სიფლიდითა და შიშითა გამკითხავი: „აკი გშვით, რაკი გშვით, გაყუჩდით, გატვრინდით! თ.არემ — თუ, ავიშვი, შეგხვრიბავთ, შევსანსლავთ, მოგტვლიბავთ, დაგძირავთ!“ — იმუქრება და შხივის გველემაპივიით...



ენაგადმოგდებული აგვისტოა. ჩვენს მშვენიერ „შემოქმედებით სახლში“ მივედით ჯალაბით, ბარგი-ბარხანა გადმოვტვირთეთ „ჯაგლაგიდან“, შევზიდეთ, საბუთები გავაფორმეთ, დავლუქსდით...

— ვახშამს მოასწრებთ, ბევრს თუ არ გაუყვებით, — გვითხრა დასასვენებელი სახლის ადმინისტრატორმა, ზეზორბა ადგილმდედამ, ძველმა ნაცნობმა ოლიამ.

— ვიბანაოთ, რა! — ატყდნენ ბავშვები.

— ვივახშამოთ, დღე დიდია, მოვასწრებთ! — ვეუბნები და ნაცნობ დერეფანს მივუყვები.

ოთახის ლამაზი ყვავილებია მარცხნივ და მარჯვნივ. პირდაპირ, დიდი ფოტოსტენდიდან ჩაპაევი მოჩანს ტყვიამფრქვევზე მიღულებული. შუშაბანდის იქით ზღვა ლივლივებს, როგორც იტყვიან, ჩამავალი მზის სხივზე.

ნავახშმევი ბალები უპატრონო ცინდლებს ეფერებიან, იხუტებენ, ვახშმის ნარჩენებს სთავაზობენ, პაწია სუფრებს უშლიან, ეკრუტუნებიან. მახსოვს, წინა წლებში, მსგავსი ფერებ-ფერებით გატუტუცებული უჯილაგო, უპატრონო ძაღლები ბატონ-პატრონებივით დაბლაცუნობდნენ ყოველ ფეხის ნაბიჯზე, ჯოგი რომ მო-

იზრდებოდა, საგანგებოდ გამოძახებული მეთოფური არხეინად დაფიშტავდა სათითაოდ, თვალს არ დაახამხამებდა. იყო მეძალის დაუნდობელი წყევლა დამსვენებლებთაგან და საჩივრის ქალღმერთების ფრიალ-ფრიალი. ბოლოს, დაცხრებოდა წუხილი, რამდენიმე დღის შემდეგ კი განცხრომა თავის კალაპოტს უბრუნდებოდა...

მივდივართ სასადილოსკენ:

— Здравствуйте, Яковлевна, როგორ ბრძანდებით? — ვესალმები მთავარ დიასახლისს სასადილო დარბაზის ზღურბლთან.

— С приездом, Мерван, შარშან სად ისვენებდით? — ჩამოვვართვა ხელი დიასახლისმა და თავაზიანად მოგვიკითხა.

— გაგრის შემოქმედებით სახლში.

— ჩვენთან არ ჯობია?! გამხდარხართ, — მასიამოვნა თქმულთ.

— დავრბივარ, დავჩაქჩაქებ, ლუქმას მოვუყელი.

— ჩვენთან უკეთესია დასვენება, დამეთანხმებით, — გულღია, მშვენიერი ღიმილით განაგრძობს საუბარს.

— უკეთესი კია, გეთანხმებით, მაგრამ მწერლობისა არ იყოს, კინოკავშირმაც ისე იბარტყა, ორ წელიწადში ერთხელ ძლივს ვახერხებთ დასასვენებელი სახლის საგზურების შოვნას. ისიც აგერ, თორმეტდღიანი მარგუნეს. გავმრავლდით, ჩემო დაო, გავმრავლდით, არც ისეთი ძნელი ყოფილა კინემატოგრაფისტობა, მწერლობა, როგორც ერთ დროს გვეგონა.

— ეგ სადაო საკითხია, მაგაზე მერე... ახლა კი, აგერ, თქვენნი მაგიდა!.. — მიგვაცილა ჩვენთვის განკუთვნილ მაგიდამდე...

სასადილო დარბაზი მშვენიერია, ხალვათია, შუქიანია, სამზარეულოსთან ახლოს დიდი, ლამაზი ბუხარია, ძველი ყაიდის ფარნებით შეკოხტავებული. მაგიდებს კრიალი გაუდის, წითელსაზურგებიანი სკამები დამსვენებელთა მოყავისფრო-მოშიშვლო ზურგებს ეალერსება. ნაცნობი ოფიციანტი ქალი ღიმილით მოაგორებს ვახშმით დატვირთულ ურიკას, მენიუც ნაცნობი და მახლობელია. „არაგვისას“ ვერ დაედარება, მაგრამ აქ ზღვაა და არა — არაგვი. ნამდვილი შემოქმედი დიეტური ბუნებისა და გემოვნებისა უნდა იყოს. სხვასაც უნდა შეახვედროს ლუქმა.

— Здравствуйте, с приездом! — მოგვესალმა ოფიციანტი ნინა. მივიკითხ-მოვიკითხეთ ერთმანეთი. ჩემი მეუღლე უფრო ექაშნიკება ოფიციანტს, რაკილა დედით რუსი მყავს. სიდედრად მომ-

ხედება, რამე რომ იყოს. ჩემი სამი შვილის დედას ქართული მეტყველება უფრო უჭირდა ადრე, პირველ შვილზე. მეორე და მესამეზე ისეთი ქართული ავათვისებინე, ერთ რამედ ღირებულნი!..

— პირადად მე, ჩემო ნინა, ბოსტნეულ-ხარახურული უნდა მიმარჯვოთ, სტაფილო, კომბოსტო, სალათეული, ორ კურდღელს რომ ეყოფა, იმდენი, — ღიმილით ვაფრთხილებ ოფიციანტს.

ღიმილით მათვალიერებს.

მოშორებით მაგიდაზე შინაურებს, მედიცინის მეცნიერებათა დოქტორს ლალის და მის მეუღლეს, ცნობილ ჟურნალისტს რეზოს მოვკარი თვალი. წამოვდექი. მათაც შემნიშნეს. რეზო თითქმის ჩემი თაობის კაცია, ხუთი-ექვსი წლით იქნება უფროსი. უკანასკნელად მეგობრის გასვენებაში დავიმდულრეთ, მძიმე ავადმყოფობამ გამოგვაცალა შესანიშნავი თბილისელი მოქალაქე, უგულითადესი ვაჟკაცი, ჩვენი მეგობრობის ხიდი.

მივედი, მივესალმე. რეზოს ლოყურად, თბილისურად ვეამბორე.

— ინარჩუნებთ, მერაბ, კარგია! — მომესალმა ლალიც, — ჩვენს კლინიკაში მე რომ თქვენი წვალება მახსოვს, სხვაგვარად შეუძლებელია! — მეუბნება ჩემი მკურნალი.

— მხოლოდ ორი კილო მოვიმატე, ისიც აუცილებელ ამბებში, — ვუღიმი დამნაშავის ღიმილით, — საიუბილეო ვერცხლის სუფრა ავითვისე ნამცეცობით, ამბებით.

— უნდა ირიდოთ. ორი კილოგრამი აღდგენითია, არა უშავს, — მამშვიდებს ექიმი.

— საკუთარი სუფრა გახლდათ, მე რომ მოვრიდებოდი, სტუმარი დამიფრთხებოდა, — ვცადე თავის მართლება და მცირე ხნით ჩამოვჯექი რეზოს გვერდით. კალათბურთელივით ტანადო რეზოს ვაჟი, იენის უნივერსიტეტში სწავლობს, ფილოლოგიურ-ხელოვნებათმცოდნეობის ფაკულტეტზე.

— ჩვენსობას, მაგსიშორებზე გაგზავნილი კაცი „ზესტაფონო, გშორდების“ მღეროდა ცრემლიანი თვალებით, — მეუბნება რეზო, — ახლა, ძმაო, გერმანია, ინგლისი, საფრანგეთი, — ამათია ცხოვრება, თუ მშვიდობა იქნა...

• • •

პლაჟი. ჩრდილქვეშ ვსხედვართ მე და რეზო, გაგვიდის აქეთურ-იქითური. ჩვენები ზღვაში ლივლივებენ. ცოტათი შემამცივნა. წამოვდექი:

— წავალ მზეზე, ჩვენებთან, რალაც შემამცენა, — მოვიბოდიშე.

«Температура морской воды двадцать четыре градуса!»

— ლევიტანის ხმით აცხადებს ყლურწვისმოყვარული პლაჟის მეთვალყურე ადგილობრივ კვანძში.

— მე მხოლოდ დილით, ჩემო მერაბ, მზეზე ჩემი დიდხანს ყოფნა არ შეიძლება. შაქარი მაქვს, ძმაო, აწეული, აბებსა ვყლაპავ! — განმიმარტა რეზომ თავისი ჩრდილოსნობის მიზეზი.

— შენა? არ გამაგონო! — შეეწუხდი, სხვა თვალი გადავავლე.

— დიდი ხანია, მაშ... ამ წინაზე თელავს გახლდი, სტუმრებთან ერთად, ძველებურად მოვიქნე ნიჩაბი, მასპინძლები კარგი გვყავდა და... აბი აღარ დამჭირდება-მეთქი, რალაც ისეთ ჭავარზე მოველ, არ მიმიღია წამალი. ლალისაც დავუმალე თბილისში. მეოთხე დღეს დამცხო, ზედ კარებწინ ჩამაჩოქა ამ ვერანმა. ექვსი საათის განმავლობაში ამათ აქეთ მოვყავდი და მე იქით ვიწევიდი. ერთი სიტყვით, კინალამ...

— დედასა! მალე წინსაფრები უნდა ავიფაროთ ფარხმალიანმა ბიკებმა; სტუმარი და სტუმარიო!

— ჩვენც გვეცმაცუნება, აზირ ეგა ვთქვათ, სტუმარი რა შუაშია!.. ცოტაჯერ ვყოფილვართ სტუმრად სტუმრებთან, იქაც ჩვენ ვიქაჩლებთ თავს. მოგვდგამს მამაპაპური და! — დაასკვნა რეზომ.

— არა და, პარტყა-პურტყი გაგვიდის!.. აგე, მე დავრბივარ! ათ, თორმეტ, თხუთმეტ, თხუთმეტ კილომეტრსაც დავჩაქჩაქებ, განა ვინმე მომდევს. ვერიდები წონა-მატებას. კლინიკაში ყოფნის ოცდაათი დღის განმავლობაში იასნაია-პოლიანამდე ჩაველ ლამის, ჩემის ანგარიშით, იმდენი გავიარე...

— კარგი, კარგი, ზოგიც მერე, — მათავისუფლებს რეზო საუბრისგან.

— შევეარდები, ერთი, ზღვაში, — წამოვდექი კვლავ და ჩვენებისაკენ გავეშურე ცხელ ქვიშაში ბულრაობით.

ჩვენი პლაჟი სხვებთან შედარებით არც ისე სავსეა დამსვენებლებით. ზოგან თითოც არ ჩაიყოფა. ჩვენთან ხალვათობაა.

ძველებური სიფიცხით შევდგაფუნდი ზღვაში. ეს ზურგიდან, თორემ პირისპირ მაქვერალი ადვილად შემამჩნევს ქოშინს.

რივიანად შეცურებულს არ ვიყავი, რომ შემოვბრუნდი და ნაპირისაკენ მოვუსვი. რალაც მეტად მნიშვნელოვანი გამახსენდა და მოვბრუნდი. ნაპირზე ამოველ.

— მოდი, გაიშრე ტანი! — მეძახის მეუღლე ფიჭვების საჩრდილობლისაკენ მიმავალს.

— კურდღელი გამახსენდა, კურდღლის სისხლი რომ მასწავლა ნუგზარმა, შინაური წამალი, უებარი! — პირსახოცს დავავლე ხელი და მშრალეზ-მშრალეზით გავწიე რეზოსაკენ.

რეზოს გვერდით თემო იჯდა.

— ვაჰ, თემო, შენ გენაცვალე! — გადავხვით თემოს, სიმღერასავით ვაუკაცს, ჩვენი სტუდენტობის და შემდეგ დროინდელ ულალატო კაცს. თემოსია ის დიდებული სიმღერა — „ქარი გიმღერის ნანასაო“. რუსულ რომანებს, ბოშურს, რა უბრალოდ მღეროდა! ვიხუტებ და ვესიყვარულები. ცალ თვალში შუქი ჩაჰქრობია, თითქოს გარედან შესდისო ნათელი, მეორე კვლავ ძველებურ სხივს გამოსცემს... ვინც არ მოსწრებია თემოს ეშხს, ვისაც არ უნახავს მისი დატალღული, შავფხიანი ქოჩორი, ბიჭობაზე ტრახახს ნუ მოჰყვება. ერთ ფაკულტეტზე ვსწავლობდით, სხვადასხვა კურსზე და სხვადასხვა ჯგუფში. თემო სპარსულზე, მე — არაბულზე. მე — პირველ კურსზე, თემო — დამამთავრებელზე.

— ბიჭო, თემო, გენაცვალე! — მერამდენედ ვეუბნები, — მაშ, თვალი, ჰა!.. სხვა!.. ეჰ!.. სხვა, როგორა, ბიჭო?!

— სხვა კიდევ შექარი, შენ ხარ ჩემი ბატონი! — ლიმილით მამცნობს თემო.

— შენცა, კაცო, შენც შექარი?! — რეზოს გადავხედე.

ხან რეზოს გადავხედავ, ხანაც — თემოს. ფანცქალი გამიღის. სანუგეშო სიტყვა მზადა მაქვს და მინდა ამოვაფეთქო მათი გაჭირვების საპირისწამლედ. ვიწყებ და ვენტები, როგორც ჩირაღდანი, როგორც შუქურა, ბრმა ხომალდების მაშველი! მეგობრები რაღაც უჩვეულოს მოლოდინით შემომყურებენ.

სუნთქვა შეკრულმა ერთბაშად ავხადე სათქმელს სარქველი, ბარე ხუთ წუთს ვლაქლაქებდი, ვუყვებოდი საოცრებას, ვაიმედებდი:

— ჩეჩნეთში იყო, ჩრდილო კავკასიაში, ჩემი გარებიძაშვილი, ნუგზარი. იქ ესწავლებინათ, უებარიაო. მოვკლავ, თუ სწორი არ გამოდგა! ბიძაშვილი მყავს, მალალი ძაბვის, — ისევ თავიდან ვიწყებ ამბავს.

— აკი გარებიძაშვილიო! — მცდელად იღიმება რეზო.

— ჩემი ბიძაშვილის ბიძაშვილია, ის, ინგუშეთში რომ იყო; ნუგზარია ისიც, ბიძაშვილიც ნუგზარია. ერთი სიტყვით, ჩათვა-

ლეთ. რომ მორჩენილები ხართ. ან აქამდე, ჰა!.. უტყუარი ბიჭია, რაღა ბიჭი, კაცია, ცოლი, სამი შვილი, მაღალი ძაბვის დენის გაყვანაზე მუშაობდა ჩრდილო კავკასიაში; დადესტანი, ყაბარდო, წლების განმავლობაში, იქ ასწავლეს...

— მერე, რაო? — ინტერესი გაჩნდა რეზოს ხმაში.

— ჩვენ რაო. ჩვენა?! — თემოც მოლოდინშია.

— სწორედ რომ თქვენა! იქ უსწავლებიათ, ერთ, მიყრუებულ სოფელში. გარეული კურდღლის სისხლით, ზედ ჩემი ბიძაშვილის თვალწინ განუკურნავს იქაურ ჰაქიმს ამ სენით დავერდომილი კაცი. გამოულადრავს და დაუღვივებია თბილ-თბილი. ნახევარი ღვინისჭიქისოდენი გამოდისო. ფეხისფეხთან მიტანა უჭირდა თურმე იმ საწყალს და მკურნალობის შემდეგ ჩეჩნეთის სიცოცხლის მოყვარულ ვეტერანთა ცეკვა-სიმღერის ანსამბლში მიუწვევიათ პირველ სოლისტად! ვანგლობ. მაგრამ, მორჩენით კი მორჩენილა და არა ერთი; მავანი და მავანი, მრავალი და მრავალი იმ ჩემი ბიძაშვილის იქ ყოფნაში, — ვამთავრებ ძირითად სათქმელს.

— ბიძაშვილის თუ გარებიძაშვილის? — ეჭვსა და იმედს შორის იხედება რეზო.

— დააცადე, დაამთავროს! — თემოსაც უღვივის იმედის ნაპერწკალი, — გარებიძაშვილი და გარეული კურდღელი ერთმანეთში არ აერიოს ამასობაში და ბიძაშვილი არ გამოასალმოს კურდღელს, — იცინის თემო.

— როგორც მარხილი, ისე მოუჩოჩებიათ ჰაქიმბაშთან შაქრით დავერდომილი. მოუჩრჩენია. ძმებო, თვალით ვნახეო, განა ერთი და ორი...

„მოძრაობა და მოძრაობა, ჩამო თიხბო!“

— ზღაპარ იყო, ზღაპარ იყო, ტყეში ჩიტე მომკვდარიყო, — ლილინებს დარდიან ფიქრებში წასული თემო. — ნავთი დამიღვია, ძმაო, რა საშუალება აღარ მიცდია... ნეტავი მართალი გამოდგეს შენი ნათქვამი, და დავლევ, შენს პირს შაქარი!

— შაქარი მტერსა! არც ცვლის მოშლაა უკეთესი, სირბილი და შეზღუდული კვება მაქვს მისჯილი, ქუსლში მარილის დეზები და იალლა! — მეც ჩემს გაჭირვებას ვუყვები.

— შეზღუდული როგორ? — იძიებს რეზო.

— ნახევარულუფა უნდა მეთქვა: ჭამის დროს, შენ წილს რომ

შენახევრებ, უცებ უნდა წამოდგე, უნდა წარმოიდგინო, რომ ვილაცა გეძახის, ადგები, გახვალ. წარმოდგენაში, ცხადია, ისეთი ვინმე უნდა წარმოისახოს, ვინც მონატრებული გყავს. წარმოდგენ, რომ გარბის ის შენი ნანატრი სტადიონისაკენ, იზოდრომისაკენ ან ლისის ტბის, ან კუს ტბისაკენ. გარბის და შენც მისდევ ოცნების ფიანდაზზე. ნახევართეფში შეუქმელი დაგრჩა — ეს უკვე დიდი მიღწევაა, ნახევარი დღის სიცოცხლეს გმატებს სირბილი, ან ჩქარი სიარული, წუთში არანაკლებ ასორმოცი ნაბიჯი — ერთი საათის განმავლობაში, თანდათან მეტიც შეიძლება, თითქმის სამ საათამდეა ჩაქაჩა აუცილებელი. ერთი, ბორბლებიანი საწერი მაგიდაც უნდა გავაკეთებინო ხელოსანს. გზა-გზა რომ ვწერო. სწორედ ამ დროს მოგდის გენიალური იდეები გოგრაში. გეცინება გოჯივით. ხვთის გლახას ემსგავსები თანდათან, სამაგიეროდ სულით ღმერთს უახლოვდები... ექვსი საათის განმავლობაში ვირბინე ქობულეთში ერთხელ. ცენტრიდან განაპირამდე ათამდე კილომეტრი მანძილი ორჯერ დავფარე. ოცდახუთმეტ-ორმოცამდე კილომეტრი გამომივიდა. არც არავინ მისტვენდა და არც არავინ მაქეზებდა. დავრბოდი საკუთარი სიამოვნებისათვის, თუკი ამ მთლიან გამოფიტვას სიამოვნება ჰქვია. სიამოვნებაც იყო, ცხადია. დაძლევის სიამოვნებაც იყო, ცხადია, დაძლევის სიამოვნება, რალაცაზე, თუ ვილაცაზე გამარჯვების სიამოვნება. ნოემბრის მიწურული გახლდათ. დილაობით ცივ ზღვაში წამიერ გაცურვასაც ვებედავდი. საკუთარ თავთან მოპოვებული უპირატესობის გრძნობა მსიამოვნებდა. ადამიანის სხეული თავისებური ჭაა, კლებულობს სირბილში, შრება. რაიმე წვენის, თხიერის მიწოდება საჭიროა. პირი ამოხაპული ჭის კედლებივით შრება, სასუსნავს გთხოვს სხეული, არა და, გაჩერება სადმე მოსახერხებელ ადგილას ჩიხურთან და სწრაფი გადაყლურწვაც რატომღაც არ გეჭაშნიკება, ძეხვის სუნმა და ლუდის ქაფმა რომ არ მიგიტყუოს და არ დაგორდე თათქარაანთ ჭაობში. გაკრიალებულია კარებწინა ტროტუარი ქობულეთში ქალაქის ცენტრიდან განაპირამდე, ცალკე ხშირი წვიმებით, ცალკეც მოსახლეთა გულისყურით, ერბო აიკრიფება, ისეთი სისუფთავეა. ძირს დაგდებული ნარინჯის ქერქს დავწვდი, ცხვირთან ვისხურე. ერთიორგანაც „ადესის“ ნამკვრევს შევეტოტე, ორი-სამი კიმპალი გავიქანე პირში სირბილ-სირბილ და კმაყოფილება დამეუფლა...

ქობულეთი შავი ზღვის სიმღერაა!..

— გაიქე, მერაბ, თორემ ამოიქარები ლაპარაკით და დაჯდომა მოგინდება, — მეხუმრება თემო.

გავრბივარ. კილომეტრი, ორი, სამი, ოთხი. თევზის ქარხანას შემოვუბრინე. „ოჰ, როგორი მაცდურია შებოლილი თევზის სურნელი! ჩეხური ლუდის ქარხანაც რომ იყოს სადმე, ახლომახლოს, ერთს იმასაც შემოვუბრენდი, შევიყნოსავდი დიდებულ არომატს, დაკლებით არაფერს დავაკლებდი“.

გავრბივარ...

ჩემს ორმოცდაათ წელს ასეთ სამკურნალო ძუნძულში შევხვდი. მოისწრაფოდა, თითქოს დიდი ვინმეც ბრძანებულიყოს. ესტაფეტურად რომ გარბოდეთ ორივენი, ეწეოდე და წელს — წელზე გადასცემდე, ეგებ არც დაბერებულყავ კაცი. მაგრამ არა, ის აქეთ გამორბის ძველი წელთაღრიცხვასავით; შენ იქით გარბიხარ მის შესახვედრად, ქოშინ-ქოშინით და შუალედი სამოცდაათი, სანოცდათხუთმეტი გიწევს. ეგ არის და ეგ... რივიანად, თავბოლოიანად გატარებულ სამოცდაათსაც არა უშავს რა, მაგრამ ჭერის ნახევარი სხვას რომ უნდა გაუყო, რომ უნდა წამოხტე და გაიქცე, გინდა თუ არა, წარმოსახვით პერსონაჟს რომ უნდა სდიო მთელი შენი სიცოცხლე!..

ვიწყებ თუ არა სირბილს, უნებლიეთ, ხან წარმოსახვით, ხანაც ცხადად, სამკურნალო კვების კლინიკაში უნდა ამოვყო თავი. ექვსი-შვიდი თვის გამოქცეული გახლავართ იქიდან და ფეხები ისევ იქით მიმარბენინებს, იმ კეთილად შეჩვენებულ ჯანმრთელობის დაწესებულებაში. დიდი ილუზიონი აბა იქა ტრიალებს თუ ტრიალებს, რომანი მაქვს დაწყებულ-მოფიქრებული ჭერ კიდევ მოსკოვის ერთ-ერთ სამკურნალო კვების სამეთაურო კლინიკაში რბოლისა და ქამრიჭერის დროს, თხუთმეტიოდე წლის წინათ. მერე, ჩვენშიაც რომ გაიხსნა მსგავსი კლინიკა, რესპუბლიკური საავადმყოფოს ჰერქვეშ, იქაც მიმიწვიეს საპატიო წევრად. მეოთხე სართულზე გახლავთ ცოდვათა მონანიების ეს სპეტაკი განყოფილება, ცალკე გადაკეტილში. დიდი ნაცნობობა უნდა იქ მოხვედრას.

ნივთიერებათა ცვლის მოშლა და წონამატება ისეთი უბედურებაა ჩვენი დროისა, რომ ყოველი მეორე ადამიანი უძღების ჭირით იტანჯვის და გაფაციცებული დაეძებს ამ კლინიკისაკენ მიმავალ გზებს, ბილიკებს, ხიდებს, ნაცნობებს; არის ერთი გაუთავებელი რეკვა და ხვეწნა იქ მოსახვედრად, სამედიცინო ინსტიტუტში მოწყობაზე არანაკლები.

მისაღებ გამოცდას აქ შინაური, საოჯახო მენიუს აბსოლუტურ დავიწყებაში გაბარებინებენ. დაახლოებით შვიდი დღის განმავლობაში დღეში სამჯერ შედიხარ უჭურო, უმარილო, უშაქრო, უკარაქო, უხორცო, წყალწყალა სასადილოში, პირდაპირ ცურვით შედიხარ. მაშველი მედლები და მედმები სამკლაურებით ღვანან შორიახლოს და კეთილი ნების თვალს გადევნებენ. თუ დაიძინე და ჩაქანდი, უმალ ქეჩოში გწვდებიან და ნარცყვიტ გამოგათრევენ სასადილოდან პირდაპირ პალატაში, შემდეგი ცდი-სათვის შესამაგრებლად და ნებისყოფის მოსაფხეკად. ასე, შვიდი დღის განმავლობაში მიპყევ-მოპყევხარ თაემდგომებს, გწათავენ და ჩაგძახიან, რომ შიმშილი და სილატაკე სიმამრესა და სიმდიდრეს ჯობია. თანაც ისე გიყურებენ, თითქოს მეტად დიდი და ძნელად გამოსასწორებელი გქონდეს ჩადენილი. ავადმყოფობა და ოხრობა რომაა ნივთიერებათა ცვლის საერთო მოშლა, თეორიულად აღიარებენ, გეთანხმებიან, მაგრამ, მაინც ამრეხით შემოგყურებენ: ვითომც, რა იყო, რა ღმერთი გაგიწყრა, რომ მუცელს ვერ მოერიეო?!

უზუსტესი და ზემძლავრი სასწორის განსაკუთრებული ოთახი გვაქვს, ორ ხევსურულ ძროხას თავისუფლად აწონის ერთდროულად. ამავე ოთახში აწონასთან ერთად უჭმელ-შთავონებითი მუშაობაც სწარმოებს. არის ფოტოსტენდები მსოფლიოში ცნობილი ყველა სახელგანთქმული ცვლამოშლილის შიშველი და ტანშემოსილი ფიგურებით დამშვენებული.

— სულ გვაშინებენ დახურვით, გავიწროებენ პატარძალივით, გვჯობნიან დასტაქრული სწრაფი გაკვეთის სპეცები. მათთან ყველაფერი თვალსაჩინოა, ჩვენი ავადმყოფი ყველას ჯანმრთელი ჰგონია! — ჩივის დღენიდაგ ხმელ-ხმელი განყოფილების გამგე, — ვის უნდა შენი წონაში დაკლება და მოშლილი ცვლის აღდგენითი სამუშაოები! მერეა და ჩვენივე პაციენტების ნახევარი დღისით მოკლებულ ლუკმას ღამით ივსებს, ჩუმი ღამურაობით: აგერ, ძვირფასი გასტრონომი გვაქვს შიგ ეზოში, ძირა სართულზე კი ბუფეტ-სასადილოა, ისეთი, რომ ირმის მწვადს შეგიწვავენ! საწოლზე ხომ ვერ მიაბამ, ფეხით წონაგარდასულ გოლიათს, რა თოკი დაიოკებს?! რა საწოლი რომც მიაბა აითრევს ბოლოს და ბოლოს იმ შენს საწოლს, ჩავა, იქეიფებს, წამოწვება საწოლზე და ამოვა ლიფტით... ლიფტები გვაქვს, ბატონო, ზესწრაფი, დილას გამოძახებული საღამოს მოგაკითხავს.. რომ გვერეკებიან, მართლებიც არიან!

მათი ავადმყოფი მართლა ავადმყოფს ჰგავს, ექიმი — ექიმს. ჩვენი ავადმყოფები მთვარესავით არიან დამრგვალებულები. ექიმები ვგეგვართ ავადმყოფებს. ქილა მაწონი და ასანთის კოლოფისხელა შავი პური მყოფნის. ავადმყოფი ის ჰგონიათ დღემდე, საკაცეზე რომაა გართხმული, თორემ მაცივარზე იდაყვიჩამოდებულს რომ სძინავს ორასკილოგრამიან ცვლამოშლილ გოლიათს, „ჯანმრთელიაო“, რამდენი ფიქრობს. არა და, ავადმყოფობა სწორედ აქედან იწყება, ბატონებო, მერწმუნეთ! სათავეშივე უნდა აღიკვეთოს, სათავეში!..

ამასობაში გოლიათებს არხეინი ძილით სძინავთ: ფშინვა, ხროტინი, სალამურული, გმინეური, ფაშეურ-ხეთქური, მრავალი სახის, მრავალი გვარის მძინარა ხმა ჭირხნის აღმზრდელობითი ოთახის კედლებს.

სუნთქვის მიხედვით ეცვლებათ ფერი ავადმყოფებს. ჩასუნთქვასა და ამოსუნთქვას შორის დრო ისეთი დიდია, ერთ პაემანს მოასწრებს ჯანმრთელი ახალგაზრდა. ამ დიდ წყვეტილში აბისინიელივით უშვადებათ ჯანმრთელ ავადმყოფებს სახის ფერი, პირდაპირ აფრიკულ სიზმრებსა ხედავენ პაუზებში: როგორი მონური მონდომებითა ფხანს მარტორქა სპილოს უკანა სვეტებზეა შეკიდულ საკვერცხე ტომარას, ან სირაქლემას ვეებერთელა კვერცხების ტაფამწვარი რომ შიშინებს გავარვარებულ საპარის უდაბნოში... „ვუპუო!“ — დაიქექებს ცვლამოშლილი ერთბაშად, „ეს რამდენი მძინებიაო!“ — დააქყეტს თვალს და გაძვალტყავებულ მჭევრმეტყველების გამგეს მიაცივდება გამოქვამბულის დათვის გაურკვეველი მზერით.

ცვლამოშლილთა უმეტესობა ზეზეულა ძილს ისეა შეგუებულნი, როგორც მთა თავის ადგილზე დგომას. ჰა-ჰა კედელს მიაყრდნოს მხარი, ან მაცივარზე ჩამოდოს იდაყვეული, ეგ არის და ეგ. იზოგება ლოგინის თეთრეული, საწოლსაჯდომი ავეჯი.

გაიღვიძებს, გაახელს საცრებს, მიაჩერდება ცვლის მომწესრიგებელს, როგორც ოკეანეში ჩაძირული — მაშველ ტივტივას. სამი-ოთხი სხვადასხვა ტანსაცმელი ერთად გადაუყერებია მის საცოდავ პატრონს და მაინც უჭირს ზოგიერთი კონტინენტის ბოლომდე დაფარვა.

— ძალის გამოყენების გარეშე თუა, ექიმო, შესაძლებელი, — არასრულ წინადადებას ამოაფრქვევს პაციენტი ჩამქრალი ვულკანივით.

— რა, საყვარელო, ძვირფასო? — მამური ზრუნვით ეკითხება ცელის უფროსი, მაგრამ მოკამათეს აღარ ესმის მისი კითხვა, ძილქუშის გამოქვაბულშია წაბრძანებული პირველყოფილი სიზმრის გასაგრძელებლად.

— ჭამის მადის აღკვეთა, — მეორე გოლიათი ამთავრებს პირველის შეკითხვას.

— სწორედ რომ ძალის გარეშეა წინსვლა შედეგიანი ამ დიდსა და საშვილიშვილო საქმეში. საშვილიშვილოს პირდაპირი გაგებით მოგახსენებთ: არ გეყოლებათ შვილი მიუხედავად თქვენი უზარმაზარი გაბარიტებისა. შვილის უყოლობა თავისთავად შვილიშვილის უყოლობასაც გამოიწვევს და ასერიგად ამოშრება მამულის ჭა ბაზალეთური. ამავე დროს, გაიხედეთ ფართო ფანჯრებიდან ლა დაინახავთ, რომ გასათიბია ჩვენი საავადმყოფოს მშვენიერი ეზო, თქვენ ხართ ჩემი ბატონი, ცელი, ნამგალი, ზინდალი და ურო, მშვენივრად, ჩვენს რეჟიმულ კვებაზე უკეთესად აკლებინებს წონაში. თიბვისა და ფოცხვის პირველსავე დღეს ორ კილოგრამამდე მოიკლებთ, თანაც სასარგებლო საქმეს გააკეთებთ. ანდა, ნარინჯისა და სხვა ნამუსრევის ნაგავი ჩეჩქივითაა მოდებული ფიჭვების მხარეს, ვაჟას გამზირისაკენ. მოაწყვეთ ლაშქრობა ნაგვის ასაკრეფად, დაიხარეთ, პირველ ხანებში ვინმეს ზედამხედველობით, იმოქმედეთ, შემდეგ კი მთელი თქვენი შეგნებული რწმენით. ათ კილოგრამამდე პურის ნატეხის შეგროვებისას ხუთას გრამს მოიკლებს თითოეული თქვენგანი წონაში, თუკი არ შეცდებით და პირში არ გაიქანებთ გადანაყარ ნარჩენებს.

— ჩვენი გადაყრილი რომ არ არის, პატივცემულო, ჩვენ რად უნდა ავკრიფოთ? — მერყეობს რომელიღაცა გოლიათი და გამოქვაბულში ბრუნდება.

— თქვენია ეს უმშვენიერესი ეზო. მაქულიშვილნო, თქვენი, დაიმახსოვრეთ, თქვენვე მოგიტანთ საარგებლობას მისი გასუფთავების და კეთილმოწყობისათვის გაღებული შრომა, დაიხარე. გაიშვირეთ ხელი. ერთი, ორი და!..

— მსხმოიარე ხეხილი მაინც დაგერგოთ, ამ ფიჭვებსა და ფიხებს რომ რგავდით; კაკალი გადაშენებაზეა. თხუთმეტი წლის წინათ დარგული ახლა უკვე დასაბერტყი იქნებოდა. — ბუზღუნებს ოთხნაკერიანი გოლიათი და პასუხს გარეთ ტოვებს, ისე შედის ძილის მღვიმეში.

— დიახ, პატივცემულო, ჩვენი დაყრილი არ გახლავთ, ათასი უცხო ი-ვრის ფანჯრიდან. დაურიდებლად, — ათუხთუხდა კილო-ბანივით დედაკაცი, — ბალის სიმშვენიერეს რომ თავი დავანებოთ, საშიშიც გახლავთ აქ ვარჯიში. საკმლის ნარჩენები დაგვიშინეს ამას წინათ ფიჭვნარში მეცადინეობისას.

— ამოდენა გემივით დაწესებულებაა, მთელი დივიზია და მთელი ქვეყანაა ეს შენობა. სად რამდენი ვირთხა გადაირბენს გემბანს, სად ჩაძვრება, რომელ კაიუტაში, ან ვინ რას მოიმოქმედებს და მოსრავს, ჩვენ სად უნდა ვეძიოთ? როგორ და რატომ უნდა ვხვეტოთ სხვათა ნაოხრალი! — ერთბაშად აფეთქდა კუთხეში მდგარი დიდი კაც-მაცივარი, წითელი, მწვანე და ლურჯი ნათურა ერთად აინთო მის უნაოკო, სავსე მთვარესავით შუბლზე.

— ბალის პატრონმა უნდა იხეთქოს და თავში უნდა იცეს ყველას მაგივრად, გამიგონეთ და დაიმახსოვრეთ, ბალის პატრონები კი თქვენ ხართ! — ჩართო სამკურნალო პუნქტის მწონავმა და განაგრძო, — ორმაგ სიკეთეს მოიხვეჭთ ამით: ერთი, რომ მშობლიურ ბალს გაწმენდთ უწმინდურთა ნამუსრვევისაგან, მეორე სიკეთე ამ მოქმედებას ის მოჰყვება, რომ საკუთარ გვამებს დაცლით შხამისა და ნაგვისაგან. დამიჯერეთ, პატივცემულნო, რომ მხოლოდ თქვენივე სიკეთისათვის მოგახსენებთ! — დაამთავრა ექიმმა.

ამასობაში კაც-მაცივარს ჭარბი სისხლისაგან აჭრელებული თვალები დაუმშვიდდა, ერთი ღრმად შეისუნთქა და სათაფლიას მღვიმეში გაუჩინარდა, დინოზავრის ნაკვალევს შეჰყვა გარდამავალი ეპოქის გვიმრული სიზმრების სანახავად.

* * *

ზოგიერთმა გოლიათმა ჯდომისაგან დაშლილი სკამებისა და მაგიდების აწყობა და გამართვა იწყო. კაც-მაცივარმა ყბა გაისწორა და თავის ადგილზე ჩაიგდო. საერთო ცვლის მოშლასთან ერთად ეს გასაჭირიც აღვა გოლიათ-მაცივარს. მთლიანი ატამი ჩადო ბავშვობისას პირში, ყბა ამოვარდნოდა და მას აქეთ დიდობაშიც იტანჯებოდა ყბის ამოგდება-ჩასწორებით. კილობან-დედაკაცს სკამის ნახევარი აჰყვა წამოდგომისას. ვერც გაიგო, ისე პაწია ნაფოტივით აიყოლა მისმა უზომოდ გაბარიტულმა გოდორამ პაწია სკამი. დროზე გამოაცალეს და დაშლილი სკამის აწყობაშიც მიეხმარნენ.

— ბოლოს და ბოლოს მოვა დრო, ერთ კაცს ათი კაცის ულუფას აღარავინ გაპატიებთ, — ხმადაბლა ბუტბუტით განაგრძობდა თავის სათქმელს ექიმი-დიეტოლოგი, — პურმარილი ზომიერი უნდა ვიცოდეთ მთელ საქართველოში. ერთ ჩურჩხელას ატარებდა ქართველი მეომარი უბით ლაშქრობის დროს და ის ყოფნიდა სამკვდრო-სასიცოცხლო ბრძოლაში!..

— რამდენი იმას რქაწითელის ტიკჰორაც გამოუცლია ბრძოლის წინ და ისე ჰკვეთებია მომხდურს, ყიზილბაშს, პატივეცემულს. იმდენი თქვენც აღარ დაგაჭირვოთ ბუნების ძალამ ემაგოდენი წამალი და ჩვენც შეგვაძლებინოს სუხიშვილის რაზმში ტანის შერხვევა და ინგლისური ტაშის გრილის მოსმენა! — ეპირფერება ნაწყენ დიეტოლოგს რომელიღაც მსხვილჩლიქოსანი.

— ის ჩურჩხელებიც აღარა ჰქონდა თქვენი სანაქებო მეფე ერეკლეს ჯარისკაცს აღა-მაჰმად-ხანთან უთანასწორო ბრძოლაში, მშიერი კაცი დუმით გაპოხილ ყიზილბაშს დიდ რასმე კი დააკლებდა, როგორ არა, შედეგიც ეგ გახლავთ, — ისმის ქვევრის ხმა.

— მაშინაც გახლდნენ ღვინის რუმბი მაჟულიშვილები, ყველისა და ერბოს გუდა-ვაყკაცები, იმდროინდელ საქართველოში. ზაქიჰამიას ტყუილად როდი უძახდნენ მეფის უფროს ვაჟს, გიორგის. ყველა მონაცემის გათვალისწინებით თამამად შემიძლია დავასკვნა, რომ ნივთიერებათა ცვლის უსაშინელესი მოშლით გახლდათ დაავადებული დიდი ბატონიშვილი! — ნერვიულად დუდუნებს ნაწყენი დიეტოლოგი, — მოვა დრო. ბოლოს და ბოლოს. ადრე, თუ გვიან ამოიცილება და ამოიწურება საწყაული აღუვსებელი, შეწყდება მუცლის ღაღადისი და მამალი ხოხობივით იყივლებს წიწამურზე სული ხორცისაგან თავისუფალი! დამიჯერეთ და გადაჰკარით სარაჯიშვილი რქაწითელის ნაცვლად. არ აურიოთ ეს „სარაჯიშვილი“ იმ სარაჯიშვილში, კონიაკის ფუძემდებელში არ შეგეშალოთ.

— ომმა ქნა, პატივეცემულს, ნივთიერებათა ცვლის მოშლა, მერწმუნეთ! — შეეპასუხა ერთ-ერთი მცირე ზომის გოლიათი დიეტოლოგს.

— რანაირად, ერთი მიბრძანეთ? — დაინტერესდა ავადმყოფის ბუტბუტით ექიმი.

— ულუქმაპუროდ გავატარეთ მთელი ოთხი-ხუთი წელი მაშინდელმა ბავშვებმა. მერე, ომი რომ დამთავრდა და გაჩნდა ნა-

ნატრი პური და ცხოვრება, მივესიეთ დამშეულები, ამოვიტენეთ მშვიერი ტომრები და დავაგროვეთ ეს ოხერი მოშლილი ცვლა.

— საინტერესოა თქვენი მსჯელობა. ერთგვარად გეთანხმებით კიდევაც. მაშინ, კუქის დასტაქარს არა საქმე და არა ფარა არ ჰქონდა, ახლა კი სავსეა, აგერ, წყლულოვანთა განყოფილება...

„სარაჯიშვილის“ ყლურწვაში და შეზრული კომბოსტოს ტივტივში გადის დღე. მეორე დილა კვლავ მწონავის ოთახიდან იდგამს ფეხს.

პაციენტი ბურანშია, გმინავს სასწორი გოლიათის ფერხთით.

— გადასარეკი პუნქტია, ბატონო, თუ სამკურნალო კლინიკა? ყოველდღე სასწორი და სასწორი სად გაგონილა! — ბუზღუნებს ზემძიმეთა ტომის ასოთხმოცდაჩვიდმეტკილოგრამიანი ბელადი, პროფესიით მეტყევე.

— ერთ დღესაც მოგეცადათ შინ, პატარა წაგეხემსათ თქვენებურად და პირდაპირ ორასიანთა კლუბში მოხვდებოდით, — იწერს დავთარში ავადმყოფის წონას ხმალივით ხმელი დოცენტი-დიეტოლოგი და შემდეგს უხმობს სასწორზე, ორშარვალგადაკერებულს, სვიტრგადანაქსოვს, ღიპგადმოგორებულს.

— შვილი აღარ მელაპარაკება, პატივცემულო, ცოლი ზედ აღარ მიყურებს, დედაც ხმას აღარ მცემს! — წუხს და თვლებს სასწორზე შეგორებული ტანდაბალი და განად გასული გოლიათი, მეტსახელად შვიდკაცა.

— ას სამოცდაშვიდი კილოგრამი, — იწერს წონას დიეტოლოგი, — კილონახევარი მოგიკლიათ, ყოჩაღ! სიმალღე ნაკლები გაქვთ წინამორბედთან შედარებით და ამიტომაც გამოიყურებით ასე უსაშველოდ განივრად. დაიკლებთ, ნუ გეშინიათ, ნელ-ნელა ჩადგებით კალაპოტში, რაკი მორჩილება აღმითქვით, — ამშვიდებს და აიმედებს კეთილი ექიმი გულწრფელად გულგახეთქილ პაციენტს.

— დამაპეთ, პატივცემულო, დამხერხეთ, გამთალეთ, ოღონდ კი სამოცდაშვიდი კილოგრამი დამატოვებინეთ ამ კედლებში, ოღონდაც! — ჩუმი მოთქმით იცრემლება გოლიათი, თანაც თვლებს სასწორსმიყუდებულს.

— ვის ჰგავხართ აღნაგობით, შენებით? — ეკითხება ექიმი ქვაბში წასულს.

— შენებისა არაფერი გამეგება, ვწერ... ქვითრებს ბაზარში, — კვლავ ჩათვლიმა შვიდკაცამ.

— როცა გაიღვიძებს, ჰკითხეთ, დედას ჰგავს გარეგნობით თუ მამას და რომელი — როგორი აღნაგობისა ჰყავს მშობელთაგან! — ავალებს ექიმი ავადმყოფებს.

— დედა ჰყავს, ბატონო ექიმო, ძალზე დაბალი და სქელი, მამისი თქვენსავით ხმალივითაა. გუშინ გახლდნენ შვილის სანახავად, — აცნობა ზემაფრაშა ქალმა.

— გმადლობთ შედარებისათვის. — გადაეცით ჩემი შეკითხვა როსტომ შეიდკაცა-ქვაბულელს და ყური დამიგდეთ. ისტორიულ მცირე ექსკურსს ჩაგიტარებთ ლონდონში შევლით. მისმენთ?

— ტაუერში მიგყავართ — ხომ? — ზუზუნებს ფინური მაცივარი ყველას მაგივრად.

დოცენტი-დიეტოლოგი იწყებს თხრობას:

— ბაირონს, თურმე, ერთხელ, ბალზაკი ესტუმრა...

— რაკილა ორივე „ბა“-ზე იწყება ალბათ იმიტომ თუ, — ანგლობს საცოდავი, ქონიანი საბუთების კარადა-გამომძიებელი.

— ქუთათური კაცი ძილშიაც ქუთათურობს! — ვერ მოასწრო დიეტოლოგმა, გამომძიებელ პაციენტს ხვრინი ჰქონდა გაშვებულნი, ექიმის დაცივნა აღარ გაუგონია.

— ბაირონის უჭმელ-უსმელობამ, მისმა პირდაპირ ბერ-მონაზნურმა თავშეკავებამ ძალზე გააოცა ჭამა-სმის დიდი მოყვარული ბალზაკი. მის შეკითხვაზე, თუ ჭიქა ყავასა და ნაჭერი, მცირე ორცხობილის მეტს რატომ არ შეექცევა ინგლისის პირველი რაინდი და მსოფლიოს გენიალური მწერალიო, ბაირონმა უპასუხა: „დედაჩემი, ბატონო ონორე, ისეთი შენებისა გახლავთ, რომ კი არ დადის, დაგორავს“. „მერედა თქვენი შიმშილი დედათქვენს რა შელავათს მისცემს?“ — ჰკითხა პასუხით გაოცებულმა ბალზაკმა. „მე დედას ვგავარ შენებით და ამიტომაც ჩემი ერთადერთი მხსნელი მხოლოდ უმკაცრესი დიეტა გახლავთ“, — განუმარტა უსასრულო მარხვის მიზეზი ბაირონმა ბალზაკს...

ოთახიდან გამოვდივართ.

— საშინელი, შემადრწუნებელი ავადმყოფობაა ნივთიერებათა ცვლის საერთო მოშლა! მეტი უბედურება შეუძლებელია ადამიანის თავს. ყველა სნეულება ამ უსაშინელესი ჭაობიდან იღებს სათავეს! ნაცვლად იმისა, რომ ყოველ დიდსა თუ მცირე ქალაქში გვქონდეს მსგავსი დაწესებულება, თუნდაც თვითანგარიშზე, ბატონებო. ლამის აქედანაც გავგიფიშტონ და გადაგვასახლონ შემოსავლიანმა დარგებმა... ხომ არაფერი გეწყინებათ, ბატონო, მწერ-

ლებს რომ შევეხე ბალზაკისა და ბაირონის მაგალითზე? — მილიმის დიეტოლოგი.

— როგორ გეკადრებათ, ბატონო მიხეილ, მშვენიერი მინი-ნოველა გვიკაბეტ, მადლობელიც გახლავართ.

— ხომ გონიერ აზრს ვავითარებ, ხომ უნდა დამიგდონ ყური ბოლოს და ბოლოს?! ქუთაისში, თელავში, ბათუმში, ცხინვალში, სოხუმში, ზუგდიდში, გორში და ასე შემდეგ, საქართველოს დიდსა და მცირე ქალაქში რატომ არ უნდა იყოს ასეთი კლინიკა, თავისი კეთილმოწყობილი შარკო-მარკოვებით, აბაზანებით, სავარჯიშო შრომითი მოედნებით? ორი ექიმი-დიეტოლოგი, ერთი სპორტული განხრის სპეციალისტი, ორიც მასაჟისტი და არცთუ ზემდინდარი კლინიკა ყველა ქალაქს უნდა ჰქონდეს თვითანგარიშის საფუძვლებზე. პაციენტმა უნდა შეიტანოს გადასახადი, ანუ ის თანხა, რასაც იგი დახარჯავდა ერთი თვის გრიალ-გრიალში. მორჩა და გათავდა! მსოფლიოში ბადალი არ ეყოლება ამ მეთოდით შექმნილ კლინიკას. თავის სარეცხს თვითონვე დაირეცხავენ ავადმყოფები, სამრეცხაოს ორთქლი და ოხშივარი განა ცოტას აკლებინებს?!

— მშვენიერი აზრია, ყველამ უნდა დაგიჭიროთ მხარი. ამდენ კარგ ექსპერიმენტს ერთი ასეთი საჭირო ექსპერიმენტიც მიემატოს. — ვაიმედებ ექიმს.

საავადმყოფოს ეზოს დიდი გარშემოწერილობა ერთი კილომეტრია. გოლიათი გორგლები ქშენით მიჰყვებიან ერთმანეთს. გამოცდილები დაძუნძულებენ, ახალბედები ბაჯბაჯებენ. გაუდის ლაწალუწი მშვენიერ ფიკვნარს. ხმელი ტოტები სცივია ხეებს. ესეც ექსპერიმენტი, დეკორატორის შტატის შემცირება საჭირო გახდება მომავალი კლინიკების გაანგარიშებისას.

„ნამდვილმა ტყის დათვმა რომ დაგვიანხოს, ნეტავი რას იფიქრებს, ვინ არიანო, რა იტყვის? ისიც ძუნძულს დაიწყებს, ალბათ, გაადამიანებას მოიწადინებს“, — ათასი მსგავსი და უშტერესი აზრი ებადება ძუნძულში კაცს. თითქოს რეპროდუქტორიდან მოგვძახისო გამგე-დიეტოლოგი:

— თითოეული თქვენგანიდან, მეფე ერეკლესეული ხუთი მებრძოლი გამოიჭრება... წონით მრავლდება დღეს ჩვენი ლაშქარი, წონით! დღითიდღე გვიჭირს ადამ და ევას ნაანდერძევი მეთოდის ტარება და შესრულება. არა და, იყო დრო, როცა ათ-ხუთმეტ მილიონს აღარა გვიკლია-რა! დაფიქრდით, მძინარეთა მდინარენო. მოუკელით სმა-ჰამას! ააყვავეთ სული მეგობრობით, შრომით,

ტექნიკის უსწრაფესი ათვისებით. ისწავლეთ მეთუნეობა, ღებვა და შედუღება, რათა თქვენზე ხელით არემონტოთ და აკოწიწოთ თქვენი მანქანები! როდემდე უნდა უხადოთ ორპირ ხელოსნებს ორპირი გასამრჩელო ავტოპროფილაქტორიუმებში? იზრომეთ თავაუღებლად! ნუ მიილტვით მდიდარი საპატარძლოების შესაძენად! ირჩიეთ ხელმოკლე და ხმელი საპატარძლოები. რათა მრავალი შვილი შეგძინოთ ჯანმრთელმა სხეულმა! მათ, ჯანმრთელთ აღგიდგინონ, შენ, დიდების დღენია!..

* * *

ლცხვა მოვირბინე უბილეთოდ და ბიქვინთაში ვბრუნდები. გზა-გზა კურდღლების ამბავს ეკითხულობ. საიქედოს ვერაფერს მივაკვლიე. საცოდავად მოვჩაქჩაქებ. დაღლილ და გაბრტყელებული ტერფი ჩლატუნით ფოცხავს გაკრიალებულ ასფალტს. წელან, ბიქვინთის ცენტრში. ისეთი სიქაგაცლილი ნაბიჯით ჩამოვიარე, რომ ჩემი ცოდვის მაქქერალმა, პაწია რუსის ბაღმა ყურები გაუხვრიტა და გული შეუჭამა სიცხისა და ავტობუსის ლოდინისაგან გასავათებულ მამას:

— მამა, მამიკო, ამ ძიას მართლა ჰგონია, რომ დარბის? ჰა, მამა, მამიკო?!

ძლივს გავცდი. „კარგი ვინმეც გეზრდება-მეთქი!“ — მივაბურტყუნე...

ზღვა, გზა. გზა, გზები, გზები

სალამოს შვიდი ჩამოცალა ქვიშის საათმა, მერვე დაიწყო. მზე ამაოდ დაეძებს შიშველ სხეულს სანაპიროზე და რაკი ვერ პოულობს, მარად უმანყო და მარად ვნებიანი თვით იხდის ტანთ, ლაღად ივლებს ოქროსფერ თმას ლურჯქოჩორა ვაყის ტალღებში, ნელინელ ცხრება და სხევთ აკრეფამდე წვება ნაპირზე. გადახრილი და გამკაფიოებული მოწითალო დისკო ირობად უთვალთვალებს ზღვაზე გაწოლილ ნათაფლარ სხეულს.

ნავახში და მსვენებლები შემოქმედებთი სახლის კინოდარბაზის წინ გრანიტით ფენილ აივანზე იკრიბებან ბოლვა-ბოლვით. ფილმის ნახვა სალამოს მაწონივით აუცილებელი პირობაა აქ, დესერტის დესერტია. თავისი ახალგაზრდობის, თავისი ხელით შექ-

მნილი კინოცხოვრების, საკუთარი თავის ხელახლა სანახავად და-
დიან კნოს თაობები აქ. დადიან შიშველი ტერფის სიყმაწვილის
ნატერფალთან მისატოლებლად, კიდევ ერთხელ შესადარებლად.

ყველა ცნობილია, ნაცნობია, თავისებურად ყველა მომხიბ-
ვლილია, ლამაზია, მიმზიდველია, დახვეწილია. ურთიერთნაკლად
არ მიაჩნიათ და არ კიცხავენ აქ ერთმანეთს იმისათვის, რომ ყვე-
ლა არ არის ღვთისმშობელი, ძე ღვთისა და მამაზეციერი. ყველამ
რალაცა გააქეთა იმ დიდი, სახელმწიფო შენობის აგების საქმეში,
კინემატოგრაფს რომ ვეძახით. ეს ყველამ იცის. დიდი ეკრანი დი-
დი სახელმწიფოს მაჯისცემის ასახვაა. დიდი, ღია კარია მათთვის,
ვისაც ქვეყნის ისტორიის გადაკითხვა სურს.

შვიდი ათეული წლის განმავლობაში განვლილი გზებისა და ბი-
ლიკების ხელახლა თვალის გადავლება და გადამოწმება ხდება აქ
ყოველ საღამოს. ისეთი გრძნობა გეუფლება, თითქოს ერთი დი-
დი, განუყოფელი პატრიარქალური სახლის დედები, მამები, შვი-
ლები. ძირები, წულები. მულები, გადიები, შვილიშვილები, გერები,
დედინაცვლები, დედმამიშვილები, ბადიშები, კინოცხოვრების
ძირფესვეულობა და ძვირფასეულობა მობრუნებულანო მამაპა-
პეულ ჰერქვეშ დიდი ცხოვრების ორომტრიალიდან, უამთასვლი-
საგან მტვერდაფენილი აკვნის ხელშესახებად, ტკივილების დასაა-
მებლად, მოსაოხებლად, ცოდვების მოსანანიებლად.

თავისებურად ყველა სახელმწიფო მოღვაწეა აქ. ყველამ გა-
ნიცადა მეტ-ნაკლებად ის ყველაფერი, რაც განიცადა სამოცდაათი
წლის სახელმწიფომ. ყველა როლი შეუსრულებიათ აქ მყოფთ:
დედის, მამის, შვილიშვილის, დის, ძმის, სასიძოსი, სარძლოსი.
ზოგს დამნაშავეის როლი განუხორციელებია, ზოგს ბრალმდებლის,
ზოგს ჯარისკაცის, ზოგსაც გენერლის, ზოგს, ერთთავად მოლალა-
ტის როლის განსახიერებით, მოლალატედ იცნობს მაყურებელთა
ლაშქარი, ზოგსაც — პირიქით.

ვერც მამას იპოვის კონკრეტულს კაცი ამ სახლში, ვერც დე-
დას, ვერც პაპას. იპოვის კიდევაც და ვერც იპოვის. ვერ იტყვი,
ჩაპლინი იყო მამა ამ სახლის, თუ ეიზენშტეინი, შენგელაია თუ
კიაურელი, ნატო ვაჩნაძე იყო დედა, თუ ბრიჯიტ ბარდო, თუ ეს
მშვიდი და სახენათელი ალისოვა, ორმოცდაათი წლის წინანდელი
„უმზითვის“ თვრამეტი წლის პატარძალი. ლამის სამოცდაათი
წლის უნდა იყოს და ახალგაზრდული ხიბლი კვლავ დასთამაშებს
უფერუმარილო შთამბეჭდავ სახეზე. ბევრი სახენალები ქალიშვი-
120

ლი შენატრებს, ისე გამოიყურება. ისევე უბრალოდ აცვია. როგორც ეცვა უმზითვოს, როგორც ყველას ეცვა, როგორც გვეცვა.

ჩვენს უახლოეს მაგიდასთან საუზმობს. სადილობს და ვახშმობს ორ ახალგაზრდა ქალთან, იქნებ შვილთან და შვილიშვილთან ერთად. გვახარებს ურთიერთხილვა. გვახარებს მათი ცხრაფურცელა, კეთილი მოკითხვა და მადიანობის სურვილი.

— გააგონა მიხეილ-დიეტოლოგს, თავდებით რომ ყყავარ გამოშვებული, ნახე, რა დღეს დაგაყრის! — ვფიქრობ ასეთი ლოცვა-გამარჯობისას. — ბიჭვინთის მიმაგრებაში ვიმყოფები ფაქტიურად, ყოველი ჭამის შემდეგ ბიჭვინთა-ლიძავას შარას უნდა გავაკრა ელენტა, წონაში რომ არ მოვიმატო, თევზის ქარხანას უნდა შემოვურბინო ჩეხური ლუდის ოცნებით. ხალხი ამ დროს თავისუფლად ნებივრობს ჩრდილში, ქვიშაზე, გასაბერ ლეიბებზე გაწოლილები სხეულის სინატიფეს უჩვენებენ ურთიერთს, ყირაშალობენ. ეცუდლუტებიან. ეკეკლუცებიან. მე კი მკაცრი უჭმელობით საჭმელების მოჩვენებებს უნდა ვდიო: „ერთი ცხვირსახოცი მქონდა, ვკეცე, ვკეცე, ვერ დავკეცე“. უნდა ვახვიო და ვშალო ტროტუარები და ბილიკები. სარბენი საწერმაგიდაც თუ გამოვჩარხე, ბედნიერად უნდა ჩავთვალო თავი. ზოგი ერბოს ქოთანშია მისჯილი წოლით-ჯდომითი რეჟიმით და მაინც წანწკლი-წანწკლი დადის, ბედნიერების ზურმუხტი დასთამაშებს, მისალოც ბარათებს თხზავს და მალემსრობლებს ატარებინებს. მისხალს არ მოიმატებს ამ ბედობლის ჩიტბატონა. მიეცეს და მიემატოს ისე. რომ წონაში არ მოიმატოსო! — გამჩენ ღმერთს ასე აქვს ნაბრძანები მასზე. შენ კი აწკლაპუნე სტაფილონარევი ხაჭო, ნაბეგვი და ნათაქი კომბოსტო, ყაბაყის ფაფოვანი ხიზილალა, უმარილო თევზის ფარფლი, უკუდო ძროხის ნაწყენი რძე. შეიდთვიანი, მწვანე ვაშლის ხილფაფა, შემოუხვლეელი გოგრის ბუძუნძლო. სარეცხის მანქანაში გარეცხილი და ნასახამოცლილი საქონლის ფერწასული ხორცის ნაჭერი...

ამ უსავათო მენიუს გამოუვალ ფიქრში წასული ითიშები უნებურად, დროულ სალამს ვერ მიაგებ მოკეთეს, გვერდით ბილიკზე მორბენალ ქალს, ვისმე აედევნები საუკუნოვან ფიქვნარში, ლიანების ხვიარებში. წამოკრავს ფეხს, წაიფორხილებს, ან შენ წაიფორხილებ და წამოგაყენებს. მერე, ისე არ იქნება, რომ, ამ ფორხილ-წამოყენებაში ერთი დიდი ხნის ხალვათი გადანაჭერი ჯირკი არ შემოგხვდეთ. მეორე ასეთ სკამკუნძას ვერ ნახავთ ახ-

ლომახლო, იძულებული ხარო, ჩამოსხდეთ ერთად. უზურგო სკამზე დიდხანს ვერ გაჩერდები დადლილი, ერთურთს უნდა უზურგოთ. ხარო ასე მიბეჭდილები დიდი ხნის დობილ-ძმობილებივით. ორი სიტყვა აქედან წავა, ორსაც იქიდან მოგილამუნებს იოდნარევი ნავი. ეს უკვე ოთხი: ოთხს ოთხი მოჰყვება. აიკინძება სიტყვა და სუნთქვა ერთი პატარა მინიატურასავით. ეს გახლავთ ცვლის მოშლის ყველაზე დიდი ბედნიერება. ამასობაში, ჩიტი აშბავს მოუფრენს ჯალაბს: „მელა დაიჭირაო წანწალში“. მიხვალ შინ გაჭირვებით ნაამები და სიკეთით საესე. ეჭვის სამართებელს დაგისვამენ და ერთგულების ქათიბს გაგხდიან უმალ, თვალს არ დაახამხამებენ. საუბრისას დანა-ჩანგლის თეფშზე რაწყუნს გასმენინებენ, რა არის, ერთიანად მოგშალონ. აი, ასეთი მკაცრი რეჟიმის მიმაგრებაში ჰყავხარ საკუთარ მონაგარს. შემოდის ეს დიდებული და სახენათელი ალისოვა თავისი ფრთეულით, გიღიმის და «Прятного вам аппетита», გეუბნება.

გინდა გამოძვრე უემურის ტყეობიდან და ღიმილით შევხედე მეზობლის კეთილ მომართვას, ცდილობ, მაგრამ არ გამოგდის. „რამ დაწამლა ნეტავ ეს თაფლ-წყალში ნავლები ოჯახი?“, — ფიქრობს სამეზობლო სათნოების სურნელოვანი სანთელი და შენი ცოდვით იწვის. იწვის, მაგრამ შველით ვერასა გშველის. ისევ დალოცვილი, რესპუბლიკური სამკურნალო კვების განყოფილების სულიერი მამის რჩევა გიხსნის: „გადაჰკარ სარაჯიშვილის მიქსტურული წვენი, სიმშვიდე და სათნოება დაგეუფლება“. ჩემიანებმა ჩემზე უკეთ იციან ეს ჩემი მაშველი წესდებები და მუხილები; ჩაის მაგივრად სარაჯიშვილი მისხია ჭიქაში. ესვამ ამ საძაგლად საყვარელ სითხეს და შუბლი მეხსნება. ჩემი შუბლის გახსნა და ჩვენი მეზობელი მაგიდის წევრთა სახეების გამოკაშკაშება ერთდროულად ხდება. ჩვენი ბუდე რომ აუღურტულდება, ისინიც აჭიკჭიკდებიან და სიკეთით აღივსებიან.

საერთო და ნათესაური ბევრი გვაქვს ადამიანებს. ამას ვეძიებ მეც ამ წანწალსა და სირბილში. უფრო მეტი გვექონდა, მაგრამ ურბანიზმის წყალობით გვაკლდება დღითიდღე. თუკი არ გავუფრთხილდებით ყოველივე ადამიანურს და თუ არ გადავეფაფრებით, ყველა კაიკაცურს წაგვართმევს ეს პირქოსა და მრავალსართულიანი ქარის წისქვილ-სახლები, მოუკითხაობის შავ ყავას რომ ფქვავენ ჭორის დოლაბებში და ბოლომდე გაცლევინებენ წნევის სამსალას ისე, რომ სამკითხაოდაც აღარ გიტოვებენ ნათხლევს.

ცალი ფეხით ურბანიზმში მიექანება დიდქალაქელი მოქალაქე დღეს, მეორე ფეხით მამაპაპეულ კუნძულს ეპოტინება და ურთიერთობს დაბადების დღეებსა და პანაშვიდებზე.

ამ ორ კუნძულთაგან არც ერთი არ არის მყარი. წრფელი და სახვლიო, არც ერთი არ არის იმედიანი. საიმედო სახვლიო კუნძული ნათელი ურთიერთობისა, წინაა. მისკენ მოცურავეს სხვა დიდი გადაფასება და ურთიერთობათა დიდი გადაახლება ესაჭიროება, ცოდნისა და შრომის ბუნებრივ, უანგარო სიყვარულის დაბრუნება!

ქართველი ადამიანის ეროვნული დვრიტა ბრძოლასა და შრომაში იკვერებოდა, მას უბით ატარებდნენ და არა გრძელსიიანი უბის წიგნაკებით მიმსვლელ-მომსვლელზე, მიმტან-მომტანზე, ალებ-მიმცემზე.

გველუშაპი წევსო წყაროს თავში. ქართულ ზღაპრებში რომ ვკუყუშპალაობდით. მოიკლა და განადგურდა ის გველუშაპი, შვილებო, მოგვეცა წყალი და რაღას უცდით, მოუხეით მკლავი, გადაურუეთ სარწყავებში, გაღმოურუეთ. ვიდრე ნიკაპს არ ასცდებოდა ჭავლი, მანამ არ დაეწაფებით ცოდნის სათავეებს?!

* * *

ოცდაოთხი დღე-ღამის განმავლობაში პირველყოფილი სიშიშვლით აღსავსე დატლიკინებს და კუყუშპალაობს დიდი თუ პატარა ზღვისპირეთში, სრული, ან თითქმის სრული თავისუფლების გამკვირვალე სამოსელი ჰმოსავს ყველას. ამიტომაც ორმაგად და სამმაგად ძვირფასია დასვენების ეს ორი თუ ოთხი. კვირა აქ. ბიჭვინთაში, გაგრაში, საერთოდ ზღვისპირეთში. ყველა გათავისუფლებულია დიდქალაქური ქოთქოთისაგან.

ყოველგვარ ყოფით წუწუნს რომ თავი დავანებოთ, ადმინისტრაციასთან გარკვეულ პრეტენზიებს და სხვა მისთანას, მართლაც შეუდარებელია ოცდაოთხი დღე და ოცდაოთხი ღამე ბიჭვინთის შემოქმედებით სახლში. თორმეტდღიან საგზურსაც არა უშავს რა, არარაობაში ესეც კაკალია.

მრავალსაუკუნოვან ბზის ნაკრძალში დგას ეს საკმაოდ კარგი, თანამედროვე შენობა, მშვენიერი დეკორატიული ბაღი აქვს; ვარდნარი. ბევრ კეთილ ურთიერთობას ჩაჰყრია საფუძველი აქ.

თუ დიდი, აკიდებული ჭირი არ გაღონებს, პატარ-პატარა სა-

ტკივარს გულიდან გადაყრის ზღვა, მცხუნვარე ქვიშა სხეულის გაპქვირვალება...

ზღვისპირა კინოდარბაზის სიახლოვეს ვდგავართ ერთი ზრახვით შექმობილი ბიჭები და ჩვენებს ველოდებით, თან ვსაუბრობთ პაქიმბაშური მკურნალობის საკვირველებებზე:

— ნავთი დამილევია, ძმაო, კურდღლის სისხლი რა ბედენაა, თუკი მიშველის! — ფორიაქობს თემო და ვატყობ, თქმულის სისრულეში მოყვანა არ გაუქირდება.

— თბილისში რომ ჩავალთ, ერთ მშვენიერ დღეს, — იწყებს რეზო, — მებოცვრეობის ფერმა რომ არის ქალაქის ახლოს, იქ დავიგოთ კარავი, თქვენ ხართ ჩვენი ბატონი, რაკი ეგოდენ სარგებელს ბრძანებ ჩვენი გაჭირვებისა, ჩემო ძმაო, ვიქცეთ მელებად, ტურიკობად, გავაჩანაგოთ იქაურობა.

— კარავი და ბუნებაში გაჭრა ისეც და ასეც აუცილებელია, — შემოგვეერთდა ჩვენი ძველი ნაცნობი და მეგობარი, ბევრ ქვეყნებშემოვლილი კინოოპერატორი შურა. საუკეთესო დოკუმენტური ფილმები გადაიღო ჩვენს ხელოვანთა გამოსვლებზე საზღვარგარეთ. რომელიდაც ფილმზე ვმუშაობდით ერთად. დაიხვეწა ბიჭი. დაოსტატდა, როგორც ამბობენ, ცეკვა „ქართულის“ შემსრულებელს გასმასა და გასმას შუა გახდის აზიურს, პატრონს არც გაავებინებს.

— ტურ ჰეიერდალი მთაში გაჭრილა ავთვისებიანი სიმსივნის მოსარჩენად. სადღაც ამოვიკითხე, რომელიდაც ურნალში, ზუსტად აღარ მახსოვს. — გვრყვება ამბავს შურა, — ჭამდა ბალახს, ძირებს, კენკრას, სხვადასხვა პირველყოფილ ნაყოფს, ველურ თაფლს, ცვილს, დინდგელს, მწერებს, ერთი სიტყვით, ყოველივე კეთილს. რასაც არ მოხვედრია ურბანიზმის მსახვრელი ხელი. იმდენ ხანს სწოვა ბუნების ნექტარი. ვიდრე სავსებით არ განიკურნა. — დიდის ამბით გვაცნობა შურამ.

— შენ რომ არ გიჭირს, ამიტომაც ეგრე იოლად ჭრი და კერავ. — ეუბნებოდა რეზო.

— ბიჭოს, ვისაც მართლა უჭირს, რატომ არ უნდა ირწმუნოს ასეთი ჭრა-კერვისა?! სულელები არ არიან ქისტები, ისეთი რამე შემოინახონ წინაპართაგან და საუკუნეები უბით გამოატარონ, რაც არ არის მნიშვნელოვანი და ყურადსაღები, — ვამბობ ისეთი რწმენითა და დაბეჯითებით, რომ საწინააღმდეგო არგუმენტის თქმა გაუჭირდება კაცს, — არავითარი თბილისი და ვადად-ვადმო-

დება, ხვალვე დავიწყებთ ამ საქმეს და ზეგ დავამთავრებთ! — გზამოკრით ვაცხადებ, — თბილისს თავისი პრობლემები აქვს, აქაური ქუდი იქ არ დაიხურება!

— დავლევ, ძმობას გეფიცები, თვალს არ დავახამხამებ! — გატყდა რეზოც და ფიცად შედგა. თქმით კი თქვა, მაგრამ, მისი თვალები ისეთი გარდამავალი მნიშვნელობით ფერიცვალობენ, ბოლომდე ვერ ერწმუნები კაცი.

დარბაზში შევდივართ...

მეორე დილით, საუზმისას, სულ სხვა მაგიდების ოფიციანტი, ნინა, მოგვიახლოვდა და გვაცნობა:

— არუთას ჰყოლია კურდღლები. ჩვენი დასასვენებელი სახლის შოფერი გახლავთ. დღეს უნდა გამოსულიყო მორიგე მძღოლად, მაგრამ, რატომღაც, არ გამოჩნდა. ამბობენ, ავადააო. სახლი არ ვიცი, თორემ დიდის სიამოვნებით მიგასწავლიდით. გარაჟში ეცოდინებათ, იქ იკითხეთ.

— გმადლობთ, ნინა! — ვეუბნები გულიან ქალს და ღიმილით მივაცილებ.

ცხელა სასადილოში, ხვითქი გადასდით ასწრაფებულ ოფიციანტებს. რეჟიმულმა კვებამ შეჩვევა იცის. ცოტა რომ შეაგვიანდეს მომტანს, კმუნვით ხედებიან. ექვსნი არიან და ამოდენა დარბაზს ემსახურებიან. მზარეულები და ჭურჭლისმრეცხავები კიდევ უფრო მეტად იფუჭებიან. განა რა გაუხდა ამოდენა კინოკავშირს, რომ ორას-სამასიოდე მეტრი ფირი ვერ გაუღია ამ კეთილი გოგონებისათვის, — ვფიქრობ ჩემთვის, — ცამეტი საათის განმავლობაში ჭარასავით ბრუნავენ, გვემსახურებიან, მართალია მეორე დღეს ისვენებენ, მაგრამ, იქაც ოჯახები აქვთ, დამსვენებელი მდგმურები ჰყავთ, მეურნეობა აქვთ, შრომა არც იქ აკლიათ. გადაიღონ ერთი ფერადი ფილმი ამ დაბრაწულ გოგოებზე.

ამ ფიქრებში და თვალღერებაში გართულს მომიახლოვდა მეორე ოფიციანტი, სვეტა:

— ერთი-ორ მეზობელთან მეგულებოდა კურდღლები. ერთს გაუწყვია, მეორეს დახოცვია. აღრე ჩვენც მივდევედით... ერთი ცალი გვყავს, თუ ინებებთ, მოგართმევთ. — გვაცნობა მან.

— გმადლობთ, სვეტა, სულ ცოტა, ოთხი მაინც გვინდა, რამეს გავხდებით, გმადლობთ.

— კიდევ მივიკითხ-მოვიკითხავ, — შემოგვიპირდა და საქმეს შეება გორებ-გორებით.

ბიჭებს ვაცნობე გამოკითხვის შედეგები.

— თუკი ეგეთი უებარი სისხლი აქვთ, მერაბ, ეგრე პარტყა-პურტყით რალად დახოცვია იმ კაი კაცს? — შემომეკითხა რეზო მიამიტად.

უპასუხოდ დავტოვე მისი ეჭვი. სანაპიროს გავავლე თვალი. ზღვა ისევ იქ არის, სადაც გუშინ იყო, თევზიც და ის მოხუცი, წვეროსანი ხელოვანიც, ბიჭვინთის მწერალთა საკავშირო დასასვენებელი სახლიდან რომ ჩამოგვივლის სპინინგის შხუილ-შხუილით. მოხდენილად და მარჯვედ რომ ამოჰყავს თანაბარი ზომის, ადლი-ადლი ვერცხლისფერი თევზები. პატარა, კოხტა, დიდი ბატონის ჩიბუხივით სპინინგი აქვს, ჩიბუხადაც იმას ხმარობს, მგონია. ჭყამპალი რომ გაგვიდის დამსვენებლებს ზღვაში. ჩამოგვივლის ნაპირ-ნაპირ, მოძებნის სულ პაწაწა შორისდებულ სილურჯეს მობანავეთა ცომში, დამბაჩის სიხუსტით ტყორცნის საუცხოო ბოლობრჭყვივალა ნემსკავს და პირდაპირ თვალდახელშუა გვაცლის ლექვას. წვერიც ჰემინგუეის ყაიდაზე აქვს დაყენებული და ბევრი აღარაფერი უკლია, ყველა დარწმუნებული ვართ, მალე დაიჭერს გოლიათ თევზსაც, ცოცხლად ამოათრევს, დიდმა მოხუცმაც რომ ძლივს მოახერხა.

ეჭვი არ გვეპარება, თევზჭერის ეს დიდოსტატი დიდი რომანების ავტორიც რომ იქნება. კარგა ხანს გვეგონა ასე.

იმედები გაგვიცრუვდა. გაირკვა ბოლოს და ბოლოს, დიდი გაქანების საგარეო საქმეთა ფოტორეპორტიორი ყოფილა. არადა გამოგვავლო ბორჩალო პირში ქართველ მეანკესეებს, ადგილობრივ მონკავშირში ნაყიდი კომბლებით ამოდ რომ ვყვინთავთ ნავმისადგომზე დილიდან საღამომდე.

ახალი ზელანდიიდან ჰქონია ჩამოტანილი რეპორტიორს ის საოცარი ნატურის ანკესი, ტომის ბელადს უჩუქებია თურმე ფერადი ფოტოს აზამბარში. „ამ საშუალო ფოტოჟურნალისტს თუ ასეთი ბრწყინვალე სპინინგი აქვს, დიდს ალბათ ნატურის სარკიანი ექნება-მეთქი, — ვფიქრობდი ჩემთვის, — ჩაჰკიდებს იმ საოცარ სარკეს ბიჭვინთის ყურეში და სულ ბოსფორ-დარდანელის სრუტით მოდენის და მოლაღავს ოკეანის თევზეულს“.

წერე და იკითხე „მაგდანას ლურჯა“, უცადე, როდის მოგიკ-

რის მოსამართლე მაგდანას მირთმეული ცომივით დედლის ნახევარს.

აი, ჩემო თაყავ, რომ მოგიშვია ჰემინგუეის ბაძზე წვერი და აპროწილებ შრილანკადან ჩამოტანილ სპინინგს აგერ, კარებწინ, იქერ და იქერ ვერცხლისფერ ქორკილებს, აბა, ერთი მეცა მკითხე, შემომხედე: მატყვია თუ არა ქუსლი უადგილოზე? ისიცა მკითხე, რატომ და რისთვის! მკითხე, თორემ შვილებსა ვფიცავ, წვერს მოვუშვებ და რეპორტიორი გავხდები.

— ჰარიქა, ჩამოდიო, დეპეშა მომივიდა სასამართლოდან. დაკლებული ჰონორარის თაობაზე ვეაჭებოდი გამომცემლობას. წავედი და მალე მტერი მოგიკვდეთ, მალე უკანვე ჩამოველ ყურებდაუთოვებული. ზღვასაც მოვაკელი ორი დღე და გადანაყარი ჰაქის გუნებით ჩამოვბრძანდი. ბიჭებმა შემატყვეს უგუნებობა. საბაბი არ მითქვამს, გაღმა შევედავე, ექვსა და გულცივობაში დავდე ბრალი.

— რა ქენი, გოგოა თუ ბიჭი?, — მკითხა რეზომ.

— ნაბიჭვარია, — უგემურად, უემურად ამოვღექე.

— კურდღლების ამბავსაც დავაზუსტებო, რა გაიგე? — თემოც დაინტერესდა.

— არაფერი არ გამიგია, ისე ჩავედი და ჩამოვედი. წამო. სოკში წავიდეთ, რესტორანში. მივიღოთ ცოცხალი კალმახი — „პასოლსკი“, სოკო-შხამა, საფირმო რამეები, აღვნიშნოთ წყლის ნაყვა. ერთი-ორ ღამესაც იქ დავრჩეთ, გულები დაუხებეთქოთ ჩვენს ჭავარხანებს, მშვიდობას რომ მიეჩვივნენ, ქოლგებივით რომ სულ თავზე ვაფარივართ. ცოტა მზემაც დაჰკრათ... წავიდეთ რა! — ავიტეხე.

— რა მოგივიდა, გვითხარი?

— იღეა მომივიდა, წავიდეთ, ვიგრილოთ! — ჩემსას გავიძახი.

— კურდღლები?

— შევაწვევინოთ რაჭულად, ტაბუცუნით. მზარეული ნაღდად რაჭველი იქნება...

— დაპატივებულები ვართ გაგრაში, კოლეგებთან, შინაურულ თათბირზე. თუ აგრეა, იქ წავიდეთ. უცხოელი ლინგვისტისა და ჩვენს საპატივცემულოდ აწყობენ, ქართველი ბასკიბეროლოგი ენათმეცნიერიც იქნება.

— რას ვიბასკუნ-ვიბერიალებთ! — თემოც მხარს უჭერს. ნე მისინჯავენ კბილს, ჩემი უემურის გაფრთხობა სურთ.

პლაჟზე მივბორალებთ...

წვეროსან მეთევზეს წვერის ხშირ ბადეში გახვლანჯოდა თევზი. მცირე ხნით ჩვენც გავერთეთ.

— ეშველა, როგორც იქნა, მიაგნო, — თქვა თემომ და სახეგაბრწყინებულ მოხუცს ჰკითხა, — ბევრი გყავთ?

დავინტერესდით მისი ნადავლით. ხელთ იმ თევზის მეტი არა ჰქონდა რა, ისიც მოისროლა. თვალი გადაყოლებით. „ალებე!“ — ტყორცნის წინ დაიძახა მოხუცმა. „ჰოპ!“ — მოგვესმა შორიასლოს, დამსვენებელთა ტაბაკებიდან. პლაჟის ადგილობრივმა, ქართველმა ფოტოგრაფმა ოსტატურად დაიჭირა ნატყორცნი თევზი, წყალგაუმტარ გუდაში სტუცა და ძველი სამფეხა ფოტოაპარატის ლილაკსაც დააწვა დაყენებული კადრის გადასაღებად. ჩემი ოჯახი დავინახე კადრში, სამახსოვრო ფოტოსათვის გარინდებულიყვენ. ლილაკმა დაიჩხაკუნა, კადრი ფირზე აღიბეჭდა, მე კადრგარეთ დავრჩი.

— თუ ასე ახლოს იყავი, გადაგელო სურათი ჩვენთან ერთად, — მისაყვედურა მეუღლემ. ბოდის მეთი რა მეთქმოდა, ვცლურწე „სარაჯიშვილი“, სახე დავიმშვიდე და მხურვალე ქვიშაში ჩაეჭექ დამნაშავეს ღიმილით...

ნასადილევს, „წყნარი საათის“ ნაცვლად ბიჭვინთა-ლიძავს შარას გავუყევი ძუნძულით. ნაკრძალიდან მონამცვრევი ველური შინდის წუწნა-წუწნით მოვფლავუნდი ორი საათის შემდეგ. მასპინძლის მსუბუქი ავტომანქანა კარებწინ გველოდა. ბიჭები ძელსკამზე დამხვდნენ, ჩრდილში, „სადა ხარო“, შემომძახეს, ავირბინე „ლუქსში“, შხაპი გადავივლე, რიგიანად ჩავიცვი და ჩამოვედი. ბიჭები უკვე მანქანაში ისხდნენ.

— მობრძანდით, პატივცემულო, რატომ დაიღალეთ ასე ძალიან? — მკითხა მძღოლმა გულთბილად და მანქანის კარი გამომიღო.

მივხვდი, ბიჭებს ცოტა რამ ეამბნათ ჩემი გაჭირვებული ძუნძულის თაობაზე. მანქანა უხმოდ დაიძრა. ნაკრძალის საუკუნოვანი ჩრდილი მთლიანად ვერ ფარავდა გზატკეცილს. მაინც შეგრილებულიყო. სარაჯიშვილის მიქსტურა გამოვიყოლე ყოველი შემთხვევისათვის. იმედინად ხარ კაცი, სიდედრივით წამალა. ისეთ დროს დაგამშვიდებს, ჰონორარის გაყოფას რომ დააპირებ თორმეტ ტოლ ნაწილად.

— ილია ხომ მსახურობდა მოსამართლედ დუშეთში? — ვკითხე ანაზღად, — მაგდანა რომ მისულებო, თავისი გასაპირი

აეხსნა და შეხვეწოდა, ჩემი ოჯახის მარჩენალი, ჩემი ლურჯა და მიბრუნეო, რას იზამდა დიდი მოსამართლე?

— უმალ დაუბრუნებდა. მენახშირეს ცხელ ნახშირზე დასვამდა, თავზე ცივ წყალს გადაავლებდა, მერე მკვდარი სახედრის კუდილით აცემინებდა სასამართლოს რომელსამე ჯანმრთელ აღმასრულებელს, — სულითა და გულით წარმოთქვა თემომ განაჩენი.

— წიგნშიაც ეგრე აქვს ეკატერინე გაბაშვილს: მოსამართლემ დაუბრუნა სახედარი მაგდანას ობლებს, — ამბობს რეზო, — ერთი კარგი დედალი მიაართვა მაგდანამ მოსამართლეს. საქმის კეთილად დაგვირგვინების აღსანიშნავად.

— ილია იმ დედალსაც უკან გაატანდა მადლიერ ქვრივს: ობლებს აქამე, მეორედ აღარ გაბედო ეგრეთი რამო! — ვთქვი და მოველურწე სარაჯიშვილი...

თეთრად იელვა გაგრამ ლურჯი ზღვის ბურთობზე. ქალაქი მუსიკით შემოგვეგება. ბიზეს ოპერა „კარმენის“ მეორე მოქმედების შესავალი მარში აზნაზარებს ნიჟარის უზანგებს, კასტანეტების ტკრციალი ძლიერდება. ფარშავანგის ზღაპრული ბოლო მარაოდ იშლება, საცაა იელვებს დონ ხოზეს მწველი ბოშა ქალის თვალების ცეცხლი მარაოს ფრთებიდან, მოგვედება ჩვენც, მოვიყუდებთ ღვინით სავსე ადლიან ჭიქებს, ან არხარის საკომისიო ყანწებს, ან კამეჩის რქას დავიცემთ გულში და დავიხოცებით კარმენისათვის ისე, რომ ფეხზე ერთხელაც არ წამოვხტებით გადასარევი აზიური ცეკვის პატრონები, არ შევდგებით ფეხის წვერებზე და არ ჩავფარებით ხოზეს მოქნეულ ხანჯალს...

კარმენის ეშხმა დამაბერა, კარმენის ეშხმა ჩამჩარა სიყვარულის ბურთი ვნების პირველი, საპაერო ცეცხლით პირდაღებულს, უხეირო დალაქის დუქარდით აკორტინლ ბიჰს და მატირა მიულწვეელის არსებობის პირველი თავზარდამცემი შეგრძნებით...

კრაზანა ბზუის და საქარე მინის ეკრანს მეშუშის აღმასივით ასდევს და ჩამოსდევს. რამდენჯერმე დავაპირე ცხვირსახოცით მისრესვა, ვერ მოვახერხე. მძლოლმაც ჩაატარა ვირტუოზული ცდა კრაზანის მოსასპობად, მაგრამ, კინალამ ბზიფში გადაგვიძახა. შეეშვა დევნას და ხმადაბლა დააყოლა: — „ძალიან საშიში მწერია, ხომაა ვითომ უბრალო, საძაგელია, დამიჯერებთ. ტყვიით გამეხარდება მისი მოკვლა“.

ოთხივე მინა ჩავწიე და კრაზანა სადღაც გაქრა.

ვეებერთელა ფინიკის პალმები თეთრი გაგრის გულში გადიან სპილოვან გოლიათებად. ინდურ-ფინიკიური სუნთქვა გაზავებულიაო თითქოს ევროპულ თანამედროვეობაში, ქართულ-აფხაზურს ვერ იგრძნობ, ვიდრე ეზოს გადაღმა არ დალანდავ ინდაურის პუტკაში გართულ, შუბლზე შავსაფარწყარულ დედაკაცს. ყველას ჩამოსულ დამსვენებლად ჰგუობს თვალი, გარდა იმ თავსაფრიანი დედაკაცისა, ტკივილივით რომ დაბერვია მრავალსაუკუნოვანი ძარღვები ყელ-კისერზე. რამდენჯერ ჩაუსვამთ ეს თეთრი შავოსანი თურქულ გალერაში ტომარაჩამოცმული, როგორც უშობელი, ან როგორც ხასა სტამბულის ბაზრისათვის! მაინც აქაზის ეს მაგარი დედა, და, წული, გამოუხსიდიათ შვილებს და მაგარია ისეთი, რომ ქვას კი არა, ხომალდს გააპობს მისი დედური დაკივლება, რომლის ძალსწორი ხმა არ გამოჩეკილა ქვეყნად: ხმა — დედური, ხმა — მაღალი, გამყივანი...

გედების ტბასთან ჩამოვხდით, ბამბუკების ტევრში შევედით მძლოლის წინამძლოლობით. „თეთრი გედი შავს გედს თუ შეიყვარებს?“ — ფიქრობდი მოცლილი ფერადი ფიქრებით. ფიქრს ფიქრი მისდევდა, როგორც გედი გედს, გვერდი — გვერდს. რაც უნდა დახვეწილი და დათლილი ტანისა იყოს ორმოცდაათი წლის კაცი, ნუ დაიტრაბახებს, ვითომც ფიქრის კაცი არ დასდევდეს მას განუყოფელ ორეულად. თუნდ საყვარელთან წვებოდეს, თუნდ ხიდურიდან სახტომად ემზადებოდეს, თუნდ ისე, სულაც ნაყინს შეექცეოდეს საგრილობელ-საჩრდილობელში, ფიქრი მას გვერდით უდგას, გვერდით უზის, ან შორიდან გამოსცქერის, სადღაც მთებიდან, ან ხეობებიდან, ან ვარსკვლავებიდან. ეს არ არის შიში, ან ფიქრი შიშზე! ეს ფიქრია. ფიქრის ხარისხი განსაზღვრავს კაცის ხარისხს, მაგრამ ფიქრი არ ჩანს, ყველას თვალით და გუმანიით არ წაიკითხება და არ ამოიცნობა. ამიტომაც ჭირს უბრალო გულისყურით და უბრალო თვალთ ცნობა კაცისა, ცნობა მისი ნაფიქრალ-საფიქრალისა. შემოქმედი ადამიანი ნაწილობრივ ამქლავნებს თავის ფიქრებს, ბოლომდე ვერა, ან — არა.

ფიქრი საკარმიდამო ნაკვეთი არ არის, რომ ყველას ტოლი მიეზომოს და მოზომილის მიხედვით გაეზომოს. ისიც კია, რომ ზოგის ფიქრი იმ საკარმიდამო ნაკვეთის ტოლია, ხანდახან მცირეც. იქნებ ბედნიერია ასეთი კაცი? ხანდახან შენატრი, მაგრამ წუთიერად, ან წამიერად. როგორც შენატრი ჯიშთან ბუღას, ან ჯიშთან უშობელს, მწვანეში ჩაფლული ძოვა-ძოვით რომ უახლოვდებიან

ერთმანეთს, რაღაც წუთებში გაირინდებიან, ლექვას შეწყვეტენ, ბალახს გადმოყრიან, ღრუნჩის მოიმშრალებენ ხაოიანი ენით, მიჯნურის ღელვით ეამბორებიან ურთიერთს, მიეფერდებიან, მიედულდებიან და ერთად იწყებენ ბალახის ძოვას... მერე განცალკევდებიან ბალახით გართულნი, განერიდებიან, ვითომც არაფერი, ხანდახან თავს წამოსწევენ და მწვანე სივრცეს გახედავენ, სადაც სხვა ფური ძოვს ისევე არხეინად და მოიწევეს აქეთ, ან ეს მოიწევეს იქით ძოვით. მერე კვლავ შედგებიან, დააკვირდებიან ურთიერთს, ბალახს გადმოყრიან, ღრუნჩის მოიმშრალებენ ხაოიანი ენით, ეამბორებიან ერთმანეთს, მიეფერდებიან, გადალოკავენ, თვალეში ჩახედავენ და ნელ-ნელა, ძოვა-ძოვით განიყრებიან კვლავ.

უფიქრალი კაციც საჭიროა, ფიქრიანიც, სამყაროზე დიდია ფიქრი ფიქრიანი კაცისა, უსასრულოა და განუზომელი სამყაროსავით. ხანდახან იკარგება ფიქრიანი კაცი, თავის ფიქრთან ერთად უჩინარდება. ველარ პოულობს მას ველარც ქუჩაში, ველარც სამსახურში, ველარც მდინარის პირას. გადის დღე, ორი, სამი, საღაღაც შეხვდები. გაგიღიმებს, გაჩიოდება, ხელს ჩამოგართმევს, გადაგებევვა და შენი ფიქრის ნაწილს შეისუტავს, შენ კიდევ მისი ფიქრის ნაწილს შეისუტავ და გამსუბუქებები, ზეცას აეკვრები, ან ქვესკნელს ჩაეწიდები, თუკი მძიმეა ფიქრი მისი. ბელნიერი ხარ ორიოდვე წამს მისი სიახლოვით. ეს წამები საუკუნეთა ტოლა, ან იქნებ მეტიც.

ფიქრობ და ცხოვრობ ამ ფიქრებით, როგორც ის ჯანმრთელი უშობელი მწვანეზე, ან ის ხარლადი...

ფური მწვანეს არ აშორებს თვალს, არც ხარი, რაგინდ ლალიც უნდა იყოს იგი. ფიქრიანი კაცი ხედავს ცას, მის უსასრულო სიღურჯეს, ეს მისი სულის საძოვარია...

დისკოს მუსიკის რიტმებსა და ოპერა „კარმენის“ მეორე აქტის შესავალს შორის რა მანძილიცა ძევს, იგივე მანძილი ევაშორებს ურთიერთს ჩვენ და ჩვენს შვილებს. კლასიკაზე დაგვამყნეს მამებმა, შუამდღე მოვიყარეთ. ჯაზის ჰანგმა იფეთქა ველური საძირე ფესვიდან საქსის გრეხილი ვერცხლისებური სხეულით. ამოგვეყვა ისიც, ჩვენც ავეყვით ემპაიერზე არმსტრონგისა და ჩარლ პარკერის ფილტვებიდან ამოხეთქილ გრიგალს. კლასიკის დრო არ მოგლეჯილა, დარჩა...

მოვახერხებთ კი ორი ქალაქიდან ერთმანეთის მიმართულებით მანძილის გავლას, როგორც სკოლის მათემატიკის სახელმძღვანე-

ლოშია: გამოვიდეთ, შევხვდეთ ერთმანეთს განსაზღვრულ ბაქანზე, განსაზღვრულ დროში ჩამოვართვათ ხელი ერთმანეთს მამებმა და შვილებმა მიმოვიკითხოთ და გზა განვაგროთ, ჩვენ — „დისკოს“ ქალაქისაკენ, შვილებმა — „კარმენისაკენ“. დავყოთ რალაც გარკვეული ხანი: ჩვენ დისკური ჰანგების სუპერებთან, შვილებმა — კარმენტან, შემდეგ კვლავ დავუბრუნდეთ ჩვენ-ჩვენს ადგილებს...

მუხლი მქონია გადაყვლეფილი სცენაზე დაკვირვებით, თავთან ერთად, კარმენის ბოშური, ფართო, მტვრიანი კაბის კალთის საამბოროდ...

დამალა სანჩოს თვალნაღვლიანი სახედრის შორიდან ცქერამ... ცხოვრებამ ჩვენკენ იბრუნა სახე — კეთილი და გაება ქარავანი — ქარავანს ესპანეთის სპილიგრიმოდ. მათმა და ასმა მეგობარმა მონახულა ესპანეთი სხვადასხვა საბაბით და ერთსაც არ წამოსცდენია: „შე კარმენიას საფერფლევე, წამოდი ჩვენთან ერთად. კარმენი თუ არ მიგიაპტიყებს ჭრელი მარაოს ჩრდილში, ეგებ სანჩომ დაგიტმოს, გამოიმეტოს თავისი სახედარი, გასევილიოს მცირე ხანს ანდალუზიის ოღროჩოღროებში“. არავინ არაფერს არ მეუბნება, გაბასკდა და გაიბერდა გული მოლოდინში...

დაბებერებული მაქვს თითები პირინეელი ბერბერივით უნივერსიტეტის ვიოლინოზე კარმენის წვალებით: სრული სიჩუმეა. „ფაგოტი“ იწყებს კურკურს როგორც ბატონ-პატრონი მთელი სცენისა. სასულე საკრავები გასუსულები არიან ამ დროს და სატრფოს მოსახმობად მოკურკურე, თვალდახუჭული მამალი ყრუანჩელის მკაფიო „ტუკ-ტუკი“ მეფედ დადის ნებიერ სიწყულროვეში. მამალი ყრუანჩალი-ფაგოტის კურკურა ხმებს, მგონი ვიოლონჩელოს პიციკატოც თან უნდა ახლდეს, მცოდნემ მაპატიოს, თუკი მეშლება, — ოცდაათი წლის წინანდელ ამბებში გადამაფრინა მამალმა როკომ. ეს ფრინველიც ყრუანჩალის მოდგმისაა, ესეც თვალებსა ხუჭავს, როცა დედალს უხმობს დეკიანში მოქცეულ მცირე ველობზე აფხორილი, ვნებააშლილი, კარმენის მარაოსავით გადაშლილი ულამაზესი ბოლოს ტკრციალითა და ბზინვით...

— „ღმერთს თუ დაავიწყდი, კაცსაც დაავიწყდები“: — ნათქვამია და აგერ ჩემი ესპანეთიც; ცხინვალი-გორი-თბილისი, თბილისი-გორი-ცხინვალი! არავისზე ნაკლები ტორეადორები არ დაბადებულან ამ ნოყიერ ქართლის გზატკეცილზე მარგალიტებივით ჩასმულ ქალაქებში. მივდივარ და მოვდივარ სამკუთხედის ამ

ასოცილომეტრიან გვერდებზე აქედან იქით და იქიდან აქეთ, ხან საკუთარი, ხანაც საერთო სახედრის ძალით...

ღმერთს დაავიწყდიო... მე თუ არ დამვიწყებია ერთი-ორჯერ მასთან ფაფუკ ღრუბელზე ყოფნა, მას რატომ უნდა დავიწყებოდა; აკი ულვაშის ღერიც დავტოვე პაწაწა ღრუბლის ფთილაზე! მახსენოს და უმალ იქ გავჩნდები, ანგელოზებს მივეფერები, ბრძოლის ხმა თუ იქნას, არც მაშინ გავერიდები, თუკი მხმობს. ავიკრები და ბურჯაყის კუდივით გავუსლიპავ ბანჯგვლიან კუდს ეშმაკს, ქართული სიტყვის მღუღარეს გადავავლებ თავითბოლომდე, გავფუფქავ, გავატიტლიკანებ ტინტილასავით. რქებიც აღარ დაჭირდება გატიტლიკანებულსა და გამასხრებულს. თავისივე ხელით მოვახსნევიანებ და საყანწედ ჩავაბარებინებ ცეკავშირის ხელოვნების სალონში. უბრალო ყანწი, კამეჩის ან არხარის ცეცხლის ფასი ღირს და ნამდვილი ეშმაკისეული რქა ხომ თავის წონა ოქროდ შეფასდება. მოიყუდებ ერთს და პირდაპირ ვერტერის ვნებებში ამოყოფ თავს...

* * *

ნაღმივით ამოვარდება, ფეხებქვეშიდან ამოიჭრება მამალი როკო, შავწითელი ვერტიკალივით ახაზავს სივრცეს და აიყოლებს მონადირის გულსაც. მერე გასწორდება, მართ კუთხეს შექმნის ვერტიკალთან დ თოფის ლულების პარალელი ერთბაშად გადაკვეთს და დაუსვამს წერტილს როკოს გაფრენას. „კურცხარის“ მოკლე კუდის ქანქარის სისწრაფით ფართხალებს მონადირის გულიც, მოკვეთილ შვეულს რომ ჩამოჰყვება წუთის წინ სასიყვარულოდ გამოწყობილი უცხო ფრინველი...

მანქანა მიჭრის და თბილ ნიავს შემოსდევს ჩვენი კლინიკის ხმალხელაური დიეტ-მიხეილის მშობლიური. დამრიგებლური ხმა: „მტკიცედ იყავ, მაგრად დაუდექ ცდუნებას! ზურგი უჩვენე შენს მტერს — გემრიელ სუფრას, თუ გასურს იმ ლამაზ. მამალ როკოსავით მალლა ფრენდეს სული შენი და აზრი შენი!“ პასუხი მზადა მაქვს: „მახსოვს ჩემი ტანჯვა და თქვენი ბრძნული დარიგება, მამაზე არანაკლებ ტკბილო მოძღვარო, არ გადავუხვევ თქვენი ქეშმარიტი გზიდან. არ ვულალატებ მცნებას, ომის დამთავრების პირველივე დღიდან რომ ჩამძახოდა თქვენზე უხნესი ცხონებული პა-

პიდაჩემი: „გახსოვდეს, არა პურითა ერთითა!.. ჭერის მოკლებას ლუკმის მოკლება გერჩივნოს! მუცელს აღორებ — ღორია, აქორებ — ქორია!“ და სხვა მსგავს გონივრული რჩევა-დარიგება დღევანდელი ნათქვამივით მესმის ნახევარი საუკუნის სიშორიდან...

ჩაჩჩაჰ-ჩაჩჩაჰ ღაწერილი თავი

სპორტული სირბილის დროს არ შეიძლება ლაპარაკი ვინმესთან, თუნდაც შენს გვერდით მოძუნძულე ადამიანთან. ირღვევა სუნთქვა, გეწყება ქოშინი, უანგბადი არათანაბრად ჩადის ფილტვებში, ასევე არათანაბრად მარაგდება სისხლიც. ორი-სამი სიტყვის გაფრენა კიდევ შეიძლება, ან საეჭვო ძალს რომ დაჰკივლო, მაგრამ ზოგმა ჩანკირკიტამ რომ იცის იპოდრომზე, გაგიბამს და აღარ მოგეშვება, კატეგორიულად დაუშვებელი ამბავი გახლავთ! პასუხს არ გასცემ, ცუდი კაცი ხარ, გასცემ პასუხს და ახალ შეკითხვას მოგიმარჯვებს.

სხვა საქმეა საკუთარ თავთან ლაპარაკი, საუბარს ისე წარმართავ, როგორც გინდა, როგორც ხელს გაძლევს. ერთს დასჯი, მეორეს დააჩილოებ, უხეიროზე ეტყვი მეგობარს, რამ დაგაწერიანო, უხეირო მოთხრობაზეც გაუბედავ სიტყვას. უხეირო ფილმზეც.

ბუნება, რომელშიც შენ დარბიხარ, ისეთ ნატიფ სურათებსა და ნაღდ პანორამას გიხატავს, ადამიანებიც, სოფელი, თოვლში გასუსული, აქა-იქ მამლის ყივილით, ძაღლის შეყეფვით, წყალზე გამოსული ოხშივარა ქალით, იმდენ ჭეშმარიტ კადრს გთავაზობს. რომ ძალაუნებურად უფერულდება და იცრიცება ის, რომელიდაც კინოფილმში, ძირითადად ტვინის შენობაში რომ იშვა, სტუდიის ეზო-კორპუსებში რომ ჩაისახა.

ტექსტს ხმამაღლა არ ამბობ მარტოკინა მორბენალი, გუნებაში ივლებ და მშვენიერი დიალოგი გამოგდის საკუთარ თავთან. ასეთი საუბარი ადამიანური აზროვნების ყველაზე დიდი მწვერვალია. მოხსნილი გაქვს ყველანაირი მობოდიშო მუხლები, ყოველგვარი „შენ გენაცვალე და შენი ჭირიმე“, ბირდაბირით ხერხავ შენა ორეულთან ერთად პრობლემათა მორებს. თანაბრად იყრება ნახერხი უმანკო თოვლზე, იქით და აქეთ. არც ყურის აწევის და არც თითის, ან მუშტის დაბრაგუნების საშიშროება გელის საიდანმე. არც იმისი, რომ მოსაუბრე ვერ გაგიგებს და ერთიანად გაგაცამტვერებს ნათქვამს. მთქმელიც და გამგონიც შენა ხარ სირ-

ბილ-სირბილ, საკუთარ თავთან მოსაუბრე, შენ ხარ ბატონი, შენ ხარ ყმა, ქალიც შენა ხარ, ასე გასინჯეთ, და, კაციც შენვე ბრძანდები. ისეთ ალადასტურ მტევანს გაუშლი და შეაზილავ იმ ვილა-ცა მესამე მეტიჩარას, სულში რომ შემოუყვია, ხელი დაუკითხავად, ისეთ მალაყს გადაატარებ, სულ ორტოტად აღენ ძმარწყალს ცხვირიდან, — განა მართლა ბეჯავ, ისე, ფერადი ფილმივით უთაქუნებ წარმოსახვაში. ცხრა რაუნდს ჩაატარებ კრივში ასეთს და იოტისოდენადაც არ დაიღლები.

ისეთი ადგილები და პასაჟებიც მაქვს სირბილის დროს, როცა ყველას და ყველაფერს პატიებისა და მიტევების აბრეშუმს ვაფენ, ვეფერები. ასეთი განწყობილება, მანძილის ან დროის შუაწელს რომ გადავლახავ, მაშინ მეუფლება. ყველა ჩემი მეგობარი და მოკეთეა რბოლის დასასრულს. ყველა ეს სიკეთე საკუთარ თავთან მორევის, საკუთარი ეშმაკის დამარცხების მომენტიდან იწყება და მიტევების აია-სოფიურ ტაძარში შესვლით გვირგვინდება. ბოლოს ჩამოჯდები გრილოში. საკუთარ წყაროსთან, გწყურია მაგრამ არ სვამ, მოყვასისათვის ინახავ, სხვა გინდა ასიამოვნო.

ის მინდორი, გვრიტები რომ წამოფრინდნენ საოლეო ხიდან, ინიც შენია, მაგრამ ხელს არ ახლებ, მშრომელი, გამრჯე გლეხკაცისათვის გემეტება და იმას ჩუქნი. ის გაეშმაკებული თებრონე-გოგოც გაზის ბალონზე რომ ზის და ჭოკჭორაკობს თანატოლთან, ცალი თვალის წყაროსკენ გამოძოვებით, შენია. ჰავრან. ასაკისა და მდგომარეობის გათვალისწინებით, მხოლოდ შორიდან ეფერები, უსიტყვოდ არიგებ და ურჩევ, რომ ცდუნებას არ გადაეყაროს მტკრიან შარაზე ჯდომით გამვლელ-გამომვლელი მანქანების ურიდო ჭყვიტინ-ჭყვიტინში...

— არუთ, ჰაი, არუთ! — ვჩაქჩაქებ ერთ-ერთი სახლის ალაყაფის წინ. ესაა მგონი მეკურდლლე არუთას სახლი, აქ მომასწავლეს თანასოფლელებმა. შემეკულ ეზოს ვათვალეირებ ადგილზე ჩაქჩაქით. თან კურდღლების გალიები და სოროები მელანდება.

მშვენეირზე უმშვენეირესი ორსართულიანი სახლია. წინ ხეივანი გამოდის მოპატიედა, ალაყაფის მოჩუქურთმებულ კარებამდე.

ალაყაფი ცალფრთად გაღებულია, ახალთახალი „გაზ-24“ დგას საჩრდილობელქვეშ. ცხოვრობს, ვილაცა გრიალით. გაიგე, რას თესავს და რა მოჰყავს!

— უფრო ხმამაღლა დაუძახე, სული რად გეპარება! — მირჩევს დაკლებამდელი ჩემი მე, მეორე ნახევარი, ჩრდილად რომ დამყვება ერთთავად და დიალოგებს მიმართავს გზა-გზა.

— უხერხულია უფრო ხმამაღლა ძახილი, მეტისმეტად მენახილული ვამომივა. აგერ, მოდის, მგონი, სახლის პატრონი...

ახალგაზრდა კაცი გამოჩნდა ჭინსებში, ფირმა-მირმებში.

— არუთ კელენჯიანი აქ ცხოვრობს, მეგობარო? — ვკითხე რუსულად.

— კი, ამეამად შინ არ გახლავთ, სამსახურშია. კინოშემოქმედებით სახლში მსახურობს მორიგ მძღოლად. რა გადავცე? — მათვალეირებს ახალგაზრდა.

— კურდღლები გვინდა სამკურნალოდ, სულ ცოტა ოთხი ბოცვრის შეძენა გვწადია...

— აღარა გვყავს, გავაწყეთ. ბროილერის ჭიშის თეთრი ინდაურები თუ გნებავთ...

— კურდღლის სისხლი გვჭირდება, განათუ შთელი კურდღელი. — ვემოწიწები არუთას ვაქს, რა არის, უკურდღლობა არ გამაგონოს.

— დიდი ხანია აღარა გვყავს... ქუჩის იქითა ქუჩაზე იკითხეთ მეკურდღლე, ისიც კელენჯიანია გვარად. მამაჩემის სეხნიაა. სახლის ნომერი არ მახსოვს. ვისაც კი შეეკითხებით, ყველა მიგასწავლით. ნამდვილად ჰყავს.

— ნათესავია თქვენი? იქნებ ორი სიტყვა მიმიწეროთ, — ველიკინები. ჩემი მოჩაქჩაქე-მოსაუბრე ორეული შენიშვნას მამლევს: „რა ეშმაკად გინდა ბარათი. თუ მეკურდღლეა, კურდღლის გაყიდვაც ენდომება, ზრდის ბოცვრებს, ნაწილს ყიდის, ნაწილს თვითონ შეექცევა. წამო, წამო!“

— გამადლობთ, ახალგაზრდავ! — ვემშვიდობები და მივჩაქჩაქებ მისაკვლევი ქუჩისაკენ. ნარინჯის ბალები მომწვანო-მოყვითალო თვალებით მაცილებენ. ჯერ სიმწიფე არ მოსძალებია ციტრუსოვან ხეებს, აქა-იქ შეთვალულია ნაყოფი. ყველა ეზოში ასფალტის ბილიკებია. ბილიკებს ორივე მხრივ ვარდნარი ჩაუდის.

— კურდღლებს როგორ მოგვცემთ, წამლად გვინდა? — ვეკითხები მასპინძელს.

— მაკეებია, ვერ გავყიდი. ორი მაშალია და საშენად მინდა. ცოტა ადრე რომ მოგგონებოდათ, მოგართმევდით. გასაყიდი გავყიდე, საშენილა დავიტოვე. ერთ ცალს დაგიტომობთ, თუ იკმა-

რებთ, — გამომაცილა კარებამდე სახლის პატრონმა და შემდეგი მეკურდღლის მისამართი ამიხსნა. ჩკალოვის ქუჩაზე ცხოვრობსო...

საცაა სადილობის უამი მოაწვევს და ჯერ მეკურდღლეს არ გავრიგებვიარ. ოჯახი მელოდება, მე კი ზენიტზე შესვეტილი მზე ელენთას მიხმობს, თვალნიც რბიან ჭყეტვა-ჭყეტვით, ეზო-ეზო, შუკა-შუკა, ქუჩა-ქუჩა. რა სახლები, რა ეზო-ბალები, რა ყველაფერი! რა კონინდარი, რა ერთი, რა მეორე! ჩვენში, ქართლში, გინდაც კახეთში, ბალ-ვენახები სადღაც ცხრა მთას იქით აქვთ, სახლები კი შარაგზაზე უდგიათ. ერთმა მანქანამ მეორეს რომ გზა უყულოს, გაუჭირდება, ზოგან ისეთი სივიწროვეა. არქიტექტორი თუ ჰყავს რაიონს, მხოლოდ რაიცენტრის მოსაკოკოქინებლად ჰყავს. ვინ კითხულობს გლეხკაცის საკარმიდამოს გაწყობას თანამედროვე არქიტექტურის მოთხოვნათა გათვალისწინებით. მთავარია ოთხი, რაც შეიძლება დიდი კედელი ააგოს მეპატრონემ და კარგა-მაკრადაც გადახუროს თუთიით, საცხოვრისის ჰიგიენას ვინ ეშმაკი დაეძებს!.. ლამის შთანთქას ქუჩა სახლებმა, ისე ჩიუტად მოიწვევენ წინ. ლამის არის შუბლებით მიებჯინონ ერთმანეთს. საკარმიდამო ნაკვეთს ისე მალავს სახლს უკან გლეხკაცი, თითქოს სხვისია და წაართმევენო. ნაწილი მიწისა წინ რომ მოიქციოს, ხეხილ-ნარგავებით გაუმშენიეროს ინტერიერი სახლს, ლამაზიც იქნება და მტვერსაც დაუოკებს. ჩვენებური ეზოს სურათი ასეთია: იქ გატეხილი ქვევრი გდია, გაუმართავი მანქანის ჩარჩოა ღობეზე აყუდებული, საბურავები, ჩალაბულას კოკოლა ხარჩოლავს გაუთავებლად. ავდარში ხომ სულაც შუბლგაწუწული დგანან სახლები აღმოსავლეთ საქართველოს სოფლებსა და რაიონებში. ჩაქროლებს მანქანა, ჩაკრავს ტბორში ფეხს და შუბლამდე შელაფავს სახლის ფასადს. გამონაბოლი და მტვერი ისე არხეინად შესდით ქუჩისპირა მცხოვრებლებს, დიდი ქალაქის პიკის საათებში გეგონება თავი!...

ნახევარ ჰექტარზე ნაკლები საკარმიდამო მამული იშვიათად თულა აქვთ ჩვენში. ხეხილი და ხეხილიო, დაუჩემებიათ, ისე ინტენსიურად თქორავენ და წამლავენ ბალებს შხამ-ქრმიკატებით, წიწმატი და ოხრაბუში ცხრანაირად უნდა გაარეცხინო დიასახლისს, თუ გინდა გაბედო და მწვანაილს დაეკარო. მოჰყავს ვაშლი და მსხალი ჩვენებურ გლეხკაცს და პირის გასასველებელი უტკბესი ხენდროსათვის პაწია კვალსაც არ ტოვებს შვილიშვილებისათ-

ვის. მრავალფეროვნება და გემოვნება აინუნშიც არ მოსდის...

ულამაზეს კოტეჯებს ტოლს არ დაუდებს ქობულეთელის სახლკარი!.. ცქერით ტკბები ტროტუარზე მიმავალი, თვალს ვერ აშორებ ქობულეთურ კოპწია, დეკორატიულ ეზოებს.

სისუფთავის პრობლემას, ცხადია, ხშირი წვიმებიც განაპირობებს დასავლეთ საქართველოში, მაგრამ, იმერლებით დასხლებული ლაგოდეხის რაიონის მცხოვრებთა სახლ-კარი აღმოსავლეთ საქართველოსავე აბორიგენის ნებისმიერ ეზო-კარს რომ სჯობია!..

* * *

ზოგ მეკურდღლეს ლიმონარიუმში გაეშენებინა და მებოცვრეობისათვის გაენებებინა თავი, ზოგსაც ძვირფასბეწვიანი მელიების საშინაო რეწვა წამოეწყო...

— ერთს ვიცნობ, იმას ნამდვილად ჰყავს ბოცვრები. გვარად კელენჯიანია, სახელად ჰქვია გელამ. კოლმეურნეობაში მუშაობს მელიორატორად. თქვენ გაგიჟირდებათ მისი მიკვლევა, გამოგყვებით, აგერ მანქანა, — მითხრა ბოლოს ერთ-ერთმა ყოფილმა მებოცვრემ და „უიგული“ დაქოქა.

მეგზურმა მეტი ინტერესი გამოიჩინა, რაკი გაიგო, კურდღლის სისხლი სამკურნალოდ გვჭირდებოდა: „სისხლი რა ბედენაა, ხორცი და ბეწვიც თავს შემოგველოთ“.

— კანის ავადმყოფობა შემეყარა, გამაწამა, ისე გამიხადა მკლავი, — მიყვება თავის გასაჟირს მეგზური, — თვეების განმავლობაში ვერა წამლით ვერ მოვირჩინე დაავადებული მკლავი. იღბლად, ერთი დამსვენებელი დაინტერესდა ჩემი გაჭირვებით. მოხუცი კაცი იყო. შინაური წამლის რეცეპტი მასწავლა: სუფთა ქაღალდის პარკი უნდა გააკეთო, პირით თეფშზე დაამხო და წოწოლა ბოლოზე ცეცხლი მოუკიდო. ნელი ხრჩოლვით ჩაიწვება ქაღალდი. მოყავისფრო ზეთოვან-წებოვანი ნალექნით დარჩება თეფშზე. ის ღვეთი უნდა მოიციხო ავადმყოფი ადგილის გარშემო, კიდევბზე. მესამე წასმა და ჩემი განკურნება ერთი იყო. მას აქეთ რამდენს ვუმკურნალე სოფელში დიდსა თუ პატარას, ვინ მოთვლის. ვკურნავ. ვასწავლი უფასოდ, ყველა მადლიერია. რაც მე იმ მოხუცს ელოცავ!.. თუკი კურდღლის სისხლი ასეთ სასწაულს ჩაიდენს, როგორც თქვენ ბრძანეთ, ბევრ გაჭირვებულს ეშველება.

— მხოლოდ ზეპირი გარანტია მაქვს ამ საკითხზე ბიძაშვილი-საგან ნაბოძები, ვიდრე საქმით არ დაერწმუნდები, ვერას გეტყვით სადიდებელს. ვნახოთ, ვცადოთ.

— გელამ, ჰაი, გელამ! — შეუძახა უბრალო ალაყაფის კართან შეჩერებულმა ჩემმა მეგზურმა მეკურდღლეს.

მკვრივი, ხუჭუქთმიანი, ოცდახუთი-ოცდაექვსი წლის ბრინჯაოსფერი, წელზევით შიშველი, სახელამაზი ვაჟი გამოეშურა ბაღის სიღრმიდან ჩვენკენ. გულშია ღიმილით შემოგვეგება. შემდგომში ეს ღიმილი მისი სახიდან გამქრალი აღარ მინახავს. ავუხსენი, ვუამბე ჩემი მეგობრების გასაჭირი, ვუთხარი, ფულზე ლაპარაკი არ გვექნება, რამდენსაც მოგვთხოვ, იმდენს გავიღებთ-მეთქი. — ახლავე დავკლა? — ისე გულბადრად მკითხა, რომ ფასზე კრინტიც არ დაუძრავს. — ექვსი კურდღელი მყავს სრული ასაკის, მზად ვარ გემსახუროთ, ამ სიტყვებთან ერთად გალია დაგვათვალეირებინა და ორი ყურცქვიტაც გამოაქონწიალა თვალსაჩინოდ.

— გმადლობთ, ჩემო გელამ. — უცბად შევეუშინაურდი მეკურდღლეს, — დაკვლით კი ახლა ნუ დავკლავთ. სისხლი თბილ-თბილი უნდა იყოს. მეგობრები თან არ მახლავს...

მეორე დილის ბოლოს შევთანხმდით.

შემაჩერა კეთილმა მასპინძელმა, ვაშლის მოსართმევად გაიქცა. ნაადრევი ხილი მშვენიერი იცის დასაეღეთში. ჭასთან მდგარი ხე შეარხია და ბადიით მოგვირბენინა ლოყაწითელი ვაშლი. ჩემმა მეგზურმა, არუთამ, ისეთი ნდობით აირჩია ერთი ვაშლი და ისე მადიანად გაკბიჩა, მეც პირწყალი მომადინა.

— შენი ეზო-კარი არ არის და ასე რომ თავისობ, პატრონა არას გეტყვის? — ვეკითხები გელამას.

— ფაქტიურად მე ვუვლი აქაურობას. პატრონს არცა სცალია. მილიციაში მუშაობს, თანაც სახლის გაყიდვა და ადღერს გადასვლა სწადია, ცოლოურში, მეუღლეს იქა ჰყავს. აქ არ დადგება, — გამარკვია გელამამ საქმის ვითარებაში, — ამ დიდი საკარმიდამოს თხუთმეტ მესადს, ანუ ერთ მესამედს მე ვპატრონობ: ვბარავ, ვთოხნი, ვთესავ. კოლმეურნეობამ ვაღარშაკს მხოლოდ თუთხმეტი მესადი დაუტოვა, ორი წილი ჩამოაჭრა, ორიდან ერთი წილი ჩემზე უნდა განაპირობონ და ერთიც სხვა კოლწევრზე. კოლმეურნეობის საერთო კრებაზე დადგენილს აგერ უკვე მერამდენე წელია ველოდები, რაისაბჭოს აღმასკომი ყოყმანობს. მეუღლე პე-

დაგოგია, აქ გამოანაწილეს, მე კოლწევრი, ორი შვილი. მესამეც გაჩნდება, მეოთხეც, მაგრამ რომ არაა ჯერ გადაწყვეტილი?! ნაკვეთის პრობლემის გადაწყვეტის შემდეგ, ბინის მშენებლობის საკითხი დადგება. ახლა იმაზე უნდა ვირბინო აღმასკომში. თუ საჭირო არა ვარ, ავდგები და წავალ, ისედაც დედაჩემი მომძახის და არ მაყენებს: დაბრუნდი, ჩემი შვილი ჩემთან უნდა იყოსო! შვილები, ანუ, და-ძმანი ხუთნი არიან დედის სიახლოვეს, მაგრამ არა, — „შენც უნდა დამიბრუნდე, გინდა თუ არაო“, რაკი მატყობს საქმე კიანურდება, უფრო მეთათბირება; შვილიშვილიც იქა ჰყავს ამჟამად, ჩემი უფროსი ქალიშვილი; დღეს-ხვალ, ველი, უნდა ჩამოვიდეს დედაჩემი და ბავშვი ჩამომიყვანოს...

* * *

„რუისიდან ვაზი ჩამოვტანივინე ხუთი ათასი ძირი. გავგზავნე, ჩავაყრვევინე. ერთი შვილი ვერ დაგიმორჩილეთ, ასულიყავით. გატყობთ, რომ თქვენ დაგლახაკდებით. ორი ათასი აქაური ვაზი გავგზავნე. ახლა მე მინდა ავიდე, მაშ რა ვქნა? იქ ყოფა მიჩვენია, მაგრამ თუ აქ არა ვიშოვე რა. მშივრებო დარჩებით.“

(იესე ოსეს ძე ბარათაშვილის „ცხოვრება-ანდერძი“)

1785 წ.

ავგისტოს პირველი თუ ორი რიცხვის დღის ბოლოა. ნათელი არ აკლია დღეს, ექვსი საათი კი ხდება.

მე და ჩემი „მოპაჯირები“ გელამანთ კარებწინ ჩამოვქვეითდით. მანქანიდან სამგზავრო, ნათალი ჭიქა გადმოვიყოლიე.

ალაყაფთან გელამა გაჩნდა, ღიმილით შემოგვეგება. შინ შეგვიპატოეა. მე, როგორც „უსტა“ და დიდი ხნის ნაცნობი, პირველი შეველ ეზოში. რეზო და თემო მოკლე საღმით შემომყვენენ. ბიჭები გავაცანი მეკურდღლეს, მოკლედ დაეუხასიათე. იღუმალი სიჩუმეა.

როგორც მოკრძალებული მსჯავრდებულნი, ისე უხმოდ შემოილალნენ ბიჭები და ფრთხილად მოათვალიერეს სახლკარწინა მოასფალტებული, ჩრდილხეხილიანი მცირე მონაკვეთი.

ოთახიდან გამოსული მეუღლე გავაცანო გელამამ. ხელბალლიანი, ცისფერთვალება ახალგაზრდა ქალი.

გამართული რუსულითა და გაბადრული სახით შემოგვეგება ახალგაზრდა დიასახლისი და სკამები შემოგვთავაზა.

— პირდაპირ საქმეს შევეუდგეთ, — ვთხოვე გელამას, ჩამოჯ-

ღომა და დასვენება ვიუარე. ბალის თვალთვლით კურდღლების გალიებს მივაშურე.

უსისტემო ბალი ძირითადად მოუვლელია; ვალარშაპეტ ყიდის, გელამა ყიდულობს სახლსა და მიწის ნაწილს. გაფორმება უჭირთ გამყიდველსაც და მყიდველსაც. ერთი ხანობა ისე გაანიჟეს ამ მარგალიტით მიწის ნაკვეთები პატარ-პატარა ხელმძღვანელებმა, მათრახიც მოირტყეს თვითნებობისათვის და ახლა ფრთხილობენ.

გელამას შეგუებული წილი კარგადაა მოვლილი; ყველანაირი ბოსტნეული რიგებად და კვლებად ხასხასებს სიმწიფის ფერებში. ხეხილი უმეტესად ძველი, მოუვლელი და შებერებული ჩანს. ორი-სამი მანდარინის ბუჩქი გელამას ჩარგული უნდა იყოს; ახალგაზრდა ბუჩქებია, სხმაში არაა შესული. სუბტროპიკული იერი ჭერ მაინცა და მაინც არ ატყვია ნაკვეთს: მსხალი, ხურმა, კარალიოკი, ბოლოებზე დაფნის რიგები.

შინაურულად, მაისურითა და მილიციელის წითელკანტიანი შარვლით შემოგვეგება სახლის და ნაკვეთის დამგირავებელი ვალარშაპეტი. შიშველ ფეხზე ფოსტლები აცვია. ისიც ახალგაზრდაა, ორი-სამი წლით უფროსი სჩანს გელამაზე. გულითადობას იჩენს, თვალი ფხიზელი და მხიარული აქვს. რაც მთავარია, სამამულესადაო კომისიის წევრებს არა ვგავართ, ატყობს, რალაც გვექარაფშუტება და სასეირო ღიმილით უციმციმებს სახე.

გელამა ჩვენი თხოვნის შესრულებას შეუდგა. სიტყვიერად კი იცის, მწერალი რომ ვარ, დაჭერებით კი ძნელად დაიჭერებს. მწერალი მისი გაგებით ოვანეს თუმანიანი და შოთა რუსთველია, ყველა დანარჩენი მკითხველია. გელამა რაში გავამტყუნო, ლამის მეც მაგ აზრისა ვარ, ილიასა და პუშკინს ვუმატებ გელამასეულ მწერალთა სათვალავს, ოღონდ მალე შეგვისრულოს თხოვნა, მალე მოვანდინო მეგობართა გაჯანმრთელების სასწაული და რა მენადვლება, რას იფიქრებს გელამა ჩემს შესახებ. ისიც თუ გამიგო, თორმეტდღიანი საგზურის ორი დღე როგორ შევამცვრიე, თბილისში, სასამართლოზე რომ ჩავჩაჩქანდი, ჩემი გატრეცილი, უყდო წიგნის გამომცემელთან სადაოდ. დაკლებული ჰონორარის დასაბრუნებლად, თანაც ტყუილად რომ გავცდი, ყურებდაწურული რომ დავუბრუნდი შავ ზღვას, მაგდანას ლურჯასავით, მაშინ ალბათ მთლად აღარაფრად ჩამაგდებს. რომელი ავტოგრაფიანი წიგნები მე მივართვი, მწერლობა ერწმუნა; სადლაც ყასაბსა და ჰაქიმბაშს შუა უფრო ვეპიტნავები, — ვფიქრობ ფერნაქამი, თან გარეცხილი,

ნათალი ჭიქითა და სუფთა მათლადით, სრულ მზადყოფნაში ვარ სისხლის მისაღებად. ლამის არის გული გამისკდეს მოსახდენის მოლოდინში, ფათქი-ფუთქი გამიდის.

„მანც რამოდენა პასუხისგებას ვიღებ თავზე: — ველაპარაკე ჩემს ორეულს, — თუ ეს პრიმიტიული მეთოდი ამ უბედური ავადმყოფობის მკურნალობაში ისეთ დიდ შედეგს იძლევა, რომელშიაც სულ ადვილად და უმტკივნეულოდ დამარწმუნა ჩემმა გარებიძაშვილმა. მაშ, აქამდე რა გულებს აფხაკუნებდა, რატომ ქვეყნიერებას არ მოსდო ამბავი ამ იშვიათი ხალხური მკურნალობის შესახებ. განათლებული და წესიერი ოჯახიშვილი კაცია, თუ ჰაიჰარად და ქარაფშუტულად იწამა, მაშ, შედეგი როგორღა გამოიღო მისმა რჩევამ თბილისში, მეგობარი რომ განკურნა სავსებით. განკურნა კი? ეგებ გაბერეს და მერე მეც გამბერა ნაქარით. არა, ორი დიდი, ადამიანური საკითხიდან ერთი ნაღდად გადაწყდება ამ ცდის დასაარულს: ან გარებიძაშვილს დავეკარგავ და ნულამდე დავა მისი კაცობისადმი ჩემი რწმენა, ანდა, გამართლების შემთხვევაში, იმ ერთ ძეგლს, რომელსაც შეპირებია მორჩენილი თბილისელი პაციენტი, ჩვენგან კიდევ ორი ძეგლი მიემატება. სად უნდა წაიღოს ამდენი ძეგლი? სამოთახიან ბინაში, სამი შვილის პატრონს არა მგონია ცოლშვილმა ამხელა ფუფუნების უფლება მისცეს, სამი მუშია და ერთიც მოძრავი მამია რომ ჰყავდეთ ერთდროულად შინ. ასეა. თუ ისე, ორიდან ერთი დასკვნა მანც უნდა მივიღო“, — ასეთ ფიქრს ვაჭირითებ გონებაში.

მოშორებით, ვაშლის ხის ძირას, თემო და რეზო რალაცაზე საუბრობენ.

— მოლით, ძმებო, რა დროს ბჭობა და ამბებია?! წამში გაცივდება წამალი, შედეგიც ის აღარ იქნება, მოლით, დროზე! — ვუყიყინებ, თან თვალს ვარიდებ თეფშზე მოწანწკარე ალისფერ ნაკადს...

საქმეს რომ მოვრჩით, რეზომ განზე გაიხმო გელამა, ანგარიშის გასწორება დააპირა, ჯიბეზე იკრა ხელი.

— ხვალაც ხომ მობრძანდებით, მეორე ცდაზე, ხვალ იყოს, — უარობს მასპინძელი. გუნებაში ალბათ ფიქრობს, ასეთ სისულელეში ფულს როგორ გამოგართმევთო.

— ხვალ მოვალთ და ერთიანად გავუღწორდებით, — ვეთანხმები მასპინძელს, — კაცმა რომ თქვას, ხორცს ვუტოვებთ. ქურქს ვუტოვებთ, პატარა შეღავათი ხომ არ არის?! — ვარწმუნებ მეგობრებს და ეზოდან გამყავს.

— ვალიც არ დაადო, ბიჭო! — იცინის თემო.

სახლის პატრონიც გამოვიდა ჩვენს გასაცილებლად; წითელ კანტიანი შარვლითა და თეთრი მაისურით.

გელამა უფრო ჰგავს ადგილის პატრონს, ცოლ-შვილი უმშვენებს მხარს.

გამტყნარებულს და გაყუჩებულ ზღვას უკეთ მოეხსენება რომელი-რომელია. დროდადრო აიშვერს თავს, ტორის ცემითა და ღრიალით აყრუებს დედამიწას დღეების განმავლობაში. მერე, ნაწყენი და ძალაგამოღებული ძილად მიეგდება სინთეტიკური თუ სხვა ყოფითი ნაგვით გადაპირებულ ყურეებში.

გამოვწიეთ. ბრწყინვალე კიპარისებით დაბურული გზა მშვილდიდან გამოტყორცნილი ისარივით მოისწრაფის. მარადმწვანე ბზებით შემოსარტყლული, ნაკოლხეთარი ლურჯი მარგალიტი შორი ნათესავივით გვაყოლებს ფიქრიან თვალს...

გაგრაში, შარშან, შემთხვევით წაეაწყდი მამაჩემთან ცხინვალის ხეხილ-სანერგე მეურნეობაში მებაღე-მუშად ნამსახურებ ქართულ გლეხკაცს. გადმოვედი, აქეთ დავსახლდით, — შინ წამიყვანა გახარებულმა, სახლკარი დამათვალიერებინა; მშვენიერი მანდარინის სხმაში შესული ბალი ას ძირზე მეტს ითვლიდა. სახლიც კარგი ჩაედგა, მაგრამ უკეთესის აშენებას ეპირებოდა გამრავლებული მოდგმისათვის. მეჩოთირა ტეტია, ვაშლუა კაცის განარინჯება. ავისთვალით არ ინახებოდა მწვანე, ხასხასა ნაყოფით გადაჭედული ძირები. ჭერ ნამდვილ სხმაში არ არის ბალი, — მითხრა თენგიზმა, — დავეაკაცდება და ორ-სამ წელიწადში ისეთს დაისხამს, მთელი მიწალარიბი ჩვენებურები ჩამოვიყვანო დასათვალიერებლად, ექსკურსიაზე, თვალითაც გავაძლო და ძლომითაც.

— რეალიზაციას როგორ მოახდენ. არ გაგიჭირდება? სულ ხომ ჩვენებურებს არ უმასპინძლებ, რესპუბლიკის ფარგლებგარეთ გატანა აკრძალულია! — შეკახსენებ. მიღეთის დამსვენებელია ჩემი ხილის მუშტარი, არსად გატანა და თავის ხეთქვა არა მჭირდება, ზედ კარზე მოდიან. კრეფენ და მიაჭვთ ორმანეთობაზე. იქ, შენც ხომ კარგად იცი, მიჭირდა, მწირია ქართლის ჩვენეული ნაწილი, დიცი, ქორდი. ბავშვები მემატებოდა. გამოსავალი უნდა მენახა. წამოველ კითხვა-კითხვით და კარიდან კარზე კაკუნით. ჩვენი გლეხისოდენი შრომა ბევრს არ შეუძლია. ვის ბალი გავუსხალი, ვის კიდევ დავუბარე, დავუჩერკნე. ზოგს ბეტონის ჩასხმაშიც მიეხმარე. შემიყვარეს. ხელისგულზე მატარებენ.. აგერ, ამ ქედს ყვითელ

სარტყლად რომ გადასდევს თავზე მანდარინის დიდი პლანტაცია, ხეღავო? — მითხრა, — ვოროშილოვგრადიდან მოწვეული ბრიგადები კრეფენ, რაკი ადგილობრივი ვერ აუღისო“, — მელაპარაკა გზაგზა. შინ რომ მივედით, ქვეყნის უიჟმატობა გარშემომეხვია: შვილები. შვილიშვილები — „ველარ ვითვლი, იმდენი მყავს მონაგარით,“ — მითხრა და ბალები აითათა, ჰკოცნა, ეგურგურა. წმინდა რუსულით ეელურტულებოდნენ ციციქნა ბადიშები ჩემს ნაცნობს ქართლელ პაპა-პეპერას. მეც ავიყვანე ხელში პატარა, უფრო გაბედული რომელიც იყო. ხან აქედან შევეულიტინე ჩვენებური, ხან იქიდან. ნიკო ლომოურისეული ქაჯანას ამბავით მოვჩიჩქნე მათი სულის ნიადაგი, ფრონეველი „ყაყიტას ქურდები“ შევაშრიალე სიმინდში, მორევიცი ვახტუნავე კაკლის ტოტიდან. ვერ გაჭრა ცდამ. გადავიწყებული ჰქონდათ მამულისეული ყოველი. სად იყო და სად არა, ჩემი ტეტია მასპინძლის მეუღლეს მოვიდა სამუშაოდან. პეპერას ტოტებიდან მყისვე ჩამოიშალნენ ჩვილები და დიდედას შეეხუნძლნენ: «Бабуся, бабулинька, расскажи-ка, пожалуйста, сказку про синее море!»

— შვილიშვილები ეხვეწებოდნენ და იყვნენ ერთ ამბავში...

დიდი მშრომელი და დიდად გამრავლებული კაცი გამოდგა ჩემი თენგიზა ლიხსიქითა მამულში მაგრამ, მანდარინისათვის დედაენის ძარგალიტებიც რომ შეუწირავს ამან დამწყვიტა გული, ჩირად გამიხადა ყოველი სიკეთე, რაც მე იქ ვიხილე. — ჯერ თავო და თავო, ჩემო თენგიზ, მერე ცოლო და შვილო, — ალბათ დავაშავე გუნებაში რომ ვთქვი და ხმამაღლა კი არა...

* * *

ამასობაში, დღითიდღე, პლაჟზეც და საერთოდ, ნაცნობ-მეგობრებში, დიდი ინტერესი და მიტქმა-მოტქმა შეიქნა ჩვენი ენერგიული ნაბიჯების გამო. სადაც ჩამოვსხდებით, კითხვა-კითხვაზე მოდის: „რა ქენით! როგორ მიდის საქმე?“ ოპერატორი შურა მოსვენებას აღარ მაძლევს: — რაც მე ვნახე და რასაც ვხედავ, ნამდვილად აღწერის ღირსია! შენ თვითონ არ იცი, რა სცენარი გამოვა სამნაწილიანი ფილმისათვის, თქვენვე ითამაშეთ. დაწერე, ნუ ცდები. უნდა წერო და წერო, უნდა დაყარო მოთხრობები, ნოველები. დაყარი ნოველებს, დაგეხვევა მუშტარი. გამიგონე! სახლში არავინ მოგაკი-

თხავს, გულში ჩასახედად, რა გაქვს გუნებაში, ამოლაგეო! — არავინ: გეტყვის... ნაღია საჭირო! დაწერე! — გამიწვრილა გული.

— დაწყებული. მაქვს, ბლომდაც მოვყარე, წაგიკითხავთ ნასადილევს.

— კითხვა მერე, სულ რომ მორჩები, დაწერე! დაწერე!..

რეზო მოგვიახლოვდა, შორიდანვე შემომძახა:

— ძალა ვიგრძენი, შენს თავსა ვფიცავ, შეილსა ვფიცავ! რალაც სულ სხვა ძალა ვიგრძენი! მძიმე რამეს მინდა შევეჭიდო, ავწიო, გადავებრუნო... წლების მანძილზე არა მქონია ასე ამკარად გამოკვეთილი ძალის შეგრძნება! — გადამეხვია, ჩამბლუჯა. მაგრად შემაჯანჯლარა. ალტკინებული და სახეცვლილი ჩანდა, — მოვრჩი, ძმაო, შგონი! მგონი კი არა, ნამდვილად მოვრჩი! შესაძლოა ფსიქოლოგიური ზემოქმედებაც მოახდინა შენმა დარწმუნებულმა, ბეჯითმა მოქმედებამ. ასეა თუ ისე, ფაქტი ფაქტია, კაჟივითა ვარ!

ვიფიქრე, ვაითუ მეორე ჯერის მისაღებად აღარ სურს წამოსვლა და ალბათ ამის გამო კრიახობს, თავის დაძვრენა თუ სწადია-მეთქი.

— ასე ენერგიულად და გადაჭრით თუ მოიქცეოდით, ბატონო ძეგრაბ, არ მეგონა, — მიღიმის ექიმი ლალი, რეზოს მეუღლე, — თქვენ რომ ჩვენს დარგში გემოლვაწევათ, მაგ ენერგიით მედიცინას თავდაყირა დააყენებდით. დიდი შემტევი ყოფილხართ. კლინიკაც აკლებული გქონდათ მოძრაობით, ბრძოლის ჟინით.

— ჟინი მერე უნდა ნახოთ, ქალბატონო ლალი, არაკომპეტენტური თუ გამოდგა ჩემი გარებიძაშვილის შთანაგონები, დავახრჩობ, დედა არ მომიკვდეს! ისე მჯერა, როგორც აი, ეს ზღვა რომ ზღვაა და ქვიშა რომ ქვიშაა, ისე მჯერა. სხვანაირად არ შემიძლია! მეგობრობისა და რწმენის ამბავია! ისეთი რწმენით დამპყირხნა ჩემმა გარებიძაშვილმა ჩეჩნეთში გაგებული ჰაქიმბაშობით. თურმე თბილისშიაც მოურჩენია მეგობრის მეგობარი. ძეგლის დადგმას მეპირებიანო, მითხრა. რა რჯიდა?! სხვა გზა არა მქონდა, რომ არ მერწმუნა. ვირწმუნე და სხვასაც ვარწმუნებინე. რწმენა ჰკურნავს წამალზე არანაკლებ, მოგვეხსენებათ, მაგრამ, თუ წამალმაც გაგვიმართლა!.. განა ცოტა ბოცვერი იკვლის?! დონორის სისხლით სავსე ასიათასობით შპრიცი იცვლება და ივსება ყოველდღე და რა მოხდა ისეთი?!

— ინსულინი იქნება კურდღლის სისხლში ჰარბად, — თქვა რომელიღაცამ.

— ინსულინი ინსულინში რომაა, იმდენი სად ექნება კურდღელს! — თქვა სხვა დამსვენებელმა.

— ვნებით რას ავნებს, არაფერს, — ჩაილაპარაკა ლალიმ.

— კაცო, როგორც ვატყობ მართლა გაახურეთ ბიზნესი, — ჩაერთო ახლა სხვა ნაცნობი, — მართლა დალიეთ, კაცო?! მაინც რა გრძნობაა, ჰა, ურჯულოებო?!

— მოტეპო იქნებ, ან მომეავო. დათვის ხორცი მიჭამია, — თქვა ამირანმა მცოდნედ და ხანდაზმულობაში ნაჩუქარი ოთხი წლის ულამაზესი და უმკვიცხლესი ბიჭუნა მკლავზე შეისწორ-შეათამაშა.

— სტაფილოს წვენი ვერ გამოარჩევთ, — ომახიანად დაიძახა ჯავარზე მოსულმა თემომ და მე შემომხედა, ხუთი ხდება, არ წავიდეთ მეორე ჯერზე?!

— წავიდეთ, — თქვა რეზომაც, — ჩვენი სისხლის ხვრებით ვერ გაძდა თემურ-ლენგი, თვალმარგალიტით მოოჭვილ ოქროს მავზოლუეში კი განისვენებს არხეინად, მიღეთის მოცლილი დამთვალეირებელი თავს ევლება, უცხო გნებავთ თუ ჩვენი; არის ერთი პილიგრიობა.

— „იქმნა უკუქცევა სუე-სვიანისა ბედისა ქართველთა ნათესავისა, არღარა მიეცა ძლევა თათართა ზედა ვიდრე უამთამდე ჩვენთა“. — შევამტკიცე საისტორიო ფრაზით რეზოს თქმული.

— დედის სულს გეფიცები, ლომს მოვერევი ისეთ ძალასა ვგრძნობ! — ფიცად შედგა რეზო.

თემო დინჯობს, ფორიაქს არ იმჩნევს. ნაბიჯიც მტკიცე აქვს, გამობედვაც...

* * *

ეზო ხალხით იყო სავსე. როგორც ერთი გვარის ფრინველი გადაფრენისას, ისე ერთი ფერ-ხორცის ხალხი ყივყივებდა საკარმიდამოში. დედა ჩამოსვლოდა გელამას სტუმრად და ქვეყნის ნათესაობა ჩამოეყვანა თან.

— გაიცანით, დედაჩემი გახლავთ, — გელამა ჯერ დედას გვაცნობს, — ეს ჩემი უფროსი ქალიშვილია, ესეც ჩემი ძმაა, პოლოს, ეს ძიაჩემია, აბრამ, ოცი წლის წინ დაბრუნდა სამშობლოში სირიიდან. ესეც მისი მეუღლეა. დანარჩენიც იქაური ჩვენი კარის მეზობლები არიან, დასასვენებლად გვესტუმრნენ, — ჩამოგვატარა და სათითაოდ გაგვაცნო სტუმრები.

გელამას ვთხოვე: „ჩვენ საქმეს ბევრი თვალი და ზედმეტი ყრია-

მული აწყენს, ჩვენ-ჩვენთვის განზე გავიდეთ, ბავშვებიც მოგვარიდე, ნუ ეტყვი რა, როგორ, ვინ ვართ და რა საქმეზე მოვსულვართ-მეთქი". „რას ამბობთ, — მითხრა, — ყველამ ყველაფერი იცის, ალტაცებულები არიან. ერთი სული აქვთ, თქვენი მორჩენის ამბავი გაიგონ!" — მომიგო მასპინძელმა.

გადავხედე და მართლაც ყველას რაღაც განსაკუთრებულადი საზეიმო ელფერი გადავლუბოდა; დიდსაც, პატარასაც, სული შეკვცროდათ მოლოდინში.

— ჩვენს საქმეს არ ავნოს, ბიძასაც თავი შეაკავებინე სერიოსიან განსხვავან ნასუნთქი კაცია, რაც არ უნდა იყოს! ბავშვები მით უმეტეს, არ გაგვაკარო. მხოლოდ ზედაპირულს დინახავენ. რწმენისა მათ არაფერი გაეგებათ ჭერ, აუკრძალე. თუ ხათრი გაქვს! — სერიოზული ულტიმატუმი წავუყენე მეკურდღლეს და მანაც თავის ენაზე იმისთანა კრაწა-კრუწი ააყენა, ისე დაუტატანა ბავშვებს, რომ ახლოს, მოსვლა ველარავენ გაბედა. ბიძაც შორს წავიდა, მაყალს დაუშეგობრდა, ფიჩხის მიმატება და ნათესავებთან ნახარში არჩია ჩვენს შარიან საქმეს. გელამას ძმა. პოლოსა, მიჯრით ტენიდა შამფურებს დაბასტურმებული ხორციით. პამიდორი და ბულგარული წიწაკაც წამოაგეს სანუკვარი ნათესავების ჩამოსვლის საპატივსაცემო საზეიმო სუფრა იშლებოდა საგდე ეზოში, დახუნძლული მსხლის ქვეშ. სომხური თხელი ლავაში წყება-წყებად ელაგა მაგიდებზე. ქალები სალათას ჰკაზმავდნენ ხახვით.

გელამამ ორი კურდღელი გამოსვა გალიიდან, ერთი იქვე მდგარ ძელსკამზე დაასკუპა, მეორე კი წაქცეულ რკინის კასრისაკენ წამოაკონწილა.

სკამზე დასმული კურდღელი იჯდა თავისთვის, წინააღმდეგობის გაწევის ან, გაქცევის არავითარი სურვილი არ ეტყობოდა. იზოლირებული მავთულის დათართული ხვია ეგდო სკამზე, კურდღლის ცხვირწინ. ამ მავთულს დაუწყო კურდღელმა ცმუცვნა, ალბათ ნეკერი ეგონა, ხის ტოტი, ან რაღაც მსგავსი საცმაცუნებელი.

გელამამ პირველი კურდღელი კასრზე წამოაქცია, ფლოსტიდან გამოტუტული შიშველი ფეხით უკანა თათები დაუკავა, კისერი გადაუჭიმა და უბრალო, ნაცნობი სუფრის დანა აიღო ხელში. არავითარი ხმა არ გაუღია ზვარაკს. არა ჰქონდა-რა სათქმელი გალიაში დაბადებულს და გალიაში გაზრდილ ჭრელ ბოცვერს. ცოტაოდენი სისხლი გააჩნდა და ძასაც ჩვენ გვითმობდა.

სამსხვერპლოს მოცილდით და ნელა დავიძარით სახლისაკენ.

— სად უფრო გერჩივნათ ცხოვრება, აბრამ-ძია, სირიაში თუ არმენიაში? — ვეკითხები გელამას ბიძაწოდებულს, სამოცს გადაცილებულ, ტანხმელსა და რიგიანი შესახედაობის კაცს.

— რას ბრძანებ, მეგობარო, რა შედარებაა! ნათესაობისა და სამშობლოს ფასი ქვეყნად არაფერია! — ნარევი რუსულით მომიგო აბრამმა.

ბევრი „სამშობლო“ აქვთ სომხებს, მაგრამ დედა-სამშობლო ერთი გააჩნიათ, სომხეთი და დედამიწის რომელ კუთხეშიაც არ უნდა იყვნენ. მაინც დედას მისტირიან. ენასაც თითქმის შეულახავად ინარჩუნებენ.

ისტორიის ბედუკუღმართობამ არც ჩვენ გვაყარა უკეთესი დღე. ირანსა და თურქეთში არსებული ქართველთა დიდი კოლონიები ნელ-ნელა განიცდიან გულსაკლავ ფერიცვალებას მაგრამ, დიდი საქართველო მათ მაინც არ დავიწყებიათ, ჯერ არ გადაწურვიათ იმედი დედის კალთისა. მათი ცრემლის ნაეური მოაქვს მტკვარს არსიანიდან.

ჩვენი სომეხი ძმები დიდად გაბედულნი და საქმიანი არიან ამ „შემთხვევაში, ცრემლის მიმოქცევის გარდა, ღონესაც არ იშურებენ საკითხის გამოსასწორებლად; თანამემამულეთა ათასები დაიბრუნეს უცხოეთიდან, გაიჯანსაღეს სისხლი, ააღორძინეს მეცნიერების და რაც არანაკლებ მთავარია — ხელოსნობის ათსგვარი დარგი.

ვერ იქნა და მასიურად ვერ ჩაიბუდა ქართველ კაცში, ქართველ ახალგაზრდა კაცში, ხელოსნობის, ხელობის ცოდნის იმ აუცილებელმა, ბუნებრივმა მოწოდებამ, დიდმა სიყვარულმა, რაც ყველა დროში და დღეს განსაკუთრებით აუცილებელი პირობაა ერის გამრავლებისა და წინსვლისათვის. ჩემი თობის ქართველებმაც საკმაოდ ხელბედოვლათად მოაღწია შუახნის ასაკს და ახალგაზრდობაც ჩვენი მსგავსი და ხატი გამოვზარდეთ.

ჩემი თაობის მწერლობაშიც კანტიკუნტად მოიძებნება მწერალი-კაცი, რომელსაც რაიმე მნიშვნელოვანი ნაწარმოები შეექმნას ისეთ ქართველზე, გრდემლსა და უროს შუა რომ დატეტკვია თითები, ოფლით ნაშოვნ ლუქმას რომ ჭამს, ცხრა ხელმარჯვე შვილსაც რომ ზრდის, რომელთაგანაც თითოეულმა, დიპლომიან ფილოლოგსა და ისტორიკოსზე ბევრით ნაკლებად არ იცის მშობლიური ერის ისტორიაც და ლიტერატურაც!..

თუმცა გაჭირვებული რუსულით, მაგრამ, გულისტქმის გამოხატვას მაინც ახერხებს გელამას ბიძა, აბრამი. გელამას დედა, არუსაკა საერთოდ, არა ენის ბაიბურში არ არის, გარდა სომხურისა. ამაყად შიდი-მოდის ჯერ დაუკანონებელ ბალ-ბოსტანში, თავისი შვილის მოწვეულსა და მოვლილს ათვალეირებინებს სომხეთიდან ჩამოყვანილ მეზობლებსა და მთელ თუხუშს: ჰამ ზღვაა, ჰამაც შვილის გარჯაც ვაჩვენო, — წამოუხსამს ეს ამოდენა ხალხი არუსაკას და ჩამოუყვანია. განა დატევაზე უფიქრია, ათი-თხუთმეტი სული ჩამოუყვანია. ბიბინებს ბოსტნეული გელამას დედის თვალეზში, ბაღს ბოლოზე სარწყავი ჩაუდის, სარწყავსა და სამიჯნარ ქარსაცავ-ვერანაში თევზის მცირე სატბორე-საგუბარის მშენებლობა აქვს განზრახული გელამას. გადაწყვეტილებას ელოდებოდა.

თავის მართლების საბუთი ბევრი გვაქვს, ცოდვა უფრო მეტი! უფრო მკაფიოდ გავიმეორებ: ერის ისტორია ყურმოკრულივით იცის ჩვენმა ახალგაზრდობამ, ახალგაზრდობის უმეტესმა ნაწილმა, ასევე ნაკლებად — ლიტერატურა და ლიტერატურის ისტორია, სამშობლოს გეოგრაფია, ეკონომიკა, ბუნება...

ჩვენს ზოგადსაგანმანათლებლო, სავალდებულო სკოლებში მიღებულმა წყალწყალა ცოდნამ, ცოდვა მეტი ქმნა ცოდნაზე. მერე და მერე, ვისაც გული ერჩოდა, ვისაც შერჩა ნიჭი დამოუკიდებელი აზროვნებისა და შესაბამისად დამოუკიდებელი მოქმედებისა, გაიღრმავა აზრი, შეეძლო მიუტევებელი ჩამორჩენის დაძლევა და ცოდვის ასე თუ ისე მონანიება.

რაც შეეხება შრომის გაკვეთილებს, შრომის სწავლებას სკოლაში. ეს კიდევ უფრო მეტ თვალისახვევამდე გახლდათ მისული, პირდაპირ თვალთმაქცობამდე: სადღაც სახელოსნოებში ვუმზადებდით მამები შვილებს ჩაქუჩებს, გაზებს. იარაღს, დეტალებს, რაც შრომის გაკვეთილზე უნდა შეექმნა მოსწავლეს. ვუმზადებდით და მიგვქონდა იმიტომ რომ გამყიდველური. მოლაღატე ნიშანი გამოეტანებინა შრომის მასწავლებელს უშრომელი შეგირდისათვის.

ყველა პატარა ცოდვა ერთი დიდი ცოდვიდან მოგვდევს: სიმართლის, დამოუკიდებელი აზროვნების მალვის ცოდვიდან, სავალდებულო და საუბედურო — შიშის ცოდვიდან!

სამი წლის ვიყავი პირველად რომ ჩამესმა ცხინვალში, ცენტრალური ფოსტის წინ, გაზეთის ჯიხურთან დედაჩემის და მისი მეგობრის აფორიაქებული ჩურჩული: „... ნესტორ ლაკობაც დახვრიტეს, იცი?!“

მაშინდელი შიშის ყინულოვანი ლოდი, თუ, ბოლო დღემდე ხერხემალში მაქვს გახიდული, დნება, დნება მაგრამ ჯერ ვერ გადნა. შინილ ჭავახიშვილი იყო დახვრეტილი, ტიცინანი, სხვები...

ღვინის სმისა და სტუმარმასპინძლობის მამაპაპური თავისუფლება არავის შეუზღუდავს ჩვენში, პირიქით, გვაქეზებდნენ კიდევაც. ლამის ქვევრებად ვიქეციოთ, ვეკითხებოდით გამვლელ-გამომვლელს ჩვენს ხელგაშლილობაზე, ჩვენს გულკეთილობაზე, გემრიელობასა და ერთგულებაზე.

საჯაროობა, დღეს რომ სახელმწიფო საქმედ დაგვევალდა თითოეულ ჩვენგანს, დიდსაც და პატარასაც, უდიდესი მონაპოვარია, ყველაზე ძვირფასი საჩუქრია ჩვენი შეგრილებული აზროვნებისათვის! უცხო ხილივით გაუბედავად გვიპყრია ხელთ და ვერ გადაგვიწყვეტია, შევექცეთ და ხნულში ჩავთესოთ, ვამრავლოთ და ჩვენი ყოველდღიური ცხოვრების მკვიდრად ვაქციოთ.

ახალი აზროვნება და საჯაროობა გახლავთ ჩვენი გრძელვადიანი გაჭირვებიდან თავდახსნის ოქროს გასაღები და მაგრად უნდა ჩავებლაუჭოთ, გვერდით მოვისვათ, დად, ძმად და პირველ მრჩევლად გავიხადოთ. მასთან ხელჩაკიდებულები უნდა შევევბათ გუთანს და გადავხნათ გაყინულ-გაყამირებული ჰექტრები ჩვენი არსებობისა, ჩვენი ურთიერთობისა!

* * *

იმ თაობას ვეკუთვნი, რომელსაც ომში სწორი და მეგობარი არ დაუჟარგავს. მეგობრები ჩვენ ყოფით ორომტრიალში გვყავს დაკარგული: ჯანის გატეხვით, ცხოვრებაზე გულის გატეხვით, ზოგიც ხიფათით.

მეგობართა ცოცხალი ნაწილი თავისეულ ჭაბანს ეწევა. ვის ოჯახი აეწეწა, ალაგებს ნელა გაუთავებლობით. ის სიმხურვალე აღარა აქვს სამეგობრო ურთიერთობაში, რითაც თავი შეგვაყვარა. უღლის გატეხვა — გამართლება ადვილი საქმე არ არის. ძველის ახალზე გადაცვლას ოჯახის ძირფესვიანი ნგრევა-შენება მოსდევს. გამორჩება ასეთ დროს მეგობრისათვის საშენი აგურის მიწოდება, ხელის მომართვა და ძალაუვნებურად, ამოიქარები ახალნაგები ოჯახის სამეგობრო სიიდან...

ზოგ მეგობარსაც სხვაფრივ წართმევია ცხოვრების ილაჯი, და სულის სინატიფე გამოლამებია ნებით თუ უნებლიედ.

მეგობართა ის პირველი ნაწილი, უცაბედმა დელგმამ რომ გადა-
გვილეკა თვალსაწიერიდან, ახლა ფოტოებიდან ან საფლავის ქვები-
დან გვიმზერენ: აღარც პურს ვუყოფთ მათ, აღარც წყალსა და აღარც
ღვინოს.

რომ ეცოცხლათ და იმ გაქანებით წასულიყო მათი საქმე, რის
იძედებსაც იძლეოდნენ, რა ღონეც შესწევდათ, ეგებ უკეთ გამარ-
თულიყო ჩვენი საქმეც. ან, შესაძლოა, ჩვენ გადავლეკილიყავით და
ჩვენ გვეცქირა მათთვის ფოტოებიდან და საფლავის ქვებიდან.

დიდმეგობრობის მატარებელ ჩემს სულიერ მნათობთაგან სამის
შხე ჩემს თვალწინ ჩაესვენა: ორი ზღვაში ჩანელდა, ერთიც ხმელე-
თზე ჩაიფერულა.

მათ კვარცხლბეკზე უდროოდ დაქვრივებული უღლისცალების
თაღი ირხევა, განა ფრიალებს...

ცოცხალმა მეგობარმა თუ ფეხი უკან გადა შენი ტკივილიდან,
რაგინდ სამართლიანი საბუთიც ეპყრას საამისოდ, იგი მხოლოდ
სათადარიგო გამცილებლადღა ივარგებს შენი საბოლოო გაცილების
ჟამს. იქ მას როგორმე ჩაეთვლება. ვეღარც ბერბიჭად დაბერებული
მეგობარი სწევს დიდი მეგობრობის ჭაპანს; თავისთვის ჰყვიის და
შეზობელი ეზოს მამლის პასუხს აღარ ელოდება. ოჯახის გერივით
ბერდება შორიახლოს; ვერც შვილად ვარგობს და ვეღარც ქედუხ-
რელ მეგობრად. რჩება გადაუჭრელი პრობლემის უსიამო სიმბო-
ლოდ...

* * *

ჩრდილოეთიდან სამხრეთ კავკასიაში გადმოყოლილი წამალი
სულაც რომ ჰაქიმბაშური და უსაფუძვლოც გამოდგეს, ერთი რამ
ძაინც ცხადი შეიქმნა: ცხოვრებისაგან დროებით გასხვისებული
გზები ჩვენი მეგობრობისა კვლავ გადაჭვარდინდა ამ შემთხვევის
გამო, ურთიერთრწმენის ახალ, მტკიცე ბურჯებად ჩადუღაბდა ჩვენს
შორის და ყოველდღიურ, მოიტა-მომეცის უთავბოლო მორევს
მტკიცე ხიდად გადაეელო.

ეს შემთხვევა არ გახლდათ თავის ტკივილის აბის, თავატკივე-
ბულ დამსვენებლისათვის გაღებ-გაცემა: „ადელფინის“, არც „სუს-
ტაკის“, არც „ნიტროგლიცერინის“ გადაწოლა. მეგობრობის ახალი
ექსპერიმენტი იყო ეს! უფრო ზუსტად კი, ძველი, ნაცადი ექსპერი-
მენტის განახლება და განმეორება. ჩემთვის ეს იყო დიდი ნდობის

ახალი ეტაპი. დარწმუნებული ვარ, რომ მე მათთვის საკუთარი სისხლის წვეთ-წვეთად გაღებასაც შევძლებ! შემაძლებინოს ბუნების ძალამ ასეთი გაღება, მაგრამ, დაჭირებით კი არც ერთს არ დაგვაჭიროს!..

სწორედ რეზოს გაგრაში წასვლის წინა დღეს, კიკეთის საზაფხულო, მამისეული ბინის ხანძარი აცნობეს თემოს თბილისიდან. ვაეკაცურად შეხვდა გასაჭირს, წუწუნსა და ვაი-ვიშს არ მოჰყოლია. არა და შეილთა და შეილიშვილთა საზაფხულო საფარი ძირფესვიანად დაეწვა, ნატარტუტად ექცა, ისე, რომ ფეხმძიმე ქალიშვილი შემთხვევით გადაურჩა ხიფათს.

ხანძრის მეორე დღეს შეემატა შვილიშვილი თემოს, მეოთხედ გახდა იგი პაპა! თითო-თითო აგურს ამოგიტანთ ბიჭები, შეგეშველებით, — ვაიმედებდი მეგობარს. უხმოდ გვისმენდა მანუგეშებლებს. იცის, რომ ძნელია აგურის ტარება კიკეთის აღმართში, როცა უიმისოდაც აღმართში ხარ, „გიბია წვრილი მოზვრები, იგრიხებიან წელშია“. ველარც ძველი ქედი მოგდევს!..

ყველა ავადმყოფობა ნერვული სისტემის მოშლიდან იწყება, აღმართის წვერიდან მოემართება სატკივარიც, ნატკივარიც, ტკივილიც. ო, როგორ გწყურია, როგორ გაკლია მოფერება ასეთ უამს, მაგრამ, აღარც ის დიდი მომფერებლები გყავს, დედას და მამას რომ ვეძახდით. ან, თუ გყავს აქა-იქა, თვითონ არიან მისაფერებელნი. ზიხარ ქედზე, თოკის ერთი ბოლოთი შვილები ამოგყავს მზიურ აღმართზე, თოკის მეორე ბოლოთი მშობლებს უშვებ დბლა. ჩრდილოვან ქვეყანაში. გისისინებს და გიფითილებს ცივი ქარი. სწორედ ასეთ დროს არის მეგობრის ხელი უებარი!

ძალიან მინდა სიგარეტის მოწვევა! შვიდი ტანჯვის თვე ჯერ წლად ვერ მიქცევია, ლამის წაფწყმდე და ჩავიდო. რომ ჩავიდო, ვილაცას უნდა დავეღრიჯო. ჩემი პაციენტებისა მერიდება, ღრეჯვას რომ თავი დავანებო. ღრეჯვა და განსაკუთრებით კი სიგარეტისათვის. ღრეჯვა ნორმალურ ამბად იქცა, სამარცხვინოდ ამას აღარავინ თვლის. ღრეჯვა — წევისათვის, წევა — ღრეჯისათვის, ხველა, ქუში, ღრჩობა და კიბო თავზარდამცემ აკიდოდ ჰკიდია კაცს კისერზე და აინუნშიაც არ აგდებს თავს, არც სხვას და რაც მთავარია, ამ ხელგაშვერილ მათხოვრობასაც ისე გულიანად შეეჩვია კაცი, რომ ესეც ცხოვრების ნორმად აქცია სავალალოდ!

— ლია, მაპატიე, რა, ერთი სიგარეტი თუ შეიძლება! — შევეხატაურე ჩვენი სახლის სტაჟიან დამსვენებელს. არხეინად გამომიწო-

და სიგარეტის კოლოფი, თან წვეროსან ფოტორეპორტიორს გახედა, მხუილ-მხუილით რომ ფარცხავდა თავისი საოცარი სპინინგით ზღვის სანაპიროს.

მიჭირავს მოკიდებული სიგარეტი და ნელ-ნელა ვსუტავ...

ო, რა მაცდურია ეს ოხერი! სულის მოპატიუესავით ესეც კარებ-წინა დგას ყოველ ცისმარე და თანხმობას ელოდება.

რეზო ჩუმად ზის, შიგადაშიგ გამომხედავს:

— არ გინდა, ბიჭო, მაცდურია! — მეუბნება უბრალოდ, — მეორე მოგიწდება, მესამე, მეოთხე, სულ კინკებივით დაგეხვევა მაცდური სურვილები. თანაც კლინიკაში როგორი ნაბრძოლი გაქვს მაგასთანაც, ცოდო ხარ... ეს ამოდონა ზღვისპირეთი რომ ააქოთქოთე შენი ჩეჩენ-ინგუშური ექსპერიმენტით. კურდღლებში რომ გაგვრიე, ახლა მართლა უხერხულია შენი თავშეუკავებლობა, ძმობას გეფიცები.

— მართალი ბრძანდები. ჩემო რეზო, მართალი! — ვამბობ მძიმედ და მოკიდებულ სიგარეტს ურნაში ვაგდებ...

საგზურის ვადის გასვლის წინა ღამით შეუხსნა ბიჭვინთის ავტონისპექციამ დამსვენებლებს ავტომანქანების ნომრები: ქუჩის გადაღმა, დასასვენებელი სახლის დიდ, საქმიან ეზოში რატომ გეყენათო მანქანები?!

საბაბი ძველია, ისევე როგორც ხერხი, ანუ მეთოდი დასჯისა. მაინცა და მაინც გამოგზავრების წინ უნდა ნახოს დამსვენებელმა მწარე სიზმარი, უეჭველად რომ აუცხადდება მეორე დღით.

შეურაცხყოფილი, ცნობილ-ცნობილ ბიჭები მწყობრ რაზმად შეკრული ჩააკითხავს ბიჭვინთის შინაგან საქმეთა რაზმეულს, საპრეტენზიო ტექსტის გზა-გზა ზუთხვით:

— ბატონო, ქვეყნის ადგილი აქვს დასასვენებელი სახლის ხელმძღვანელობას, სამგზავრო აეროპორტის აშენებაც კი შეიძლება სულ თავისუფლად, რამე რომ იყოს და რაღა მაინცადამაინც ჩვენი ხერხების ახსნით უნდა გადაწყდეს დამსვენებლის სახლებში, საგზურის მიხედვით სრული უფლება გაქვს საკუთარი მანქანის გაჩერებისა. საგანგებო დარაჯიცაა გამოყოფილი ამ საქმისათვის, გარკვეულ მანეთებსაც იხდი წინასწარ, სამაგიეროდ მშვიდად გიდევეს ბალიშზე თავი და ისვენებ.

— ის ჩვენ გვეუბნება, შეუხსენითო, ბატონო... ის! — არის პალუხი პატიებასა და ნომრების დაბრუნებასთან ერთად.

— ვინ „ის“, ბატონო, ვინ?! თორმეტი თვის განმავლობაში კინოკამერით დავეხეტებოთ ქვეყნიდან-ქვეყანაში, მინდორ-მინდორ, ტყე-ტყე. არც ცოლი, არც შვილი, არც ძილი, მხოლოდ ამ ორი კვირის განმავლობაში ვხვდებით წევრები აქ, ბიჭვინთის დასასვენებელი სახლის ტერიტორიაზე და მოგვეციოთ ერთხელ და სამუდამოდ ნება, ასე ვთქვათ, საკუთარ ოჯახთან მშვიდობიანი შეუღლებისა, ბოლოს და ბოლოს, თორემ გიჩივლებთ სადაც ჯერ არს და ნახეთ შერე, რა დღეც დაგადგებათ, აი, ნახავთ! — თან ილიმება ტექსტის ავტორი. სერიოზული გადაკიდება არც ამათი სურს, არც იმათი და არც არავისი, საგზური კვლავ დაგვირდება იქითმერმისს და ჯობია დამშვიდდე და ზედმეტად არავის აწყენინო...

* * *

„შვილნო, გაწყენ თავს და მოგახსენებ: ჩემის ცოდვით ისეთი ხომ არავინ გამოხვედით, რომ მეცნიერება მიგელოთ, მაგრამ ეს ხომ ბუნების წესია: იცოდეთ: სიტყვიერი და დივიზიონით და სიტყვიერს გონებაც უნდა ჰქონდეს და გონებიანს ხომ ეს შეენის, თავის საჩჩო და სასიცოცხლო მოიგონოს და ეცადოს, თორემ მერმე რომ გლახად შესთხოვდეს და ვერც კი შოობდეს, — შიშველი შიშველას სახლეულს შეჰყურებდეს, მშიერი მშიერს შვილებს უყურებდეს, ამის უმწარესი რაღა იქნება?

წიგნი არ ისწავლეთ, წერა და გალობა. სოფელში დაგაყენეთ, არა ჰხანით, არ იმუშავეთ. ქალაქი გიყვარსო, სმა და ჰამა. სანამ ცოცხალი ვარ, ღმერთმან ინებოს, არ მოგაკლოთ. არც შემდგომად, მაგრამ ბოლო არ აქვს ამ თქვენ ცხოვრებას დაგლაზავების მეტი.

სმას ეწყობით და ვენახს არ მუშაობთ, ტანისამოსს ეწყობით და ბატონს არ მოეახლებით, ხარჯი გიყვარსო, გუთანს არ ეწყობით, მუშაობას. ამის დასასრული სიგლაზაქეა. ბრძენი სოლომონ ასე დასწერს:

ყოველმა მეძილემან და მემთვრალემან შეიმოსოს და შიშველ სწორედ თქვენ ხართ. თუ ღმერთი გამოგაბრუნებთ, სასწაული იქნება. ქორონიკონს 473, აგვისტოს 29 ვწერ. (1785 წ.) — იესე ბარათაშვილი, „ცხოვრება-ანდერძი“..

ისევ ისეთი ყივყივით და ნათესაური შრომა-დასვენების ხალისი სუფევდა ჩვენი ნაცნობის თუხუბში მესამე დღის ბოლოსაც.

ამჯერად მე და თემო ვესტუმრეთ. რეზოს საქმე გამოუჩნდა, ადგილობრივმა მეგობარმა ჟურნალისტმა¹ მოაკითხა, გაგრაში წაიყვანა.

განზრახული გვქონდა მესამე მოსვლაზე მადლობაც გვეთქვა გელამასათვის, ანგარიში გაგვესწორებინა და მასპინძლის ხილიც

გვეხილა, ნაწყენი რომ არ დაგვრჩენოდა ჩვენი გაუთავებელი უარით.

თამბაქოს ნედლი ფოთლის კარგა დიდი ზვინი დაეყარა გელამას ეზოში, ხურმის ხის ძირას. კაპრონის გრძელ ძაფებზე აგებდნენ ქალები თამბაქოს ფოთოლს და ასხმულებს დროებით ჰკიდებდნენ ხეთა ტოტებზე, ვიდრე მათ გელამა საკოლმეურნეო, საშრობ ფარულში გადაიტანდა.

ჩვენმა მისვლამ სიმხიარულე შემატა იქაურობას. გელამა მაშინვე გალისაყენ გაგვიძღვა, მესამე ბოცვერი გამოასკუპა და აწყობილი საათის სიზუსტით გაიმეორა პროცედურა.

ქალები სუფრას ასამაგისებდნენ, როცა ჩვენ საქმეს მოვრჩით. სუფრამდე მაყალს გვასტუმრა მასპინძელმა. მწვადის შეწვის განსხვავებული მეთოდის საჩვენებლად. მძა და ბიძაც ეხმარებოდნენ. უბრალო ფიჩხის ალი უკვე ჩანელებულიყო და ოცდაათამდე კბილებამდე ასხმულ შამფურებს აწყობდნენ თათარიან ზედადგარზე. არავითარი საგანგებო მაყალი არ იდგა. მხურვალე წერილი ნაკვერჩხლის სქელი ფენა თარაზოსავით იყო გადატკიცინებული. თითოეული შამფური თანაბარი, სამი თითის დადებით იყო ნაღვერდალს დაცილებული. კარგად დაბასტუმრებული, გაყინული ცხვრის ღორისა და საქონლის ხორცი ისეთ საამო სურნელს გამოსცემდა, ახალ დაკლულზე უკეთესს. კურდღლის ხორციც აეგო მწვადად მასპინძელს.

— უი, ზღარბი! — შევიცხადე და შევდექე: ზღარბი შევნიშნე ორიოდ ნაბიჯის იქით, გარინდებული, ეკლოვან ბურთად შეგორებული საშენი აგურის მცირე წყობაზე. გატკრენილი იყო ხიფათის შოლოდინში თითქოს. მალე გამარკვიეს საქმის ვითარებაში, ანუ იმაში, რომ ხიფათი მომხდარიყო და ზღარბი-ზღარბუნა, გარეგნულად ისევ იმ ზღარბად, მაგრამ, უსულოდ, ეკლის ბუქმად-ლა დაეტოვა შემთხვევას.

— განთიადისას გამოველ ეზოში, — გვიყვება სახლის პატრონი ვალარშაკი, — გელამას ქათმებს რალაც ჩოჩქოლი შეუდგათ. ვიფიქრე, მელა იქნება-თქო და მივეტიე. ზღარბი გამოდგა, ერთმა გამასწრო, ეს დავიჭირე.

— იცით რა გემრიელია ზღარბის ხორცი? უკეთესის და უგემრიელესის წარმოდგენა შეუძლებელია! — ახლა გელამამ განაგრძო ვალარშაკეტის ცოდვის კარაბადინის ფურცვლა, მწვადად მოგართ-

ქვეთ, წამში! — შევიდა ბინაში, მაცივრიდან ზღარბის მომცრო, სატბაკე ვარიისხელა ლეში გამოიღო და აქნა უწყო.

არ შემომყრია, მაგრამ, რეჩხი მიყო გულმა: აქეთ, დაშლილი ორღანრით ლულა-ლულაზე აწყვია მწვადის ათეულები და ცვარად იღვენთება, რა დროს ზღარბის გასინჯვა და პირველყოფილი შიშველი სირბილია!

— ახლავე, ახლავე, თქვენ შემოუსხედით სუფრას! — დატრიალდა გელამა.

ოთხ შამფურზე მწვადად გაწყობილი იაკობ გოგებაშვილის შოთხრობა „დეენილი მეგობარი“ მაყალს მიუფიცხა ჩვენმა ტალკვესა მასპინძელმა .

ყველაზე მეტად გამოაცა ბავშვების საოცარმა გულგრილობამ, როგორც გამოირკვა, მათთვისაც უცხო და პირველი ხილი არ გახლდათ მწვადად მორთმეული ზღარბი.

გასაკვირი არც არის, ზღარბის ხორცი მართლაც რომ გემრიელი გამოდგეს. მშვენნიერ, შემოსულ ხილს მიირთმევს ბალ-ვენახებში, ბალახსა ძოვს, დაჩუჩუნებს თავისთვის ტკბილეულ-ხილიელში და ექვი არ არის, გემრიელი იქნება მისი ხორცი. თითოეულ ნაკერს ქარვისფერი ქონი ეკრა. ზღარბის მაწონი რომ მომიტანოს, ვატყობ, აღარც ის გამიკვირდება. ყველაფერი კარგი და პატიოსანი, ჩემო გელამ და ჩემო თემო. ჩემო ვალარშაკ, მაგრამ, იმას რა ვუყო, რომ ბავშვობიდან, დედის იავნანასთან ერთად შესისხლ-ხორცებული ძაქვს იაკობ გოგებაშვილის „დეენილი მეგობარი“, ბრწყინვალე შოთხრობა ვენახის ერთგული ზღარბის და ბავშვების მეგობრობაზე?! როგორ წარმოვიდგინო ჩვენი ბალ-ვენახების შეუცვლელი მოამაგე, ჩვენი ზღაპრებისა და მოთხრობების მონაწილე, ზღარბი-ზღარბუნა ამ ყოფაში?! ყოფა რა სათქმელია, პირდაპირ ყოფანატირევი! — ვფიქრობ ჩემთვის.

ბალღობაში, ჩვენი ბუძგა, ჩვენი კარებწინა ვენახის დარაჯი და ერთგული სანიტარი, გაბუტული მეგონა, რაკილა ახლოს არ მოდიოდა და ხელით მინართმევ ძღვენს არ კადრულობდა. „რომ დაუყუყავო და ხელი გადავუსვა, ეგებ შემომირიგდეს“, — ვფიქრობდი მიამიტად, და დაედევდი ხან მტევნით, ხანაც კალოს მსხალით. დარწმუნებული ვიყავ. რომ აღრე თუ გვიან, მაინც გამცემდა ხმას ჩვენი საპირიწამლე ვენახის მეგობარი. დავდიოდი და ყოველდღე ველოდი მის ფაჩუნს.

— დილეჩანში მიჭამია, სომეხ მეგობრებთან, უგემრიელესია

ზღარბის მწვადი; დელიკატესად ითვლება, — სერიოზულად განაცხადა თემომ.

— შეხეთ, რა ცოცხალივით დევს ქურჩი აგურზე! — იძახის ჩემი ფრთხალი მემკვიდრე და ზღარბის ცრუ გორგალს მოლზე ჰფენს ჯოხის მეშვეობით.

— თავი გაუტყავებელი დაუტოვია სალახს, ცოცხალი იმიტომ გეჩვენება, — აღელვებას არ ვიმჩნევ.

— წავალ და მალე მოგაკითხავთ, — წასვლის ნებართვა მთხოვა ვაჟმა...

— ლოგინის წინ, ფეხთით გასაფენად გაპოიყენებთ ალბათ, ცოდვის მოსანანიებლად, — ვეხუმრები ზღარბზე მონადირეებს.

— ნუ შეაშფოთე ხალხი შენი ქოთქოთით. მოხვედი — დაიხურე ზღარბის ქუდი, — ნახევრად სერიოზულად, ნახევრად ხუმრობით შარიგებს თემო, — კურდღელიც ცოდვა იყო, გასუსული რომ იჭდა გალიის წინ, ბალახის მოლოდინში. შენ ატეხე, ძმავ, ყველაფერი!

— კურდღელმა გაქცევა მაინც იცის...

— გაქცევა არა!... რომელი ერთმა მოიცვალა ფეხი?! — არ მეხსნება თემო, — რომ აიხირე წამალიაო, მეც დამიჯერე რომ მართლა გემრიელია ზღარბის მწვადი და მიირთვი.

სარაჩიშვილის მიქსტურა ამოვიღე შესაცოდებლად, გულის მოსამაგრებლად, დავისხი და გადავკარი.

— მე, ჩემო მერაბ, არც ჩეჩენს ვიცნობ, არც ინგუშსა და არც იმ შენს გარებიძაშვილს. გვითხარ — შევასრულეთ შენი სიტყვა. ახლა ჩემიც შეისმინე: მიიღე ზღარბის ხორცი, არ მაწყენინო: რა იცი, როგორ აგველესოს ფხა; ზღარბის ეკალი შუბებად და ისრებად აგვესხას ტანზე. შენი წიგნის საავტორო-სადაო სასამართლოზე ზღარბის დიდი ქურჩით რომ ჩასულიყავი, შეშინდებოდნენ ან გაერთობოდნენ, გაიცინებდნენ, მოლბებოდნენ და ლურჯას შენ გარგულებდნენ.

— ურიგო სტუმრის სავარძელზე უნდა გადავქიმოთ ზღარბის ქურჩი, დაჯდომა და წამოხტომა რომ ერთი იყოს, — მიღიმის გელამა და ზღარბის სურნელოვან მწვადს შამფურიდან თეფშზე მიცლის.

— ამისი მარიფათი მისცა ჩემს ვაჟს! — მოტეხილი ხმით ვაცხადებ და მაცდურ ლუკმას უხილავად ვთავაზობ მაგიდის ქვეშ მოკრუტუნე ციცაურს.

— ეს, ძმაო, მიწათმოქმედი ოჯახია. ნახე, რა დაბერილი ხელმკლავი აქვთ ქალებსაც, მამაკაცებსაც. შენი ბიჭი კი პაემანზე გაიქცა

ამასობაში, ზღარბის მიზეზ-მიზეზ. თანაც, რეჟისორია, ხელოვანი, რატომ ადარებ? — გულს მიკეთებს თემო და არ იმჩნევს, კატას რომ ვთავაზობ მწვადის ნაჭრებს.

„ზღარბ-ზღურბ, ზღარბ-ზღურბ“, — მადის აღმძვრელ ხმებს გამოსცემს გელამა.

— როგორ, კაცო, ერთად ერთი წლითაა ეს ჩემს ვაჟზე უფროსი, ზღარბსაც ატყავებს, ცოლშვილითაც დახუნძლულია, თამბაქო მოჰყავს და არ ეწევა. ჩემი ბედოვლათი კოლოფნახევარს ათავებს დღეში; შაური შემოაქვს, მანეთს ხარჯავს.

— შენსას მეტი აქვს თავსაცემი და თავსატეხი, მაგ შენს მიწიერ საწურავში ნულარ ატარებ წამდაუწუმ, კარგი! — თემო თავისას გაიძახის.

ამასობაში ჩვენმა მეგობარმა ოპერატორმა შურამ მოგვცებნა. მასპინძლებს გავაცანი. მალე აითვისა გარემო მისმა გამოცდილმა თვალმა და კარგი თბილისური უბნური გაუბა სომხურ ენაზე მასპინძლებს. გაიხარეს, იცოცხლეთ, ცას დაეწივნენ!

— რა სცენარი გამოვა, მერაბ! — იცინის შურა, — თქვენვე ითამაშებთ. მსახიობის ძებნა არაა საჭირო. ჯერ მოთხრობა, მერე სცენარი. უნდა დაიჯონჯლო, იმდენი უნდა წერო პიესები, სცენარები, შოთხრობები მეგობრობაზე, სიყვარულზე, შრომაზე. წერე სირბილ-სირბილ, დგომა არ შეიძლება. მწერლის თვალი და ყური დღეს ისეა საჭირო, როგორც არასოდეს. წერე მიწაზე, ძალიან რომ გვიყვარს, წერე, თორემ გამოგეცლება ფეხქვეშ და ზღარბის ქურქს დაინახავ შენს ნადგომზე.

— ვწერ, ძმაო, ლუკმა შემარგე...

— არა, ლუკმა არ უნდა შეირგო, შენ თვითონ მაგას ქადაგებ. გამწარებულმა უნდა წერო, სირბილ-სირბილ. მამულის კუთხე-კუნძული არ უნდა დაგრჩეს ხმის გაუცემელი.

— პირველი მოღალატეები კინოს ხალხი ხართ. სანამ გიჭირდათ, პარიჟა, მოდით, მხარში ამოგვიდექითო. ახლა ყველამ ერთად დაიჭირეთ ხელში. მწერალთან სანახევრო თანამშრომლობაც აღარა სურს დღეს ძალიან ბევრ რეჟისორს, პროფესიონალური გუმანი გაქვთ, ჩვენ ვეღარ მოგყვებით. მწერლის ბედაურს, საკუთარ თიხის კვიცს ამჯობინებს კინო-რეჟისორი. საათნახევრის განმავლობაში მოიყვანს შოძრაობაში თიხის კვიცს, ჩაბერავს სულს, ვიდრე კინოაუქციონი არ დამთავრდება, აჩაქჩაქებს ეკრანზე, ბოლოს, დაიხურავს ბედუინის ქულს და ჩაუვლის მწერალს არაბული ლილინით...

დავრბივარ. გინდა თუ არ გინდა, უნდა ირბინო. ყოველთვის არ ემთხვევა სურვილი მოვალეობას. საშინელებაა სირბილი, როცა არ გინდა. გირჩევნია აყეფდე, აძალდე, ოღონდ არ ირბინო. საკუთარი თავის მიზეზით რომ დარბიხარ, მწარეა და აუტანელი, თორემ, თუ ვინმე მოგდევს და ამის გამო მითოხარიკობ შენი შეძლების უმაღლესობით, კიდევ არა უშავს რა, აიტან...

აირტონი რომ ტყეში დაშლივინებდა, საკვებს დასდევდა, გარეული ირმის მწვადით სურდა ყელის ჩაკოკლოზინება, ან გარეული ტახის შეხრამუნება ეწადა და მისდევდა საკბილოს, ეწეოდა, კლავდა, ყვლეფდა, ხარშავდა, ატყავებდა, წვავდა და ჭამდა, ან მარილწყალში ალბობდა, ბეგვავდა, ახმობდა და კორად გამოყავდა, ტყავს ტყავად იცმევდა და იყო გემრიელად. ქალი და ცივილიზაციის მადლი თუ აკლდა, თავისი ბრალი გახლდათ, დამნაშავე-სამართლის მახვილს გაურბოდა.

მომხდურს თუ ველარ უმკლავდებოდა ქართველი და მთაში გარბოდა, მიუვალ ციხე-კოშკებში მალავდა ჯალაბსა და სარჩოს, გამართლება ჰქონდა მის სირბილს. მაგრამ, როცა არც არავინ მოგდევს, არც არავის მისდევ და მაინც დარბიხარ, რითი გინდა გაიმართლო თავი? ნივთიერებათა ცვლის მოშლა, მისი გამომწვევი მიზეზი, ჯერ-ჯერობით ბოლომდე მეცნიერთათვისაც კი ამოუხსნელი თავსატეხია. აქედან გამომდინარე მათი რჩევა: „მოიკელ და ირბინეს“ ძირითადი ფორმულით განისაზღვრება. ჩემი მიკვლეული ფორმულა, „მოიკელ და სდიე შენი ფანტაზიის ნაყოფს“, უფრო საიმედო და ენერგიის მომნიჭებელია. ამ ფორმულით რბენის დროს იმედის, სიამის ძალა იმდენად დიდია, რომ ნიავევით მიჰქრბიხარ, არ ეპუები არავითარ გარემოებას. არავითარ დაბრკოლებას. ბრალი იმისი, ვისაც წარმოსახვის უნარი დაბადებიდან არ დაჰყვა!

არიან შეჩვენებულებიც, რომლებსაც ბეწვის ღერიც არა აქვთ სხეულზე ზედმეტი და მაინც საათობით დარბიან. ეს საკვირველი ხალხი მართონელები ბრძანდებიან. მათ თავიანთი კლუბები, მცნებები და კლანურ-ერთობლივი აზროვნება აქვთ. ერთი ასეთი მართონელი ყოველ შაბათ-კვირა ორ წრეს აკეთებს ალმა-ათის გარშემო, სამოც კილომეტრს დარბის. წიგნში, სადაც ეს ამბავი ამოვიკითხე, არავითარი ცნობა არ იყო ამ მორბენლის წარმოსახვითი

პერსონაჟის შესახებ. უფრო საკვირველი მორბენლებიც აღმოვაჩინე კოთხვა-კოთხვით: 24 საათში სამასამდე კილომეტრს გარბის.

რაცღა ერთადერთი ხსნა სირბილი და შიმშილია, უნდა ირბინო და იშიმშილო!..

შინაც, ქუჩაშიც, კლინიკაშიაც ყველა სარტყელზე შემოგყურებს, ყველა გიმოწმებს ჭანმრთელობას. კაცი იფიქრებს, ქვეყანა-ხალხის ბედნიერება შენს ანაბარად, შენი ჭანმრთელობის ბეწვზეაო დაკიდებულნი. ოჯახი კიდევ მესმის, პირდაპირი არხითაა შენზე მოგდებულნი: მოიკლებ, ოჯახს მოემატება, წლის ბოლოს ერთი საუკეთესო საქურქე ქისა აივსება. დაკვირვებული ვარ, როცა სირბილზე და მრავალთვიან დიეტაზე გადავდივარ, ოჯახს აღარც პური ჭირდება, აღარც ყველი, აღარც ხორცი, აღარც თაფლი, აღარაფერი! ერთი და ერთი უნდა გაბედო. გადახვიდე ოცდაოთხსაათიან სირბილზე, აიყოლიო ოჯახიც და პირდაპირ შემსალაროს ანგარიშზე რიცხო და რიცხო დანაზოგი.

ზემთ მოგახსენეთ არიან ბედნიერი ცვლამოშლილებიც, არაფერი რომ არ ეტყობათ ზედმეტისა. ცალმხრივია მათი ბედნიერებაც, მაგრამ მაინც... სუფრაზე კაცი მინახავს ძვალი, ტყავი, ცარიელი თვალები და პირია. იტყვი, სული რაში უდგიაო უბედურს. ამუშავდება და გადაპარსავს ხეავრიელ სუფრას, როგორც დუქარდი ცხვრის ტყავს, ერთ ღერ ოხრახუშსაც არ დაგიტოვს კვალზე. ერთს ვიცნობდი: შვიდი თონისპური, ერთი თოფრა პამიდორი, ჯამი ხახვი, სამი ბუჩქი შსხმოიარე წიწკა, კიტრი — ორი ბუნდა, ოხშივარში გახვეული საქონლის ბეჭიდან ორთქლი-ლა დაუტოვებია. საქმარისი იყო ამ ნამუსრალისათვის ერთი დოქი, გნებავთ წყალი, გნებავთ წყალ-ღვინო და გნებავთ სუფთა ღვინო დაეყოლებინა, ისევ თავიდან იწყებდა იგივე რაოდენობის პროდუქტის განადგურებას. გავიდოდა ბოლოში, დააყოლებდა ლიტრა წყალს და კვლავ თავიდან ჩამოივლიდა. ქამარს ნაჩხვრეტით არ გადასწევდა: ამისთანებზე გახლავთ ნათქვამი, ამათი კაკალიც არა ჩხრიალებსო.

ასეა თუ ისე, როცა სხვა გზა არა გაქვს და სხვა გამოსავალი, უნდა მოიკლო და ირბინო. ტანჯვის მრავალი მწარე დღე-ღამე გამიტარებია სამკურნალო კლინიკის საკანივით ცივ ოთახში, დაუვიწყარი დღეები და ჭვარცმის ღამეები მითენ-მიღამებია: წევხარ კალორიებგამოცლილი, გეჩვენება, თითქოს აისბერგიაო საავადმყოფოს კედლად მოყუდებული და წუთი-წუთზე თეთრი დათვი შემოგიღებს პალატის კარს. თანაც გამხდარი და გაძვალტყავებული დათვი, კი

არა, ქონში გახვეული თეთრი დათვი შემოვა თამთამით, ქონის ქათ-
ქათა მორევში ცურვით. გეჩვენება, თითქოს საკუთარი ქონის მორ-
ევში მკლაურს უსვამდეს და შენსკენ მოიწევდეს. ამ დროს გცივა,
ტყავგამძვრალი კურდღელივით ცაცხაეცხ. ბოლოს მოჩვენება ქრე-
ბა. საათი ღამის პირველს გადაცდა. ძილი არ გეკარება, კითხვაცა
გლლის, აზრი ტვინში არ გიჩერდება, იპარება, როგორც მოჩვენე-
ბა — ქიატში. წონაში სენსაციურად ხარ დაკლებული. სიმსუბუქემ
ისე შეგარყია, რომ შენი დაკარგული წონის ნაწილს, შენს ორეულს
დაეძებ. სამკურნალო კვების განყოფილების კედლის გაზეთშიც
გამოგაცხადეს, ორი ფოტოსურათი გამოაქრეს: დაკლებამდელი და
დანაკლები. ერთი მერვანია, მეორე — მერვანზე გამარჯვებული.
მერვან ძე მოჰამედისა, ქართულ საისტორიო ლიტერატურაში მურ-
ვან ყრუდ წოდებული თავისი უჩვეულო სისასტიკის გამო. ასეთი
სასტიკი მტერი ჰყავს ყველა ცვლამოშლილს და მართლაც რომ სამ-
კვდრო-სასიცოცხლო ბრძოლა გმართებს კაცს მთელი შენი სიცო-
ცხლის განმავლობაში.

მისხლის მოკლებაც აღარაა საჭირო, წინააღმდეგია ექიმ-ბატონი,
„საფრთხეში იგდებ თავსო“. წინააღმდეგი კია. მაგრამ, აღარ გასვე-
ნებს შენი ახალი მდგომარეობა, ეს ორეული იმ ორეულს აღარ ას-
ვენებს, უმძიმესი გამოცდის ჟამს რომ გამოგეყო საკუთარი სხეუ-
ლიდან და ამხანაგად, მოდავედ და მოკამათედ აგედევნა: ხან წყლის
გუბიდან ამოგხედავს იგი, ხანაც ვიტრინის ფართე მინიდან გადმოძვ-
რება და აგედვენება. სიმსუბუქემ და სილაღემ მიგატოვებინა საა-
ვადმყოფოს ეზო, რაკილა გემკრო შეზღუდული წრე, მიატოვე და
ხალხმკრავალ ქუჩაში გამოიქეცი. გინდა შენი სიახლე და გამარჯვება
აჩვენო და ახარო მათ, ვისაც დიდი ხნის განმავლობაში არ შეხვედ-
რიხარ. დედაქალაქის ერთერთი ფართო ქუჩის ტროტუარი ბუზღუ-
ნით გითმობს ვიწრო სატერფულს. „რალა დროს შენი სირბი-
ლიაო!“ — გესმის ლანჩების ტაკა-ტუკს შორის გახურებული, ტვინ-
გამდნარი ასფალტის უემური ყივივი: „ეი, ბრანძ-ბოი!“ „აუ, ბი-
კილა-ადის ამება!“ „ვერ დაეწევი საცოდავო, ვერ!“ „ვერ გაექევი,
სიმონ, ტყუილია!“

ტროტუარი გადაჩვეულია შენს ტერფს. სხვას ჩაუდგამს ფეხი,
დგას და წინსვლის საშუალებას გისპობს...

ცოტათი მოვლბი ამასობაში, დავმშვიდდი და სპორტული სარეკ-
ლამო აფიშის ტექსტი შევადგინე: „არ დაუჯეროთ უქმ ჩურჩულს,
ტროტუარის უჭკეუო ბუზღუნს, ძმებო, მერწმუნეთ, საერთო ცვლა-

მოშლილთა კლინიკებში ნატანჯს და გაიქეციოთ სპორტული მოდნე-ბისაყენ, სარბენი ბილიკებისაყენ! მიაკითხეთ ცივ-ცივ მდინარეებს, ლელებს, ნაკადულებს. მცირე საუზმე გაიყოლიეთ თან, თუ მაინცა და მაინც არ მოგიშლიათ. ზღვა პურ-მარილის გარეშე ჩაუყვევით მწვანით შემოსილ ნაპირებს, ჰკითხეთ ნაკადულს მშობელი ბუნების გასაჭირო. ბუნებაც განიცდის კაცის სატკივარს, მისი უტყვი ბინადარნიც, ნაწილობრივ იქაც მოშლილია ნივთიერებათა ცვლის პროცესი მკავამომატებული წვიმებისა და სხვა უკეთურობისაგან. რაც მთავარია გახსოვდეთ: ნახევარს მიუახლოვდა წონადარღვეულთა რიცხვი! ბევრ ახალგაზრდა შეუღლებულს სამკითხაოდ აქვს საქმე. „შვილს რატომ არ გვაძლევსო ღმერთი?“ გაჭირებულთა ამ რიცხვს იმათ ნაწილსაც თუ მივუმატებთ, ნარკოტიკებით რომ ძლებს, თრიაქის ბოლიდან რომ გასცქერის სამყაროს, უაზროდ გამოლამებული თვალებით, მთლად სავალალო სურათი შეგვექმნება!

ჩვენი გამრავლების შანსი უფრო შემცირდება, მუსიკალური სირენებით მოჭყვიტინე, შეზარბოშებულ ავტო-მოძალადეთა კისრისტეხვასაც თუ გავითვალისწინებთ და საერთო საკლებს მათ რიცხვსაც გამოვავლებთ!..

ფეხბურთის წაგებული მატჩიც რამდენს ინაცვალეებს; ზოგს სტადიონზე, ზოგსაც გზაში, ზოგს ტელეეკრანთან: რა გვეშველება, გუნდი როდის დადგება ფეხზე...

სახელმწიფო კანონის და ცხოვრების ნორმების სხვადასხვა სახის დამრღვევთა რიცხვმა ბოლოყამს სავალდებულო სამსახურივით იმატა. ვეღარც ამ რკინეულის ნაკრძალსიქიდან გამოჭყეტილი თვალი გაუჩინს მამულს შვილს, ვერ მოგვეცემს ნამატს...

ეს ფიქრები სირბილ-სირბილ, ლუკმისა და წონის კლებითაა დაბადებული. სასტიკმა რეჟიმმა, წონის სწრაფმა დაკლებამ და გაუთავებელმა სავალდებულო ძუნძულმა ტვინის ისეთი განათება-გაშუქება იცის, ნამდვილი კაცი ხდები, ადამიანი, სიწმინდის გზა-გზა მოლადდე! შენი ჰკუთვანათებული აზრი ყველა გამგელ-გამომგელს როდი მოწონს; ფეხს დაგიდებს ზოგი, ცხვირით გაგახოხიალებს. წაშოდგები მაინც და გარბიხარ ჭეშმარიტების ახალი ალტკინებით..

მეორეა ჩასაფრებული, მესამე: ხერხიც ნაცადი და ძველი აქვთ.
„შუა რიგში იჩაქჩაქე, ნაკლები იქოთქოთე, თორემ მოვიდაო ქოთი!“

ბოლოს და ბოლოს დაყაბულდები, დღეგამოშვებითლა დარბიხარ,
შუა რიგში გადადიხარ. ერთი და ერთი თუ დაგათმობინეს, მერე
თვითონ იციან, ქეიფსა და სმა-ჭამაზე გადაგიყვანენ, ყვინთავ დაბლა
და დაბლა. ასში — ასისთანა ხდები, ათასში — ათასის მსგავსი. კვი-
რაში ერთხელაც აღარ გამოდიხარ სარბენ ბილიკებზე, ბოლოს სუ-
ლაც შეეშვები ზედმეტ ლაპარაკს და სირბილს...

ეგრეთწოდებული, იაპონური სიარული ჯობია სირბილს. არაუმ-
ცირეს ას ორმოც ნაბიჯს გადადგამ წუთში, ას ოთხმოცი ნაბიჯი
შთლად უკეთესია! ას ორმოცი ნაბიჯი გაგიჭირდება პირველ ხანებში.
ოთხმოცდაათიდან დაიწყე; ასი, ას ათი, ას ოცი, ას ოცდაათი, ას
ორმოცი, ას ორმოცდაათი, უმატებ თანდათან; ათ დღეში ერთხელ
გადადიხარ ახალ მიჯნაზე. საათში სულ თავისუფლად გალევ რვა
კილომეტრს. მითოხარიკობ, მიგოგმანებ მღვდლიანთ იორღასავით;
მღვდელიც შენა ხარ, ცხენიც და მრევლიც. არც ტვინი გილყდება
გადასარევი ჭენებითა და სხვათა დარიგებით, მშვენიერად აღიქვამ
გარემოს, არც მორბენალს ჰგავხარ, არც ცხენს, არც ქადაგს. გაცვია
ჩვეულებრივი, საყოველღიო სამოსი, ოდნავ რბილი ფეხსაცმელი
და მიდიხარ ხალხის ზღვაში. ჩხედები მარცხნივ, მარჯვნივ, თვალს
რომ არა გამოეპაროს საშოვნო. ისე გაივლი ნახევარქალაქს, მამიდა-
საც ნახავ, თუ გემამიდება და ცხენსაც ვახედნი: კარგ საწერ-კალამს
შოჰკრავ თვალს, საბუკლი მანქანის ლენტს წააწყდები, დეფიციტუ-
რია და ათ კოქს ყიდულობ ერთბაშად. ქვრივის ლეჩაქისფერ გადა-
საღებ შავ ქალღლდსაც დაიილლიავებ, ფრანგულ — დედალს. ამოი-
დებ ელეგანტურად და კურკურ, მიდიხარ ჩქაროსნული ნაბიჯით.
ზეითუნის ზეთი რიგდება! ერთ კოლოფ ზეთსაც ჩაიდებ ჩანთაში და
ფიქრობ: შესანიშნავი შინაურული წამლის დამზადება შეიძლება ამ
ზეთზე, ეს არის ძირითადი შემადგენელი იბნ-სინაღან დღემდე. რე-
ცეპტიანი ვინმე უნდა შეირთო ან შვილს გაურიგო, იშვიათი ხალხუ-
რი მალამოს მცოდნე. დაგეხვევა ხალხი, აშენდები! მოთხრობასაც
დაწერ ხილად, შიგადაშიგ. რიგი და ლიჭინი აღარ დაგჭირდება მორ-
ბენალ კოლეგებთან.

კაცს გაუკვირდება, ამდენ ნასყიდობას როგორღა ერევიო. ორეული ტყვილა კი არ დაგდევს! რომ მოიკელი, კი არ გადაიყარა ის წონა, ცალკე დამკვიდრდა, ნაწილობრივ დამოუკიდებელ ერთეულ პიროვნებად ჩამოყალიბდა. ორი კაცის, ზოგი ცვლამოშლილი კი სამი და ოთხი საშუალო წონის კაცის მატარებელია. მთელი პატარა რაზმი დაგდევს შენი წონის ნახევრებისა. ერთს ჰკიდებ ტვირთს, მეორეს — ჯავრს, მესამეს — ღიმილს, მეოთხეს — საგზაო ფათერაკს, ან სხვა რამეს, რაცა გნებავს. მთავარია, რომ მზიდავი გყავს და იმედინად მიიჩქარი. მოგეშველება მაინც. რამე რომ იყოს, შენი სისხლი და ხორცია, ვინმე შარისთავს თუ მარტოხელი და ეული ეგონე, შეუტევს შენთან ერთად და გააფრთხობს...

ქუჩის მიეთ-მოეთსაც რომ თავი დავანებო, ოთხი და ხუთი შენი ნაწილი და თანამზრახველი ისე გკვირდება დღეს მწერალს სამწერლო თუ ყოფითი საკითხების მოსაგვარებლად, როგორც წყალი, ჰაერი და პური.

ყველა ეს საარსებო-შემოქმედებითი პრობლემა სიჩუმეში განისვენებს, არავის არ უნდა საკითხის სერიოზული დასმა და გადაჭრა. პროფესიონალ შემოქმედს არაპროფესიონალი თავისუფლად ერევა სიმრავლით და ამარცხებს. არაპროფესიონალი ისე მომრავლდა, რომ რაოდენობრიობა რაღაც საშუალო მოთმინებით ხარისხში ავიდა და ძალაუფლება მოიპოვა. დავიდარაბაში მოქცეული პროფესიონალი მწერალი კი თანდათან ჰკარგავს პროფესიონალიზმსაც, გავლენასაც, რაკი მას არ გააჩნია საკუთარი ადმინისტრაციის შენობა, საკუთარი საწარმო, დაწესებულება, სადაც იგი, გარდა იმისა რომ სხვებზე ზემოქმედებს, თავისი ნაფიქრალის, ნაღაწის რეალიზებასაც მოახდენს, ნებისმიერი ტირაჟით, უთვალავ ქვეყანაში, ყველა ენაზე.

„ირბინეთ, ირბინეთ და გაჯანმრთელდებით!“ — გაკრულია ცვლამოშლილთა სამკურნალო კლინიკებში.

ირბინე, ძმაო, ირბინე!..

ერთხელ, ბიჭვინთის ლიტერატორთა შემოქმედებით სახლში ეგებრძოდი დასვენებას. ოცდაოთხი დღის განმავლობაში ფეხი არ შემიდგამს სასადილოში, წყალზე და ბაზრის ხილ-ხაბახუბაზე გადავდიოდი სირბილ-სირბილ. დასასვენებელი სახლის გამგესთან შეხ-

ლის გამო გაჯიუტებული. ძეხორციელს არ უკითხავს ადმინისტრატორთაგან, თავს რითი ირჩენ, ხომ არაფერი გემართებაო საშიში. საქმეში ხართ?! ღამეს ვათევდი, ეგ იყო და ეგ. ასეთი ყოფით გავლიე წულაც და საგზურიც.

წასვლის წინა დილას უნგრეთის მწერალთა კავშირის თავმჯდომარე გამოგვეცნაურა თარჯიმანის საშუალებით. სამშობლოში ბრუნდებოდა. ალაცაფამდე მივაცილეთ. ექვს-შვიდ კაცამდე ვიყავით: ორი მწერალი-დრამატურგი, რამდენიმე პოეტი და ორიც თანამდებობის პირი, კრიტიკოსი-ლიტერატორი.

— კარგი პიესა გავცვალოთ დადგმის გარანტიით. თქვენ ქართული მოგვაწოდეთ, ჩვენ უნგრულს გაახლებთ, — შემოგვთავაზა რიგიახ-პირიანად ჩვენმა უნგრელმა კოლეგამ დამშვიდობებისას.

— რას ბრძანებთ, სად გაგვანია კარგი პიესა, წყალ-ღვინო დრამატურგია გვაქვს! — უმალ ორხმად მიუგო ჩვენმა ორმა კრიტიკოსმა. სიტყვის გაფიქრებაც არ დაგვაცადეს, თქმას ვილა ჩივის. ისეთი ხმელი ჩალის კლერტი გამოგვაკლეს მფარველებმა ამ უცხო ადამიანის თვალწინ, თითქოს დრამატურგები კი არა, ყვერულები ვყოფილიყავით, საჭურისების უყვიარ ფორუმზე.

ამ ორთაგან არც ერთი არ გახლდათ თეატრმცოდნე. სამაგიეროდ, ბატონობითი სახელი და თანამდებობა არც ერთ მათგანს არ აკლდა...

„ირბინეთ, ირბინეთ და გაჯანმრთელდებით!“..

გონიერმა მალემსრბოლმა სპორტულ-საქმიანი სვლა პიკის საათს არ უნდა დაამთხვიოს: ქვეითით გადატვირთულ ტროტუარს შეაწუხებ შენი უადგილო სხარტული მოძრაობით, ავტომანქანათა მონაბოლქვიც შეგალონებს და თავბედს გაწყველინებს. თუ უნებლიედ მოჰყვევი პიკში, სუნთქვის განსაკუთრებული ტექნიკით უნდა ისარგებლო, ხამუშ-ხამუშ უნდა ისუნთქო, იოგურად. მანქანა რომ ჩაისუნთქავს — შენც მაშინ უნდა მოასწრო შესუნთქვა, შავი ფთილა რომ არ ჩაგეფინოს დიაფრაგმაში. თუ მანქანათა უწყვეტი ქარავანი მოგდევს ტროტუარის გასწვრივ, თანაც თუ არეულად სუნთქავენ, და ჩასუნთქვის მომენტს ვერ პოულობ, დილანდელი, იოგური ჩანასუნთქი უნდა იკმარო.

განსაკუთრებით აღმართში გმართებს ასეთ ღროს დიდი გულისყურის გამოჩენა, ავტობუსის გაჩერებასთან „იკაროსი“ რომ ჩართავს შავ ყალიონს, თამბაქოს საფირმო მალაზიასთან, შავ ჩოხას

ჩავაცმევს და „შავო მერცხალოს“ გამღერებს ფილარმონიის „მუ-
ზამდე“. მერე, რაკი გაივაცებს, წიგნის მალაზია „ჩირალდანთან“
შეებას იგრძნობთ შენცა და ისიც.

ზემოხსენებული სწრაფი ნაბიჯით სიარული, გაუთავებელი
სადღეგრძელოებით თუ არ გადალლი პატიოსან გვამს, წლის ბოლო-
სათვის ოც კილოგრამამდე ქარბ წონას მოგაკლებინებს. თუ მეორე
წელსაც უმუდმებ, ხათხა-იოგა შეჩვენდება და შენ აღზევდები მის
ნაცვლად.

გერმაზე უმჩატესი და უბრწყინვალესი ზრახვები აგიციმციმებს
თვალს და ერთიანად დაგეუფლება სრული ჰარმონია.

უმოდრაობა და უქანგბადობა კლავს ზოოპარკის სპილოს და არა
სამშობლოს ნადველი...

— ნარკოტიკებს რომ ვუკრძალავთ ნარკომანს მეტი არგუმენ-
ტია საჭირო, რას ვაძლევთ სამაგიეროს? — ყური მოვკარი ქუჩაში
ნათქვამს.

— ჯანმრთელობას, პირველ რიგში, — მივუგე სირბილ-სირბილ,
— დანარჩენზეც გაახილონ თვალი, საქართველო მარტო ქაღალ-
დის რუკაზე არ გახლავთ აღნიშნული და მოხსენებული, ამ ნახაზის
ქვეშ შესაბამისი ტერიტორიაცაა დატანებული მიწის, წყლის, ტყის,
გზებისა და ათასი სხვა სახით. და ბოლოს, თვითონ ის რას ჰპირდება
სამშობლოს, რითი უნდა რომ გააბედნიეროს?

დედაქალაქის უფიქრო, ხელცარიელ ტკეპნას ახალგაზრდა კაცმა
პასუხი უნდა გასცეს მოძრაობით, გადაადგილებით. სასურველი საქ-
მის, სასურველი სოფლის პოვნას შეძლებს მოწყურებული კაცი,
თავის თავს ხელმეორედ აღმოაჩენს, თუ გამრჯე და ნიჭიე-
რია, გაფურჩქნის თავის შესაძლებლობებს: თუ ხელოვანია
ასახავს, მიწას მონატრებული და მიწის მოყვარე კაცი თუა,
მიწას მიეფერება, აყვავებს, ქალაქისაყენ მაკტერალ სოფლის ახალ-
გაზრდობასაც დააფიქრებს, კიდევ ერთხელ გადაავლებინებს თვალს
მისი ნაბიჯი, დანარჩენებს, უსაფუძვლოდ გამეტებულს და გულაყ-
რილ სახლ-კარზე, ტყეზე, ველზე, მთასა, მდინარეზე, ნაცნობ-მეგობ-
რებზე. ინტენსიურ მეურნეობაზე, ახალ ძალებს მოაკრებინებს.

რამდენჯერ დამწურვია გული სოფლის ბირეაზე, მალაზიასთან
დილიდან საღამომდე ფეხმოუცვლელად მიჯარული ახალგაზრდების
მნახველს: დგანან და ტკეპნიან მრავალგზის გადატკეპნილ „ვარიან-
ტებს“. მათი რიგების ახალი აზროვნებით შესავსებად უნდა მიიწიე-

დეს ქალაქიდან სოფლად ახალგაზრდა ინტელიგენტი. არც დამხვედრი უნდა დაიტენოს წინასწარი ექვით ქალაქიდან ჩამოსულის დანახვისთანავე. „შინ არ ვარგოდა, სანადიროდ გარბოდაო“, — აკვიატებულად არ უნდა აწონ-დაწონოს მოსული კაცი გონიერმა სოფელმა. მაშინვე არ უნდა შეაღონოს: „გინდა თუ არა, ქალაქიდან ამოეწერე, ზონარ-გაყრილობის წიგნში რომ ჩავწეროთო“.

სავალდებულო საპასპორტო ამოწერ-ჩაწერის გასაოცრად მოძველებულმა, უკვდავმა ფორმულამაც ზომაზე მეტად დააფრთხო სოფლისაკენ თვალდაჭერილი კაცი და მიწასთან მიახლოების ზრახვაზე ხელი ააღებინა: „დამაცა, მოვსინჯო, ფესვის მოკიდება ვცადო, ახალ ადგილზე დაფუძნდე, ჩემი სურვილი და შესაძლებლობა შევეუსაბამო გარემოს და თუ სასიკეთო კვალზე შევდექი, მერე ამომწერე ქალაქიდან, თანახმა ვარ“.

საპასპორტო ჩაწერ-ამოწერის „უმკაცრესმა“ პირობითობამ ლამის მილიონნახევრამდე გაზარდოს დედაქალაქის მოსახლეობა.

დღემდე მაშინებს საპასპორტო, შერკინული ოთახის შერკინულ სარკმელთან მიახლოება, დაკაკუნება და ჩემი სურვილის გაბედულად გამოთქმა...

ერთიც მეტყვევის დანახვისას გამცრიდა ხოლმე, რაკი დამზადების სანებართვო ბილეთში აღნიშნულ-დაწესებული ორი კუბომეტრის ნაცვლად ხუთი ან ექვსი მეტრი შეშა გველაგა მანქანაზე თოვლ-ქყაპსა და ძანძანში ოფლითა და ვაივაგლახით დატვირთული, როცა არაყს მხოლოდ უფროსები სვამდნენ მორზე, სახელდახელოდ, ან უხიავ ქობში, ჯერ ადგილობრივ დამამზადებელ გლეხკაცთან, შემდეგ კი ხერგილის ბერკეტა მეტყვევსთან.

ექვსი თვის განმავლობაში საჭიროებს გათბობას ქვითყირის სახლი აღმოსავლეთ საქართველოში და ორი კუბომეტრი შეშა მხოლოდ ორი თვის სამყოფი საწვავი გახლდათ. ვის უმართავდა ხელს ეს თვალისამხვევი კანონი მრავალი წლების განმავლობაში? შემომიხაზეთ მისი გადარჩენილი ტყე!..

რამდენი „ღვინია“ გადაჩეხილა უგზოუკვლობაში! შეშით დატვირთული რამდენი მანქანა გადაფრენილა უფსკრულში ღამურებისა და ფარული გზების ძებნის დროს! შებინდებამდე უნდა გეცადა კაცს, რაკი ხალხის თვალი მიიძინებდა. ხერგილის მეტყვევც ადვილად ბედავდა უხსენებლის უაღმირი უკმეგობრს და დატვირთული მანქანის გამოტარებას. ამასობაში ნაჯაფრ, გადაძაბულ მძღოლსაც წათვლემდა, კლდიდან გადაეშვებოდა და ნაპირებმოყინულ მდინარეს

ძიეცემოდა თუნუქის ღუმელის საგუგუნოდ განზრახული შეშაცა და იმედებიც...

მეტყვევს და შეშისა არ იყოს, საპასპორტო საქმის გააზრებულე მართვა დღეს პურივით სჭირდება იმათ — გამრავლების პრობლემა ცივი ხანჯალივით რომ დასდებია კისერზე...

საგზური გაილია. ვაჯამებდი თორმეტდღიან ფიქრებს და ვასკენიდი, ჩემო საყვარელო მკითხველო, რომ მოთმინებისა და თავზე ხელის გადასმის მოლოდინი დამღუპველია! თითოეულმა ჩვენგანმა ხელახლა უნდა გადააბრუნოს მამულის სიყვარულის გატეპნილი ზელტი და ხელახალი სული უნდა ჩაბეროს მრავალსაუკუნოვან სადგომს. გულის აყრა. საქმის გადადება დამღუპველი და მიუტევებელი დალატია საკუთარი თავისაც, საერთო საქმისაც. ზღარბის ეკალა ქურჭზე მხოლოდ ვაშლისა და მსხლის მწიფე ნაყოფის წამოგება კი არა, მუშტისხელა სეტყვისა და ქვა-ლორღის ასხმა-აგებაც უნდა შეიძლო.

ახალგაზრდა კაცმა სტუმარი პირველ რიგში ქართული აზრის უძველესობით და უახლესობით უნდა მოხიბლო და არა ღვინისა და პურ-მარილის უანგარიშობის საკვირველებით. მაძლარი აზრი საუკუნეს კვებავს, ლუკმა და სუფრა — ერთ დღეს...

* * *

მიმოსვლის ფანტასტიკური შესაძლებლობანი გაგვაჩნია დღეს, ურძით მოჭრიალე ჩვენს პაპებს რომ არც დაესიზმრებოდათ, ისეთი.

ფაეტონით, ურმითა და ქსიტინა ორთქმავლით მეგობართან თუ ნათესავთან მისული ადამიანი შესანიშნავად ახერხებდა გულწრფელ ფიქრის კეთილი ზრახვის, უბრალო მოკითხვის მიტან-მოტანას. ძველი ფოტო-ალბომებია ამ ურთიერთობათა მოწმე...

თვალის დახამხამების სისწრაფით მავალი კაცი ველარ ასწრებს ნაფიქრალის თბილ ძარღვებში გატარებას. მისატანი სიტყვის სითბო ზებგერითი თვითმფრინავის გამონაბოლქვს გამოსდევს და მავანი და მავანს ბანანავით გაფრცქვნილი საკუთარი აზრის კბეჩაკბეჩით წარუდგება, სარფის გამოსართმევად.

„მაიმუნის გული მირჩიეს ჰაჭიმებმა ავადმყოფი მეუღლის განსაკურნავად“, — შეაპარებს სიტყვას კუ მაიმუნს, ზურგით რომ გადააყავს ზღვა-ზღვა, თავის სახლში, საპასუხო ვიზიტით, იმ პატივისათვის, მაიმუნმა რაც გასცა უანგაროდ, კუს სტუმრობისას.

შეატყობს მაიმუნი კუს, რომ ეს უკანასკნელი მეუღლის ექვის გამო უპირებს გულის ამორთმევას და მიუგებს: „ჩვენ, მაიმუნებს ერთი პირშეუქცევი ადათი გვაქვს: გარეთ გასვლისას გულებს შინ, მაღალი ხის კენწეროზე ვტოვებთ. ვწუხვარ წამლად რომ ვერ გამოგადგებოთ“.

ადამიანი, დღეს როგორც წესი, შინ ტოვებს გულს ყოველგვარი ფათერაქისაგან თავის დასაზღვევად: ემანდ გულიანად არა მთხოვოს სათხოვარ-სატიკივარი და უგულოდ არ დავრჩეო.

კაცს კაცთან გულის ნაცვლად კომპიუტერი მიაქვს საკუთარი ნების უპირატესობით დატენილ-დაპროგრამირებული, კოლოფი მიაქვს „გზად და ხიდად“. კოლოფს კოლოფი ხვდება ადგილზე, ემატება და არის გადაუწყვეტელ-გაუთავებელი აზრების კოლოფ-კვიუმი. თავის მოქსოვილ, დაპროგრამირებულ პრობლემათა ბადეში იხლართება ადამიანი, გამოსავალს ვერ პოულობს.

გამოსავალი ერთადერთია: „გული მისცეს გულისათვის!“..

* * *

გასამრჯელოდ შესაძლოა დაღუპვა მიგველო მეც და გურამსაც. ჩემს ნებას რომ დაჰყვა კინოსტუდია „ქართული ფილმის“ გარაჟის ძეჟანიკოსი და გვიანი შემოდგომის ერთ შაბათ-კვირას თბილ ბუხართან ჯდომისა და ტელევიზორით თავის შექცევის ნაცვლად სარკესავით გალიპულ გზაზე რომ გამოყვა თბილისიდან დაღესტანს, ავად-შექმნილი ჩემი დარღოელი ძმადნაფიცისათვის წამლის გადასატანად.

მარტო ვერაფრით ვერ შევძლებდი ამ მარშრუტის ასეთ ამინდში დაძლევას, მიუხედავად ჩემი მარჯვე, ორხიდიანი „ვილისისა“. ნოემბრის შუა რიცხვებში ყოველი საათი სათუთა ჯვრის უღელტეხილის გადასასვლელად; შესაძლოა ჩაიკეტოს თოვლცვენის გამო, ან იქით მოჰყვე, ან აქეთ, ან შუაში გაიჩხირო. ჯვარს გადაივლი და გველეთია, ბევრი ვერაფერი გულის გასამაგრებელი სახელწოდებაა. ყაზბეგიდან ორჯონიკიძისაკენ დაძრული მგზავრებისათვის გზაც შესაბამისად დახლართულია, თავზე გადმოყუდებული კლდეებით. ორჯონიკიძემდეც ისეთი რძიანა ნისლი იცის, ჰირის ოფლში გაბანავებს, დაეყილს გატეხილი ჯობია: მხოლოდ პირობითად უნდა ერქვას ამ გზას — გზა. მართალია, თხუთმეტი წლის წინანდელ ამბავს ვყვები. მას აქეთ ბევრი რამ წინ გაიქრა და შეიცვალა ჩვენს

რესპუბლიკაში, მაგრამ, მაშინდელი სურათი ასეთი გახლდათ, როგორც მოგეხსენებათ...

თბილისიდან ქალაქ ბუინაკსკამდე, რაიონის ცენტრამდე, სადაც ჩემი ძმადნაფიცი აბდულა ჰაჯის ძე ჰაჯამაევი ცხოვრობდა, ზუსტად ხუთასი კილომეტრი იყო, ორჯონიკიძიდან — სამასი. ზაფხულში, ორჯონიკიძიდან ბუინაკსკამდე თვალხუჭუნა ღიღინით ჩახვალ, გატყეცილი ავტოსტრადაა.

ნოემბრის დღესასწაულის პირველ კვირას გადავედით მე და გურამი პირველად, აქედან — იქით არა უშავდა-რა, იქიდან აქეთობას კი ციკლონმა მოჰქია ჩვენს თვალწინ; მოვდიოდით და როგორც ზღაპარში, ჩვენს უკან სარკესავით იყინებოდა გზა, ბედი გვწყალობდა. ორჯონიკიძის ახლოს შევესვენეთ, გზას გავხედეთ; კანტიკუნტად ჩამოიარა დიდი ქარავანიდან მხოლოდ. რამდენიმე მანქანას ჩვენს შემდეგ. აღარ დავყოვნდით, უღელტეხილისა გვეშინოდა, გამოვწიეთ. დარიალის უღელტეხილზე ახალი მოფიფქული იყო და თბილისამდე არაფერი გაგვკვირვებია.

გზა ფიქრში გავლიეთ მე და გურამმა. ოსტატური ხალხური ოხუნჯობის ყულაბაა გურამი, აჩხრიალა და აჩხრიალა თბილისიდან დაღესტნამდე ვერცხლის უზალთუნები. ყვება სახუმარო ამბავს და სახესაც ისე მიიძერწ-მოიძერწავს, ჩაგაბეირებს. იუმორისტული ზეპირი მოთხრობების მთელი სერიები აქვს ქართლის ცხოვრებიდან; დღევანდელი ქართლის, რა თქმა უნდა. სერიოზული საუბრისას ბრძენკაცის რკინის ლოგია აქვს, საქმეშიაც მარჯვე და გამჭრიახია, უყვართ სამსახურში, პოლკოვნიკს ეძახიან მხედრულა რიხის და სტალინის გადამეტებული სიყვარულისათვის. თვალში რომ ჩაუვარდეთ თანამშრომლებს, თვალის ჩინად დაიტოვებენ. არასოდეს უსინდისოდ არ წაწყმედილა ზედმეტ მანეთზე. ავტომანქანის ისეთი სპეცია, — ბევრს ვერ უპოვი ტოლს. ქართულს კარგად ჰქონდა, ღონეც ერჩის; ჩაფსკვნილი და მხარბეჭიანია.

მოვდიოდით და მთელი გზა კრიჭა არ გაუხსია. მარტო რთული გზა არ გახლდათ ჩვენი დუმილის ერთადერთი მიზეზი: ძმადნაფიცის მოულოდნელმა ავადმყოფობამ შეგვბოჭა იქ ყოფნის ორ დღეს, წაგვიხდინა დაღესტნის პირველი ხილვის, ძმადნაფიცთან პირველი სტუმრობის ხალისი. განციდილის ურთიერთგაზიარების ბუნებრივი წყურვილი. რამდენჯერმე დავილაპარაკეთ მთელი გრძელი და რთული გზის განმავლობაში. ჩამოვედით თბილისს, სახლამდე მივიყვანე, ჩამოქვეითდა, დამემშვიდობა, მანინც არ აპირებდა შინ შესვლას.

— შინაური წამალი მაქვს, გურამ, ქობულეთიდან რომ ციხისძირია, იქაური ნათურქალი ჰაქიმბაშის ბალახეულია, რას აგნებს? კვალსაც აღარ ტოვებსო ავადმყოფობის, ეგრე ამბობენ. ჯერ არ შიცილია, ისე, საპირწამლედ მაქვს შენახული. ექიმები ახლა, ყველა ხალხურ წამალზე „უჰ და აჰს“ იძახიან, რა ვიცი, როგორ მოვიქცეთ? გზაც ისეთი გახდა, ძალას ვერავინ დაგატანს კაცს. თანაც სამსახური. თავისუფალი ვარ, მაგრამ, მარტო, ძმაო, ფიქრშიაც ვერ გაივლებ იქით პირის მიბრუნებას, — ჩემად ჩამოვმარცვლე სათქმელი და პასუხს დაველოდე...

თხუთმეტი წელი გავიდა მას აქეთ. ვფიქრობ, საიდან მქონდა საძმო-სამეგობრო ფათერაკიან გზებზე ცოდვის საკვირველი სწრაფვა, ან, ჩვენს კოსმიურ დროში, მოსკოვის კლინიკაში ყოფნისას, რა ისეთმა დაუოკებელმა წყურვილმა ამიტანა, უცხო, დარღოელ ვაჟკაცს, მეზობელ საწოლზე რომ დამხვდა, გინდათ თუ არა სისხლით ძმად შეეფიცვოდი; სისხლის მორიგი ანალიზის დროს, ორი თითის სავალდებულო ჩხვლეტის ნაცვლად ხუთივე თითი გავაჩხვლეტინე ექთანს, აბღულამაც (ანატოლის ეძახდნენ რუსულად) იგივე გაიმეორა. დავიჩხვლიტეთ თითები, შევაზილეთ ერთმანეთს, გადავხვით, გადავკოცნეთ და ისეთი ძმობის ცეცხლი შეგვიდგა იმ დღიდან, რომ კლინიკაში ყოფნის ბოლომდე საკვირველს იყვენენ დანარჩენი მიღეთელები. მოწიწებით გვეპყრობოდნენ, ჩვენი სიტყვა სარდლის ბრძანებასავით ჭრიდა, ისე მოგვენდნენ.

გურამის ალღოსა და გამჭრიახობის შესახებ ზემოთ თქმულს იმასაც დაუმატებ, რომ აბღულას ავადმყოფობის დიაგნოზი გურამმა დასვა: ამას თუ „ბოტკინი“ არა სჭირს, მერაბ-ჩემო, თავსაც შოვიჭრი; ფერი, ტკივილები! — მითხრა მან ქართულად, რუსულ ენაზე აზრის გამოთქმას მოერიდა, არ უნდოდა მასპინძელს გულზე შემოპყროდა.

თავს გვევლებოდა ჩვენი მასპინძელი, რამდენადაც კი უქეიფობა ამის საშუალებას აძლევდა. სულ რამდენიმე საათის ჩამოსული იყო ესენტუვის მინერალური წყლებიდან. ჩვენ რომ მივედით, მეუღლე და ქალიშვილები დაგხვდნენ, სამკურნალოდააო წყლებზე, დღეს-ხვალ ველოდებითო, — მეუღლემ გვითხრა. ვიუხერხულეთ უიმი-სობა, ეზოში ვსეირნობდით, აზრს ვიკრებდით — რა გვექნა, როგორ შოვიჭეულიყავით უკაცო, უცხო ოჯახში. გვააუხშმა, გვთხოვა მოგვეცადა: — თქვენი ამბავი მონაყოლი აქვს ანატოლის, გული დაწყდება რომ არ დახვდეთ, დარჩით, ქვეყნის ადგილი გვაქვს, მოისვენ-

ნეთ, — გვთხოვა თამარამ, აბდულას მუხუღღემ. რუსი გახლდათ, იმავე ტექნიკუმის პედაგოგი, რომლის დირექტორიც ჩვენი მეგობარი იყო.

დაველოდეთ. დავდიოდით მისი უმუშალო მონაწილეობით გაშეხებულ ტექნიკუმის ედემის ბაღში. ვარდნარში კოკორი მეტი იყო ყვავილზე, ზამთრის პირი გახლდათ; ქრიზანთემები და გიორგინები ჯერ თამამობდნენ.

ის იყო და ანატოლიც მოგრიალდა. გადაირია რომ დამინახა. გურამიც შევაგებე, გავაცანი, მისი ავან-ჩავანიც ვუთხარი. ხარობდა და წუხდა; ხარობდა და წუხდა, რაღაც ვერა ვარო, დროდადრო შემოგვებდავდა თავის გასაჭირს, მორიდებით, კრძალვით, რა იყო ზედმეტად არ შევწუხებელიყავით და წამოსვლაზე არ გვეფიქრა.

ახალი მეგობრის შექმნა, თანაც ჩვენი, კავკასიელი კაცის, თანაც ინეთი წარმოსადეგის, გულლია და ხელუხვი ადამიანის, როგორიც ჩვენი მასპინძელი აბდულა-ანატოლი გახლდათ, მაშინაც და მერეც, დიდხანს, ზემითა და სიხარულით მავსებდა. კავკასიონის ბებერ, გამტან-გაუტანელ ქედზე გადაკიდული ხურჯინის იქითა თვალში ჩემი ძმადნაფიცო მეგულებოდა, მას კიდევ მე ვეგულებოდი ხურჯინის აქეთა თვალში. და, მიდიოდა ჩვენი საოცარი რაში — კავკასიონი, ჩვენი სიყვარულისა და უსიტყვო გაგების სწორუპოვარ გზაზე წლების განმავლობაში. ჩამოდიოდა ოჯახით, ჩავდიოდით ოჯახით, ჩამოდიოდა მეგობრებით — ჩავდიოდით მეგობრებით.

ეჰ, ძმაო ანატოლი-აბდულა! ნეთუ არსებობს ქვეყნად, ჩვენშიც, სხვაგანაც, სადაც ჩვენზე უფრო მეტად მოაქვთ თავი მედიცინის უდახვეწილესი სასინჯ-სადიაგნოსტიკო დანადგარებით, არა მგონია არსებობდეს, მაგრამ მაინც თუ არსებობს ის ხელსაწყო-მაჩვენებელი. რომელსაც დაგვადებდნენ გულზე და დაადგენდნენ ჩვენი გულების მაშინდელ ჭიხვინს, თოვლიან კლდეებს ზევიდან რომ გადაჰქროდა და გადად-გადმოდიოდა!

რა არის კავკასიონის ეს აუღებელი და გამტან-გაუტანელი გოლიათი მთა, ჩემო ანატოლი-აბდულა იმ ძმური, მეგობრული, გულანთებული გადაჭიხვინების გარეშე, მე და შენ რომ ვიცოდით, შენ და მე რომ ვიცოდით, ძმაო, აბდულა-ანატოლი?! ამდენი ხალხი ერთად ცხოვრობდეს და ასეთი მეგობრობა და ურთიერთგატანის უნარი შესწევდეს, როგორიც ჩვენს ხალხებს შესწევთ, ჩემო კავკასიონო, ჩემო დიდო კავკასიონო, ჩვენო უძლეველო მხედარო!..

— ყველაზე ნამდვილი, მცოდნე ექიმები ჩვენში, სამხედრო ექიმები არიან, — მითხრა ანატოლიმ და ჰოსპიტალში დარეკა.

ათიოდე წუთის შემდეგ, სამხედრო ეპოლეტებიანი ორი ახალგაზრდა ექიმი შემოვიდა ოთახში, ცოტა წაიხემსეს ჩვენთან ერთად და მასპინძელი გასინჯეს. მოხდენილი ბიჭები იყვნენ, მახსოვს, ერთი შათგანი გვარად ტოლსტოი იყო. საუკუნის წინანდელი სასიამოვნო გრძნობა დამეუფლა: პუშკინი, ლერმონტოვი, ლევ ტოლსტოი! — ჩეხოვი ხომ არ ბრძანდებით-მეთქი, ხუმრობით ვკითხე მეორე ექიმს.

ექიმებმა გულდასმით გასინჯეს ანატოლი-აბდულა და გურამის დიაგნოზი ძალაში დატოვეს. — სასწრაფოდ უნდა მოგათავსოთ ჰოსპიტალში, იზოლიატორში, — განუცხადეს ექიმებმა, — ავადმყოფობა გადამდებია და შინ დატოვება დანაშაულიაო.

გაამზადა ანატოლი მეუღლემ. აღარ იცოდა, რა ექნა, ისე წუხდა ძმადნაფიცო ჩვენთან განშორებას. დავაბინავეთ ჰოსპიტალში, დავემშვიდობეთ, დარდიანი მეუღლე და ქალიშვილები მანქანით შინ მოვიყვანეთ, მათაც დავემშვიდობეთ და შინისაკენ ავიღეთ გეზი.

ოდნავ მოთოვლილსა და მომდნარ ტრასას გრიგალივით გადაუარა ქარ-ყინულოვანმა ციკლონმა და საჩკედ აქცია. მინის გამთბობიცი მწყობრიდან გამოვიდა; ან რა ღუმელი გაათბობდა და გააღვობდა იმსისქე ყინულს, ჩენი მანქანის პარპრიზმა რომ აიღო!

გზად მარილი გამოვიყოლეთ, ვჩერდებოდით, მარილით ვსრესდით მანქანის მინაზე ხილვაგაუმტარი შუშაავით მოდულებულ ყინულს და ცოტათი რომ გავაფართოვებდით სათვალთვალს, გზას განვაგრძობდით...

აი, ეს საჭირბოროტო გზა გვქონდა გამოვლილი მე და გურამს, მისი სახლის წინ რომ დავძარი სიტყვა დაღესტანზე ხელმეორედ გადასვლის თაობაზე.

ცოლ-შვილის, მოხუცი მშობლების პატრონია, სამსახურიც დაძაბული აქვს, არ გაემტყუნება უარით რომ გამომისტუმროს.

შევეყურებ. კირკიტულ-გამჭრიახული ჩაფიქრება იცის, უცბად ვერ დაიყოლიებ. ისე, ჩვენში დარჩეს და თავის დაფასებაც გვარიანად ეხერხება. მე ასეთი რამ არ შემიძლია, მაგრამ, კონკრეტული დარგის მუშაკია, ყველა იმ ცოდნით და თვისებებით შემკული, ზემოთ რომ მოგახსენეთ; რა საძრახისია, ცოტა თავიც დაიჭიროს?!

— რა გაეწყობა, საქმე ითხოვს და უნდა წავიდეთ. დილის ექვს

საათზე ველოდები! — მითხრა გურამმა, — ამაღამ გარაყის გამგეს დავეურეკავ, გადაუდებელი თუ არაფერი გამოხტა, გამომიშვებს. ხომ იცი, ძმაო, კინოსტუდია იგივე სახელმწიფო ქარხანაა, ნინიას ბალი კი არ არის. გამოვწიო, წამოვიდე ხალხის გაუფრთხილებლად, ქარაფშუტობა გამოძივა, მამულიშვილო, შენც დაეკვდები, ჩემო ძერაბ, ჩემს სერიოზულობაში, ექვიანობა კი ორთაშუა არ ვარგა, თანაც ასეთ გზაზე.

— ხვალ ექვს საათზე კი მოვალ, მაგრამ წასვლა ზეგისთვის გადავდოთ, მანქანასაც ჩავხედოთ, რა უქირს, რა ულხინს, ღუმელი ძოვეუწესრიგოთ, ჩვენც დავისვენოთ, სამსახურის საქმესაც გადაავლე თვალი და ზეგ დილით ჰაიდა! — შეეაწოდე გურამს ჩემი წინადადება. ჭკუაში დაუჭდა:

— აღამიანი, ჩემო ძერაბ, თუ გონების ჭაში ჩაიხედავს, გამოსავალს უსათუოდ ჰპოვებს. დაუძლეველი და გაუკეთებელი საიმისო არაფერია, გზასაც მოეცლება.

შეორე გზობის ამბავს ვრცლად აღარ მოვყვები. ჯვრამდე არა უშავდა რა, ჯვარს იქითაც თოვლი იყო და მანქანას ბევრი არ გასჰქირვებია. გველეთიდან ორჯონიკიძემდე თვალები დავითხარეთ, ისეთი ნისლი იყო ჩაწოლილი. ორჯონიკიძიდან ბუინაკსკამდე კი სუფთა ყინულით იყო გზა გადალესილი. ყინულზე უარესს ნისლი სჩადიოდა. რამდენიმე ადგილას, შეჩერების მერე, ველარც კი დავძარიტ მანქანა; სალესი ჩარხივით ერთ ადგილზე ბზრიალებდა ბორბალი. ასეთ შემთხვევაში მარილს ვაყრიდით ყინულს, ვალლობდით და მოძრაობას კუს ნაბიჯებით განვაგრძობდით.

ხშირ-ხშირად გვხვდებოდა ნაავარიალი მანქანები. აქარხლებული ავტონისპექტორები გაფაციცებულები ურბენდნენ გაჭირვებულ მანქანებს, დაზარალებული მგზავრები სასწრაფო დახმარების მანქანებში გადაჰყავდათ. სასწრაფო ჰქვია, მაგრამ სასწრაფოს ვერაფერს ახერხებს ასეთ ამინდში წითელჯვრიანი მანქანა, მასაც ისეთივე საბურავები აქვს, როგორც იმ „იკაროსებს“, დაჭრილი ვეფხეებივით რომ გადახობებულიყვნენ გზიდან თხრილში და იარებს ილოკავდნენ...

ვაი ამ გადასვლას, მაგრამ, მაინც გადავედით, მაინც ჩავედით!..

პირდაპირ პოსპიტალს მივაშურეთ, ოჯახი არც მოგვინახულებია. ბალახეული წამლის გადაცემის, ძმადნაფიცის ნახვის უფლება ვთხოვეთ ჩვენს ნაცნობ ექიმებს. წამალი, თუ არას არგებს, არც არას აწყენსო — გვითხრეს, — მეგობრის ნახვის უფლებას კი ვერ მოგ-

ცემთ. ფანჯარასთან მოვუხმობთ, თუ მაინცა და მაინც არ მოგიშლიათო — გვითხრეს, წამალი ჩამოგვართვეს, ავადმყოფს შეუტანეს მმართველი რეცეპტიანად. წინასწარ მოფშენიტეს, დაყნოსეს.

ძნელია და არცაა საჭირო იმ შემინული შეხვედრის აღწერა. ჩვენსა და აბდულა-ანატოლის შორის რომ მოხდა. ორმოცდაათს მითანებული, ჭირნახადი და გამოცდილი კაცი იყო, გზაც დიდი ჰქონდა გავლილი და სიკეთეც ნათესი ჰქონდა ამ გზებზე. მკერდზე ისევა ორივე მტევანი, სახესთან წარბებშუა შეაყოვნა ერთად შეწებებული, თვალები დახუჭა და კარგა ხანს იყო ასე მუსლიმურად გაყუჩებული. მისი ეს მოძრაობა ცხადია არ გახლდათ რელიგიური ექსტაზის გამომხატველი, ჩვენნაირი კაცი იყო და გულიც ჩვენსავით უცემდა.

ჩვენი წინაპრები ორას რაღაცა წლის წინ სამკვდრო-სასიცოცხლოდ იყვნენ შეტაკებულნი. ლექთა მცირე თარეშისაგან გატყდა წელში საქართველო, ზურგიდან თავდასხმებისაგან.

ვიდექით: იქით ის, აქეთ ჩვენ, ნაიარევის ორასი წლის თავზე და ლაპალუპით მოგვდიოდა ცრემლი.

სადაო აღარაფერი გვქონდა, აღარც გასაყოფი. ახალმა დრომ ყველაფერი კალაპოტში ჩააყენა.

არც ის ფიქრობდა შამილზე, აღარც მე მეფე ერეკლეზე, ჩვენი ფიქრები ურთიერთძმობისა და მეგობრობის ხვალინდელ დღეს დასტრიალებდა...

დრო — ღმობიერი, დრო — უღმობელი!

ჩემო ახალგაზრდა მკითხველო, ახალბედა მწერალო!

ძალიან დიდხანს მეგონა, რომ დრო ერთ ადგილზე იდო ლოდინით: გავურბენდი ამ ლოდს, გამოვურბენდი, გავურბენდი და გამოვურბენდი. ეს ლოდი იდო და იდო გაუნძრევლად, იდო ერთსა და იმავე ადგილზე. იდო და თვალს ადევნებდა ჩემს მოძრაობას, მახელებდა თავისი უძრაობით. ხანდახან შევჩერდებოდი წამით მის სიახლოვეს, მინდოდა დავტაკებოდი, მივწოლოდი, ამეგორებინა და ჩემს გვერდით შეტარებინა, მენახა, როგორ ამყვებოდა, იმოძრავებდა, ჩამოჯდებოდა ჩემთან ერთად, გამოიქცეოდა, გაიქცეოდა, შეიყვარებდა, შეიძულებდა ჩემთან ერთად, შეანგრევდა სიმაგრეებს ჩემთან ერთად, მწვერვალზე ამოიჭრებოდა, დაბლაც ჩამომყვებოდა, ფილმშიაც შემომყვებოდა, სცენაზეც დევივით დამიდგებოდა, ტაშსაც დამიკრავდა, სილასაც შემომკრავდა.

იღო თავის ადგილზე, იღო ლოდევით, გაუნძრევლად. არც მიმდევდა და არც მომდევდა. თვალი შევაჩვიე და ველარ ვამჩნევდი მის არსებობას, გაქრა დრო ჩემი თვალსაწიერიდან, სადღაც გადაიკარგა. აღარ იღო იმ მწვანე, ხასხასა ველზე, სადაც ასიათასჯერ ჩამივილია.

გადავივლიდი კავკასის მთას, ჩავუჯდებოდი ჩემს აბდულა-ანატოლის უნაგირაზე გადაკიდულ ხურჯინის მისეულ თვალში, გადმოვიდოდა ჩემთან ჩემი ანატოლი-აბდულა, ჩავაბუდებდი ხურჯინის ჩემეულ თვალში და ვისხედით ასე ხან იქ, ხან ჩემთან, ლუკმას ვიყოფდით, ძმობას ვუნაცვლებდით ერთმანეთს, ფიქრებს ვუნაცვლებდით; ხან შორიდან ახლოს მოვდიოდით, ხანაც ახლოდან შორს მივგელობდით.

ყუბაჩებში ამიყვანა ერთხელ, მამისეულ აულში, ნისლებს ზემოთ რომ იყო ასროლილი ასკომლიანი აული, ბანი-ბანს ებმოდა, როგორც ქარავანში წერო — წეროს. წეროს ნისკარტი ეკავა ყველა ყუბაჩელ ოქრომჭედელს საჭრეთლად, ვერცხლის ჩაქუჩები წკრიალეზდა ვეებერთელა აულში, წკრიალეზდა უწყვეტად, საუკუნეების გახმავლობაში; დიდიც, პატარაც ჩუქურთმას ჰკვეთავდა საუკუნეთა უწყვეტ ქარავანში: ჰკვეთავდა მასწავლებელიც, მეცნიერიც, ექიმიც, ბეითალიც. ამ აულიდან აფრენილი არ მინახავს დაღესტანში არავინ, რა საქმეზეც უნდა მდგარიყო, თავისუფალ დროს ხელთ საჭრეთელი რომ არ სჭეროდა, ვერცხლის ჩაქუჩი რომ არ ეწკრიალეზინა, თავისი ხელით დამზადებული ნატიფი სამკაული გულზე რომ არ ჰკიდებოდა თავმომწონედ, ამაყად.

ერთი ბანიანი ბინიდან მეორეში გავდიოდით, მეორედან — მესამეში, მესამედან — მეოთხეში, მეხუთეში, მეექვსეში... მეასეში, მეორასეში. გაჰქონდა წკრიალი ყუბაჩ ოსტატთა ჩაქუჩებს, წრიპინებდა საჭრეთელი. წვეროსანი მოხუციდან მოკიდებული, ქორფა ყმაწვილამდე ამ მამაპაპურ საქმეს მისდევდა.

ზედა სართულის ოთახის ორი კედელი ძველი ფრანგული ჭურჭლით ჰქონდა დამშვენებული, დანარჩენ კედელზე თავიანთი ნახელავი უთვალავი დიდ-პატარა სპილენძის ქვაბი და სხვა, ნატიფი საოჯახო ჭურჭელი ჰქონდათ თარო-თარო გაწყობილი. გული მწყდებოდა, რომ ჩვენში, მამაპაპურს, ესოდენ მნიშვნელოვან ხელოვნებას, თანაც ასეთი მასშტაბით აღარავინ არ მისდევდა. ვეფხვის ტყაოსანი შაინც გვეწერ-გვეთეთრებინა ყმაწვილობიდან — სიბერემდე, სავალ-

დებულოდ, განა კანტი-კუნტად, არც სიბრძნე გამოგვეცლებოდა და კალიგრაფიასაც გავაფაქიზებდით, — ბეერჯერ მიფიქრია იქ ყოფნისას.

— ფრანგები ჩამოდიოდნენ, ძვირფას ჭურჭელს ჩვენს ნახელავში გვიცვლიდნენ, — მითხრეს იქაურებმა. — ჩვენც მივლიოდით საფრანგეთში, გვქონდა სავაჭრო ურთიერთობა.

ბანი-ბან გადაბმული, ერთგვირაბიანი კანზული სოფელი! ასეთი მრავალსართულიანი საოჯახო სახლ-გვირაბები უნდა გადასდევდეს კავკასის ბედაურს ვერცხლის მოსართავებად. ძმობის სამკაულებად და არა მიწისქვეშა ხვრეტელი, ბრმად რომ გაივლეს ძმათა გულებში!

ერთ-ერთი პირველი სტუმრობისას თავისი ნაჰედ-ნატეფრი ხანჯალი მაჩუქა ჩემმა ანატოლი-აბდულამ, ჩამიხუტა და ისე მაჩუქა.

ჩემი ანატოლის ნაჩუქარმა ხანჯალმა იქვე, ჩვენს თვალწინ მოკლადრო და მარადისობა მოიყვანა! მარადისობა — ტოლი ჩვენი კავკასიონისა!..

თვეები — ცხვრებივით მისდევდნენ ერთმანეთს, წლები — წყლებივით...

მარადისობა იდგა, მარადისობა დგას, ის არ არის დრო!..

საბეჭდი მანქანის სათითურებიც ც, რ, ე, მ, ლ, ი, შევნიშნე, შერე, ც, რ, ე, მ, ლ, ე, ბ, ი! შევისვენე. გავედ-გამოვედი, კვლავ მივეუჩექი სამუშაოს. ცრემლიანი ასოები წეროებად აფრენილიყვნენ და თოვლიან მთას გადადიოდნენ, ჩემს ანატოლი-აბდულასაკენ მიისწერაფოდნენ.

ავიწიე, გადავიხედე...

ჩემი ანატოლი-აბდულა მწვანე მოლზე იწვა, ზღვასა და მთას შუა, დროის ის მასხარა, ერთ ადგილას ნაგდები ლოდი ელო გულზე.

იწვა, როგორც ბუმბერაზი და ფართო მკერდზე ეს გაქვავებული არარაობა შეჰგორებოდა; დროის სისულელე ეწერა ზედ. რამდენიმე წლით იყო ჩემზე უფროსი. განა დრო იყო! არა, არ იყო! უტყინო ლოდს ჰგონებოდა, დროაო და გულზე შეჰგორებოდა, გულზე დასწოლოდა. არარაობას ჰგავდა ლოდი მის განიერ მკერდზე...


ლოდის გადაგორება დავაპირე, მაგრამ, სწორედ ამ დროს მთაზე შევნიშნე ჩემი აბდულა-ანატოლი, მარადიულ მხედარს შემოესევა უნავირზე და ამოებისაგან შორს სადღაც მიაქროლებდა...

დრო შეიცვალაო, ვიტყვი.

ჩვენ ვიცვლებით დროის მიმართ.

დრო — ლოდია, დევს მწვანე მოლზე, მთასა და ზღვას შორის, არაფერი იმას არ აწუხებს და ამიტომაც არ იღევა.

ვიღევით ჩვენ, ადამიანები და ვიღწვით იმისათვის, ვადაზე ადრე რომ არ გავილიოთ, ჩვენი საბრძოლო მახვილის ტარი — „ვადა“, ჩვენთან ერთად რომ გაცდეს, უწინ რომ არ შემოგვაგორდეს მკერდზე ის ლოდი, დროს რომ ეძახიან ლოდმტყორცნელები, ვადის გაღევამდე რომ არ გაილიოს ცივილიზაცია დედამიწაზე!..



სინოს წითელი ხარები

— ჰო, ნანა, ჰოი, ნანა, ჰო, ნანავო! — ხმამალა ლიღინებდა სინო სადღაც ყურმოკრულ სიმღერას.

— ნუ მღერი, რა!

— რა ვქნა?.. ჰოი, ნანა, ჰო, ნანა, ჰოი, ნანავო!

— გაჩუმდი!

— რათა, ნანა?

— საბანი ამომიგე.

— ჰოო-ჰო! — ცოლსაც პასუხი გასცა სინომ და წითელმა ხარებმაც შეწყვიტეს თავის ქნევა.

— კიდე?

— ცოტა კიდე.

— ეხლა?

— საყოფია.

— ცოტათი მაინც არ დაგიამდა?

— არა. ისევ ისე მტკივა.

კვლავ დაარწიეს წითელმა ხარებმა საყანწე რქები და წამიერი შედგომისას თოვლს შეყინული მარხილი წრიპინით დაიძრა.

ჯერ სინოს ტატყა ფეხები მიანგრევდა უმკვლევ თოვლს და მერე უკვე წითელ ხარებს გაჰყავდათ ბილიკები. ტყიანი მთის ფერდზე

მისრიალებდა მარხილი. თხილის შხოპლებით მოწნულ მარხილში სინოს ცოლი ნანა იწვა ჭრელ საბნებში შეფუთული.

სამ-ოთხ ბანიანი სამოსახლო, ნაწყვეტი ჭაჭვივით რომ ეკიდა ერთხანს, აღარ მოსჩანდა, ჩაჩუმქრულიყო და სინო თავისი მარხილიდან თოვლიდან გამოდიოდა თითქო...

მთვარე თამაშობდა სინოს წითელი ხარების რქებში...

— ჰო, ნანა, ჰოი, ნანა, ჰო, ნანავო!

მერე ერთბაშად გაჩუმდა სინო, გაიტვრინა. რამდენიმე ფრთხილი ნაბიჯი კიდევ წადგა წინ და გაჩერდა, ჭერ მარცხნივ ჩაიხედა ხევში. მერე მარჯვნივ ახედა ტყეწაწვენილ ფერდობს და ბევრი რამ ჩაითქვა: ჩიხვს აღარ ესროდა, გადასაყრელიც რომ ჰქონოდა წამალი. ერთ ჯაურას გათიბავდა ირმებისათვის, ერთ მსუქან თხას დაკლავდა ხატიჯვრობაში და უფროს შვილს დაელაპარაკებოდა. მესამე და მეოთხე აღთქმა შინიდან გამოსვლისთანავე ჩაიფიქრა, ზეკარა უბერავდა, და ორი ახალი აღთქმაც იმიტომ დაუმატა გზის დასაწყისში შეთქმულს სინომ.

ზეკარამ იცის, უცებ მოუსვამს სუსხიან ენას მთის წვეერს, მუშტისოდენა უმანკო გუნდას გამოისვრის ვითომც აქ არაფერიარ და მერე... სინომ გუნებაში პირჯვარიც გამოისახა... და მერე ათასლულიანი ქვემეხივით დაიქუხებეს ზეავი თოვლგასუდრულ უძირო ხეობაში...

— ჰო, ნანა, ჰოი, ნანა, ჰო, ნანავო! — ისევ აღიღინდა ჭირისოფლდასხმული სინო. ნანამ საბანი გადაიწია ტუჩებიდან.

— გავიარეთ? — მისუსტებელი ხმით იკითხა ნანამ.

— ჰო, ნანა, ჰოი, ნანა, ჰო, ნანავო!..

დელას უტირებს სინო ჩიხვსა, თუჯი სათოფეზე მოიგდო. ოხრად არ დაარჩენს სევდიანსა, მხარზე რომ ჰკიდია, მსუქან თხას ასამსევებს და ტყუპ ციკანსაც გააგდებინებს აღრე გაზაფხულზე, ხატს უსინოოდაც მიუვა შესაწევარი, თუ არ მიუვა და არც იმას იღარდებს.

— არა, ნანა? — ნახევრად მიაბრუნა სინომ ყბა ცოლისაკენ.

— რა იყო? — იკითხა ნანამ.

— წითელი ვაშლები ხო გიყვარს?

— ჰო.

— მამდარინი?

— ჰო.

— ამ ტყეში საიდან მოგიტანო მერე?...

- როდისა გთხოვე?
- ჯერ ჩაგიყვანო ქალაქში, შენი თხოვნა რად მინდა! ჯერ ჩაგიყვანო!
- ეეჰ.
- გტკივა?
- ჰო.
- დაგიკლო, თუ ისევ ისე?
- ისევ ისე.
- ნუ გეშინია! ჩაგასრიאלო, სუ ტრედებივით დაგახვიო ექიმები.
- გზაში თუ არ გაგეპარე.
- სადა, ნანა?
- მიუსაველში.
- შენი მტერი, ნანა, ჩვენი მტერი, ნანა! — სინომ ისევ შეაბრუნა თავი და უღელს ჩავლებული ძარღვიანი ტორით ისე გაიწია მარხილი, რომ ყბებში მოებჯინათ აპეურები ხარებს.

• • •

მთვარე აღარსად იყო, ვარსკვლავებიღა ისხდნენ ცაზე.

ხანდახან გამოჰყოფდა ხოლმე სინო ხელს ქრელი საბნიდან და ცეცხლს შეუყეთებდა.

წითელი ხარები აქეთ-იქიდან შემოსდგომოდნენ მარხილს, ლეიბ-ქვეშ გაგებულ აბრეშუმბივით თივას ითრევენ და მადიანად ახრამუნებდნენ. გატვრენილი იწვა ცოლის გვერდით სინო და თივის ხრამუნს უგდებდა ყურს.

მერე ნერწყვი გადაყლაპა სინომ და ნანას გადახედა.

ნანას თვალები ღია ჰქონდა.

- არა გძინავს?
- ისევ ისე მივლის.
- ისევ ისე?
- ჰო.
- რო დაიძინო?
- ვერა.
- ეგება გშია და ვერ იძინებ? — ერთმა ხარმა ზედ ყურისძირზე აუხრამუნა ბლუჯა თივა სინოს. სინომ ისევ გადაყლაპა ნერწყვი.
- ეგებ გშია და? — სინოს პასუხისათვის აღარ მოუცდია, ბა-

ლიშქვეშიდან ჩვარში გახვეული თხის წიბო ამოიძრო, რქისტარა დანით წაუწყვიტა სახრეს, წიბო ზედ წამოაგო და ცეცხლზე გადაიშვირა ხელი.

ყინვით შეკრული ჰაერი ნაღვერდალზე დაწვეთებულმა სისხლის სუნმა გასტეხა. სინო უკვე წამდაუწუმ ყლაპავდა ნერწყვს.

— თუ გშიოდა, რატომ არ მითხარი?

— ჯერ კიდევ შორია ქალაქამდე.

— მერე რა, ერთი წიბო კიდე გდია. ბარკლის ნაწილიც არი.

— ჰოო?

— მაშა, ხვალ არა და, ზეგ იქ უნდა ვიყოთ. — სინომ მარცხენა ხელი გადაყო ცოლისაკენ, ცოლზე ადრე ხარის დრუნჩის წამოედო ხელი, სინოს ღიმილი მოერია. ჯერ ხარს შეუღიტინა ლაბაბში, მერე ცოლს მოუფათურა სახეზე:

— წითელი ვაშლები ხო გიყვარს, ნანა?

— ეეჰ.

— მამდარინი?

ნიკაპი შეანძრია ცოლმა თანხმობის ნიშნად.

— იმდენი გაქამო, რო! ამ მარხილს პირამდე გაგივსებ.

სინომ სუნზე შეატყო, რომ ხორცი მზად იყო, ერთხელ კიდევ შეატრიალა სახრე და მწვადი ცეცხლს მოაშორა.

— ჰო ჰოი, სინო!

— ჰო ჰოი, ნანა, ჰო, ნანა. — სცადა წალიღინება სინომ.

— გაჩუმდი!

— მერეც მეყოფა, ნანა! — სინომ გაიღიმა და ქონიანი ტუჩები მიადო ცოლის შეცივნებულ ლოყას. აკოცა.

— წითელი ვაშლები, ნანა!

— თავი დამანებე!

— მამდარინები, ნანა!

— არ მინდა, შე ფიციტეხია!

— რატომა, ნანა? — სინო ცოლს მიეკრო, იღლიაში შეუღიტინა.

— ოჰ, მეე!... — აწკმუტუნდა დედაკაცი ჭრელსაბანქვეშ.

სინომ ყური არ ათხოვა ცოლის უარობას, გამოხრული წიბო გასტყორცნა და მეორე ხელიც ჩაუყო საბანქვეშ.

— ოჰიმეე, მოვეკვდები!...

სინოს გატყორცნილი ძვალეც მისრიალებდა თავქვე, ყინულგადაკრულ, ხელუხლებელ თოვლზე... და მერე აღარც სინო ფათურობდა, აღარც ნანა ოხრავდა, ორივეს ეძინათ ჭრელ საბნის ქვეშ,

ცეცხლი იღველფებოდა, წითელი ხარები ისევ გემრიელად ახრამუნებდნენ ლეიბქვეშიდან გამოძენძილ აბრეშუმივით ნაზ თივას.

ხანდახან გაიჭახუნებდა ტყეში ყინვისაგან გახეთქილი ხე. მერე ცალ იდაყვზე წამოიწია, ცვრიანი წიბო შუაზე გაგლიჯა, ნახევარი ნანას მიაწოდა და ნახევარსაც თითონ გაავლო მოცვეთილი კბილი.

ნანამ ხორცი მოგლიჯა და ღეკვა იწყო. სინოს ცოტა მოეშვა გულზე. თვითონაც იწყო ჭამა. ცოლზე ფიქრს ორიოდე წუთით შეეშვა და უფროს ბიჭს დაელაპარაკა გუნებაში, მაგრამ ორი სიტყვაც არა ჰქონდა ნათქვამი, რომ საშინლად გაბრაზდა, ათასი ხე მოგლიჯა და ქვემოთ გასტყორცნა, ათასი ლოდი აპგლიჯა კლდესა და გატყორცნილ ხეებს მიაყოლა, თან თვალი გაადევნა ლოდებსა და ხეებს.

არც ერთი ხე და არც ერთი ლოდი არ მოხვედრია ქვემოთ, ბარში გზისპირას წამდგარ ინსპექციის შენობას, ქრელი შლაგბაუმიც ხელუხლებელი დარჩა, ბიჭიც...

— ბიჭს მაინც არ დაველაპარაკები, რო!.. — თქვა სინომ და ძვალი ამოამტვრია ჭიამიუკარებელ ძირის კბილებში.

— რო ჩაუთქვი? — ნანამ ძვალის ძიძგნას თავი ანება.

— მერე რა, რო ჩაუთქვი, თავი რომ მომპკრა! მაშ ჯიხვზეც აიღოს ხელი სინომ? არ დაველაპარაკები და მორჩა!

— მოვკვდები, — ამოიკვნესა ნანამ და გამოხრული ძვალი თოვლზე გადააგდო.

ძვალი თავქვე დასრიალდა.

— რათა, ნანა?

— რო ჩაუთქვი და სიტყვა გასტეხე...

— შენ კარგა იყა და...

— როგორღა ვიყო? მოვკვდები!..

— არა, ნანა!

* * *

— დამიჭი, ნანა, ჰოი, ნანა ჰო, ნანავო! შეიდი, ცხრა, დამიჭი, აპა, ჰოპ, თხუთმეტი, ოცი, ორი, სამი! — მუხლამდე წყალში იდგა სინო, ოჩხი ამოენგრია და ყინულივით ლიპ კალმახებს ისროდა თოვლზე. ვეება ხელებს ნიჩბებივით უსვამდა შემოჩაღულ გუბებს, კალმახს ლაყუჩით ითრევდა და თოვლზე ანარცხებდა. ვარდისფრად წინწყლავდა კალმახის სისხლი თოვლს.

— მოკვდები, შე უბედურო! — უძახდა ნანა ქმარსა და თან თვალს არ აშორებდა თოვლზე მოხტუნავე კალმახებს.

— ამოდი, მოკვდები!

— ცოტა კიდე, ნანა, ცოტა კიდე, არც ექიმებს აწყენთ თითო ჭრელი კალმახი. ვაშლიც ხო გინდა, ნანა. დამიჭი, ჰოოპ, რამდენია, ოთხმოც აღარაფერი აკლდება, დამიჭი, ჰოოპ!... მანდარინიც ხომ გინდა.

— ამოდი-მეთქი!

— ჰო, ნანა, — სინომ უკანასკნელად კიდევ მოუსვა გუბეს ხელე-ბი, წყვილი კალმახიც დაახეთქა თოვლზე და ნაპირებშეყინული მთის მდინარიდან ამოტოპა.

სინოს გარშემო ხტოდა და ფართხალებდა ათობით კალმახი. ბოლომოდვარკულ თხილის წკებლაზე ასხამდა სინო თევზებს და ნანას გვერდითა ჰყრიდა.

მერე მარხილზე ჩამოჯდა და სველი ფეხები დაიწურა.

ხერხეშა წინდებმა გაუხურა ფეხები. ბალიშქვეშიდან გამოაძრო ქალღალღააცობილი ლურჯი ბოთლი და ბოლომდე გამოცალა პანტის არაყი...

მარხილი წრიპინით მიჰყვებოდა სოსანისფერი მდინარის ხეობას. მარცხნივ და მარჯვნივ ირწეოდა სინოს წითელი ხარების რქები. სინოს მწარბეჭიკ გადად-გადმოდიოდა. ძარღვიანი ტორი ისევ იწე-ვდა უღელს, სინოს „ჰო, ნანა, ჰოი, ნანა“... აყრუებდა ჭალას. მოწ-ნულ მარხილში ჭრელ საბანქვეშ უძრავად იწვა სინოს დედაკაცი, მის გვერდით ჯერ ისევ ფართხალებდნენ სულთამბრძოლი კალმახე-ბი. მთის ერთი ქიმიდან მეორეზე ხტოდა მზე და ძუნწი სხივი ხან ჩაიპარებოდა ხეობაში, ხანაც ისევ აიკრიფებოდა. მერე სულაც გაქრა სხივი, თუმცა შუადღე ახალი გადასული იყო.

— სინო! — დაუძახა ნანამ.

— რა იყო, ხო არ მოგშივდა? — სინომ ნამწვალარ სახრეს დასუ-ნა და ცოლისაკენ მობრუნდა.

— ვკვდები, — ნანამ თავი გააქნია.

— მოგიმატა?

— ლამის არის, გვერდი გამომჰკამოს.

ხარებმა ანაზღად გაიწიეს, სინომ სახრე წაუჭიქინა რქებში, მარ-ხილი ისევ მიეყინა თოვლს.

— როგორა გტკივა?

— როგორა?

— ჰო.

— თითქო... თითქო მიწა ვიყო, და...

— არა, ნანა!

— თითქო მიწა ვიყო და...

— მიწა შენი მტერი იყოს, ნანა, წითელი ვაშლები, ნანა, მამდა-
რინები, ნანა!

— თითქო მიწა ვიყო და ხის ფესვები ჩამზრდოდეს ფერდში, აგერა ისე, აგერ... სინომ იქით მიიხედა, საითაც ნანა ანიშნებდა, მიწა ჩამომზღვრეულიყო თოვლთან ერთად და ნახევრად გაეშიშვლებინა ფესვებჩახლართული გამხმარი ძირკვი.

— ეგრე? — იკითხა სინომ და კუნძს მიაჩერდა.

— ჰო, სინო... საჩინოს ცოლიც მაგან მოკლა, სინო...

— მაგანა? — სინო კუნძს თვალს არ აშორებდა.

— ჰო, სინო, მაგანა.

— საჩინო ხო ქალაქში ცხოვრობდა.

— მერე, რა?

— ჩვენში ეგ სატკივარი არავისა ჰქონია...

— ეგ არი, ეგა, სინო...

— ეგა? — კუნძს მიჩერებულმა სინომ უღელზე დახვეული ჯაჭვის გაშლა იწყო. მერე წელში გარკობილი კრიალა ნაჯახი გააძრო, კუნძს მიუახლოვდა და ჭდეები გაუკეთა, რომ ჯაჭვი კარგად მოსდებოდა. ჯაჭვის ცალი ბოლო კუნძს შემოახვია და შეჰკრა.

— ეგ არი ჰო, ნანა?

— ჰო, სინო...

— კარგა უყურე! — სინომ დედაკაცს გაუღიმა და სახრე შეათამაშა.

— ხიო, ხი, წითელა, ხიო, ხიო! — დასწყვილა სინომ ხარებს და უღელს მიაწვა, — კარგა უყურე, ნანა, კარგა! ხიო, ხიო! ხი, წითელა!

ხარებმა უკან-უკან იწყეს დახევა. ჯაჭვი დაიჭიმა, ტკაცვა-ტკუცით წყდებოდა ღრმად გამჭდარი ფესვები, ჯირკმა ამოიწია, ამოიწია და ბოლოს, დედაფესვმოგლეჯილი უსულოდ გაგორდა ქათქათა თოვლზე.

— ეხლა! ეხლა, ნანა? — სინომ ცოლს დახედა.

ნანამ ოდნავ გაიღიმა და თავი დააქნია.

— წითელი ვაშლები, ნანა!.. — კალმახები უსულოდ ეყარნენ მოწულ მარხილზე. ნანა იღიმებოდა.

— ჰო, ნანა, ჰოი, ნანა, ჰოი, ნანავო!

* * *

ხეობა გაიშალა და ველი გამოჩნდა. ველი ქრელი იყო. ალაგ თოვლი, ალაგ ხნულები.

— დაიძინე, ნანა!

— არა. სინო. მე მაინც დამალაპარაკე.

— დაიძინე-მეთქი. — სინომ მარხილი შეაყენა.

— მე მაინცა, სინო. ეგება მოვკვდე და მე მაინცა...

— სუ, ნანა.

— არა, არაა, — ცრემლები წასკდა ნანას.

— არა? — სინომ თოფი მოიხსნა, ლულა მუცელში მიიცა და თივით გატენილი ბანდულის წვერი გადაუყო ჩახმახს.

წამშივე შეაშრა ნანას ცრემლი, თვალები დახუჭა.

მარხილი დაიძრა. ერთხანს იხოხიალა და მერე შედგა. შლაგ-ბაუმს ჩაეკეტა გზა, კარანტინი იყო და ჩაეკეტათ. მანქანებს აჩერებდნენ, ჩხრეკდნენ და ისევ უშვებდნენ. ურმებსა და მარხილებს ჩხრეკდნენ და მაინც უარს ეუბნებოდნენ.

წყალდიდობის დროს საგუბარზე მიყრილ ნარიყსა ჰგავდა: მანქანები, ურმები, მარხილები, საქონელი, მთვრალეები, ფხიზლები... ერთგან დიდი შავი ქვაბი იდგა ცეცხლზე. გლეხებს ქათმებს აკვლევინებდნენ, აბტყვენევიებდნენ და ისე ატანდნენ. ღორებსაც აკვლევინებდნენ, თუკი პატრონის სურვილიც იყო. იდგა ჭყვიტინი, კაკანკრიახი, აურზაური.

— საავადმყოფო აქაცა გვაქ, ვერ გაგიშვებ, ბერიკაცო, — უთხრა ინსპექტორმა სინოს და წინ გაუდგა. სინომ ცალი თვალით შეათვალიერა ბიჭი და ცოლს გადახედა. ნანას ეძინა.

— გასაგებია, ბერიკაცო, რაც გითხარი? — ინსპექტორი ავადმყოფს მიაჩერდა. სინომ სულ ახლოს აუქნია სახრე ცხვირთან ინსპექტორსა და მარხილის შემობრუნება იწყო.

— წელს რამდენი ჯიხვი მოკალი?

სინომ ეს კითხვაც უპასუხოდ დატოვა.

ინსპექტორს სახე აუჭარხალდა. გარშემო ცნობისმოყვარეებმა მოიყარეს თავი.

— დაიშალეთ! — დაუყვირა ინსპექტორმა.

ხალხი მიმოიფანტა, შორიასლოდან უწყეს თვალთვალი, ბევრმა იცოდა, რაშია იყო საქმე და ყურს იგანიერებდა, არაფერი გამოძეპაროსო, ბევრიც პირველად ხედავდა და ისმენდა. სინომ ხარები მოაბრუნა და უკან გარეკა.

— მოიცა, ბერიკაცო! — ინსპექტორი წინ გადაუდგა. ერთმანეთის პირისპირ აღიმართნენ. სინო ინსპექტორის სიმაღლე იქნებოდა. წლების სიმძიმეს ოდნავ რომ არ მოეხარა მხრებში.

— მე ვიცი, შენ შენის გაყვანა გინდა, არ გამოგივა, არა! ავადმყოფს ამ საავადმყოფოში დამიტოვ, — თითი გაიშვირა ორსართულიანი თეთრი შენობისაკენ.

სინომ თავი გააქნია და მარხილი დასძრა.

ინსპექტორს ცეცხლი წაეკიდა:

— მოიცადე, აქტი უნდა შეგიყენო!

სინო შედგა. ინსპექტორი ახლოს მივიდა მარხილთან. ნანას მაგრად ჰქონდა დახუჭული თვალები. ერთხანს უყურა ავადმყოფს ინსპექტორმა, მერე ფრთხილად შეაცურა თივის ქვეშ ორივე ხელი და ზედიზედ ამოყარა ცარიელი არყის ბოთლები.

— რათა ლოთობ, ბერიკაცო? ჯიხვებს რათა ხოცავ, ბერიკაცო?! — თითქოს თავისთვის ჩაიჩურჩულა ინსპექტორმა და ნანას მიაჩერდა.

ნანას ისევ მაგრად ჰქონდა დახუჭული თვალები. ეძინა... სინომ მარხილი დასძრა.

თივაში დამალული ჯიხვის ტყავები უმწეოდ ჩაფურცლა ინსპექტორმა, აწითლებული სახე ღონიერი ხელით მოიწურა და მარხილს მოშორდა სწრაფი ნაბიჯებით.

შლაგბაუმთან დაგუბებული ხალხი სინოს მოქანავე ბეჭებს გასცქეროდა.

— ბიჭისთვის ხმა არ გაუცია, — აღნიშნა ერთმა გლეხმა.

— კლდეა, კაცი კი არა. — თქვა მეორემ.

— რამ გააბედინა წამოსვლა ამ თოვლობაში! — თქვა მესამემ.

— ირემო, მთასა მყვირალო, რამ ჩამოგაგდო ბარადა? — წარმოთქვა სათვალეებიანმა სკოლის მასწავლებელმა, რომელიც ნაცნობ მთვრალ გლეხებს რაღაც განცხადებას უწერდა ღვინით სავსე კასრზე...



— ჰო, ნანა, ჰოი, ნანა, ჰო, ნანავო! — ღიღინებდა სინო.

ქალაქს მიახლოებულები იყვნენ, თოვლის ნასახიცი კი არსად იყო, ასფალტს მტვერი ასდიოდა. წელამდე სველი იყო სინო, წითელ ხარებსაც სველი ჰქონდათ ფერდები. სამაგიეროდ მარხილი მშრალი იყო.

— მოვკვდები, მოვკვდები! — კვნესოდა ნანა და ლაპალუპით ჩამოსდიოდა ცრემლი, — სიცოცხლე არ მიწერია, არა, შე ფიციტეხია! — ღნაოდა ნანა.

ერთბაშად შეწყვიტა ღიღინი სინომ და დედაკაცს მოხედა. ერთი კი აიწურა სახრიანად ბრაზმორეული, და მერე ისევ დამშვიდდა...

— სუ, ნანა!

— წლები გავიდა, რაღას ერჩი? ვაიმე! — მოსთქვამდა ნანა.

— სუ, ნანა, სუ!

— არა, არა!..

— სუ, ნანა!..



გამარჯობათ! — უძახდა სინო ქალაქელებს...

მერე დაიღალა და გაჩუმდა...

ხანდახან ჩასთვლემდა ხოლმე სინო და კარგ სიზმრებსაცა ხედავდა. მერე, ასფალტზე ათრეული მარხილის ხრიალი ჩაესმოდა და ისევ ფხიზლდებოდა...

ქალაქს ეძინა გაჩირაღდნებულ ქუჩაზე, სისხლივით წითელ ორ ხარს შუა მიტორტმანებდა დაღლილი და ძილმოძალებული გოლიათი ბერიკაცი. სამივეს ერთად მიჰქონდა ჩიტისბუდეშავით მარხილი. მარხილში ნანას ეძინა. კარგ სიზმარსა ხედავდა ნანაც.



ღურღო გიორგობისთვის

(მოთხრობა)

სოფელს რომ არ გასკირვებოდა, ვინ გაუბედავდა ბარამანთ ლადოს, საკარმიდამოდან ყურძენი ჩაგვაბარეო.

„რა ჩამაბარე, რომ ჩაგაბარო!“ — იმავ წუთს მიუგებდა კუწუ-მწრახი...

სეტყვა მოვიდა სოფელ ჩაჩხაანის სავენახე ფართობებზე. სეტყვა კი არა და, უფრო მეტიც; ბატკნის თავის სისხო ცვიოდა ბლავილ-ბლავილით ტყვიისფერიდან, თეთრად ჩამოკაფული. რისხვის ზოლად ჩაუქროლა სეტყვამ იქაურობას, ნახევარძმასავით გააპო ზვრები ჩაჩხაანისა. მიტკალივით ჩაახია ერთი ნახევარი და სიმწიფეში შესული რქაწითელის ჯილდოსფერი მტევანი საღორედ აზილა დედა-ძიწაში; ბინდისას მოხდა ეს ყველაფერი, ქურდულად მოხდა...

ღამით ვარსკვლავი აკიაფდა დამსხვრეულ კრამიტებში. დილისათვის უმანკოსავით მოიკრიალა კაბადონმა, მზის ცხოველმა ჩამოსცინა დედამიწას, ლაშქარგადავლილივით აოხრებულ ზვრებსა და

გლეხის ცრემლმიმატებული მტევანი ყინულთან ერთად იწურებოდა დედაშიწაზე. ალაფებული მოტკბო ღვარები ფერმებისაყენ მიეჭანებოდა, წუნწუხში ერეოდა და ალაზანს ადიდებდა.

არა იყო რა სადიდებელი...

დაძმარდა ნახევარსოფელი...

თვალწინ განახევრდა და გაცუდდა პირობა.

ჩასაბარებლად შეთქმული ორი ათასი — ათასად იქცა, პირის გატეხა იქით იყოს და, ნახევარსოფელი პირამოხახული და უდღე-გრძელბელი რჩებოდა.

შეყვითლებული ძველი არყით დაითვრნენ დაზარალებული გლეხები და სულ ხმამალლა, უჩოთიროდ აგინეს ზეცას თავის მთვარე-ვარსკვლავიანად.

ამ ღრიანცელში მოევლინა ბარამანთ ლადო დაზარალებული მეზობლების სიმწრის სუფრას საკუთარი პურ-ღვინოთი. „მეც თქვენთან ვარ, ბიჭებო!“ — დაიძახა ლადომ და სათავისო ზედაშეთი გამეტებით შეუესო დამშრალი ჭიქები. სასხვისოს მიტანა ვერ გაბედა ბაზრიკაცმა.

გრძელი სუფრის ერთ მხარეს დაზარალებულები ისხდნენ, მეორე მხარეს კი გადარჩენილი მამულის პატრონები. ლადოც გადარჩენილების სიაში იყო, ნასეტყვის მიჯნაზე მოჰყვა ბარამანთ ლადოს ვენახი, დაუზარალებელ მეორე ნახევარში...

თავმჯდომარემ ცოტა ხნით შემოიარა, იჯდა კრიქაშეკრული, არც დაუღევი, არც გაუღეკია.

„მეც თქვენთანა ვარ, ბიჭებო!“ — კვლავ დაიძახა ლადომ. ნეტა რა მოარბენინებდა და რა აყვირებდა, ამ კუჭბაწარასა, ამასა, კაცმა რომ თქვას სახელშელახულმა, გზასგაკრულმა გლეხმა, წახდენილი სახელის აღსადგენი ჟამი იყნოსა და ჩავაბარებ, უკლებლივ ჩავაბარებო! — დაიძახა და მერეც სულ იძახდა. კარგა კი ჰქონდა გამჯდარი სასმელი ძარღვებში. ერთი ხელადა სულმოუთქმელად გამოსცალა სახლში, მამულის გადარჩენის სიხარულით წამოგზნებულმა, მეორე ხელადაც დაზარალებულთა სუფრაზე შემოელია და როცა შეეჭვებულმა თავმჯდომარემ დანისლული მზერა მისკენ გამოაძოვა, ერთხელაც მაშინ დაიძახა, „ჩავაბარებ, უკლებლივ ჩავაბარებ, ბიჭებო!“..

სხვა ჭიაცა სჭამდა ბარამანთ ლადოს, თორემ მარტო სოფლად სახელის მოხვეჭისათვის ამ ნაბიჯს არ გადადგამდა, არა. ეს მეორე და მთავარი ჭია ქალაქში მაცხოვრებელ, დაოჯახებულ ვაჟთან უბ-

რად ყოფნა იყო. თავისი კუქბაწარაობითა და წყალ-წყალა წანწალ-
ლით ისე გაეზადა საქმე, რომ ერთადერთი ვაჟიც გასხვისებულვიით
ცხოვრობდა დედაქალაქში და შინისაკენ ფეხდამძიმებული უმამა-
პაპოდ ზრდიდა შვილებს...

„მგელმა თქვა, ქორწილს ვაპირებ,
ღვინო ჩავასხი ნასეტყვის...“ — ცისარტყელასავით ააკრეს შვიდ-
ხმიანი გამწარებულმა გლეხებმა.

„ჩავაბარებ, უკლებლივ ჩავაბარებ!“... — შემოთავსებულ სიმ-
ღერას დააყოლა ლადომ და შინისაკენ გამოსწია.

„მგელმა თქვა... მგელმა, მგელმა თქვაა“, — გზა-გზა ღიღინებდა
ძხარში გასწორებული ლადო. ცოლს არაფერი უთქვამს, ისე შეხე-
და ერთი შეხედვითა და მერე ლოგინი დაუგო. კიდევ შეხედა, როცა
ლადო აღარავის უყურებდა.

მეორე თუ მესამე დღესაც, მანამდე უჩვეულო, მოკეთილო ზრ-
ახვებით შეზარხოშებულმა ლადომ საერთო კრებაზეც იძახა: „ჩავა-
ბარებ, წმინდად ჩავაბარებ, ბიჭებო!“

„ღვინო ჩავასხი ნასეტყვი“, — ღიღინებდა კრებიდან წამოსული
ლადო, ჭირკისჯანიანი ორმოცდაათი წლის თაღლითა გლეხკაცი, თან
იღლიაში ამოდებული ადგილობრივი პაწია გაზეთის დიდ შეკვრას
ძოატოკებდა. გაზეთებიდან პირობამიცემული ბარამანთ ლადო
იკვირიტებოდა: „არც ეგრეა, ბიჭებო, ხალხნო და სოფელო, როგორც
გგონიათ!“ — იძახდა ორი ლადო იღლიიდან და იღლიის ზემოდა-
ნაც, უპირო თავის სიმრგვალიდან...

დილით, ნაღვლიანი ქუთუთოები რომ განაწება, წინა დღის ად-
გილობრივი გაზეთიდან თავისმა ორეულმა გამომცდელად შემოსკვ-
რიტა, ორი ათას კილოგრამ საღვინე ყურძენს პპირდებოდა ბარ-
ამანთ ლადო ქვეყნიერებასა.

იმ დღეებში ვენახიდან მოკლეზე როდი ბრუნდებოდა, სოფლის
ყველა ორლობე, შუკა და შარა უნდა მოეწლო გაზეთებდაიღლიავე-
ბულს, ტოლებს ეკაფიავებოდა ენამჭრელი, უფროსებს დარიგებასა
სთხოვდა მორჩილად თავდახრილი, ყმაწვილებს კი დარიგებებს
ურთიგებდა გაზეთთან ერთად...

მეშვიდე თუ მერვე დილას რომ გაიღვიძა და გაზეთიდან მამზე-
რალ თავის ორეულს თვალი ჩაუკრა, ერთბაშად ისეთი ცეცხლი
შეუწითო და შეუყეთა მეუღლემ, რომ სულ ტკაცა-ტკუცით წამოაფ-
რინა ლოგინიდან.

— პირობა ცხვირის დაცემინება როდია, შე ცხრაპირავ და ცხრა-

კვდავ. შენა, თანაც გაზეთშიც რომ გამომეჭიმე და ერთი ამბავი შექმენი... აბა, გახედე ერთი, რა ყოფა აქვთ შენს დაბევებულ მუშტრებსა. გასწი, გახედე და პასუხი გაეც მისამარასა, თორე!... არ გესძის, მაგათი მანქანების ჭყვიტინი?! — დასცაცხანებდა დედაკაცი და ცოცხით ფანჯრისაკენ მიუთითებდა.

ვიდრე ლადო ფანჯრიდან გასცქეროდა, იმის ზურგს უკან შოლტვიტო მხუოდა მრავალის თმენით მოღლილი მეუღლის სიტყვა და გასაქანს არ აძლევდა.

— გასწი, უთხარი, რომა წავიდნენ, — რაღაც უსაფუძვლოდ მჩაროშა ლადომ როგორღაც უჩვეულო შემართებით ალესილ მეუღლეს.

— გასწი და უთხარი, ჭირი მომქამეთ იმათაც და შენცა, როგორც შეიპირე, ისე განიპირე! — მიაკაფა ცოლმა...

— მე ვიცოდი, რო სეტყვა მოვიდოდა, ვიცოდი, რო... — ბუზღუნებდა ლადო. — აჰა, ვისიც რა არი, ცალ-ცალკე გაგიხვევ გაზეთში და მომწყდნენ თავიდან!... — თქვა დაბნეულმა ლადომ და ფულის გახვევა იწყო. ყველა გაზეთში ლადო იგრაგებოდა ფულთან ერთად... ცოლს ხმა აღარ გაუცია, ცოცხის ფხაკუნით გაეროდა მეორე ოთახში.

დაბევებული მუშტრის გარდა, ჭიშკარს იქით, მეზობლებიც დატორლიალებდნენ სასეიროდ...

— იცი, რას გიზამ, იცი?!... — ემუქრებოდა ერთი მუშტარი.

— წელიწადი ატრიალე ჩემი ფული და ახლა, შე!.. — გაცუღებულ ბეს ჯიბეში იჩრიდა მეორე მუშტარი, პირობიან გაზეთს ზედ ცხვირწინ უხვედა ლადოს და თან დახვეწილი ქალაქურით აგინებდა. მესამემ გაიწია კიდევ...

— ჯერ თავო და თავო, მერე კიდევ სხვაო... მე სოფელს ვერ ვუღალატებ, ვერა. ეხლავე რწმუნებულთან დავრეკავ და... ეხლავე! — უკან-უკან იხვედა ლადო...

— იქ არ ჩამოხვალ, ბაზარზე?! აი, მე თუ შენ დახლზე არ გაგრანდო, კაცი არ ვიყო! — მეოთხე მანქანაც გინებით მოშორდა ლადოს ალაყაფს...

სექტემბერი ნელ-ნელა გაშუალდა. სეტყვის მერე ბარე ათ დღემდე მზემ თვალი არ მოხუჭა და ისე დამკრახა გადარჩენილი ზვრები, რომ დღე-დღეზე რთველს უნდა დაეძახნა...

უკვე ვენახში აღამ-ათენებდა გლეხობა...

ერთ საღამოსაც ბარამანთ ვენახის ბოლოზე, სახრავი ატმის

ქვეშ გამართულ ქოხში, კრაწანთ კოტორამ მოაკითხა ჩალის კონაზე დაპირქვევებულ ლადოს, ხმაამოუღებლივ ჩამოუჯდა სახელდახელო ტახტზე და კარგა ხანს გინგლს აცლიდა ატამს მუხლისთავეზე.

— მეტის გაჩერება აღარ შეიძლება, დაგვიჭამეს კრაზანებმა, — ამოსთქვა ბოლოს კოტორამ და ლადოს ფერხითი შეხორებულ ატამის კურკას კურკა მიამატა. ლადო ისევ ისე იწვა პირქვე და ჩალას ლექავდა წინა კბილებით.

— მუტარი მოგიყვანე, მანეთნახევრიანია მგონი, — ამოსთქვა ბოლოს კოტორამ, წამოდგა და ქოხის კარებში გაჩხირა.

— არა მეკითხება რა! — თქვა ლადომ და დამბალი ჩალა გამოაფურთხა.

— ეგება წაამატოს კიდევ, მონდომებულია, — თქვა კიდევ კრაწამ და ილლიდან გამოხედა მეზობელს: ლადომ არა უპასუხა რა...

— მა, ლელვის ფასად ჩავაბაროთ დუნიასა?

— შენი მიეცი, — თქვა ლადომ და წამოდგა.

— ჩემი არა ყოფნის, მეტი უნდა, მგონი აბაზსაც წაუმატებს, — აედევნა ლადოს კოტორა.

რიგთაშუა ვილაც შავპოსლიკა, უცხო კაცი ისვლიპებოდა, კრაწა და ლადო შენიშნა თუ არა, მაშინვე მათკენ გამოეშურა.

— ერთ კვირაში ჩამოვალ, ბეს მთლიანად გაძლევთ, — შორიდანვე დაიწყო მუშტარმა, მტევანს უქანასკნელი კიმპალიც შეასვლიპა, მერე ნასვლები გადაადგო, წებოიანი ლადოს ხელის მტევანს შეაწება უბოდიშოდ და განაგრძო:

— ყირიშში, ჩორჩი კამნის ბელმუსკატზე ეგრე იციან: მტევანს ყუნწში გადაგრეხავენ ორ-სამჯერ, მაგრამ ზედ ტოვებენ: ერთი კვირის შემდეგ კრეფავენ და მეც ეგრე მინდა, სწორედ, როგორც ყირიშშია, — დაამთავრა შავპოსლიკამ, ზედ ცხვირწინ გასვლიპა ახალი მტევანი და თავისუფალი ხელით ათმანეთიანების წითელი შეკვრა დაუძრო უბიდან ლადოს დასაბმელ-დასაბევებლად...

— შენ რა, კაკლის მურაბა გინდა? — ლადომ მუშტარი მიატოვა და ქვემოთ ჩაუყვა რიგსა.

— გაშრობისას დაგიმატებ, — აედევნა შავპოსლიკა...

— არ გამოვა, სიტყვა ილლიაში მიდევს, — თავი გაიქნია ლადომ.

— შენი სიტყვა ჩემს ილლიაში იყოს, — სხარტად აართვა გაზეთი მუშტარმა. ლადო შემობრუნდა.

— ჩემი სიტყვა კიდევ შენ ილლიაში იყოს, — იმავე წამს მუშტარმა ათმანეთიანების შეკვრა დაუილლიავა ლადოს.

— არა, არა, — ლადომ ფული უკანვე გაუწოდა.

— სად ათი შაური, სად კიდევ მანეთ-ნახევარი, შე კაი კაცო! — ნაბიჯი წინ წადგა მუშტარმა.

— არა, — თავი გაიქნია ლადომ.

— აბაზიც შრობისა იყოს, რუბსემდისიტ, ჯანი გავარდეს.

— ვერა!

— რუბვოსემდისიტ, კაცო!

— არა... — ძნელად თქვა ლადომ.

— ვა, ძირიანად ხომ არ გართმევ, დევენოსტო?!..

— არა... — უფრო ძნელად თქვა ლადომ.

— ნუ გადაგრეხავ, ეგრე იყოს, როგორც არი, — სულ ახლოს მიიწია მუშტარმა ლადოსთან და კვლავ შეუტია შეკვრით.

— გესმის, ლადო! — ამოიხრიალა კრაწამაც.

— არა! — გაბმით თქვა ლადომ და სულიც შეუგუბდა...

— ხვალ მოისხამს, ჩააბარე, ზეგაც ჩააბარე, ვა! — არ ეშვებოდა შავპოსლიკა და თვალით დასდევდა ლადოს დაკარგულ თვალს.

— ჰა, ლადო! — კვლავ შეუძახა კრაწამ და მანაც ახლოს მიიწია ლადოსთან...

— კილოში ლიტრა-ნახევრის ფასს ვაძლევ და კიდევ უარზება?! არა, არა, წავედით, ძალაა, აღარ მინდა ვა, წავედით! — ახლა მუშტარმა აქცია ზურგი, გასვლეპილი კლერტი ბრაზით დააგდო და გასწია. კრაწა მას აედევნა. ლადომ ღრმად ამოისუნთქა და უსწორმასწორო ტაატით ჩაუარა დამკრახულ ვაზებს, თითოს ოცი მტევანი ება, ზოგსაც მეტი დაუთვალა, ზოგი მტევანი ხელით გამოსწონა, გაიფიქრა, გამოიფიქრა. ერთბაშად მუშტრის დაგდებულ კლერტს დასწვდა და ახლომახლო ჩხები შეათვალა. სწადდა დაედგინა, თუ საიდან იყო მტევანი ართმეული, რომელი მუხლიდან. ბევრი აფათურა შემკრთალი ხელი რქებზე, თვალიც დაძაბა, მაგრამ მტევნის ნაადგილარს ვერაფრით ვეღარ მიაკვლია. მერე თანდათან უკლო ხელის ფათურს და ვაზის წინ მუხლიჩოქზე დაშვებული საკუთარ ფიქრებში ნელნელა გაიბლანდა...

ბინდდებოდა; უმთვარო ღამე დგებოდა, მაგრამ, ღამის ფრინველის წყალობით, ჯერ კიდევ განირჩეოდა ცა დედამიწისაგან.

ძლივს გამართა მუხლი ლადომ, მძიმედ წამოდგა და რიგთა შუა იწყო ბუტბუტი და ბორიალი:

— ჩემი არ არი, ეს ოხერი, ჩემი?! ჰოდა, თითო მტევანი რომ შევართვა, ვითომ ქვეყანა დაიქცევა!..

ამ ფიქრებით დაბორიანებდა ბარამანთ ლადო დაღამებულ ვენახში და ერთი და იმავეს ბუტბუტით თავის აღმოჩენილ აზრს სარს უღვამდა, სხლავდა, ყელავდა, ამავრებდა...

და იმ ღამეს თითო ძირს თითო მტევანი შეართვა ლადომ სულ ფეხაკრეფით, ერთი დიდი გოდორი გაავსო. გოდორი ფრთხილად დაუდო ურემს, მეტის სიფრთხილისათვის სახედარიც კი გამოხსნა და ასე, საკუთარი დაგუდული წევით თავის ვენახში ნაპარავი ყურძენი შინ აიტანა და საწნახელში ჩაცალა...

ყურძენი რომ საქყლეტად გაამზადა, გარეთ გამოვიდა, თამბაქო გააბოლა და ფეხაკრეფით აიარა კიბე ოთახში დღენიდაგ შრომით მოღლილი მეუღლის ქსიტინს მიაყურა და კვლავ მარანში დაბრუნდა. თამბაქო გარეთ ჩააქრო, მარანში არ შეიყოლა ბოლი... მარანქვევრების მოვლა კარგი იცოდა და ყველა ჭურჭელი, — სასხვისოც და სათავისოც, გამართული და ყაიდაში მოყვანილი ჰქონდა. „ერთი ქვევრი, სამკედრო-სასიცოცხლო, როგორ არ უნდა აივსოს კაცმა?“ — ჩაიჩურჩულა ლადომ და საქყლეტი გადაატრიალა.

თაფლისფერმა ღვთიურმა სითხემ ქვევრი თანდათან მოპირა. ვენახიდან წამოდებული მანეულის წკებლები გააწყო ქვევრზე, ზედ ვაზის ფართო ფოთლები დააფარა და სარქველი სანახევროდ მოახშო... ბადაგის სურნელმა გაავსო მარანი, ჰიქა ცალკე ქვევრში დააბინავა ლადომ, საქმემოთავებულები ფრთხილად გამოვიდა გარეთ და მარანს კლიტე დაადო...

მესამე მამლიყვილს ეპირებოდა ჟამი, როცა ლადომ ფეხაკრეფით მიაშურა საწოლს. „საკუთარ ვენახს რომ თითო მტევანი შეამცვრიოს კაცმა და ერთი სამკედრო-სასიცოცხლო ქვევრი შეივსოს, ვითომ ვის რა დააკლდება?!“ ძილისპირულივით ჩაიჩურჩულა ლადომ და ნაჯაფარი ცოლის სუნთქვას თავისი ხვრინვაც მიუმატა...

მეორე საღამოს, ჰარხლიდან დაბრუნებულ ცოლს მარნის გასაღები მოპკითხა ლადომ, საგულდაგულოდ რომ ჰქონდა უბეში გაღამალული. ცოლის უარზე „მე არა ვიცი რაო“, ლადომ ცრუ ქექვა იწყო კუთხე-კუნჭულში, მერე ვითომ ხელი აიღო გასაღების ძებნაზე და ერთი პირობა კლიტის გატეხვაც დააპირა. მერე, გასაღები სადმე ეგდება, კლიტის გატეხვა აფსუსია, თქვა და მზის ჩასვლამდე კარგა ხნით ადრე ვენახს ჩააკითხა. ისევ ისეთი დახვდა ვენახი, გუშინ რომ იყო, არაფერი ეტყობოდა ნაკრეფი. გულშემავრებულმა ღიღინით დაიარა ყველა ვაზი და, მერე, კარგა ხანს მიირთმევდა სახრავ ატამს ქოხში.

ატმის ჭამით რომ თავი შეიქცია, გულაღმა გაიშოტა ჩალის კონაზე და ფიქრი იწყო. ნელ-ნელა ვენახს გასცდა ლაღოს ფიქრი და ძარანი დაათვალიერა. ერთადერთი სავსე ქვევრი ობოლივით ჩამდგარიყო უამრავ ცარიელ ქვევრსა და კასრს შორის. გული გაეწურა და გარეთ გამოვიდა. კიდევ აიარა რიგთაშუა და ერთი, მეტისმეტად დაჯონჯილი ვაზის წინ შედგა გაკვირვებით და დიდხანს უყურა. „კი არ მოჰკლებია, თითქოს მომატებია კიდევცა“, — გაუელვა ლაღოს და დატენილ მტევანს ხელი შეახო. „იქნება გამორჩა წუხელ“, — გაიფიქრა და ახლა მეზობელ ვაზს მიაკითხა. ის კიდევ უფრო მეტად მსხმოიარე და დამკრახული შეეგება პატრონს, ხოლო, როცა მესამე და მეოთხე ვაზმაც ისევ სიხარულით აუვისო გული, „დაგელოცოთ ბარაქა, მარჩენალებო“, — რიხით წარმოთქვა ლაღომ და ცარიელი გოდორი არხეინად გამოიტანა ქოხიდან.

• • •

დიდი ომის მომწელებელ სოფელს, დიდი სეტყვის მონელება რა გასჭირვებია. დიდმა მარანმა მძიმე ზამთრებით შეშინებული პირი გააღო და შარბათის მოლოდინში გაინაბა. კახელი გლეხიკაცის ბარაქამ ნელ-ნელა იწყო დენა. კრაზანამ, ფუტკარმა და ბუზმა საპაერო გზა დაიგდო ვენახებიდან დიდი მარნისაკენ, აბზუებულ მანქანა მანქანას მისდევდა...

გადარჩენილი საკარმიდამოებიდანაც თანდათან დაიძრა დამკრახული, ზოგთაგან გაუბედავად და ჭოჭმანით მიიზღაზნებოდა მტევანი, ზოგთაგანაც უფრო მეტის გაბედვითა და რიხით, აქა-იქაობა სათვალავში მოსათვლელი არც იყო. აქა-იქაობა იმ დიდ ომსაც არ გაჰკვირვებია, შინმოუსვლელთა ოთხასკაციანი დაფა რომ შემოაწია სოფელს საშვილიშვილოდ.

ღამეული თითო-თითობით ისე გამომიკიკნა ბარამანთ ლაღომ საკუთარი ვენახი, რომ მოსამცკრევს დაამსგავსა. გაუთვალისწინებელი შედეგით დამფრთხალი ლაღო საგულდაგულოდ ჩაკეტილ მარანში იმალებოდა უკვე მეორე დღე იყო და ვერც ცოლსა და ვედარც რთველში დედის მიერ ჩამოტყუებულ ვაჟსა და რძალ-შვილიშვილს ვედარ სჩვენებოდა...

— რატომ არ მოგვკვდები და არ ჩავიმარხები, შვილო, ამისი

“შეძყურე! — დაჰკივლებდა ხოლმე დროდადრო ლადოს ცოლი და დაძაპრებული ჰაერით გაედენთილ მარნის კარებს მიეჭრებოდა გამეტებული რახარუხითა და წყევლა-კრულვით. ლადო ამ დროს სუნთქვას შეიკრავდა და მხოლოდ მაშინ, როცა ცოლი კარებს მოშორდებოდა, საჩქაროდ გადაჰკრავდა ხოლმე არაყს და კვლავ გარინდებული მიაყურებდა გარე სამყაროს.

“შემწყრალ-შეუბრებულ მამა-შვილს, შორის ხიდის გადების უკანასკნელი შემთხვევაც დაქარგულიყო. ბურგაუტეხელი მიჰყუდებოდა აივნის სვეტს ლადოს ერთადერთი ვაჟაკი შვილი და დიდი ხნის არგაგონილ დედის ჩივილს უგდებდა ყურს.

„ეგ ცხრაპირა, ეგა, ეგ ცხრაყუდა, ეგა!“ — ჭაქანებდა ცრემლძორეული დედაკაცი და თან მანქანაში ულაგებდა წასასვლელად აბარგებულ შვილსა და რძალ-შვილიშვილს. წლების განმავლობაში უარყოფილ ძღვენსა თუ მშობლიურ წილს...

„აპარატიც მე ვარ, შვილო, დედა შემოგველოთ, გოგირდიცა და სასხლაეიც, თქვენი კენესაზე, მაგისი წყალ-წყალა გარე-გარე ბაზარ-წანწალით ჩამწყდა და ჩამედრიკა შინ და გარეთი, დედა შემოგველოს!... ბრალი მაგისია, რომ ვერც და, ველარც ძმა შეგმატე შვილო. დედამც შემოვევლება ჩემს შვილიშვილებსა, ამ ჩემს კოკრებს, მაგათ უხახავად რომ ჩამოვქვნი და ამოვშრი, რო გამომიკლდეს ადრე და ძალე მამაშენის თავი! განა რამდენ ერთს უნდა გავწვდე, შვილო, საკოლმეურნეო ნორმაშიც ჩემი თოხი ტრიალებს, ისე კიდევ სხვაგანა. ეს ამოდონა საკარმიდამოცა და ვენახიც ხომ ჩემს კისერზეა და ჩემი საჭირბოროტოა, მაპატიე, შვილო, შევცდი, რომ გაზეთში ნათქვამი მაგ შავუყულმართის სიტყვა მოგაწოდეთ და ტყუილად ჩამოგიყვანეთ, დედა შემოგველოთ!“

მოსთქვამდა ლადოს ცოლი, თან კიბე ჩამავალ შვილიშვილებს კოცნით ჩასდევდა.

მარანში ჩაკეტილი ლადო, ჭუჭრუტანასთან მისვლასაც ვერა ბედავდა. გონებაწართმეული მიჰკერებოდა პაწია მაგიდას და არაყს უჰკაჭუნებდა. დაცლილი არყის ბოთლი დაგორებულიყო გაზეთზე, რომლიდანაც ლადოს გაცრეცილი, დალაჭავებული სახე იცქირებოდა.

დაძაპრებულ ქვევრებს მწყრალი ბუყბუყი გაჰქონდათ და გამეტებული ძალით ანთხევდნენ ერთის შეხედვით უმანკო ამონასუნთქს.

„ყირიშში რომ გადაგრეხავენ... დაშაქრებული, სუფთა წვენი...

სამკედრო-სასიცოცხლო ერთი ქვევრი როგორ არ ჩაასხას... ჩავაბარებ ხვალ, ზეგაც მოისხამს და ჩავაბარებ, სულ, სულ!..“ — ლულ-ლულდება ლადო მაქრის ნადული ჰაერით უზომოდ დაჭირხნილ მარანში და როგორღაც უჩვეულო, ზედმეტად გადამძიმებულ თავს უხახუნებდა შეჭუჭყული გაზეთიდან მაკქერალ დალაქავებულ თავის გამოსახულებას...

• • •

მანქანა დაჰკოცნა თვალცრემლიანმა დედამ და მანამდე გასცქეროდა შარას, ვიდრე არ მიეფარა... მერე შინ შემობრუნდა, ერთი კიდევ მიაწყველა მარნის დაგმანულ კარებს და ჩაწყვეტილი ნაბიჯით აიარა კიბე, შვილის ნაყუდარ სვეტს შემოეხვია და შეუკავებლად აქვითინდა...

შეორე დღეს როგორღაც უჩვეულოდ დამძიმებულიყო ბარამაანთ აივანი მეზობლებითა. იდგა ჩოჩქოლი, მიმსვლელ-მომსვლელი ემატებოდა, ეზოც ივსებოდა, ეზოს პირიც. მიდიოდა და მოდიოდა ხალხი. ერთმანეთში გადალაპარაკებით. ბინას მიტანებულები ხმას დაუწევდნენ და ჩურჩულით შედიოდნენ ეზოში. ისევ იმ სვეტს მიკყუდებოდა ლადოს ცოლი, გუშინ რომ დაჰკოცნა შვილისა და რძალ-შვილიშვილის გასტუმრების შემდეგ... დიდ ოთახში გამართულ თალხსაფრიან ტახტზე ბარამაანთ ლადოს ასწორებდნენ მეზობლები. თავის ასამაღლებლად ლადოს ნაყიდი გაზეთების მთელი შეკვრა შეედოთ თალხი საფარის ქვეშ. შვილის წასვლის ღამეს დაძაპრებულ ქვევრებიდან ჰარბად ამონასუნთქით მოგუდულიყო დახშულ მარანში უპირო, კუჭბაწარა ლადო...

მესამე დღეს ისევ მოადგა შვილიშვილებით შევსებული მსუბუქი ავტომანქანა მამისეულ ეზოს. გაუგებარი პაპის გაუგებარი წასვლით დაბნეული ბავშვები მორჩილად ადიოდნენ ხალხით დამძიმებული სახლის კიბეზე.

ს ა რ ა მ ვ ი

ძროხის ქურდი	3
გუდოკა და თითქმის დედოფალი-დედო	30
თაგვიონი და ვირთაგვიონი	43
მერცხლები	58
კურდღლის სიმღერა	98
სინოს წითელი ხარები	179
ღურღო გიორგობისთვისა	189